



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

d-27

Lucy
991

N^o 465.

211. 5

m 3

N^o 835.

2013

265

Բ Ե Լ Ի Ս Ս Ը Ը



114
991

~~114~~
114
33368

ՎԻՊԱՍԱՆՈՒԹԻՒՆ

Բ Ե Լ Ի Ս Ա Ր Ա Յ

Յ Օ Ր Ի Ն Ե Ա Լ

Ի ԺԱՆԼԻԷ ԳԱՂԴԻՈՒՀԻՈՅ

ԹԱՐԳՄԱՆՈՒԹԻՒՆ

Հ. ԵԴՈՒԱՐԴԱՅ Վ. ՀԻՒՄԻԻԶԵԱՆ

ԱՐԲԵՊԻՍԿՈՊՈՍԻՆ ՇԻՐԱԿԱՅ

Ի ՄԻԹԱՐԵԱՆ ՈՒԹԵՆ

№ 965-1



835



Ի ՎԵՆԵՏԻԿ

Ի ՏՊԱՐԱՆԻ ՄԻՐՈՅՆ ՂԱԶԱՐՈՒ

1859





ՅԱՌԱՋԱԲԱՆ ԹԱՐԳՄԱՆՉԻՆ

Տիկինն ծանր մատենագիր Վիպասանութեանն ծնաւ 'ի Բորզոնդիա գաւառ Գաղղիոյ, յամին 1746- և ընդարջոյ Հան Զարոյն զարգացեալ 'ի բանասիրականին, եղև դաստիարակ ազատորգւոց ոմանց օրիորդաց: Վասն որոյ բազում դիրս յօրինեաց յազգս դաստիարակութեան, յորոց ընտրեազոյնք են մակագրեալքն Գիշերք ամարանոցի, 'Նժդեհիկք, Ատէլ և Թէո դոր, և Տեսարան դաստիարակութեան: Մեծարեցաւ նա ընդ երեքումքք ևս պետութեամբք՝ ընդ սրովք եկեաց, այսինքն է յաւուրս Պուրպոնեանց և Նաբոլեոնի մեծին և դքսին Օրլէանի: Եւ կատարեաց զաւուրս իւր 'ի Փարիզ յամին 1831:


Գրեաց նա և բազում վիպասանութիւնս, յորոց երեւելա գոյնքն են Ալփնաստ, Գուժ մայրենի, Մարք նախանձորդք, Դքսուհին Վալերի, և Օրիորդն Քլէրմոնի: Ընդ սոսա գասել է և զԲելլեսարայն, զորոյ ընծայեմք ազգիս զԹարգմանութիւն ըստ խնդրոյ բարեխառակ Պարոն Աբրահամու Ազանուրեան, որ նախ քան զհրատարել իւր 'ի կենցաղոյս՝ արար զենդիրս զայս ըստ բանասէր իւրոցն ըզձեց:

Ի վիպասանութեանս յայսմիկ ոչ սակաւ փայլէ Հանձար տիկնոջ մատենագրի: Եւ թէպէտ չեցէ սա զերժ 'ի թերութեանց, սակայն զուարճացուցանէ ըստ բաւականին և խրատէ, որ են կարևոր պայմանք վիպասանութեան: Ժամանակն յորում եկաց Բելլեսար, է մի 'ի կարևոր դարուց պատմութեան. զի յաւուրս Յուստինոսի Ա և Յուստինիանոսի փառք և մեծութիւն հռովմէական որ արտասպեալն էին՝ արծարծեցան անդրէն, և մերջին փայլումն նորա ճառագայթեալ առ Յուստինիանոսիս՝ շեջաւ 'ի սպառ յետ մահուն Բելլեսարայ:

7802



991-2013
ԿԳՑԵ



Բեղիսար էր ստարապետ զորացն Յուստինիանոսի . առ ե-
 չար զպատերազմն ընդդէմ՝ Գապաթեայ արքային Պարսից , և
 դաշինս ընդ նմա կռեաց փառօք յամին 532 : Ի միւսում՝ ամի
 զորավարեալ ընդ ծով , նուաճեաց զՎարքեդոն , խաղաց զնայ
 ընդդէմ՝ Գեղիսարայ՝ Թադաւորին Վանդալաց . հնազանդեաց
 զՄաւրիստանացիս , և խորտակեալ զՎանդալս՝ կալաւ զԳեղի-
 սար , և գերի վարեաց զնա առաջի յաղթական կառացն :

Յետ այսորիկ առաքեցաւ յինքնակալէն յապաղա ընդդէմ
 Գոթաց . և հասեալ յեզերս Սիկիլիոյ՝ կալաւ զՎատանա , զՍի-
 բակոսա , զՊանտրոմն և այլ քաղաքս բաղունս , և որ բունի , և
 է որ՝ ՚ի հաւանութիւն անեալ : Խաղաց ապա ՚ի Կէսպոլիս , և
 նուաճեալ զայն դիմեաց անտի ՚ի Հոռովմ , և զբանալիս քաղա-
 քին յոյեաց առ ինքնակալն : Արքայն Գոթաց Աստուածատուր
 անկաւ ՚ի մարտի անդ , և յաջորդեալ նմա Վիտիգէս՝ եկն սպ-
 շարէլ զՀոռովմ՝ Բեղիսար յաղթեաց նմա պատերազմաւ . և
 վանեալ զնա ՚ի հաւաննա՝ կալաւ զքաղաքն . և հրաժարեալ
 ՚ի Թագէն՝ զոր պարտեալքն մատուցանէին նմա , ան զՎիտի-
 գէս ՚ի Բիւզանդիոն . ուր ժողովուրդն առ հասարակ արար
 սոն ցնծութեան , փրկիչ տէրութեանն կարգադով զԲեղիսար :

Յետ սակաւ աւուրց խաղաց ընդդէմ՝ Խոսրովայ արքային
 Պարսից . և վանեալ զնա , դարձ արար յապաղա ընդդէմ՝ Ատ-
 տիլայ՝ որ յաջորդեալն էր Վիտիգէսի արքային Գոթաց . և խա-
 փանեալ զաւեր Հոռովմայ , եմուտ վերստին ՚ի քաղաք անդր =
 Կոյն ինքն և յալիս ծերութեան վանեաց զՏէնս ՚ի Հոնաց աշ-
 խարհէն :

Ընդ այսքան բարեբաստութիւն նորա նախանձեալ աւագա-
 նոյն , ամբաստան եղեն զնմանէ առ ինքնակալն իւր Թէ յինքն
 հնարէր նա ձգել զինքնակալութիւնն : Եւ ինքնակալն կասկա-
 ծոտ՝ ընկէց զնա ՚ի պատուոյ , կապտեաց ՚ի Թիկնապահաց , և
 յայն կարօտութիւն զնա հասոյց՝ մինչև ընդ գոհնս Բիւզան-
 դիոյ մուրանալ նմա հաց : Յայսպիսում՝ աղէտս վճարեաց նա
 զկեանս իւր յամին 565 :

Զքաղութեանց և զյաղթանակաց Բեղիսարայ միաբանեն
 պատմագիրք . այլ անկանել նորա ՚ի շնորհաց ինքնակալին և
 վախճան նորա ոչ միօրինակ աւանդի : Վէպք պատմեն և յաջաց

իսկ զնա զրկեալ մահանօք սոխացն , այլք անկեալ զնա ասեն
 ՚ի շնորհաց՝ այլ ապա անդրէն ՚ի վեր տուեալ , և փառօք և խա-
 դալութեամբ վախճանեալ ՚ի Կոստանդնուպոլիս : Բայց է ցարդ
 ՚ի քաղաքի անդ աշտարակ մի առ ծովեզերք յանուն Բեղիսա-
 րայ անուանեալ , և պատմի զի յորժամ կայր նա անդ բան-
 սարգէլ , կախէր ՚ի վերուստ անտի պարի՝ ազերս առ անցա-
 ւորս արկանեալ : Տնէք ողորմութիւն Բեղիսարայ , զոր մա-
 խանք կուրացուցին : Պահէն ցարդ գրամբ յաւուրս Յուստի-
 նիանոսի հասեալք , ՚ի մի դէմն ընդունելով ինքնակալին դար-
 ձաւոր ՚ի յաղթանակէն Գոթաց զԲեղիսար , և ՚ի միւսումն
 պատկեր զորավարին , և շուրջանակի արձանագրեալ « Փառք
 Հոռովմց » :

Մատենագրի վիպասանութեանս զանտուգութիւն իրացն
 յօգուտ արկեալ , առ ՚ի զերծուցանել ՚ի նախատանաց զինք-
 նակալն՝ որոյ անգթութիւն ինչ ոչ ուրեք պատմի գործեալ ,
 զանողորմ պատուհաս կուրութեանն Բեղիսարայ՝ որ զամս ե-
 րեսուն մեծարեալն էր յինքնակալին և ՚ի սէր նորա վայելեալ
 արկանէ ձախողակի զմերովս Կերսիսիւս , պատճառս առեալ
 ՚ի մախանաց աւագանոյն ընդ Բեղիսարայ , զոր աւանդեն հա-
 ւաստեաւ պատմիչք , և ՚ի գժտութենէն՝ որ անկաւ ընդ նա
 և ընդ մերս Կերսէս յԱրիմեոն քաղաքի Խաղիոյ , ՚ի վանել
 նորա անտի զգոթացիս ¹ :

Բայց Թէպէտ մատենագիր վիպասանութեանս որպէս յայսմ
 մասին՝ նոյնպէս և յայլ մանրապատում հանգամանս քերթուլա-
 կան համարձակութեամբ վարի , սակայն պահէ զճշմարտու-
 թիւն ՚ի գլխաւոր մատուցան պատմութեան և ՚ի նկարագիրս
 անձանց՝ զորս աստ ՚ի ներքս մուծանէ : Այն զի և նկարագիրն
 իսկ տուեալ ՚ի նմանէ Կերսիսի՝ ոչ յոյժ օտար թուի ՚ի ճշմար-
 տէն . զի ոչ հաւատարիմ՝ գտաւ նա առ ինքնակալ տէր իւր , և
 զի ոխայր նա ընդ Սոփիայ զէլնոյի : Քանզի յասել երբեմն
 Սոփիայ զնմանէ՝ Թէ ՚ի ճահ ևս էր կիսառն (քանզի ներքինի
 էր Կերսէս) իլոյ պարսպել ընդ կանանին՝ քան զինուորել ,
 պատասխանի ետ Կերսէս սպանակօք . Թէլս այնպիսի մա-
 նեցից , զորոց գժուարաւ կարացէ նա լուծանել զհանգոյց :

1 Պատմ. Հայոց . Բ . 267 :

Զգլխաւոր թերութիւն վկայասնութեանս ինքնին իսկ տի-
կինն մատենագիր խոստովանի 'ի տեղոջ իւրում' 'ի ստորագիր
զեկուցմունսն : Իսկ ընդհանուր թերութիւն նորա է տիարու-
թիւն ոճոյ , և թափուր 'ի քերթողական գեղոյ տիպք կերպա-
րանաց բանից , և իմաստիցն յաճախ նուաստութիւն , մինչև
ուրեք ուրեք 'ի մանկական իմաստս զառածանել : Հանդերձ
այսու ամենայնիւ ճաշակս այս մատենագրութեանց նորա յոր-
դորեսցէ զվերագնեայս 'ի բանասիրութիւն , տեսանելով նոցա
զտիկնայս իսկ օտար արգաց աջողակի պարապեալ 'ի նոյն :



ՎԻՊԱՍԱՆՈՒԹԻՒՆ

Բ Ե Լ Ի Ս Ա Ր Ա Յ



Գ Լ Ո Ւ Խ Ա .

Սրբոյ խաղաղութեան օթևան , ո՛ր անապատ .
արհաւիրք որ զամբոխ մարդկան աղմկեն , անզօրք
'ի խոսիլէլ զքեզ՝ քաղցրագոյն ևս զանյեղլի բեր-
կրանս քո գործեն : . . . Օ այս այսպէս յահագ-
նասաստ մրկի ոմն 'ի միայնակեցաց 'ի թեբայիդ ,
տոհմիկն երկիւղածն Մրկադիոս , ըստ ամին օրի-
նակի իմաստասիրէր : Գառնայր գայր նա 'ի տա-
րածամու 'ի Հերակլիա քաղաքէ . և մինչդեռ աս-
պարիզաւ իբր կիսով հեռի էր նա յայրէ իւրմէ ,
մրրիկ ուժգին կարկտախառն հարկեցոյց զնա ա-
պաստանել ուրեք ընդ ծառով : Այրիկ մի , և
ահա դադարեաց հողմն . երկինք և այերք թուէին
հրայրեացք բորբոքել . շանթք առանց որտաձայն
շառաչմանց գործէին շուրջանակի ահեղ երև-

մունս , երկայնաձիգ լուսաշաւիղ փայլատակամբ
 ծիրանափայլ պայծառացուցեալ զամսո՛ որք 'ի
 նսեմաստուեր գիշերին իբր յորձանք հրեղէնք և
 դունդբ բոցանիւթք երեւէին : Ս'ինչդեռ միայ-
 նակեացն յեց 'ի յարմն սուսոյ՝ խաչանիշ թևս 'ի
 կուրծս ամփոփեալ , դիտէր անխուով զահագին
 տեսին , և ահա շարժեալ սասանեցաւ երկիր :
 Բա՛բէ , ասէ , տիեղէրք արդեօք քայքայեալ
 լուծանին : Բարձրեալ տէր , ձեռն քո հզօր՝ որ
 եդ զհիմունս երկրի՝ մի արդեօք տապալիցէ զայն ,
 մի արդեօք ածիցէ սպառուած յաւիտենիս : Բ-
 ւա՛ղ , յորպիսի արհաւիրս աղետից ըմբռնեալ
 կայցեն ազգ մահացուաց . ամենողորմ տէր , ծա-
 դեա զլոյս քո 'ի նոսա , չե ձեռն արկեալ 'ի հա-
 բուած : Իսկ մեր աստանօր զինչ այլ ինչ են
 կեանք , բայց ակնկալութիւն յաւիտենիցն կե-
 նաց . օրն գատաստանի ոչ ածցէ այսր ապշու-
 թիւն զարհուրանս և վրդով հրեշտակն սատա-
 կիչ չգտցէ ինչ աստ 'ի հարկանել , յաճիւն գար-
 ձուցանել , ոչ արձանս ամբարտաւանութեան և
 փառամոլութեան մարդկան , ոչ շինուածս մե-
 ծակառոյց , և ոչ շիրիմս կճեայս և պղնձաձոյլս :
 Բ'ստ հողախշտիք հանգստեան դալարաբոցսք 'ի
 սփիւռս անապատիս բացցին մտադիւր 'ի ձայն
 տեառնագալուստ փողոյն . զարթիցեն ցնծու-
 թեամբ եղբարք մեր 'ի դիրկս կրօնից ննջե-
 ցեալք . ելցեն լուսափայլք 'ի գերեզմանաց դաշ-
 տավայրիս , որպէս շուշանք պերճապայծառք 'ի

ծոցոյ կանաչադեղ հովտաց վերըմբերձիկք :
 Օ միայնարանս զայս նուիրեալ խաղաղութեան
 ոչ խառվեցուսցէ , ոչ տիեզերաց բնաջինջ կորուստ ,
 և ոչ համաշխարհական վերկենցադումն , հազիւ
 զխոր լուութիւն անապատիս լուծեալ :

Եւ 'ի խօսել զայս միայնակեցին՝ ցածեաւ 'ի
 սպառ մրրիկն , և նա դարձեալ զնայր զձանադարհ
 իւր : Բ'յլ 'ի խաղալ վայրիկ մի յառաջ կառեաւ
 յանկարծ սասանեալ , և առաւել յոյժ յապուշ
 հարեալ ընդ ձայնն զոր լսէր . քան ընդ բնաւ օ-
 դային երեւոյթս :

Օ ի բարբառք անլուրք յականջալուրս նմա
 անկանէին . լեզու մարդկեղէն անէծս կարգայր ,
 արարածոյ աստուածընդդէմ բողոքելով : Յակ-
 ճիւս եկաց , յառաջ մատեաւ . և յողջամղջին
 գիշերի անդ 'ի շողիւն փայլական ետես մօտ առ
 իւր տեսիլ անակնկալ աղետալի , ծերունի շղթայա-
 կապ կաշկանդեալ 'ի ժայռ , և գոչեաց . Բւա՛ղ ,
 պղծեցաւ յոճիր եղեռան սրբութիւն անապա-
 տիս . հնապա , քաւեսցուք մերովսանն զայն : Եւ
 մատուցեալ առ վատշուէրն , ասէ . Գու՛ ճվէս :
 Եւ երունին ասէ . Օ ոչ ատելութեան և ապե-
 րախտութեան : Ս'իայնակեացն ասէ . Եւ ո՛ ըզ-
 քեզ յայդ աղէտս հասոց : Եւ երունին ասէ .
 Բ'բբանեակք բռնաւորին . այլ քեզ զի՛ փոյթ է :
 Ս'իայնակեացն ասէ . Յանկալի է ինձ ազատել
 զքեզ : Եւ երունին ասէ . Եթէ՛ յուզին դուձք
 'ի քեզ , խօսեաց զվրէժինդրութենէ ընդ իս :

Մնապատահանն ասէ : Մյգ բարբառ անծանօթ է յանապատիս : Ծերունին ասէ . Եւ ո՞ւր իցեմք : Միայնակեացն ասէ . Մբբ , և չցիտիցէս : Ծերունին ասէ . Բարձին զլոյս աչաց իմոց : Միայնակեացն ասէ . Վստմնեցուցանես զուկերս իմ . Եկ լեր ընդ իս բնակակից , թող արահնձ խզել զշղթայս քո : Ծերունին ասէ . Որ ապիկարդ ես 'ի սպառազինել զբազուկ իմ , թող զիս : Միայնակեացն ասէ . Ոչ թողից զքեզ , ծերունիդ հէք և աւաղելի . 'ի խորս անապատին թաքայիղայ անկեալ կաս : Ծերունին ասէ . Ի բարբարոսաց ձգեալ կամայսր . վրէժք յերկնից հասցեն նոցա : Մնապատաւորն ասէ . Մի , ո զորմութիւն և եթ կարգալ է աստ յերկնից . 'ի սրբանուէր անապատիս սիրտ բեկեալ և հոգի խոնարհ ոչ այլ ինչ մաղթէ , բայց զներել թողութեան : Ծերունին ասէ . Չեն և չեն ինձ կամք մեռանել անշուք յանապատիս . ընդունիմ զչնորհ քոյին : Յայնժամ միայնակեցին խզեալ զշղթայս նորա , զի դեռ յուժի կայր , ելլծ զծերունին . և զձեռանէ կալեալ , ած զնա 'ի քարայր իւր :

Գ Լ Ո Ւ Խ Բ .

Արկաղիոս մտեալ 'ի քարածերպ բնակարան իւր գեղջուկ , նստոյց զծերունին 'ի մամռապատ բազմոցի . և լուցեալ ճրագ , ած ջուր ականակիտ 'ի կոնք խեցեղէն , և 'ի ծունկս խոնարհեալ հիւրոյն՝ լուանայր զոտս նորա : Ծերունին վաստակաբեկ լուռ և եթ կայր . դէմք նորա մեծավայելուչ և պատկառելի զդառնակսկիծ աղէտս նորա և զճանրացասումն սրտմտութիւն միանգամայն յայտ առնէին : Օջրմանայր մանաւանդ քան թէ գորովէր ընդ իննամս անապատականին . յայն թշուառութիւն հասեալ , զի մարդասէր կարեկցութիւն և բարերարութիւն հիացումն և եթ ազդէին 'ի նա , անկարացեալ 'ի գութ խանդաղատել զնա : Յաւել միայնակեացն . Չունիմ այլ ինչ քեզ ընծայել 'ի ճաշակ՝ բայց արմտի և միրգս վայրի , և խուրձ եղեգան և տերևակոյտ 'ի խշտի : Մյլ իմ կենցաղավարեալ 'ի մէջ մարդկան , և զյեղակարծ արկածից և զբնառ իսկ յեղաջրութեանց դժնգակ բախտին զփորձ առեալ , գտի 'ի փապարս յայտ զհանգիստ քնոյ և զխաղաղութիւն : Յանկարծ լինէր և քեզ գտանել աստ սիրտումն վշտաց քոց :

Ոչ անգգայ 'ի լուր քանիցս այսոցիկ եղեալ
 Տիւրոյն, ասէ . Եւ քանզի կեցեալ է քո յաշ-
 խարհի, չիցէ թերևս անուն իմ քեզ անծանօթ .
 և աստի և եթ զչափ առցես զապերախտու թեան
 և զանգթու թեան բռնաւորին՝ որ զինն հարօտա-
 հարէ . ես ինքն եմ Բելիսար : Յայնժամ գոչեաց
 Բրկադիոս . Բաբէ, դո՛ւ ինքն Բելիսար . զյաղ-
 թո՞ղն Գոթաց և զՍանդալաց Տիւրքնկալեմ ու-
 րեմն յայրիս : Բելիսար ասէ . Բնա վարձք վառ-
 տակոց նահատակութեանցս, ահաւասիկ փոխա-
 րէնք յաղթութեանցս իմոց : Բրկադիոս ասէ .
 Բելիսար ուրեմն մերկ կողոպուտ հալածեալ և
 տարագիր, Բելիսար լքեալ յանշէնս . աւանդ
 մեծութեան մարդկան անցաւորի :

Արկնեալ անդրէն Բելիսարայ ասէ . Բնոյ,
 խաբուսիկ է ինդութիւն մարդկան, յեղյեղուկ
 է բախտն : Հաճոյք միոյ ուրուք բռնաւորի կարօղ-
 են զքաջ և իմաստուն որերոյ տապալել զբախտ,
 այլ ոչ և անհետ առնել զհամբաւ նոցա . նա ա-
 ւանիկ հալածանք 'ի պայծառութիւն փառաց ան-
 մեծի յաւելուն և զխանդաղանս կարեկցութեան՝
 զոր ազդէ թշուառութիւն : Բրկադիոս ասէ .
 Բնոյ աւանդ, զի յեանոց և եթ լիցի այդ դատաս-
 տան . իսկ զհիացումն և զզարմանս ժամանակա-
 կից մարդկան, բազում այն է՝ զի նուազէ կարեկ-
 ցութիւն ազդեալ 'ի թշուառութենէ : Յայն-
 ժամ 'ի վերայ էած Բելիսար . () նապա, տացի
 ինձ որ առաջնորդ, և յաղէտս իսկ՝ յորում

կամս՝ զիտացից պայծառացուցանել զթշուառու-
 թիւն իմ : Բրկադիոս ասէ . Եւ զինչ գործիցես :
 Բելիսար ասէ . Ենդրեցից զվրէժ իմ : Բրկադիոս
 ասէ . Եւ յունմէ՞ : Բելիսար ասէ . Ի բռնաւո-
 ւորէն : Բրկադիոս ասէ . Բնոյ թագաւոր քո է :
 Բելիսար ասէ . Ոչ ևս : Բրկադիոս ասէ . Եւ
 զրժիցէս ուխտի հաւատարմութեան քո : Բելի-
 սար ասէ . Ենդթութիւն նորա ազատ կացուցա-
 նէ զիս յերգմանէս : Բրկադիոս ասէ . Բնոյ
 քրիստոնեայ ես դու, և ոչ ներեն քեզ օրէնք
 աւետարանականք ատել զնա վասն անգթու-
 թեանն . և ըստ օրինաց իսկ մարդկութեան՝
 անգթութիւն նորա հրամայէ քեզ դաւաճանել
 զնա : Եւ իբր էր պետութեանց կալ յակաստա-
 նի, եթէ առ ծանր իրիք հասարակաց փասա-
 կարութեան իշխանին՝ օրէն էր հնազանդելոց
 վտարանջել : Եւ եթէ ժողովրդեան առ հասա-
 րակ պարտ է կալ 'ի հնազանդութեան՝ թէպէտ
 և 'ի պատերազմունս աղետաւորս իշխանն մտա-
 բերիցէ վայրապար, ուստի չարիք յղովք զհետ
 եկեսցեն, զինչ ապա զիւրաքանչիւր ումեքէ պարտ
 իցէ ասել՝ որ ապստամբէն կամիցի և վրդովել
 զաշխարհ : Եւ պարէն Յուստինիանոս արար ընդ
 քեզ անգթութիւն մեծ . այլ միակ եղեան ոչ
 բաւէ աղարտել . զվաստակս ընդ երկար թագա-
 ւորելոյն իմաստութեամբ և փառօք : Ոչ ապա-
 քէն Յուստինիանոս ընդ ամս երեսուն եկաց տէր
 քո և բարեկամ և բարերար : Բելիսար ասէ .

Այլ և ես ընդ ամն քառասուն կացի նմն հպա-
տակ հաւատարիմ, և անճնանուէր բարեկամ.
վտտահացաւ նա յիս գործս արքունի մեծամեծս,
և ես յաւելի նմն թագաւորութիւնս . հրաժա-
րեցի յայնցանէ, առ 'ի նուաճել զնոսա ընդ իւ-
րե . իսկ նա կողոպտեաց զիս յամենայնէ, յետս
էառ զպարգևս իւր զամենայն, այլ դեռևս վայե-
լէ յաշխարհակալութիւնս իմ: Արկաղիոս ասէ .
Ոչ այդպէս, Բելիսար . զպատուականագոյն 'ի
պարգևաց նորա դեռևս ժառանգես: Բելիսար
ասէ . Այլ ո՞ր այն իցէ: Արկաղիոս ասէ . Փառք
քո . ամենայն հպատակ օրինօք բարձի և աւա-
գուծեան հասեալ, թագաւորին իւրում երախ-
տապարտ վասն անուան իւրոյ գտանի: Յուստի-
նիանոս վտտահացաւ 'ի քեզ, և սպարապետ ա-
մենայն զօրացն իւրոց կացոյց զքեզ . եթէ չէր
նորա արդարակորով մտօքն հասու լեալ քումդ
հանձարոյ և բաւականութեան, 'ի սինլքոր զօրա-
կանին կայիր մնայիր դու: 'Ի միայնութեանս՝ յու-
րում կեամ հրաժարեալ յամենայնէ, անկարօտ
իմիք, և անհրապուրելի յամենայն ցնորից փա-
ռասիրութեան և ամբարհաւաճութեան, եթէ
ճշմարտութիւն և եթէ անաչառ տայ ինձ բարբա-
ռել, ներեա խստութեան բանիցս . ցանկալի է
ինձ օգնել քեզ, այլ չկարեմ մարդահաճել:
Բելիսար ասէ . Այլ ո՞րք իցես դու, որ զայդպի-
սի բանս ընդ իս բարբառիս: Արկաղիոս ասէ .
Արացի իսկ, մի 'ի միայնակեցաց եմ, խոյս տուեալ

166-166

յանապատ այսր յերեսաց աղետից՝ որ չարագոյն
քան զքոյսդ են, մի ինչ երկբայիցիս: Բելիսար
ասէ . Բաբէ, և իցեն աղէտք՝ որ հաւասարել
իմոցս կարիցեն . դու վեր 'ի վերոյ տեղեկացեալ
իմոցս գտանիս: Փետայ եմ և հայր . յուշ լինին
ինձ վիշտք և վհատութիւն հարսին իմոյ և դու
տեր . տնանկա զնոսա տեսանեմ կողոպտեալս և
հալածականս . և զիմարդ իցէ ինձ վատութեամբ
տեղի տալ բախտին՝ որ ընկճէ զնոսա: Ոչ, ոչ,
ցասումս յիս կացցէ մնացէ 'ի սպառ անվրէժ,
սակայն մինչ 'ի շունչ վերջին կարդացից զվրէժ-
խնդրութիւն: Ո՛հ, ո՞ տայր ինձ սլանալ հասա-
նել 'ի Բուրղարս, ազգ վայրագ և պատերազ-
մող, որոց յաղթեցի բազում անգամ: Յնձու-
թեամբ ընկալեալ 'ի նոցանէ՝ առաջնորդէի ա-
րիութեան նոցա, և ահա Բելիսար կոյր և տա-
րագիր հասանէր տապալէր զթոռ բռնաւորին:
Այլ մինչ դեռ նա զայստսիկ ահաւոր զօրու-
թեամբ բարբառէր, յոգւոց եհան Արկաղիոս՝
առ 'ի մեծարանս օրինաց հիւրընկալութեան ոչ
ինչ տուեալ պատասխանի: Յարեաւ ապա պատ-
րաստել հիւրոյն սպաս գեղջային . և յետ ան-
պաճոյճ ճաշոյն հանգեաւ քաջագնն հէք 'ի գորգ
պրտուեղէն, այլ քուն հատեալ էր յաչաց նո-
րա: 'Իսկ միայնակեացն մորմօք կարեկից 'ի սրտի
և գոհ ընդ աւուրն նսեհ՝ 'ի քուն լինէր ընկող-
մանեալ առնթեր հիւրոյն, գոհանալով հիաց-
մամբ զաստուածախնամ տեսչութենէն:



Ի վաղիւ անդր ընդ ծագել նշուլից տունջեան՝ ելեալ Մըկադ և Ռեղիսար յայրէն , մեկնեցան վայրիկ մի հեռի ՚ի ճգնարանէն՝ առաւօտին զովացիկ օդովքն վայելել : Ռեղիսար թէպէտ և ոչ որպէս յերէկն պարտասեալ , բայց բուռն ևս ՚ի դառնութենէ ցաւոցն և ՚ի սաստկութենէ վրէժխնդրութեան յուզեալ տաղնապէր : Իսկ Մըկադիոս լուռ և եթ ՚ի լուր բանից նորա կացեալ առանց ընդմիջելոյ , ուր ուրեմն ապա խօսել կալաւ և ասէ . Մըկէ արդ պատմեա ինձ զարկածս քո մանրապատում , և մի անարժան մտերմութեանդ քո համարիր զիս . պատմեցից ապա և ես զիմնս քեզ , և լիցիս թերևս խելամուտ , զի դառնագունից ևս անիրաւութեանց քան զորոց դուդ հեծես՝ ներեալ է իմ : Եւ իբրև սակաւիկ մի հանգիցես ՚ի վաստակոյդ և զօրասցիս գնալ ճանապարհ հեռի , խնդրեսցուք հնարս ելից քոց յանապատէս և դառնալոյ ՚ի տուն առ ընտանիս քո : Մըկ բաց դու ինձ հղանեա այժմիկ զսիրտ քո . հարկ է ինձ գիտել զքաղտնիս քո առ ՚ի կարող լինելոյ օգնել քեզ : Պատասխանի ետ Ռեղիսար և ասէ . Վիտեմ և ես . այլ թոյլ արա ինձ վայ

րիկ մի ամիտիել զմիտս , և ՚ի կարգ արկանել զտխուր յիշատակս արկածից՝ որ անցին ընդ իս : Վիտասցես վաղիւ զամենայն , և դատեսցիս : Բայց բռնադատէին միաք Ռեղիսարայ ՚ի մեծարել զգատաստան անծանօթի միայնակեցին ուրում միայնոյ թերևս յանապատի անդ՝ ծանօթ էր լուր անուան իւրոյ : Վանզի անդր և եթ հասանէ համբաւ , ուր մեծագործութիւնք և քաջա յաղթ արութիւնք հիացմամբ գովասանին . նուազի ձայն նորա ՚ի լայնատարր ամայիս , և յօթեանս լուութեան և խաղաղութեան վէպք նորա չքնաղբ օտարացուցիչս իմն բերեն լսելեաց , և յաճախ ևս վայրոյթ և զարհուրանս : Բայց թէպէտ և այնքանոյ կարեկցութեանն Մըկադեայ հանդիպեալ Ռեղիսար , սակայն ոչ իսկ որչափ թուէրն՝ գտանէր թշուառ : Արք միանգամ ՚ի դգուանս բախտին ընդ յամայր ամս յարատեալ պայծառանան , ՚ի կարի իսկ դժնդակ արկածս նորին գտանէն սիրտանս իմն անծանօթս սինլքոր մարդկան : Սովորեալք ՚ի բազմաց հետէ վստահել ՚ի նա , սքանչելեաց ակն ունին ՚ի նմանէ յամիտիել իսկ նորին զամենայն նշոյլ յուսոյ ՚ի նոցանէ : Ռեղիսար սրտի մտօք ցանկայր վրէժխնդրութեան . և թէպէտ մերկ և կողոպուտ յամենայնէ , թէպէտ զուրկ յաչաց և սահեալ նժգեհուութեամբ տարազիր յանապատս՝ խոռոչ մի և եթ լերին ունելով իւր ապաւէն , և օգնական ոչ զօր բաց ՚ի միջէ ճգնաւորէն , սակայն մտաբերէր

վեր 'ի վայր տապալել զինքնակալութիւն մեծ : Բարեբախտութիւն երկարատև և հրաշագան յաջողութիւնք յուսացուցանէին զնա՝ հզօր և անյողզողդ կամօք յաջողել 'ի դէպս նորանշանս 'ի յեղափոխութիւն յաւերժ անմնաց : Մատնեալ 'ի բախտէն , սակայն բարք իշխանական չէր ինչնուագեալ 'ի նմա 'ի բնաւորական յանգրգնութենէն , այլ մանաւանդ թուէր յաւելեալ 'ի զօրութիւն ըղձիւք յառնելոյ փառաւորապէս 'ի չարաշուք և 'ի յուսահատ կործանմանէն : Բելիսար բարեգութ 'ի ծնէ և երախտագէտ , ոչ այլ ինչ կիրս ցայն վայր կրէր 'ի սրբտի՛ բայց զվէ՛հ և զազնուական փառասիրութիւն առնելոյ իւր անուն հաւատարիմ տիրասիրութեան և արիական քաջութեան : Աստակրօն 'ի բարս , մարդասէր , անփոյթ իւրումն օգտի , անխոնարհելի 'ի կեղծաւորութիւն , կարող էր նա քաջի առաքինւոյ անթերի օրինակ արձանանալ , եթէ գոռողութեան չէր աղաւաղեալ 'ի նմա զայնքան գեղեցիկ բնաւորութիւնս : Գոռողութիւն չածէ երբէք յաչս մարդկան ստուերածս փայլման վեհանձն զիւցաղին ցորչափ բարեբաստիկ է նա և յաջողեալ . քանզի ամբարհաւաճութիւն և սնապարծութիւն շիթիւն անդ ընդ վեհանձնութեան : Մ.ՅԼ 'ի ձախողակա՛ կեղծ առաքինութիւնք ոչ զայս պատրել կարեն , և ոչ բաւել անձին :

Բելիսար անկեալ 'ի փառաց , 'ի վրէժխնդրու-

թիւն և եթ խորհէր . գոռողութիւն բաւնայր 'ի նմանէ զգօրութիւն հնազանդելոյ ճակատագրին , և համարէր վեհանձնութիւն զեղեռնաւոր խորհուրդս ցասման իւրոյ : Մ.ՅԼ յարկածս անհնարինս տիրապէս մեծանձնութիւն այն է՝ անվրդով և անհրապոյր ակնարկել 'ի բախտն , և բերել նմին համբերատար :

Գ Լ Ո Ւ Ւ Գ .

Եւ սկսաւ վիպել Բելիսար , և ասէ . Որպիտի ինչ դառն յիշատակք 'ի միտս իմ դառնան : Ոչ այնպէս վիշտ է ինձ խոստովան լինել զյանցանս և զթշուառութիւնս իմ , որպէս պատմել , զանարժան դրժանսն փոխարինեալս ընդ սիրոյ իմոյ , յորոց զարհուրեալ գարչին միտք իմ : Մ.ՅԼ զիտրդ սիրեցի ես զվատ և զանգութ բռնաւորն , որոյ ոչ իշխեալ յայտնապէս մատնել զիս 'ի մահ , աճ զինև յամբ և սոսկալի պատուհաս , մահ աղօտ և գերեզման անծանօթ ինձ պատրաստեալ : Պարտ էր ինչ ընդունել ինձ 'ի նմանէ դատակնիք կորստեան յանշէն անապատի , և վախճանելոյ անշուք և անտես 'ի մարդկանէ ըզկեանս՝ զոր 'ի բազում պատերազմունս եղի 'ի վերայ նորա : Ոչ այդպէս , այլ աշխարհագոյժ օրարելից զպերբախտութիւն նորա և զանգութութիւն .

եթէ ոչ լինի ինձ կործանել զաթոռն՝ որում եղէ ես նեցուկ , և զոր նայն պղծեաց , գէթ ակն յանդիման նորին 'ի մայրաքաղաքի իւրում և յաբբունիս իւր կորեայց . տեսցէ ժողովուրդը նորա զՆելիսար , լուիցեն զբարբառ իմ , և անարգեցից զաթոռ բռնաւորին : Ներեալիւր ցայս վայր դառնակսկիծ սրտի իմում իմաստախօսչ Մարկոսի . այլարդ լուեցուցանել փորձեցայց զբողոք իրաւացի ցասման , և պատմել խաղաղութեամբ զանցս բարօրութեան իմոյ և զպղետալի կործանման :

Օհայ յաւուրս ինքնակալութեան Յուստինեայ : Արդի էր սա երկրագործի ուրումն թրակացոյ աղքատի , և անդատին 'ի սկզբնաբոյս տիոց գրեալ 'ի զինուորութիւն , վաստակովք և եթ քաջութեան տգէտ 'ի դարութենէն ամբարձաւ 'ի գահ ինքնակալութեան , գեղեցկանսե՛հ բախտին ցուցեալ միշտ արժանի¹ :

Օնախընծայ փորձ զինուց եղև ինձ առնուլ յերկարատև պատերազմին ընդդէմ՝ Պարսից , որում մնայր ինձ յաւուր միում առնել զրաւ : Իշխանն Յուստինիանոս քեռորդի ինքնակալին , և ընտրեալ 'ի թագաժառանգ , զօրավարէր մերոյս բանակի . և յաջողեաց ինձ 'ի ճակատուանդ ձգել զաչս նորա յիս : Եւ յետ ճակատամարտին , յորում յերկբայս եկաց յաղթութիւն ,

1 Իմա զՅուստինոս երէցն կամ զառաջին :

2 Ըստ պատմագրաց :

կուէաց զիս առ ինքն . և ընդունելութիւնն , զոր գտի առ նմա , փառաւոր արար զոր 'ի մարտի անդ ցուցեալ յինէն քաջութիւն : Պարտ էր իշխանաց առաւելագոյն ունել հոգ առ 'ի դիտել և 'ի յայտ ածել զվաստակս , և մի անտես առնել մարթ է նոցա բանիւ և եթ բարբառոյ ածել 'ի լոյս զհանձարս պիտանիս , կարող են նոքա երևել լի և աշխարհաքարող առնել զայր մեծահանձար ցայն վայր անծանօթ . վարկ նոցա պատկառելի ամենեցուն յօրինէ նմա 'ի վայրկեան ժամանակի անուն փառաւոր : Չքնաղ բարեմասնութիւն , զոր սակաւք յիշխանաց յօգուտ 'ի կիր արկանեն :

Յուստինիանոս ընդ ձեռամբ իմաստնոյն թէ՛ քաջութեայ կրթեալ , ընկալաւ 'ի ինամոց նորա զամենայն որ ինչ յամենակատար դաստիարակութեան տնօրինին ձիրք , լիուլի զարգացումն բնակից իմացական զօրութեանց , և ներհուն հմտութիւն իմաստնոյն կարծեաց արդարակորով տեսութեանց և գերազանց իմաստից : Թագաւոր իմաստունն ոչ ըստ յօժարութեանց իւրոց վարէ զաշխարհ , այլ հանձարով և իմաստութեամբ : Բարւոք դաստիարակութիւնն ոչ կարաց նուաճել 'ի Յուստինիանոս զանկարգ յօժարութիւնս , և ոչ զմեղկութիւն բարուց նորա բժշկել . սակայն խելս խառնեալ 'ի նա՝ կարաց զամս երեսուն

1 Ըստ պատմագրաց :

և Տինգ տալ նմա ինքնակալել փառօք: Սորին ազգաւ ներհակակիր երևոյթս ցուցցեն 'ի նմա վէպք աներկբայապէս: Ապաքէն յանցեաւ նա ընդդէմ՝ օրինաց՝ յամուսնաւորել ընդ իւր զկին մի հերատուկ՝ և անարգեաց զփառս ինքնակալութեան 'ի կացուցանել զշոյ զգուսանն կատակերգակ՝ սակայն պայծառացոյց վերստին զուրբ արքունի, և վեհափառ կերպարանօք և ազնուական գնացիւք յաւել զփայլ արքունեացն, և արար մատեան օրինաց 'ի զարմացումն համօրէն Աւրոպայ: Սանձահարեաց զպարականութիւն բարուց և զհամարձակ աղատութիւն, ծաղկեցոյց զկրօնս, և տաճարս հոյակապս կառոյց²: Տկար էր առ տնին 'ի կենցաղավարութիւն, այլ 'ի տեսչութիւն աշխարհին անյողզողդ, բնաջինջ արար զերկպառակութիւն 'ի ժողովրդենէ³: Ախշտ 'ի ներքս և առատ առ արտաքինս, անպատերազմասէր և բազմահոգակ աշխարհակալութեամբք բարդաւաճեցոյց զինքնակալութիւն իւր: Սակայն հանդերձ ներհակութեամբս այսուիկ տեսչութեան իւրոյ ընդ բնաւորութեան՝ չէ նա յեղձեղուկ: Տեղի տայ կրից անձին, այլ զի արդարակորով է մտօք և լայնախորհուրդ, գիտէ ընտրել իւր սղաշտօնեայս և զօրավարս,

1 Դշտոյն Թէոդորա էր կատակերգակ, և օրէնք արգելուին արքունեաց չամուսնանալ ընդ այնպիսում:

2 Ընդ որս և զարբուհոյն Մովկայ:

3 Արպիսի էր Կանաչիցն և Կապույտ յորջորջեաց:

Ճանաչէ որ ինչ իւր իսկապէսն է օգուտ, և հաւմարի զկրօնս և զհասարակաց բարերարութիւն նեցուկս կարեորս 'ի հաստատութիւն գերագոյն իշխանութեան: Այ առաքինասէր որ է, և ոչ զճաշակ առաքինութեան առեալ. և թէպէտ չարաշուէր բախտիւ զուրկ 'ի քաղցրութենէ նորին, սակայն կարի իսկ խելամուտ օգտիցն որ առ 'ի նմանէ: Սինչև ցաւուրս դժնդակ ապերախտութեան իւրոյ առ իս՝ երևէր 'ի նմա կրթութեան յառաքինի դաստիարակէն իւրմէ ընկալեալ յառատաբաշխ փոխարէնս վաստակոց բարեաց, 'ի հրամանս արքունիս, 'ի մատեան օրինացն զոր արար, և 'ի տեսչութիւն աշխարհին: Ստ այսմ կրթութեան ինքնակալեաց Յուստինիանոս. և առանձնականքն և եթ նորա գործք յախտիցն ապականեալ, բնիկ բարք նորա առ տնին և եթ ցուցան: Սնկալաւ զիս 'ի ծառայութիւն իւր, և վաղ իսկ մտերմացաւ ընդ իս. բայց մտերմութիւն իշխանաց բաղում այն է, զի արգասիք են հեղգութեան և սնապարծութեան: Քանզի պարծանս խնդրեն նօքա. և առ 'ի զերծանել 'ի բազմապատիկ հոգոց և 'ի տաժանաւոր վաստակոց՝ ծանրաբեռնեն նօքիմբք զմտերիմն իւրեանց, որ խաբէն ընդ երկար 'ի մեծարանաց նոցա մինչև ստուգիւ զվասն էրն ծանուցեալ: Եարժէր սիրտ իմ ընդ վատահոգութիւն նորա յիս, և գաղանիք նորա կարեորք առ ոչ ինչ տային համարել ինձ զիմաս: Սնյագ 'ի լուր բանից նորա,

և խորիստ ընդ խորհրդականութիւն իմ, ոչ ինչ հոգայի յայտնել նմա զիղձս անձին, և ոչ ուշ 'ի հուրծս առնէի ընդ անհոգութիւն նորա առ 'ի գիտել զայնս : Տիրասիրութիւն բռնացաւ 'ի սիրտ իմ քան զամենայն կիրս . և թուէր իմն ինձ այնպէս զի հասու լեալ նորա այնմ, առ 'ի հաճել զայն՝ զանձնէ և եթ խօսէր ընդ իս : Բայց թէպէտև ընտրեալ թագաժառանգ 'ի քեռւոյ իւրմէ յինքնակալէն, չէր ինչ աներկեւան յերեսաց հզօր կուսակցութեան համախոհոյն Վ իտալիանոսի ուրումն՝ որ իւր համարէր անկ զգահակալութիւն : Սա այր քաջ պատերազմող, սկիւթացի էր ազգաւ, հռչակաւորին թուոն Մսպարայ . ոչ առաքինութիւնք էին նորա՝ որք երաշխաւորեն զհաւատարմութիւն հպատակաց, և ոչ հանձար և խոհականութիւն՝ որ միայն պատրաստեն զմեծա մեծ յաջողութիւնս : Ընդ իտանայր նա զի 'ի բազմավտանգ ասպարիզի փառասիրութեան է կէտ ինչ՝ որ սահմանէ զբախտ, և զոր դժուարին է ճանաչել և կարևոր զբռամբ ածել, ուր յանդգնութիւն և զօրութիւն պարտին յաջորդել խոհեմութեան : Սոյս տուեալ նորա 'ի խորս (Թրաւ կիոյ՝ զոր քաջութեամբն իւրով նուաճեալ էր, յինքն յանկուցանէր զբնակիչս աշխարհին զազգ պատերազմող, որ կազմ և պատրաստ էին յամենայն վտանգս առ 'ի սէր նորա խիզախել : Ս՝ իան

1 Ըստ պատմագրաց :

գամայն և 'ի Սոստանդնուպօլիս յաճախէր իւր համախոհս, և կազմէին անդ բարեկամք իւր գունդ հաշաւոր՝ որ օր ըստ օրէ յաւելոյր 'ի բազմութիւն : 1

Ինքնակալին հասակ ալևոր բառնայր զամենայն յոյս ժողովրդեան վայելելոյ այլ ևս 'ի նա ընդ երկար, զոր յոյժ իսկ արժանապէսն մեծարէր : Աչ գոյր նորա ժառանգ հարազատ, քանզի Յուստինիանոս քեռորդի նորա էր² : Վ իտալիանոս զինուորական հանձարոյն հռչակաւ անուան իւրոյ, և պատերազմափորձ հմտութեամբն յինքն ձգէր զամենեցուն վարկ : Հասու եղէ ծածուկ խորհրդոյն, զեկուցի Յուստինիանեայ զամենայն, հանի զնա 'ի վտանգաւոր յապահովութեանն, և խորհրդակից եղէ նմա կոչել զՎ իտալիանոս յարքունիս՝ առ 'ի կարող լինելոյ ըզգուշագոյնս զիտել զգնացս նորա : Օ մի յերկուց մնայր Վ իտալիանեայ ընտրել . կամ հրաժարել անկեղծաբար 'ի փառամով խորհրդոյն և հնազանդել, և կամ պարզել անդէն զդրօշակ ապստամբութեան : Ի ձեռին նորա էր յարուցանել զ(Թրակիա 'ի զէն, խաղալ ընդդէմ Բուլղարաց՝ որք սպառնային խուժել 'ի սահմանս ինքնակալութեանն, և յաղթական լեալ 'ի վերայ այլազգեաց՝ մտանել տիրաբար 'ի Սոստանդնուպօլիս : (Թուի իմն բախտին վստահացելոց և եթ

1 Ըստ պատմագրաց : 2 Ըստ պատմագրաց :

յինքն օժանդակել փառօք: Ս իտալիանոս յանդուգն 'ի խորհուրդս և երկչոտ 'ի գործ, ոչ գիտաց ոչ զիւրն և ոչ զկուսակցացն իւրոց զօրութիւն. երկեաւ նա յայտնել զանձն 'ի դէպ ժամանակին, 'ի դէրև արար զյոյս համախոհիցն իւրոց, և սարսոյց զնոսա յիւրմէ: Յընդունել նորա զբռնչիութիւն և զնորանոր պատիւս՝ զորս շնորհէր նմա ինքնակալն, կեղծաւորութեամբն իւրով եբեր զգժպչի կերպարանս ապերախտութեան և վատութեան՝. աներկևան զանձն համարէր յատենական դատապարտութենէ, վրտաս 'ի ճարտար զգուշութիւնս իւր. ոչ ածեալ զմտաւ զի բաւեն 'ի քրէական ոճիր և ապացոյցք բարոյականք, և զի յաճախ ըստ քաղաքավարական օրինաց՝ այր հզօր և կասկածաւոր ընդ զաւաճանս համարի, և համախօք նորին ընդ ապստամբս: Ս իտալիանոս գիտէր քաջ զի առ ահի արշաւանացն կոչեցաւ յետս. զօրավարք աշխարհին քաջայաղժք հանդերձ ինքնակալաւն էին ծերացեալք, և լքեալ կայր աշխարհն անպատսպար. իսկ ինքն յաստիս տիոցն համարէր աներկբայելի 'ի ձեռս բերել զզօրավարութիւն բանակին՝ որ զինուորեր ընդդէմ՝ թշնամեաց: Սորհէր արդեօք յետ յաղթութեան, յոր հաստատեալ էր բախտ աշխարհին, մերկանալ զպատրուակ. այլ խրախուսեցի ես ինքն, թէպէտև մանուկ դեռևս

¹ Այս ամենայն մանրամասնաբար ըստ պատմագրաց:

տիովք, խնդրել զզօրավարութիւնն, և ընկալայ զայն ըստ թախանձանաց արքայազինն Յուստինիանեայ: Պարտ էր ինձ ըստ արժանի մեծի շնորհին զանձն ընծայեցուցանել. մանաւանդ զի քրթմնջիւն մեծ և տրտունջ ամենայն ուրեք լուսելի լինէին զայնմանէ: Պէտք 'ի բարի պատահեցին Ս իտալիանեայ. նախանձ նորա ընդ պատիւն շնորհեալ ինձ 'ի ծաղկի տիոցս՝ գրգռեաց և զօրացոյց յանկարծ 'ի նմա զաւակահաճոյ բարս. և կուսակիցք նորա վառեալք 'ի հասարակաց կարծեաց՝ յաւելին պատրաստել նմա կորուստ: Օ ի ստահակ յանդգնութիւն նոցա ոչ խնայեաց 'ի չարագրգիւ հրապոյրս և 'ի գրուածս ընդդէմ արքայազինն, և հակառակ նորին իսկ ինքնակալի. որ ոչ ինչ առ ժամս զդէմ կալաւ թըշնամանացն՝ առ 'ի կարող լինելոյ սաստիկ ևս առ յապայ պատուհասակո՞ծ առնել զայնոսիկ:

Պիմեցի ընդդէմ Ռուլարաց, մղեցի ճակատամարտ՝ որ զբախտ աշխարհին սահմանէր, և գրեթէ սպառսպուռ զխուժանն բարբարոսաց սատակեցի: Նյս պայծառ յաղթութիւն անգորրերկարատև պատրաստէր ինքնակալութեան, միանգամայն և արդարացուցանէր զընտրութիւն արքունեացն, և զպաշտպանութիւն արքայազինն բարերարի իմոյ և բարեկամի: Սուէր ինձ յայնժամ պատահեալ բարեբաստութեան 'ի փառսանդ. և է իսկ արդեօք անդ երանութեան կենյաղոյս ծայր: Ո՞ր այլ փառք երանաւէտ 'ի զի-

նուորական ասպարիզի և 'ի կեանս մարդկանքան յառաջնումն ճակատամարտի կանգնել յաղթանակ . մանաւանդ ուր զփրկութիւն աշխարհին յաղթութիւնն այն պատրաստիցէ : Արպիսի յեղակարծ և հրաշալի փոփոխումն մարտ այսպիսի ոչ ածիցէ կենաց զօրավարին : Այրիկ մի յառաջ ոտտանիկ լոկ պատուեալ , և ահա ընդ վեհ որեարն արդ դասակարգեալ . որ յերէկն եթէ կորընչէր , տանէր ընդ իւր անուն աննշան և հանձար անշուք 'ի գերեզմանս , և արդ վէպս շքեղս յարձանագիրս դրողմէ , արդէն վայելեալ 'ի հրուչակ համբաւոյ իւրոյ , և նկատեալ զայն լիուլի 'ի ձայն ցնծութեան զօրականին : Օրնչ առաւել ցանկալի կայցէ քան զիշխանութիւն յաղթող զօրավարի 'ի յաղթական իւրումն բանակի : Աւրաքանչիւր ոք 'ի զօրաց անտի 'ի նմանէ ունի զփառսրն , զի առաջնորդութեամբ նորա յաջողէ ամենայն , և հրամանք նորա յարուցանեն քաջազունս . ինքնին զվաստակս իւր վարձատրէ , և բաշխէ կամ գէթ խոստանայ զարժանի մրցանակս քաջութեան : Վրանի տկարագոյն է առ իշխանութեամբ նորա արքայականն պետութիւն . ոչ ուրեք ոք այնպէս տիրապետէ 'ի վերայ մտաց մարդկան , որպէս զօրավար յասպարէզ մարտի զհետ պայծառ յաղթութեան :

Մագանին գերծեալ յերկիւղէ թշնամոյն , ոչ ևս խնայեաց զգուշութեամբ 'ի փառամոնն Ա ի տալիանոս , որ զեղեւնաւոր առաջարկութեանն

իւրոյ և զգաղտնի դաւակցութեան մահուամբ ետ զվրէժ : Այս դէպք , որ վայրիկ մի յառաջ բաւէին 'ի զրդել ապստամբութիւն , թեթեւ ինչ և եթ յարուցին աղմուկ : Յուստինոս գիտաց միշտ 'ի դէպ ժամանակի 'ի կիր արկանել զվարձս՝ զներումն , զխտութիւն և զպատուհաս : Սայրադոյն ճարտարութիւն մեծի արուեստի թագաւորութեան այն է , հանդերձ արդարութեամբ և զգուշութեամբ գիտել ցոր վայր մարթ իցէ , անվտանգ և անպարսառ յառաջ մատչել :

Օյետին աւուրս կենաց ինքնակալիս աղմուկեաց , և փութացոյց իսկ զվախճան նորին արկած ահագին . քանզի սոսկալի սասանութիւնք երկրի աւերեցին զԱսորիս , և քաղաքն անտիղբացոց հանդերձ բնակչօքն կորեաւ անդնդասոյց : Վաղաքս այս հոյակապ և բարգաւաճեալ , սիրելի յոյժ ինքնակալին , 'ի սակաւ ժամս անհետ եղև . և ոչ աւերակք պատուականք վկայեսցեն ապագայ դարուց զմանէ թէ եկաց : Յաճին դարձաւ , կործանեցաւ անյարիր , ընկաւ յանդունդս յանկարծակի բերանաբացեալս 'ի կլանել զնա : Ա իհ լայնատարր եկուլ միանգամայն զապարանս մեծատան ընդ հիւղ աղքատին . և յական թօթափել ծածկեաց 'ի խորս անել և անդարձ՝ ժողովուրդ անբաւ , շինուածս մեծածախս , զհրաշակերտս արուեստից , և զփառս բա

զուժանութիւն իմաստնոց և ճարտարաց, դատապարտեալ արագարագ 'ի կորուստ, և ճեպ 'ի ճեպ 'ի մոռացոս : Վաղաքին այնորիկ հիբի և հետք անգամ ոչ մնացին 'ի վերայ երկրի . շուրջանակի զնովաւ այնպէս վեր 'ի վայր ամենայն ինչ տապալեալ, զի յերեկոյն 'ի վաղորդայն ոչ գոյր ճանաչել զտեղի նորա, և ոչ զճանապարհն՝ որ ածէր 'ի պարիսպս նորա՝ :

Այ կարաց ինքնակալն տոկալ մահաճարակէր տիրութեանն ընդ աղէտոս հասարակաց² : Այլ ըրիկ մի յառաջ քան զվախճան իւր՝ կոչեաց առ ինքն զաւագանին և զզօրավարս, ընդ որս գտայ և ես, և հեղձամղձուկ գորովանօք լուայ յորդորանաց նորա 'ի հնազանդութիւն և 'ի հաւատարմութիւն յաջորդին իւրոյ : Աստեցաւ ընդ մեզ և ասէ . Այ դիւրագին ստացայ ես զինքնակալութիւն . ոչ դէպք ինչ ետուն ինձ զայն, այլ մեծարանաց և չնորհապարտ դոճութեան եղէն գերապանձ արդասիբ : Վիտեք իսկ քաջ զի յարուցի զայն 'ի կործանմանէ, յանձանձեալ զնշխարս նորին . ընդարձակեցի զսահմանս նորա, զօրացուցի 'ի նմա զարդարութիւն, ծաղկեցուցի զարուեստս, զանկերպարան օրէնս ածի 'ի յարդ և 'ի կերպարան, զգօնացուցի նոքօք զագգս խուժարուժս, 'ի նոր մատեան օրինաց ձեռնարկեալ ածի զայն յամբօկ, և ոչ ինչ 'ի կենցաղօղտութեանց թու-

1 Ըստ պատմագրաց :

2 Ըստ պատմագրաց :

ղի անգործ 'ի միում և եթ ինքնակալութեան՝ : Օ ինչ այլ մնայ ինձ ցանկալի, բայց զի ժառանգ ինքնակալութեանս իմոյ անեղծ պահեալ զվաստակս իմ, զսկսեալն յինէն կատարեսցէ : Վ սահմանել իմում զժառանգ իմ, յօգուտ և եթ հայրենեաց իմոց խորհեցայ . փոյթ փառաց իմոց երաշխաւորէ ձեզ զբարւոք ընտրութիւն իմ . որպէս զի եթէ ձեզ իսկ անկ էր ընտրել զժառանգ գահուս, պարտ էր ձեզ առ 'ի յաջորդութիւն նորին՝ ինձ զայն յընտիր առնել : Վ նտրեալն յինէն առաջնորդեսցէ ձեզ ըստ նոցին կարգաց, որ այդքան պայծառացուցին զազգ ձեր . թուեսցի ձեզ կալ և մնալ ընդ ինև . նա ինքն յօգուտ 'ի կիրարկեալ զգործեցեալն յինէն և որ ինչ թողեալ 'ի նա առաջարկութիւնս, ածցէ 'ի լուսն աներկ բայապէս զբարեբաստութիւն հասարակաց և զփառս ազգիդ :

Եւ իբրև լուեաց նա 'ի խօսելոյ, երդուաք ամենեքին նահատակել մինչև ցմահ 'ի վերայ իրաւանց ինքնակալին : Յանկալի էր ինձ անդ փոխանակել զկեանս 'ի վերայ նոցին, ցանկալի ևս գտանել պատեհ տալոյ նմա առհաւատչեայ զտիրասէր նախանձու իմոյ : Վ յն ինչ նորա աւանդեալ զՏօգին, մնացորդք համախոհին Ա խալանեայ միաբանեցին ընդ կաց մնաց Ապօլուտակացն գնդի և Ամանչիցն կոչեցելոց, և յարուցին աղմուկ մեծ 'ի ժողովրդեանն 'ի Արտանդնուպօ-

1 Ըստ պատմագրաց :

լիս : Ահաք 'ի դաւակցաց ածին ձգեցին 'ի մայրաքաղաք անդր զՀիպակէս , և ոչ խնայեալ 'ի բողոք և յարտասուս հարսին նորա՝ կարդացին զնա ինքնակալ , և առ 'ի չգոյէ արքունական թագի՝ մանեակ ոսկեղէն ածին 'ի գլուխ նորա : Մարթ էր ջուկատիւ միով մարզիկ զօրաց բնաջինջ առնել զապստամբան , այլ զժպչի իմն էր կոտորածիւ ժողովրդեան սկիզբն առնել ինքնակալութեան : Յանձն առի ցածուցանել զապստամբութիւնն , և յաջողեաց ինձ առանց և ոչ շիթ մի արեանհեղութեան : Հիպակէս միայն և երկու կամ երեք առաջնորդք ապստամբացն առեւանական զատակնբաւ մասնեցան 'ի մահ , ինչք նոցա զբաւեալ յարքունիս . բայց յետ սակաւ ժամանակի զարձոյց զայնոսիկ ինքնակալն յորդիս նոցա :

Ս'ի 'ի նախընծայ արդեանց ինքնակալութեան նորա եղև զործ կրօնասիրութեան . զի էարկ նա զառաջին վէմն հիման զհոյակապ եկեղեցւոյ սրբբուհւոյն Սոփիայ : Այլ ապա ձեռն էարկ 'ի կատարումն մատենին օրինաց , որ 'ի նախորդէն իւր մէ սկզբնաւորեալ . տասն այր հմտագոյնք յիրաւազիտաց ինքնակալութեանն , որոց գլուխ և առաջնորդ էր հանձարեղն Տրիբունիանոս , կարգեցան 'ի տաժանաւորն վաստակ . և խաղաղութիւն երկարատև ետ նոցա պատեհ անընդհատ պարագմամբ հանելոյ զայն 'ի յանկ : Բայց ինքնա-

1 Ըստ պատմագրաց : 5 Ըստ պատմագրաց :
2 Ըստ պատմագրաց : 4 Ըստ պատմագրաց :

կալն հանապազօրդէր ընդ իս ցանգ 'ի նոյն մտերմութիւն , խորհրդակից իւր ունէր զիս յամենայնի , և զկարի իսկ գաղտնածածուկ խորհուրդս իւր վստահէր յիս : Սակայն բազումք 'ի դրօնիկ որերոյ բախտաւորագոյնք և առաւել քան զիս էին բարերարեալ յարքունիս : Սիրելի էի ես յայնժամ և մեծարոյ քան զայլս , սակայն զգուշաւորագոյն քան զամենեւին . բայց իշխանք զունուրեք ինքնայորդոր շնորհէն ինչ , այլ 'ի շարտար հնարից և 'ի թախանձանաց յորդորեալ :

Յետ վեցամեայ խաղաղութեան հարկ եղև ինքնակալին յառնել 'ի պատերազմ ընդդէմ Վաբադեայ արքային Պարսից , և զօրավար բանակին կացոյց զիս : Ա միում և եթ ճակատամարտի կատարեցի զերկայն պատերազմն , որ բազում անգամ վերստին դրդեալ , և ցարդ աղէտս այնքան հասուցանէ աշխարհին : Հարկեցուցի զհզօր պետութիւնն կուէլ դաշն խաղաղութեան , և ապիկար զնա կացուցի զրժեղոյ դաշինն : Ա ճակատամարտի անդ զունդ մի Վանդալաց զինուորէր ինձ յօղնականութիւն . քանզի Ղզերիկեայ արքային Վանդալաց , որ նիզակակից մեր էր , զունդս բազումս յղեալ էր առ մեզ զօրավարութեամբ քաջի պատանւոյն Վելիմերայ , որ ապամբարձաւ յաթոս , և զորոյ մնայր ինձ յաւուր միում խորտակել զզօրութիւն : Հուժկու պատանին արքայազն , որոյ ոչ ինչ աւելի էին քան

1 Ըստ պատմագրաց :

զամն քսան, 'ի վերջնումն ճակատու պատսպարան եղև յաղթութեան, և քաջութիւն մեծ և արադամտութիւն ընդ անվեհեր արիութեան եցոյց 'ի մարտի անդ :

Պարձայ յաղթանակաւ 'ի Աոստանդնուպօլիս, և ինքնակալն ընկալաւ զիս որպէս զփրկիչ հայրենեաց, և 'ի վաղիւ անդր փութացաւ 'ի տաճար սրբուհւոյն Սոփիայ 'ի նաւակատիս, զի դեռ այն ինչ կատարեալ էր շինուածն . գնայի և ես ընդ նմա, առեալ զհետ զորեարն առաքինացեալ 'ի պատերազմին Պարսից : Ի մեծագործ և 'ի լայնատարր տաճարի անդ, ուր փայլումն ոսկեոյ և ականց պատուականաց ամենայն ուստեք ցոլանայր, էր յայնժամ տեսանել 'ի մի վայր ածեալ զամենայն որ ինչ հրաշացուցիչ է մտաց և հիացումն հոգւոյ, 'ի շուք կրօնից և 'ի հանդէս զինուորական : Ինքնակալն անդ զառաջինն տեսանելով զտաճարն զայն վեհափառ հանդերձ ամենայն զարդօքն և շքեղ հանդերձանօք, գոչեաց հիասքանչ . Փանք 'ի բարձունս, յաղթեցի Սողոմոնի : Հարկ է ինձ աստ վայրիկ մի զկայ առնուլ ընդ գօրով և ընդ վրդով սրտի դառնակրակիծ, հասեալ 'ի բարեբաստագոյն առուրս կենաց իմոց : Վեռ այն ինչ ածեալ էր իմ հարսն՝ որում 'ի բաղնաց հետէ տարփայի, վայելէի 'ի համբաւ, ընդ որում ոչ որ 'ի զօրավարաց կարէր կալ

1 Ըստ պատմագրաց :

'ի կշիռ . Թուէր ինձ աներկեան ժառանգել զսիրաւ և զվստահութիւն ինքնակալն . հաւատարմութիւն վկայեալ մեծամեծ վաստակօք, տիրասէր նախանձ 'ի քսան ամաց հետէ, և արհամարհութիւն անձին օգտի, բառնային յինէն զամենայն կասկած չարեաց յերեսաց նախանձու և ատելութեան : Ենպէս սիրէի զինքնակալն, զի քաղցրագոյն էր ինձ յոյժ համարել իրաւունս մեծարանաց և չնորհակալութեան իւրոյ քան պարծանս ինձ զպայծառագոյն վաստակս իմ : Արջանիկ յարքունիս սիրելութեամբ համբաւով և աներկեան ապահովութեամբ . երջանիկ առտնին սիրատարփ խանդաղանօք հարսինս և սրտեռանդն մտերմութեամբ բարեկամաց . սիրելի ժողովրդեանս և մեծարոյ գօրականին, համարէի անդրդուելի զստեհ բարեբախտութեան իմոյ, ուր առաջի կայր ինձ ընդ հուպ կորուսանել 'ի մասնէ զքաղցր պատրանսն :

Արոց միանգամ չիցէ կեցեալ յարքունիս, ճախողակի բերեն կարծիս, և զրպարտիչք դտանին յանդէտս, իբր այն թէ ամենայն որ սիրելի թագաւորին 'ի խորխտումն զառածանիցի . այլ խաբին : Օ՛ր որ չիցէ որ վատ կամ անմիտ, դուն ուրեք խորխտայ, 'ի հաւասարից զիջումն և 'ի նուաստից մեծարանս ընդունելով : Բնբարտաւանութիւն և զոռոզութիւն բաժինք են յաճախ դրանիկ մարդկան յանիրաւի մեծարելոց յարքայէ, որք առ անմտութեան հնարին պանծացուցանել

զմեծարանս իւրեանց : Իսկ որ իրաւապէսն մեծարին, ոչ ցոյցս ինչ առնեն, և չեն ինչ նոցա պէտք վիզ ՚ի վեր ամբառնալոյ, գիտէ ամենայն որ զի սիւրելի են նոքա արքայի, և խորհրդակիցք նորին : Բազում այն է զի բարեկամք նոցին են յանդգունք անհանդուրժելի, որք ատելի առնեն զիշխանս և զաւագանին : Որչափ հեռանան շնորհք յաղբերէ իւրեանց, այնչափ առաւել գտանին սնապարծք և կարճամիտք, վասն զի մարթ է նոցա կեղակարծս երևել և անշուք . յայն սակս հանդիսանալ ինչդրեն և երևելք զու, ևս և թշնամանօք փառասիրութեան այլոց : Բարի և ճախողակի նախանձայուղութիւնք և խօլական ձեռներիցութիւնք՝ որք ՚ի վտանգ արկանեն զշնորհքնկալն, և կորուստ իսկ մարթեն հասուցանել նմա : Եթէ բարեկամացն իմոց չէր զործեալ անխոհեմս, ոչ յաջողէին նախանձորդք իմ զահաւ վիժել զիս յանդունդս՝ յոր գտանիմ : Փորձն չարաղէտ ետ ինձ անազան այսմ խելամտել . այլ յայնժամ պարծէի ընդ այնպիսի բարեկամս, և կարծէի զի բազմութիւն նոցա և եռանդն բարեկամական պատուարանք ինէին ինձ՝ անդրդուելլուռնել զիս ՚ի կայս :

Իմք իբր երեք ՚ի վերայ անցեալ յետ խաղաղութեանն ընդ Պարսս, խորհուրդ աշխարհակալութեանն Վիքրիկեայ հաստատեցաւ յատենի՝ և

մի ՚ի խորհրդականաց յառաջնորդութիւն արշաւանացն առաջարկեաց զայր մի, որոյ ՚ի ծովամարտի ուրեք կալեալ էր յաղթութիւն : Եւ ինքն էր Վերսէս, որ հռչակաւորն եղև յետոյ, և հըզորագոյն առիթ իմոց կործանման : Փարսս ջերմագոյն ՚ի բարեկամս իմ ընդդէմ եկաց առաջարկութեանն, արհամարհանօք խօսեցեալ զՎերսիսէ . և յայնմ օրէ եղեն ինձ ռիսերիմ թշնամիք Վերսէս և որ առաջարկեացն զնա : Օջրավար նաւատորմին կացոյց զիս ինքնակալն, խաղալ յՎիքրիկէ . և բարեկամք իմ յաղթանակեալ ձոխանային ՚ի վերայ խորհրդականին, և անգոսնէին զՎերսէս . ուստի անպատեհ թշնամանաց անկան զինև նշմարանք, և զաչս ամենեցուն յինքն ձգեաց Վերսէս . քանզի համարէին ՚ի նմա հանձար գերազանց, որ թուէր նոցա երկեղուկս յիս արկանել : Բայ, որ մինչև ցայնժամ աննշանն էր, ժառանգեաց զփառս նախանձորդ երևելոյ ինձ . և անխոհեմութիւն բարեկամաց իմոց արար զնա յանկարծ նշանաւոր :

Եւ արկեցի, հասի ընդ զօրս իմ յՎիքրիկէ, առի զՎարքեղոն, և մտի զհետ քաջին Վելիմերայ արքային Սանգալաց, որ էր ՚ի սերնդոց հըռչակաւորին Վենսերիկեայ՝ և բռնակալեալ էր զաթոռն՝ որոյ օրինաւոր էր ժառանգ : Բանզի Վիքրիկեայ ապիկար արքայի ոչ գոյր որդի, և

Վեղիմերեայ առանց ուրուք հակառակութեան հասանէր ժառանգութիւնն . այլ սորա սրտմը տեալ ընդ մեղիութիւն և ընդ ապիկարութիւն նորա , ընկէց զնա յաթոռոյ . և ինայեալ յարև նորա , տարադրեաց զնա յաքսոր : Իլլերիկ քան զի նիզակակից էր Յուստիանեայ , ինդրեաց 'ի նմանէ պաշտպանութիւն . բայց Վեղիմեր ոչ լուաւ նմա , և ոչ դարձոյց յիլլերիկ զթագաւորութիւնն , և աստի դրդեցաւ պատերազմն : Վուժարեաց նա զգօրս իւր , և հասի ես 'ի վերայ նորա 'ի տրիկամերեան դաշտս հեռի 'ի Վարքեղոնէ եօթն փարսախա . անդ մղեցաք պատերազմ երկայն և բազմաղէտ քան զամենայն պատերազմունս իմ : Որպէս արդարև զօրավար հզօր 'ի մարտի անդ առաքինացեալ Վեղիմեր , առար հրաշք քաջութեան . այլ բախտն մասնեաց զարիութիւն նորա , գունդք նորա խորտակեցան , և 'ի սպառսպուռ մասնեցաւ 'ի պարտութիւն : Շուրջ պաշարեալ ամենուստ , եբայ իւր ճանապարհ միջամուխ լեալ անվեհեր ընդ բանակ մեր . և խոյս տուեալ ջոկատիւ միով արանց իբր հարիւրոց , անկաւ 'ի լեառն Պասուկ . և ընդ հետս դժուարակոխս , որ բնակչաց և եթ երկրին ծանօթք էին , ել 'ի կատար լերինն 'ի ժայռ անմատոյց : Ընդր առ պատանին հէք արքայազն եհաստիկին նորա արխասիրտ՝ գօլ նժդեհակից առն

1 Ըստ պատմագրաց :

2 Ըստ պատմագրաց :

իւրոյ , 'ի պողոց վայրի կերակրելով , անյարկ անծածկոյթ ապաստանեալք յանձեռագործ այրի ուրէք 'ի սոսկալի քարաժայռս անդ խոռօջացեալ . ուր ընդ փոքու զնդի քաջացն՝ որ զհետ եկեալ էին՝ հաստատեալ էր կալ մնալ 'ի սպառ և չլինել անձնատուր : Բղձիւք ցանկայի ունել զնա , և գերի ածել 'ի Սոստանդնուպօլիս . զամենայն հնարս հնարեցայ ածել զնա 'ի հնազանդութիւն , այլ 'ի զօւր : Երբէք երբէք երևէր նա 'ի ծագ քարաժայռի միոյ սեպացելոյ , իբր խիզախելով ընդդէմ մեր . և տեսանէաք զնա յաճախ , հիացեալք ընդ վեհ կերպարանս նորա , ընդ գեղ դիմացն , և ընդ խրոխտ շարժուածս : Մի ոմն 'ի զինուորաց նորա , որ իջեալ էր 'ի դաշտավայրն , ածաւ առ իս . և 'ի ձեռն նորա ինդրեցի 'ի Վեղիմերայ ընդունել զՊարաս զմի 'ի զօրազխաց իմոց , զոր 'ի հրեշտակութիւն խաղաղութեան կամէի յղել : Յանձն էառ զայն Վեղիմեր , ուղեցոյց 'ի նմանէ եկեալ էառ զՊարաս , և կապեալ զաջ նորա՝ ած զնա 'ի Պասուկ լեառն : Վորովեցաւ Պարաս 'ի տեսանել զիշխանն քաջ թշուառացեալ յայնպիսի աղէտս , մանաւանդ 'ի տեսիլ անսասան արիութեան նորա : Բազմեալ կայր նա 'ի վերայ միոյ 'ի ժայռից՝ շուրջ պատեալ 'ի զինուորաց , և ասէ ցՊարաս . Ըյս ահա մնայ ինձ գահ , քարածերպս այս ապարանք իմ , և այս բա

1 Ըստ պատմագրաց :

լոր արքունիք : Այլ ևս են ինձ դրանիկք , ոչ ևս որ փաղաքէ զիս . այլ սորա արի զինուորակիցք իմ և վշտակիցք , զոգի 'ի բռին կալեալ եղին ուխտ հաւատարմութեան , մեռանելազատք ընդ իս յանապատի աստ : Հանդերձ այսու ամենայնիւ արար Փարաս զհրեշտակութիւն իւր , խոստացեալ նմա ազատութիւն՝ եթէ միայն անձնատուր լեալ դայցէ ընդ իս 'ի Արատանդնուպոլիս : Պատասխանի ետ Վեղիմեր , և ասէ . Վաւ լիցի ընդունել շնորհ 'ի ձեռաց , որ աւերեցին զաշխարհ իմ : Այլ զինչ խնդիր է ձեր յինէն . խաղաղութիւն խնդրէք . այլ ոչ ևս հնար է ինձ մարանչել ընդ ձեզ . զժողովուրդ իմ և զբանակ և զինքնակալութիւն , փրուզիք զամենայն առհասարակ : Այլ զինչ խոստանայք ինձ . բանձս , այլ արհամարհք են ինձ . զազատութիւն , այլ չեմ իսկ գերի , և քաջութիւն իմ ազատ զիս կացուցանէ : Պատճառանօք օգնականութեան թագաւորի , որոյ չէր իսկ կար զինուորելոյ զազօ օտար ընդդէմ իւրոյ հայրենեաց , կործանեցիք զինքնակալութիւն Անդալաց : Բարեկամք քաջք , զինչ փոխարէնս մատուցանէք նիզակակցիդ ձերում . արքունիս այրեացաւերս , արտորայս ապա կանեալս և երկիր անմարդի : Արացիք 'ի սակաւաւորս կործանել զինքնակալութիւն հզօր , այլ զհաստատութիւն մտաց Վեղիմերի պարտել ոչ կարեցէք : Յորչափ բնակիցէք դուք 'ի թշուառ երկրիս , կացից մնացից ես 'ի լերինս յայսմիկ՝ ան

դրդուելի իբրև զսա , անյեղիլ որպէս զձակատաղիր . տեսցիք զիս խրոխտ 'ի կարօտութեան , գոռոզ 'ի տառապանս . մեռայց իսկ , եթէ այսպէս հարկ լիցի . աստ փորեցի ինձ գերեզման , ժայռս այս ծածկեցէ զաճիւն իմ , և քան զամենայն շիրիմս թագաւորաց լիցի սա վեհ և երեւելի :

Պատասխանի ետ Փարաս և ասէ . Տէր արքայ , ոչ է մարթ Վեղիսարայ գոլ 'ի սրտէ թշնամի քաջաց . ողբայ նա զքոյին յամառութիւնդ , այլ մեծարէ զլեհանձնութիւն քոյին . և յուսայ զի բարւոք ևս կշռութեամբ օգտակարագոյն կալցիս խորհուրդ : Այլարդ գթացեալ 'ի դժնդակ աղէտս քոյին , պատրաստ է յղել քեզ պարէնս և որ ինչ այլ պիտոյ իցէ ' : Յայնժամ Վեղիմեր ասէ . () ն ապա , յղեսցէ ինձ քնար՝ եղերերգել զաղէտս իմ ' . այս և եթ ընդունելի է ինձ 'ի նըմանէ պարգև :

Պատարեցի զինդիր նորա . էին յերաժշտարանի իմում ազգ ազգ նուագարանաց , և քնարք բազումք , զմի յայնցանէ յղեցի առ Վեղիմեր . և նուագէր նովաւ զօր ամենայն 'ի մուտս արևու՝ բազմեալ 'ի ծագ լերինն քնար 'ի ձեռին , կրկնելով հովտին զկեղերջական ողբս նորա : Աղերերգն այն խրոխտ և վայրենի , և որ զնոյն միշտ յեղյեղէր նուագ , զմայլանս իմն ազգէր անխա

1 Ըստ պատմագրաց :

2 Ճշգրիտ նորին իսկ Վեղիմերի բանք են :

նալի՝ ճգելով զզօրականն մեր՝ ի լուր՝ ի ստորոտ լերինն :

Բայց զօրքն յաղթական անձկային նաւարկել դառնալ ՚ի Կոստանդնուպօլիս . և աշխարհն զօր նուաճեցաք՝ մնայր ՚ի ձեռս մեր . քանզի մեռաւ Եղբերիկ, վասն որոյ պատերազմեալն էաք . և վիշտ բազում ՚ի վերայ կայր մեզ յաւեր և յապականեալ երկրին : Ենն ունէի զի Ղեւթմեր բռնադատեալ յիւրոցն, զորոց Փարաս տժգոհս ասէր գօլ և լքեալս, ստիպէր անձնատուր լինել . և խորհէի ես կալ մնալ անդէն : Բայց տըրտընջէր զօրականն վաստակաբեկ, և չեղև մարթարգելով զնա ՚ի հրդեհելոյ զապարանս նախնի թագաւորացն մաւրիտանացոց : Ի բարձանց լերինն ետես արքայն հեք զհրդեհն զայն, որ տեւեր զաւուրս չորս . և յաւել յերգս իւր տուն մի այնպիսի սրտաուռչ, որ և զգործօղս չարեացն ՚ի գուժ խանդաղատէր : Ստեպ և ես ինքն մատչէի անդր ՚ի լուր, և յայնմ հետէ ամբ ես իբր քսան, տակաւին հնչէ յունկն իմ յիշատակ երգոցն :

Ղեպք, զորս գուշակէի, ելին ՚ի գլուխ . զինուորք Ղեւթմերի, թէպէտ և երգուեալք, չկարացին տոկալ դժնեայ աղետիցն . զայրազինս ընդ դէմ դարձեալ նմա, սպառնային խողխողել զկին նորա և զորդի, եթէ ոչ յանձն առնոյր իջանել ընդ իւրեանս ՚ի լեռնէ անտի և անձնատուր լինել ինձ : Եւ յայտես ՚ի ձեռս իմ անկաւ արքայն

հեք . այլ առաւել ևս յայնժամ զարմանք եղեն ինձ արիասրտու թիւն քաջազինն ՚ի մատչել նորա առ իս անխուով, զի և բան մի տրտունջ ոչ լինէր լելիլ ՚ի շրթանց նորա : Եւսաց նա ցիս . Բեւիսարիէ, յանձն առնեմ պատուոյ քում զպատիւ հարսինս և զարև որդեկիս . իսկ ընդ կեանս իմ արա որպէս հաճոյ է քեզ :

Ստահ արարի զնա և ասեմ . հարսն քո ըստ արժանի իւրում բնութեանն և ազնուականու թեան և չարաբատու թեան գտցէ առ իս շնորհս և պատկառանս, և որդեկանս քով հանդերձ կացցէ մնացցէ ՚ի քէն անմեկին : Ղեւթմեր շնորհապարտ անարկեալ յիս, լուռ և եթ եկաց, և յայնմ հետէ ոչ ևս խօսեցաւ ընդ իս : հարսն նորա ողջազուրեալ զորդեակն ՚ի գրկի, կայր յետոյ նորա . տիկին մատաղամայր՝ յորում փայլէր գեղ չքնաղատեսիլ, թէպէտ և գունատեալ ՚ի դժնդակ սովոյն և յեռամեայ տառապանացն՝ որոց կսկիծ դառնութեան դեռ ևս տպաւորեալ ՚ի դէմն նորա երևէին : Ստտեայ առ նա յաղերս, ինդրել յինէն որ ինչ և մարթէրն ինձ տալ նմա, և ասեմ . Խօսեաց, հրաման տուր, զինչ ինդրես : Պատասխանեաց նա հեղձամղձուկ ձայնիւ . Պատառիկ մի հացի վասն մանկանս : Յուզեցան գուժք հօրն ՚ի լուրն յայն, և յիմոց աչաց իսկ իջին արտասուք : Օ մոռաւ ածի անդ զվաղանցիկ պարգևս կենցաղոյս, և զունայնութիւն մեծութեան զբախտի և զփառաց :

Թուէին ինձ Թառամեալ 'ի բանից անտի դափնիք իմ, և կասկածէի իսկ առ վայր մի ընդ յաղթանակ իմ և ընդ բարեբաստութիւն : Տրամայեցի ածել վաղվաղակի ճաշ, և դիմեաց անդր մանկիկն անսուաղ . յայնժամ Վեղիմեր մատուցեալ 'ի ստրուկն՝ որ բարձեալ բերէր կողով մըր, գալից, և հանեալ 'ի ծոցոյ իւրմէ ակն պատուական հրաշագեղ, ասէ . ՎոհուԹիւն երկնից, զի և 'ի նուաստութեան՝ յոր իջոյց զիս բախտն՝ մարԹ է ինձ արբայօրէն ինչ առնել : Ալ ետ զայն ստրկին, ասելով . Մո, ընկալ, 'ի գաւազանէ իմմէ խեցի զդա 'ի մեկնել իմում յարբունեաց ակն անգին, քեզ տամ զդա . իցիւ հայԹայԹեսցէ դա քեզ զմիայն ճշմարիտն մեծութիւն, ասեմ իսկ զագառութիւն : Մյսպիսի էր մեծանձնութիւն Վեղիմերայ, որ մինչ 'ի սպառանքն կ'ըլլէր զխրոխտ ազնուականութիւնն զայն եբեր յանձին :

Ալ ելեալ 'ի նաւ, մեկնեցաք յԱլիքիկեայ . և էր ընդ իս 'ի նաւին Վեղիմեր տիկնաւն հանդերձ : Առ անմուռնչ, այլ խաղաղութեամբ հոգւոյն ցուցանէր անյողգողգ զառաքինութիւն զկարի իսկ վեմական համբերութեան : Ս'իայն զբօսանք նորա էին նուազել քնարուն . 'ի խաղաղասիք ակեաց վէտ վէտն ծածանել, 'ի վերնայարկ նաւին բազմեալ 'ի լուսնակի, յեղանակէր զերգն յօրինեալ յիւրմէ 'ի Վասուկ լերին . և չքնաղագեղն հօիսիսիմէ հարսն իւր բազմեալ

առ ոտս նորա, 'ի վերայ ծնգաց իւրոց զմանկիկն բերելով 'ի նիրհ, լէր նմա քաղցրիկ արտասուօք : Առաստին խանդաղատեալ շուրջ 'ի հեռուստ կայր 'ի լուր . պատկառանք այնպիսի յերեսաց նորա աղչեալ, զի ոչ որ 'ի նոցանէ իշխէր մերձէնալ առ նա :

Փարասայ կանխեալ 'ի չու քան զնաւատորմն՝ զոր ածէի, մնայր ինձ 'ի Աոստանդնուպօլիս . և մանրապատում անդ զհրաշալուր գէպս արարեալ, ցնծութիւն մեծ յարբունիս և 'ի մայրաքաղաքին հռչակաւ յաղթանակացս մերոց ներգործէր : Բնաջինջ բարձումն 'ի սուղ ժամանակի ահաւոր ինքնակալութեանն Սանդալայ՝ երևելի քան զամենայն անցս մերոյ ժամանակիս արձանանայր : Բարեկամք իմ արբեցեալք 'ի յաջողութեանց աստի կամեցան պայծառացուցանել զփառս իմ, այլ նսեմացուցին զայն : Առուցին փութանակի մեծաշուք կառս յաղթանակի, և ամբաւ բազմութեամբ ժողովրդեան եկին ինձ ընդ առաջ 'ի դուռն քաղաքին : Հասի անդր, ածեալ ընդ աջմէ փառօք զարբայազատ գերիսն իմ . և խնայեալ 'ի նոսա, յառաջագոյն յղեալ էր իմ զգրօջս զրաւեալս և զայլ ևս խիոյեանս յաղթութեան, զի մի առաջի աչաց նոցա զնայցեն . պահեալ, յաւարէ անտի աւետարան մի միայն ոսկիապատ և աղանակուռ, զոր ինձէն պարտ համարեցայ բարձեալ բերել . և զքնաւ իսկ զամենայն սպասս

փառաց յաղթանակի խախտանեալ էր իմ: Եւ ըսր
 ցնծալից բարբառոյ ժողովրդեանն 'ի հեռուստ'
 խռովեցաւ անդէն սիրտ իմ, ածեալ զմտաւ՝ զի
 բազմամբօխ քաղաքաժողովոյն խրախոյս խնդու-
 թեան էր 'ի թշնամանս աղետից գերւոյն իմոյ:
 Վարձայ հայեցայ սրտառուչ 'ի Վեղիմեր, և
 ահա զարմացումն մեծ կալաւ զիս, զի տեսանէի
 ժպիտ 'ի դէմն նորա: Օգաց նա զզարմանս
 իմ, և ասէ ցիս. յպտիմ՝ ընդ արկածս բախ-
 տին, և ծիծաղելի ինձ յեղափոխութիւնք նորա
 թուին: Եւ յօգւոց հանեալ յաւել. Բւանդ, 'ի
 սմին աւուր ժամանակի ամբարձայ ես 'ի գահ Եւ
 դերիկեայ, և քարողեցայ թագաւոր ժողովրդեան՝
 որ ոչ ևս է 'ի միջի: Եւ իբրև նա զայս ասէր, 'ի
 մուտս դրան քաղաքին կայաք, պար առեալ յան-
 թիւ անհամար բազմութենէ ժողովրդեան՝ որ
 զմայլեալ ցնծութեամբ զիմէին ինձ ընդ առաջ:
 Տեսի 'ի խռան անդ զՎարաս և զայլ ամենայն
 բարեկանս և զհարսն իմ, և հրձուեալ բերկ-
 րէի՝ փառաւորեալ առաջի սիրելեաց իմոց: Եւ
 ահա յափշտակեալ ածին զիս 'ի կառս յաղթա-
 կան. հրաժարէի 'ի փառացն, այլ վեր 'ի վերոյ՝
 թէ գուցէ եղկանայր եռանդն այն, և փոխանա-
 կէր տհաճութիւն 'ի հակառակել իմում ուժ-
 գին: Վնային յուշիկ անիւք կառացն 'ի դիւ, 'ի
 ստեպ զօջիւն աղալակի՝ Վեցցէ Բելիսար: Եւ

1 Ըստ պատմագրաց:

մէջ այսպիսուոյ յաղթանակի լսելի լինէր ինձ յետ-
 կուսէ անաղօտաձայն բարբառ խիստ և արիական.
 “Ունայնութիւն ունայնութեանց, ամենայն ինչ
 ընդունայն է” : Եւ էր այն բարբառ Վեղիմե-
 րի՝. սիրտ 'ի թնդոջ՝ դարձայ և տեսանեմ զար-
 քայն և զարքայուհի սքօղեալ զիմօք շղթայա-
 կապ 'ի կառս իմ՝ 'ի շղթայս ոսկեղէնս՝: Ուշ 'ի
 կուրծս անկեալ, 'ի միտս եղէ 'ի տեսլենէն. ա-
 մաչեցի ընդ հեթանոսական յաղթանակն, զոր
 ոչ ինքնակալին՝ որ թագաւորէրն յայնժամ, և
 ոչ վեհափառ նախորդի նորին արարեալ էր. հա-
 սու եղէ վտանգին՝ որ 'ի փառաւորութենէ ան-
 տի, և կրէի այնուհետև տազնապ դժոխմբեր,
 որպէս որ 'ի քարչ ածի ընդ ճանապարհ մոլորա-
 շաւիղ՝ որ տանի 'ի կորուստ: Ըստ մերձենալ մեր
 յարքունիս ինքնակալին՝ յաճախէր յիս տագ-
 նապն, յիրաւացի կասկածանս իմ յաւելեալ որ-
 չափ ինչ բոհմունս յոյզք ցնորից մտաց կուտակել
 կարեն: Հանդէսն այն ամբարտաւան ոչ միայն
 վտանգաւոր թուեր յաչս իմ և մեղապարտ,
 այլ և ծիծաղելի. բարբառք ցնծութեան, որք
 առ վայր մի զիս հրապուրեցին, և որք դարձեալ
 յարքունիս անդ հանդերձեալ էին լսելի լինել,
 աղղկին յիս այնուհետև դառնութիւն անհնա-
 րին. ընտրելի էր ինձ տոյժս ծանունս յանձն առ-
 նուլ առ 'ի լռեցուցանել և խախտանել զայնոսիկ:

1 Ըստ պատմագրաց: 2 Ըստ պատմագրաց:

Արեւի ամօթ և վիշտ միանգամայն յածել զմտաւ՝
 զի յերաւի էր ինքնակալին դժկամակէլ ընդ սնա-
 փառ յաղթանակն, և զի անխոհմութեամբ ի
 մով կորուսանէի զյարգ դերապան՝ վատտակոցս
 ահա մատուցելոց, և զի դարձեալ ՚ի նմին պա-
 հու դրանիկք ամբաստանէին զիս աներկբայա-
 պէս ՚ի փառամոլութիւն եղեռնաւոր և ՚ի տղայա-
 միտ սնապարծութիւն: Այս ամենայն խոր-
 հուրդք այնպէս զմիտս իմ տագնապէին, զի ամե-
 նայն չարեաց սպասեալ մնայի, և չարտահեր ինձ
 յեղակարծ՝ եթէ ՚ի մուտս անդ արբունեաց ՚ի
 վերայ իմ հասեալ պատուիրակք ինքնակալին ու-
 նէին զիս: Հասաք անդր, իջի ՚ի չարաշուկ կա-
 ռաց անտի, լուծան կապանք գերւոյն, և մտաք
 ՚ի ներքս յապարանսն: Յուստինիանոս բազ-
 մեալ ՚ի դահոյս մնայր ՚ի տեղւոջ այգորելի, և
 տեսի զգէմն նորա այլայլեալ: Առաջի արարի նը-
 մա զարքայն Անդալաց թագընկէց և զարքայու-
 ճին, և ասէ ցնա ինքնակալն. Աշխան քաջազն,
 զամենայն հնարս ՚ի դործ արարից առ ՚ի մոռա-
 ցուցանել քեզ զմուտս քո ՚ի մայրաքաղաք այսր.
 զի մեծարոյ է ինձ արիութիւն չարաբաստիկ և
 արիւն արքայազն, և չէր ինձ մարթ հրամայել
 զսպասդ զայդ թշնամանալից և անողորմ յաղթա-
 նակի:

Արպէս շանթք երկնառաք հարին զիս այս
 բանք, յունկն մախացող և չարակամ արբունեաց
 լսելի լեալ. և յոյժ առաւել ազդեցին յիս քան

զամենայն արտոր և քան զանկունն յամենայն
 իշխանութենէ: Վոյր յիս կար համբերելոյ վըշ-
 տաց, այլ ՚ի տոկ խոնարհութեան նուաղէր զօ-
 բութիւն իմ. և արդարեւ շիջաւ յիս յայնժամ
 անարծարծելի նախանձն տիրասէր, զոր ՚ի քսան-
 և հինգ ամաց հետէ բերէի ինքնակալին: Աջ
 ցասուննորա և ոչ անիրաւութիւն կարէին խլել
 զայն ՚ի սրտէ իմնէ. այլ արհամարհութիւնն այն
 անխուով, և ծանր կշտամբութիւնն յանդիման
 ոտխաց իմոց առ իս, խելամուտ արարին զիս՝ զի
 էր նա ընդ իս դատաւոր խիստ, ևս և ապաշնորհ,
 և չէր նորա լեալ երբէք ինձ բարեկամ: Պատաս-
 խանեցի մեծարանօք, այլ անվէհեր, զի սրտամու-
 թիւն և վիշտ զրկանացս համարձակէին զիս. և
 սուղ բանիւք յայտ արարի նմա զիմ իսկ դժկա-
 մակութիւն ընդ եռանդն ամբոխին, որում հարկ
 եղև ինձ տեղի տալ: Չարար նա զիս արժանի
 պատասխանոյ. այլ ընդ արքայուհւոյն խօսե-
 ցեալ մարդասիրապէս, արձակեաց զատեանն:
 Այլ յարբունեաց անտի սրտաուռ, և գրեցի առ
 ինքնակալն խոնարհ մեծարանօք, այլ աղղու-
 տալով ՚ի նմա համար զգործոց իմոց, և բողոք ա-
 զերսական յաւելեալ զհրապարակագոյժ կշտամ
 բանացն՝ որ կարելէր հարին զսիրտ իմ քան զիս
 ուսիրութիւն: Ավաղիւ անդր կոչեցեալ ՚ի նմա
 նէ, գտի ցնա միայնակ ՚ի ներքին սենեկի, և ջա-
 նայր զուարթութիւն ՚ի դէմն բերել: Այլ ՚ի
 կամել իմում ՚ի ճառս անցից իրացն մտանել,

լուեցոյց զիս՝ թէպէտ քաղցրութեամբ, և ՚ի վերայ էած զրոյցս զիրաց տեսչութեան: Աթէ ներէր ինձ հոլանեղ զսիրտ իմ, վերստին եռանդն տիրասէր նախանձու ՚ի սիրտ իմ արծարծանէր. այլ նորա մերժեալ զմտերմութիւն իմ, կորոյս զայն մինչև ՚ի սպառ:

Յայնմհետէ ՚ի վերին երեսս վարէր ընդ իս որպէս միշտն. ոչ ինչ յիշխանութեանց իմոց եբարձ, և ընդ ամենայն սահմանս ինքնակալութեան իւրոյ մեծարէի որպէս զառաջինն. այլ անկումն ՚ի շորհաց նորա աներկբայելի էր ինձ և ոսոխայն իմոց: Աերսիսի պատրաստեալ էր զայն մինչ դեռ ՚ի բացեայ էի, այնու չարանիւթ և խորամանկ հնարիւք՝ յոր ոչ որ այլ ՚ի մարդկանէ գոյր ձեռնհաս: Աերսէս կորովին և քաջայանդուզն ՚ի գլուխ զօրաց, վատ քան զամենայն աւագանին է ՚ի դրան. խիզախ ՚ի բնէ, այլ զգոյշ զգօնութեամբ և շահասիրութեամբ. յամենայն խորհուրդս նորա իշխէ փառասիրութիւն, կռէ զամենայն խօսս իւր, և գնացք նորա բերեն զկերպարանս ուղղութեան և անկեղծութեան. յաչաղկոտ և քինախնդիր, որ ոչ ումեք ներէ ոչ անիրաւելոց միայն՝ այլ և ոչ նախանձորդաց իւրոց. անողորբելի ատելութեամբ մթերեալ տածէ զօրս ՚ի սրտի, և ՚ի ներքս անդ վառեալ բորբօքէ. անդութ և վայրագ, որ զվրէժխնդրութիւն համարի իւր յաղթանակ և բերկրանս: Աչ զոր որեք տեսեալ է իմ որպէս զնա ժպիտ անբռնազ

բօս ՚ի դէմն բերելով առ թնամին, որում զանշուշտ պատրաստեալ է կորուստ: Պիտէ նա հասու լինել իւ իւր որ տկարն է և թերի. առաքինութիւնք այնպիսոցն թուին յաչս իւր որպէս սնգուրեալ պաճուճանք, և նահատակութիւնք նորա յանդգնութիւնք: Առ ոչ ինչ համարի զբարեկամութիւն, և չվտասհի երբէք յայն. չիք որ բարեկամ նորա, այլ ձեռատունիք՝ զորոց շահասիրութիւն և եթ համարի երաշխաւորութիւն հաստատուն: Սորա արբանեակք իւր աննշանք նիւթէն չարիս զաղտնածածուկ. ոչ սիրեն զնա, այլ բարւոք ծառայեն նմա հրահանդեալք ՚ի նմանէ, և ոչ երբէք եռանդն տարապայման միջ զնոսա անդր քան զեղեալն ՚ի նմանէ սահման: Սոցա ՚ի հրամանէ նորին բանսարկեալ էր յայնժամ զըպարտութիւնս զինէն, յորոց զրաւեալ էին միտք ինքնակալին. իբր այն թէ խորհրդակից լեալ յառաջագոյն ընդ բարեկամն և պատրաստեալ էր իմ զյաղթական մուտս ՚ի մայրաքաղաք անդր: Ապաքէն Փարասայ, որ նախ քան զիս մեկնեցաւ յԱփրիկեայ, յորդորեալ էր յայտնապէս զժողովուրդն դալ ինձ ընդ առաջ և զվաստակար սպասն մատուցանել. որով հաստատութիւն մեծ առնուին զըպարտութիւնք ոսոխայն իմոց: Յաւելուին իբր թէ ուամիկն յարբեցութեան անդ իւրում իշխեալ էր ասել, թէ զօրաւար այսքան փառօք լի՝ արժանի էր յաջորդելոյ ինքնակալին, որ քաջութեամբ իւրով ամ

բարձաւ 'ի գահ : Յուստինիանոս չէր այր պատերազմի . նախորդին նորա Յուստինեայ ոչ երբէք ընդ ումեք 'ի զօրավարաց իւրոց նախանձեալ էր . բայց Յուստինիանոս չև իսկ կասկածեալ ընդ հաւատարմութիւն իմ, եթէ ոչ խիթացաւ՝ սակայն գոգմնեցաւ աներկբայապէս ընդ փառս անուան իմոյ , և զամենայն հնարս յայնմ հետէ հնարէր առ 'ի նսեմացուցանել զայն՝ յաբուցանելով ինձ ոսոխ :

Ի ժամանակի անդ խաղաղութեան՝ պարապ առեալ, մեկնէի ստէպ յամարանոց իմ՝ կեալ 'ի գիրկս ընտանեաց իմոց , և դաստիարակել զմիամօր դստրիկ իմ՝ Լնաստասիա : Լնր ապաքէն և այլ ինչ խորհուրդ ստէպ 'ի բաց կալոյ իմոյ յարքունեաց . գիտէի զցրտանալ սիրոյ ինքնակալին ընդ իս , այլ դեռ ևս վստահ էի ընդ սովորութիւն նորա և ընդ պէտս խորհրդակից լինելոյ ընդ իս , և համարէի թէ չկարէր նա առնել զանց զինև , այլ հարկ էր նմա կոչել զիս . և եթէ ոչ ևս վայելէի 'ի շնորհս ինքնակալին որպէս մտերիմ, գէթ ժառանգէի զմեծարանս նորա որպէս կարևոր ոք նմին : Լնլ խաբեցայ . զի առ իշխանս դիւրաւ ընուն զտեղի բարեկամութեան շողմք : Լն զարձեալ զի իշխանք զայնոցիկ և եթ վաստակս յարգեն , որ ընդ պիտանութեան և հաճոյականք իցեն նոցա . գողցես իմն զախորժակաց նոցա կախի վարկ նոցին . կորնչին արժանիք վաստակաւորաց կէս 'ի կէս , յանկանել նոցա 'ի շնորհաց

իշխանին . և զիմաստնագոյն իսկ խորհրդոց նոցա , զորոց երթեալ իցէ զհետ , ոչ այլ ինչ յիշէնա , բայց զընտրութիւնն՝ որով իմաստութեան նոցին համարի հասու լեալ . քանզի յիշատակս այս անձնասիրութեան ախորժելի՝ ազատ կացուցանէ զնա՝ 'ի շնորհապարտ գոհութենէ : Քրութով յաջողեաց Սերսիսի յինքն յանկուցանել բովանդակ զմտերմութիւն ինքնակալին . քանզի իշխանք տկարք և կասկածառք խիթան ունեւառ իւրեանս որոց գերագոյն քան զիւրեանցն իցեն միտք , և կարիցեն զննել զխորհուրդս իւրեանց կամ գուշակել : Քիտաց Սերսէս ծածկել ճարտարութեամբ զհանձար իւր , այնչափ ինչ և եթ ցուցեալ՝ որչափ կարևորն էր առ 'ի ճանաչել զյարգ ինքնակալին հանձարոյ , թագուցանելով զխորագիտութիւն իւր և զխորագինն միտս : Պատրաստ միշտ 'ի փոխանակել ընդ շահ օգտին զանձնասիրութիւն , 'ի տալ անդ խորհուրդս հանձարեղս՝ զամենայն պարճանս խորհրդոցն թողոյր 'ի նա , իբր պարզելով զտեսութիւնս նորա , և միաբանելով ընդ խորհուրդս երկնեալս 'ի նմանէ : Լնխ սու հնարիւք , զոր ճարտար գիտաց 'ի կիր արկանել , պատրաստեաց իւր մեծարանս և ամրացոյց զայն մինչև 'ի սպառ :

Յետ ընդ երկար լուծեան պատերազմաց , սկսան անդրէն Սուլդարք ասպատակել 'ի սահմանս մեր , զօրավարեալք յարքայէն իւրեանց՝ որ քաջակորովն էր և իրաց պատերազմի տեղեակ :

Ըրհամարհեցան 'ի սկզբան անդ արշաւանք նոցա . այլ 'ի տիրելնոցա յեղակարծում միոյ 'ի քաղաքաց , աղմկեցաւ աշխարհն ամենայն : Ըբդալարքայնոցա զօրու ծանու հասեալ , արկանէր արհաւիրս ամենայն ուրէք . խնդրեցի ես ելանել ընդդէմ նորա , բայց ինքնակալն անժպիտ ետ ինձ պատասխանի՝ թէ կանխեալ՝ Վերսիսի խընդրեալ էր զայն , և ընկալեալ զզօրավարութիւն բանակին : Յաւել ևս զի մեծագոյն պատրաստէր ինձ դործ պատերազմի ընդդէմ խռովութեանցն՝ որ յառնէին յատալիա , խորհուրդ 'ի մտի ունելով յղել զիս անդր : Ոչ ինչ էտու նմա պատասխանի , լուռ և եթ դարձ արարեալ յամարաստան իմ : Եւ խաղաց գնաց Վերսէս ընդդէմ Ըբդալայ , եհաս առ նա , ետ ճակատամարտ , և նուազագոյն զօրօք կալաւ յաղթութիւն մեծ . այլ 'ի վերջկոյս մարտին խոցեալ կարեվէր , ածաւ 'ի բաց 'ի ճակատուն տեղւոջէ , և համարէր մեռեալ : Եւ մինչ թշնամիք այլ ոք այլուր փախըտեայք գնային , զօրք ինքնակալին ամայի 'ի զօրավարէն ոչ կարացին յօգուտ 'ի կիր արկանել զյաղթութիւնն՝ որով մարթէր նոցա սպառսպուռ խորտակել զթշնամին . այլ զբանակետղ և եթ Տուրղարաց կայեալ , և ոչ զուրուք 'ի նոցանէ զհետ մտեալ , թողին նոցա պարսպ գունդ կազմելոյ անդրէն :

Հաճոյ թուեցաւ ինքնակալին աշխարհաբարոզ հրովարտակօք և մեծահանդէս տօնախմբու-

թեամբք պայծառացունել զփառս յաղթանակին . բայց ժողովուրդն ոչ մեծ ինչ եռանդն եցոյց ընդ այն : Վերսիսի զբազումն 'ի ստորադաս պաշտօնէից ճարտար հնարիւք կուսակիցս իւր արարեալ էր . իսկ աւագանին ինքնայորդոր յօժարէր 'ի դովել և 'ի բարձրացունել զոսոյս այնորիկ՝ ոյր մեծարանք և համբաւ յերեսուն ամաց հետէ զրդէին զնախանձ նորա . բայց ժողովրդեան ատելի էր Վերսէս վասն ազահու թեան իւրոյ : Սակայն ինքն ոչ միայն չխնդրէր զչնորհս ռամկին յեղյեղուկ և վտանգաւոր իսկ առն հպատակի , այլ և բերկրէր 'ի տեսանէն յաճախեալ զայն առ իս . զիտելով զի երևելնուրա 'ի ցրտանալ սիրոյ իշխանին՝ ոչ ինչ ընդհատ 'ի վտարանջութենէ թուի արքունեաց : Յաուրս տօնիցն այնոցիկ հասարակաց պարտ համարեցայ դառնալ 'ի քաղաք անդր . թէպէտ և դժկամակէի 'ի սրտէ ընդ պայծառութիւն հանդիսիցն , ածեալ զմտաւ՝ զի ոչ երբէք հանդոյն ինչ վասն իմոց յաղթութեանցս հրամայեալ էր ինքնակալին , և ոչ 'ի նուաճել իմում զՎիրիկէ : Եղև և 'ի կրկիսին տօն մեծահանդէս . ուր ինքնակալին հանդերձ ամենայն արքունեօքն եկեալ , եղև ականատես սիրոյ ժողովրդեանն առ իս : Բազմութիւնն այն յոգնախումբ , որով լի էր ասպարէզն , ընդ տեսանէն զիս՝ հնչեցոյց զօղս ծափիւք զրուատեաց և ցնծալից աղաղակաւ . իսկ իմ սիզացեալ միանգամայն և խանդաղատեալ

ընդ անկեղակարծ մեծարանսն, համարէի գոհ
հուածեամբ ամբոխին խնդրել զվրէժ իմ. այլ ա-
ւա՛ղ, զի այնու սպառնալուս պատրաստէր ինձ կո-
րուստ :

Յայնմ վայրի գուժկանք 'ի բանակէն հասա-
նէին, զի Վերսէս յոգիս ապաստան 'ի վիրացն՝
ոչ ևս կարէր զօրավարել, և ոչ խորհուրդ երբէք
տալ. զի բանակն թշնամեաց վերստին խմբեալ,
և հզօրացեալ այլ ևս գնդօք, տիրեալ էր ամուր
ամուր վայրաց. և զի ոչ զուաւ լեալ մարտին,
այլ մանաւանդ սաստիկ ևս պատրաստէր : Ս'ի 'ի
զօրագլխաց Վերսիսի զօրավարէր առ ժամն,
մինչ չև յինքնակալէն ընտրեալ ոք յաջորդ. և
հաստատեաց զնա ինքնակալն 'ի հրամատարու-
թեան, թէպէտ և ամբոխն աղաղակէր խնդրէր
զիս փոխանակ Վերսիսի : Բնորութեանս այսու-
րիկ արգասիք եղէն պարտութիւն ճակատամար-
տին, որ 'ի վտանգ մեծ արկ զինքնակալութիւնն.
յաճախեաց յայնժամ և ևս աղաղակ ամբոխին
սպառնալից, որչափ գայր մերձենայր թշնամին և
առաւելագոյն արկանէր արհաւիրս : Հարկ եղև
ինքնակալին տեղի տալ նոցա, և հրամայել ինձ
անկանել 'ի չու. խնդրեցի յայնժամ իշխանու-
թիւն լիուլի, և ետ ինձ զայն. և շտապ տագնա-
պաւ հասի 'ի բանակ անդր : Այլ զհետ իմ ան-
թիւ անհամար բազմութիւնն ինքնակամ զինուո-
րելոց, որ գային և յաւելուին ընդ ճանապարհն
ամենայն : Ատի զբանակն վեր 'ի վայր շփոթեալ

յերեսաց նախանձու զօրապետացն Վերսիսի ընդ
հրամատարութիւն ընտրելոյն. դարձեալ և յեր-
կոսին իսկ 'ի բանակս գրգռեալ էր ռիսերիմատե-
լութիւն վասն բազում անգթութեանց գործելոց
'ի Վերսիսէ և ապա 'ի զօրագլխաց նորա, որովք
դժնդակագոյն վրէժխնդրութեանց ձայնատուր
լեալ էր նոցա : Արդ և հրահանգս եղի 'ի զօ-
րուն, և սպարապետին Բուղարաց ազգ արարի
զզօրավարութիւն իմ, և զսոսկումն 'ի լուր անգը-
թութեանցն երկուստեք գործեցելոց ընդ գե-
րին : Յաւելի և բանս ինչ խաղաղութեան առա-
ջարկել, զոր մերժեաց Բբդալ, թէպէտ մեծա-
րանօք արարեալ ինձ պատասխանի : Հասպ կազ-
մեալ 'ի սպտերազմ, յարձակեցայ յեղակարծում.
երկարատև և ահագին եղև ճակատամարտ, և
սպառնալուս պարտութիւն թշնամեաց : Սպարա-
պետին միածին որդի ձերբակալ ածաւ առ իս 'ի
խորանն, և էր նա պատանի եօթնևտասն ամաց.
հայր նորա յղեաց առ իս նոյնօրին հրեշտակս բա-
զումն, տագնապեալ վասն սիրելոց որդեկին՝
յոր էր միակ յոյս իւր. և 'ի վաղիւ անդր դար-
ձուցի առ նա զպատանին, առանց փրկանս իսկ
պահանջելոյ : Այս ազնուական քաղաքավարու-
թիւն խորագոյնս ազգեաց 'ի սիրտ Բբդալայ, և
արար նա աղերս խաղաղութեան. անկեղծու-
թիւն վերակացու եղև իրաւախոհութեանս մե-
րոյ, և երաշխաւոր պանծալի և անշարժ խաղա-
ղութեան :

Հասին զրոյցք աւետաւորք 'ի Աոստանդնուպօլիս , և տարապայման ցնծութիւն հասարակաց խռովութեան տալով կասկած յարքունիս , ըմբռնեցան ոչ սակաւք : Պատուէր եհաս առ իս արձակել 'ի բաց զգունդ ինքնակամ զինուորելոց , և բաժանեալ զբանակն՝ զօրահատոյց առնել յայլևայլ կողմանս , որպէս սահմանէրն ինձ : Աստարեցի վաղ ընդ փոյթ զամենայն հրամանն , որ տուան ինձ առ ահի յաղթութեանցն իմոց և ունելոյ շնորհս առաջի ժողովրդեան : Աւ ապա մինչ դէմ եդեալ դառնայի 'ի Աոստանդնուպօլիս , երկօրեայ ճանապարհաւ հեռի 'ի մայրաքաղաքէն եհաս սուրհանգակ առ իս՝ յայտ առնել զի հրամայէր ինձ մեկնել զնալ անյապաղ յամարանոց իմ յաքսոր , և կալ անդ մինչև հասցէ այլ հրաման : Այնպէս գրէր ինձ զի զարքայորդին Ռուղարաց դարձուցի առ հայր իւր առանց ինչ փրկանաց և դաշանց , և զի մարթէր ինձ առնել խաղաղութիւն օգտակարագոյն աշխարհին : Հուր եղէ առանց և ոչ մի ինչ բան յառաջ բերելոյ 'ի պատասխանատրութիւն , քաջ դիտելով զի միովն ևեթ այնուիկ գտանէի մեղապարտ , բանզի ահարկու էի սիրով ժողովրդեանն ընդ իս և բարեբաստութեամբ զինուցս իմոց :

Արծիբ են առ բաղունս , զի դրանիկ անկեալ 'ի շնորհաց՝ լքեալ կայցէ յամենայն բարեկամաց այլ հակառակն պատահէ , եթէ մեծահամբաւ որ իցէ նա և սիրելի ժողովրդեան : Ապաքէն շա

հասիրութիւն զհետ երթայ բախտի . այլ փառասիրութիւն թերևս առաւելագոյն իսկ եռանդեամբ յարի 'ի համբաւ տկանաւոր . ընդ տիրապետական և բռնաւոր իշխանութեամբ ամենայն ազնուական մտածութիւնք դադարեն կամ ամփոփին . իսկ ընդ իշխանութեամբ արքայի , որ 'ի դահուն իւրում վայելուն է , զօրանայ վարկ հասարակաց . և ցորչափ տեէ սա , վեհ է և ազնուական : Ատարանդութիւն իմ ոչ 'ի բաց արար յինէն զբարեկամս իմ , այլ յաճախեցին ինձ բարեկամք վասն թշուառութեան իմոյ . զի սիրելի է արհամարհել զարքունիս , ուր չիցէ ինչ 'ի միջի վտանգ : Վային խռնէին յամարանոց իմ ամենեքեան՝ որոց չէր մտերմութիւն ընդ ինքնակալին , և ոչ ընդ աւագանին նորա . ցանկային անդր 'ի ներքս մտանել , կէսք առ 'ի պարծանս , այլք 'ի հեճուկս ոսոխաց իմոց , կամ առ 'ի ճանաչել զիս , և մանաւանդ յուսով դարձի իմոյ 'ի շնորհս և յիշելոյ զսպասահարկութիւնս նոցա :

Յուստինիանեայ ոչ գոյր որդի , և ամբ տիոց դշխոյին բառնային զամենայն յոյս ծնանելոյ նըմա զաւակ . և արար նա ընդ քեռորդեակ իւր որ ինչ Յուստինեայնախորդինորա արարեալ էր ընդ նմա . ընկալաւ զնա յորդեգիրս և կայոյց ժառանգ ինքնակալութեան իւրոյ , շնորհեալ նմա զքեռոյն իւրոյ անուն պատկառելի : Անուկն Յուստինոս

¹ Ըստ պատմագրաց : Սա ինքն է Յուստինոս երկրորդ , կամ կրտսերն յորջորջեալ :

գերարդոյն՝ Արբաղայ յանձնեցաւ ՚ի դաստիարակութիւնս . ետ ինքնակալն ՚ի ձեռսնորա և զպատանեակն Տիբեր զազգական իւր , երկամաւ երիցագոյն քան զՅուստինոս . որք ՚ի միասին դաստիարակեցան հեռի ՚ի մայրաքաղաքէն , սուղ ինչ ՚ի բացեայ յամարանոցէ իմմէ : Արկղբին սորա պատանիք արքայազունք , անմեկինք յիրերաց ՚ի մատաղ տիոց , այնպէս ընդ միմեանս ուզեխառնեալք՝ զի մարթ է կոչել զնոսա նախատիպս ամենակատար բարեկամութեան : Սակայն այնպիսի ՚ի բնութենէ ընկալեալ նոցա բարս ներհակակիրս , զի անհնար է կարծել զնոսա ՚ի նմին դաստիարակէ հրահանգեալս , և անհնարին և սսիրել նոցա զիրեարս : Յուստինոս ամենեքումբ արտաքին վայելութեամբ ճոխացեալ , այլ բուռն և լի գոռոզութեամբ և դժնդակ ՚ի նախկին յոյզս կրիցն՝ գուժէ թագաւորութիւն իմն մրկալից և արիւնահեղ . ուժգին են ամենայն կիրք ՚ի նմա և աննուաճելի , զայրոյթ նորա մոլեգին , և բազում այն է՝ զի զառածանի ՚ի կատաղութիւն : Ամենայն ինչ ՚ի նմա է ծայրայեղ՝ անցեալ միշտ ըստ չափ և ըստ պայման . յոգունց բարեմասնութեանց բնաւորեալ ՚ի նմա յօժարութիւն և բողբոջ , սակայն և ոչ մի յառաքինութեանց բովանդակեալ ՚ի նմա . ազատութիւն նորա է անխոհեմութիւն և անկրթութիւն , վեհանձնութիւն նորա յանձնապատանութիւն , և արիւթութիւն իւր անհեթեթ յանդգնութիւն : Մայց վկայ

են ամենեքեան բերել նմա յանձին մեծութիւն իմն և աղոռականութիւն , զտիպս ինչ նոյնն ածելով ՚ի հաւաստիս , և մանաւանդ որ հաստատագոյնն թուի առհաւատչեայ՝ զանցելի բարեկամութիւն նորա ընդ Տիբերեայ :

Իսկ Տիբերիոս հանդարտ և զգօն , միանգամայն և լի եռանդեամբ առ լաւն . բերէ նա յանձին հանձար ընդ զգայութեան , արիւթութիւն հոգոյ ընդ քաղցր բնաւորութեան , և խոհեմութիւն ընդ անկեղծութեան . պատանի լի ամենայն բարեմասնութեամբ , որում մարթէր իսկ փառաւորել զաթու ինքնակալութեանն . այլ զի տասցէ նա երկոքումբ առաւելութեամբն , առաքինութեան և բարեկամութեան , ամբել զկիրս այնորիկ՝ որ անդր ամբառնալոյն է :

Մերձ ՚ի լրումն դաստիարակութեան երկոցունց պատանեացս թագազանց ելի ես յաբսոր . Յուստինեայ այն ինչ հասեալ էր ՚ի տիս ութ և տասն ամաց , իսկ Տիբերեայ ՚ի քսան : Աւ քան զի անմերձք ՚ի մարդկանն դաստիարակէին , չտեսանէի զնոսա երբէք , և չկարէի իսկ տեսանել անկեալ ՚ի շնորհաց ինքնակալին : Ի միում աւուրց ՚ի զգնալ իմում միայնակ ՚ի պարտիլն՝ պատահեցի յանկարծ ՚ի պտոյտս ծառատունկ ուղւոյն երկուց պատանեաց , որ գային թև ՚ի թև խառնեալ : Ի մեծավայելուչ գեղ կերպարանայն ընդոստուցեալ աչք իմ և զկայ առի . յայնժամ՝ երիցացոյնն ՚ի նոցանէ ասէ զիս . Այերեա եթէ աղմկեմք

զմիայնութիւն քոյին , այլ ըղձալի է մեզ տեսա-
նել զմեծն Քրիստոսը : Օչոյս այսպէս 'ի սոյն ձե-
բանի ասելով ցիս պատանւոյն ծանեայ անդէն
զի էին նորա Յուստինոսս և Տիբեր , որոց կատա-
րեալ զվարժս իւրեանց առ ոտս զքօն վարժապե-
տին՝ դառնային յարքունիս : Պատանին Տիբեր
անդատին 'ի տղայ տիոց լուեալ զնահատակու-
թիւնս իմ՝ մորմոքէր 'ի բազմաց հետէ ընդ
բախտ իմ : 'ի լուր և եթ համբաւոյ իմոյ յարեալ
էր նա յիս ամենայն եռանդեամբ տիոցն իւրոց
և զօրութեամբ վեհ և ազնուական հոգւոյն :
Օչոյն իղձս և 'ի Յուստինոսս ազդեալ էր փոքր
'ի շատէ . և 'ի լսել զաքսորանս իմ , սրտմտեալ
յոյժ էին երկաքանչիւր . և պատճառանօք իբր
թէ յորս ելեալ նոցա առ բնակութեամբ իմով ,
խոյս տուեալ յորսակցացն՝ գային յամարանոց
իմ : Յուստինոսս խորխտ և վճիռ բարբառով , ու-
րով և ընդ սիրելիսն վարի , խոստանայր դարձու-
ցանել զիս յաքսորանաց , և տալ պատուհասել
զթշնամիս իմ : Քայց Տիբերիոս յաւել . Ոչ այդ
պէս , այլ ինքնին իսկ Քրիստոսը խնդրեցէ ըզ-
վրէժ իւր նորանոր յաղթանակօք , մեք 'ի դարձ
և եթ նորին գուն գործեսցուք . զի առնել իրա-
ւունս Քրիստոսայ՝ է սպաս հարկանել աշխար-
հիս : Ալ արդարև Յուստինոսս , յորդորեալ 'ի
Տիբերեայ , ընդ հասանելն իւրում՝ յարքունիս՝
աղերս ուժգին արկ ինքնակալին վասն իմ : Ալ
քանզի առ գութ սիրոյ նորա ինքնակալն անտես

առնէր զամենայն , ընկալաւ յատենի լու 'ի լու
հասարակաց զաղաչանս նորա , առ 'ի սիրելի ըն-
ծայեցուցանելոյ զնա այսուիկ ժողովրդեան . և
զի դարձեալ կարօտէր ինձ վասն պատերազմին
Խալիոյ , ուրախ եղև ընդ պատճառանսն զար-
ձուցանելոյ զիս :

Ալ էհ և ազնուական էր ուշ նպատակի պատե-
րազմին այսորիկ , որպէս և այլոցն ամենեցուն՝ որ
առ ինքնակալութեամբն այնուիկ միւլեցան պա-
տերազմունք՝ : Համբաւատենք զշխոյն Ոստրու-
կութաց իտալացւոց Մնալազոն ուխտ նիզակակ-
ցութեան կուեալ էր ընդ Յուստինիանեայ , և
անդրժելի երկուստեք պահէին դաշինքն : () Գուտ
աշխարհին և յօժարութիւն սրտի ձգէին հաւա-
սարապէս զինքնակալն 'ի բարեկամութիւն զըշ-
խոյն , որոյ արիութիւն , հանձար և զօրութիւն
մտաց զարմանալի էին նմա՝ : Մնալազոն ձոխա-
ցեալ ամենայն բարեմասնութեամբ քաջի իշխա-
նի , արժանի էր թագաւորելոյ 'ի վերայ բարդա-
ւաճեալ ժողովրդեան : Սալաւ նա 'ի խաղաղու-
թեան զաշխարհ իւր , ծաղկեցոյց զարուեստս և
զգիտութիւնս , հրաւիրեաց առ իւր զխմտտնոց և
զգիտնոց կաճառ , և պահեաց զհոյժմայեցիս 'ի
վայրենամտութենէ Պոթաց : Քայց 'ի վաղամե-
ռիկ լինել Աթալարիկեայ որդւոյ իւրոյ , ամուսնա-

1 Ըստ պատմագրաց :

2 Մինչև Թէոդորայ տիկնոջ նորա նախանձել ընդ այն բա-
րեկամութիւն ըստ պատմագրաց :

ցաւ նա ընդ Մշտուածատրոյ ազգականի իւրում. որոյ միահեծան կամեցեալ ունել զթագաւորութիւնն, խուժադուժ ասերախտութիւն վտարեաց զտիկին իւր և զբարերար 'ի կղզի մի 'ի բոլանեան ծովակին, և ետ անդ հեղձուցանել զնա 'ի բազանիս': Ի լուր սոսկալի եղեռանն երգուաւ Յուստինիանոս խնդրել զվրէժ հիբի զշխոյին¹, և հաստատեցաւ 'ի խորհրդեան պատերազմն Իտալիոյ:

Ի նոյ ձեռնարկել ինքնակալին 'ի հրովարտակ դարձին իմոյ, Տիբերեայ կամեցեալ իւրովի աւետեալ ինձ զայն, փութացաւ առ իս յամարանոց իմ, և խնդրեաց տեսանել զիս միայնակ ընկալայ զնա 'ի ներքին սենեկի. և իբրև ծանոց ինձ զհաշտութիւն ինքնակալին, ասացի. Եւրոպանակնիալ շնորհք քե ինձ պարգևին: Եւ իբրև գոհանալ կամէի զնմանէ, կարձեաց զլսօս իմ և ասէ. Ոչ ինչ արարի քեզ շնորհ, զօգուտ և եթ աշխարհիս գործեալ և զղձից իմոց լուսն. կապեցաւ ընդ քեզ ոգի իմ անդատին 'ի մանուկ տիոց, յորմէ հետէ ընթեռնուի զպատմութիւն, և լսէի զնահատակութիւնս քո. և ըստ արժարձանել փառասիրութեան 'ի սրտի իմում, յաւելոյր սէր իմ առ քեզ: Վիտեմ զի է քո դուստր հնգետասանակայ, զոր չիք իմ երբէք տեսեալ, և ոչ զգեղ նորա ծանուցեալ. այլ շատ է ինձ զի է նա դուստր Իւլիսարեայ. երգուեալ է իմ հարսնացուցանել ինձ զայլ ոք:

¹ Ըստ պատմագրաց: ² Ըստ պատմագրաց:

Ի լուր բանից նորա գորով և զարմանք խառն 'ի սիրտ իմ զեղան: Եւ ինքնակալն, ասեմ, ոչ հաւանեցի արդեօք ընդ առ 'ի քէն պատիւդ ինձ պատրաստեալ: Պատասխանի ետ պատանին արքայազն. Ոչինչ երկբայիմ հաւանեցուցանել զնա յետ պատերազմն Իտալիոյ: Եւ ինչորեալ նորա զհաւանութիւն իմ սովին պայմանաւ, հաւանեցայ. և միաբանեցաք չհանել զիրան 'ի վեր մինչև նորա խօսեցեալ զայնմանէ ընդ ինքնակալին: Բայց սնապարծութիւն իմն հայրենի դրդեաց յիս իղձս՝ ցուցանելոյ զըստրիկն իմ արքայազն պատանւոյն, զոր անդատին փեսայացեալ ինձ համարէի: Ետու կոչել զՆաստասիա. և յերևել նորա անդ, հրձուէի ընդ զմայլանս՝ զոր շնորհք և գեղ զիմաց նորա ազգեցին 'ի պատանին, և ասէ. Ով գեղանսի՜ իմումն բախտի, զի մինչև զօրիորդն տեսեալ ինչորեցի զաջ նորա. վայրիկ մի ևս՝ և սիրոյ և եթ հասանէր տնօրինել զիմ բախտ. այլ առաքինութեան պարտ էր սահմանել զբախտ փեսայի նորա: Ի տեսութեան աստի խանդաղատեցաւ 'ի սէր գողտրիկ և անկեղծ սիրտ օրիորդին, խոստմամբս իմով լեալ նմա բոլորանուէր ցկեանս:

Գարձայ յարքունիս, և գտի անդ զԵրեսո. որոյ ապաքինեալ 'ի վերացն՝ անդր փութացեալ էր: Հզօրացեալ էր նա յոյժ առաջի ինքնակալին յաւուրս արքորանաց իմոց. այլ ամենայն չարարուեստ հնարք նորա և խորամանկ ճարտարու-

Թիւն 'ի դաւել և 'ի վնասել ինձ՝ յանկարծ 'ի ձեռն պատանեկի միոյ ցրեցան : Բանակս կրկին տուեալ էր պատրաստել վասն պատերազմին և տալիոյ, որպէս զի հաւասար իշխանութեամբ երկաքանչիւր միումն յայնցանէ զօրավարէաք : Երկրքին պատանիքն արքայազունք հանդերձեալ էին զառաջին փորձ զինուց յայնմ պատերազմի փորձել . և Ներսիսի խոստումն ինքնակալէն ընկալեալ էր . զարքայորդին Յուստինոս ունել յիւրում բանակին , և կոչել զայն կայսերական բանակ : Խորհէր նա 'ի մտի , զի դժկամակեալ իմ ընդ անիրաւ մեծարանս նորա քան զիս՝ բողոքէի զայնմանէ ընդերկան համարձակութեամբս , և յանդուգն տրտնջանօք զայրացուցանէի զինքնակալն : Եւ ամենայն ինչ վեր 'ի վայր շրջեցաւ հզօր և անյողզողդ դիմադարձութեամբ արքայորդոյն , որ համարձակ յայտ արար ինքնակալին՝ զի զաղնուական մարզս պատերազմի ցանկայր առնել ընդ ձեռամբ հմտագունին 'ի զօրավարս նորա , այն որ զբազում յաղթութիւնսն տարեալ էր : Յաւել ևս զի չէր իւր սիրելի և մեծարոյ Ներսէս , և զի ոչ իւր յանձն առնոյր զինուորել ընդ նովաւ : Յայնժամ ասէ ինքնակալն . Եւ ո՞ տարապարտ զձախողակի կարծիսդ ազդեաց 'ի քեզ : Պատասխանի ետ արքայորդին . Եւ ոչ որ իրացն ինքնին յայտնի գորով . և թէպէտ Նարբալ իմաստուն գաստիարակն իմ՝ զգուշաւոր քան զամենայն որ և խոհեմ՝ զհակառակն

խրատէր ինձ առնել , այլ զոր խորհիմն՝ չկարեմ թանգուզել , անհաճոյ իսկ թերևս թուեցեալ յաչս ինքնակալիդ : Ինքնակալն ասէ . Եւ առ ինչ արհամարհ թուի քեզ Ներսէս : Պատանին ասէ . Օ ի վատ նախանձու ատեայ զՆելիսար : Ինքնակալն ասէ . Եւ որ հաւաստիք ատելութեան նորա : Պատանին ասէ . Եւն որ անվրիպելիքն են՝ գործք իւր : Ինքնակալն ասէ . Եւ որպէս : Երբայորդին ասէ . Ոչ ինչ է երկբայելի , զի Ներսէս զինուորական հանձարովն իւրով առաւել քան զամենայն որ զարմանայ 'ի սրտէ ընդ Նելիսար . արդ ինքն իսկ , եթէ չնախանձէր ընդ նա , բարեխօսէր վասն նորա , և ընդունէր 'ի քէն որ ինչ հաճեցարն չնորհել ինձ : Եպտեցաւ ինքնակալն և ասէ . Դու դեռ չճանաչես զարքունիս : Երբայորդին ասէ . Եւ ճանաչեմ զՆերսէս . և մի հրամայեսցէ ինձ ինքնակալ տելութիւնդ զի նուորել ընդ նովաւ . զի չկարեմ ընդ ձեռամբ այլոյ ուրուք կալ 'ի բանակի , բայց յաղթականին Պարսից և նուաճողին զԱրքեղոն :

Բարբ տկարք նուաճին բնաւորապէս 'ի հուզոյ հզօրէ : Յուստինոս հանդերձ թերութեամբքն մեծախոհ է , և խօսից նորա և բնաւ իսկ անձին է զօրութիւն իմն իշխանական՝ որ ըզհետ իւր առեալ ձգէ զամենայն . դարձեալ զի և յոյժ սիրէ զնա ինքնակալն , ոչ մեկնեցաւ 'ի բաց արքայորդին՝ մինչև ընկալեալ խոստումն 'ի նմանէ զօրավարելոյ ինձ կայսերական բանակին ,

այնմ՝ ուր արքայազունքն երկոքեան պատանիք զինուորեւոց էին : Օ այն անակնկալ հարուած ընկալաւ Մերսէս որպէս արդարեւ զբանիկ՝ ճարտար 'ի ծածկել զկիրոս . զգաց զի վնասակարազոյն իւր յիրիս յայսմիկ էր տագնապ ինքնակալին վասն չկալոյ 'ի խոստմանն և պարտելոյ 'ի քեռորդւոյն , և փութացաւ սիրովել զնա ասելով՝ զի 'ի նախամեծար առնել արքայորդւոյն զայլ ոք , անխոհեմութիւն մեծ էր ընդդէմ դառնալ կամաց նորա . և զի 'ի դիմադարձութենէ անտի վտանգ իսկ էր ձախողելոյ մարտին : Յաւել և այլ բազում պատճառս քաղաքաւարականս , խօսեցաւ զինէն մեծարանօք , հանդարտեցոյց զսիրտ ինքնակալին , զարմացոյց զնա կերպարանեալ առաքինութեամբն , և ոչ միայն աննուազելի պահեալ ըզվտահալութիւն նորա յինքն՝ այլ և յաւել զնոյն . մինչև ինձ իսկ 'ի ճարտարիմաց հնարից նորա խաբել : Օ ի եկն նա առ իս , և որպէս միշտ բնաւին անյոյզ 'ի կրից՝ ցանկալի իւր ասէր միաբան ընդ իս և միախորհուրդ ձեռնարկել 'ի գործս պատերազմին . և այնու զգօնութեամբ խօսեցաւ զայսմանն , զի հաւատարիմ համարեցայ զամենայն , և ամենայն անկեղծութեամբ պատասխանեալ՝ գովեցի յոյժ լու 'ի լու ամենեցուն զգնացս նորա , որ յաճախէին նմա փառս , և հաշտ առնէին զիս ընդ նմա 'ի սպառ :

Մտանիս կին իմ դարձ արար յարքունիս . և քանզի զշնոյն գութ բազում ցուցեալ էր ընդ իս

յաղէտս իմ , փութացաւ մատուցանել նմա շնորհակալիս հանդերձ դատերաւն՝ որ չև ևս երևեալ էր յարքունիս : Բայտ ոչ բախտի անդ առ զշնոյն գտեալ յայնժամ Յուստինոս , հարաւ 'ի գեղօրիորդին սաստիկ սիրով . մինչև չկարել իսկ թագուցանել զտարփանսն , այլ յայտնել ամենեցուն 'ի դրան : Բայց ինքնակալն չգիտելոյն աբար զայն , յուսացեալ զի 'ի գնալ նորա 'ի պատերազմ՝ անկանէր 'ի մտաց նորա տպաւորութիւնն այն նախկին դիւրաջինջ , վասն որոյ ձեպեցոյց զմեզ 'ի չու : Եւ 'ի հրաժեշտ 'ի նմանէ առնուլ արքայորդւոյն , ասէ ցնա ինքնակալն առաջի ամենեցուն՝ որ շուրջն կային . Երթ արքայորդիդ առնել քեզ փառս , և արժանի լինել բախտին որ 'ի սիրոյ իմնէ պատրաստեալ քեզ : Մտորեցի քեզ հարսն՝ երկոքումբ քեզ ցանկալի , գեղովն և մտերմութեամբ քով ընդ Տիբերեայ . 'ի դարձին քում ընկալցիս զաջ քեռ նորա զՍոփիայ արքայազին օրիորդին : Եւ զայս ասացեալ՝ 'ի հրաժեշտի կացոյց զնա , ոչ ևս տեղի տուեալ պատասխանոյ . սակայն յայտնի եղեն ամենեցուն յոյզք մտաց և տժգոհութիւն արքայորդւոյն :

Չու արարաք նաւարկել 'ի Սիկիլիա . և 'ի նաւի անդ ստէպ խօսէր ընդ իս արքայորդին ըզտարփաւոյն . և ես զնոյն միշտ պատասխանէի նմա անզիջանելի , զի ինքնակալն զայլազգ միտս իւր յայտնելով ամենեցուն՝ պարտ էր նմա հրա-

ժարել 'ի խորհրդոց անտի . և զի դարձեալ չէր յիս յանդուզն փառասիրութիւնն այն , և ոչ 'ի սրտի դատերն իմոյ՝ որ անհրապուրելին էր յարքունական փառաց . և ծիրանիք ոչ բաւէին յետս կացուցանել զնա 'ի պարտեացն . և զի խոստացեալ իսկ էր իմ զնա այլում : Բայց արքայորդին անխոյթ առնէր զբանից իմոց , թելադրութիւնս համարելով զայնոսիկ ինքնակալին . այլ ոչ համարձակէր 'ի վեր հանել զխորհուրդս իւր Տիբերեայ , տագնապեալ 'ի յայտնել նմա զմերժումն օրիորդի քեռ նորա : Իսկ Տիբեր իրադէտ ամենայնի , պատճառէր առ նմա անգիտանալ . և ինև սփոխէր զսիրտ իւր և զբռնազբօս լուծութիւնն՝ տաժանելի յոյժ մեծախոհութեան նորա , և ասէր ցիս . Աշմարեմ աստատին միրիկ ահեղ . և զի գործեսցէ Յուստինոս 'ի դիտելն , զի նախանձորդ նորին եմ 'ի սէր . և գիտացէ իսկ զայն վաղ կամ անագան : Օ այրոյթ նորա , թէ պէտ ահագին և արիւնախանձ , ոչ ինչ ահարկանէ յիս . վստահ եմ զի և տարփանք նորա , և որ ինչ անտի յուզեալ մոլեգնութիւնք հանդերձ ամեհի բնաւորութեամբ նորա՝ ոչ խղեսցեն երբէք զանլուծանելի բարեկամութեանս մերոյ անդատին 'ի մանկութենէ կցորդութիւն : Հնար իսկ է նմա 'ի զայրոյթ սրտմոռութեան իւրոյ՝ սուր 'ի սիրտ իմ ձգել . այլ նոյն աջ անզգայեալ արագ արագ զվրէժ արեան իմոյ ինդրեսցէ , զիւրն ևս ընդ իմումս խառնեալ . կարացէ նա

սպանանել զիս , այլ ոչ ևս յետ այնորիկ կեալ : Բայքան է սէր նորա ընդ իս , և աստի 'ի միտ առցես զգուժ իմ ընդ նմա . սիրելի է նա ինձ , զի չէք նորա սերտիւ սիրեալ զօր բաց յինէն , և զի ինձ միայն եղև ցարդ տիրապետել սրտի նորա . ոչ երկիւղ , ոչ ակնածութիւն , և ոչ շահ ինչ օգտի կարեն այլայլել երբէք զգնացս նորա . այլ ինձ յաճախ իսկ յաջողէ բանիւ միով ողորել զցատումս նորա , և փոխել զնա 'ի մտաց : Սակայն չէք իմ երբէք տեսեալ զնա 'ի տարփանս . և ո՞ կարիցէ գուշակել զարհաւիրս , զոր սէր մոլեգին և նախանձընդդէմ գործեսցէ յայլանգակ և յապերասան միտս նորա , և յեռանդուն և 'ի յանդուզն հողւոյ : Աջ հանդարտեմ տեսանել զնա թշուառ , և ինև իսկ զնա թշուառացեալ . վիշտ է ինձ մանաւանդ գաղտագողի լինել նմա նախանձորդ . մատնութիւն իմն թուի ինձ այս . և ոչ այսչափ լիցի ինձ վշտակրել , եթէ գիտացէ նա զամենայն :

Չկարեմ անյիշատակ առնել զայսոսիկ ազնուական իմաստս առաքինւոյն Տիբերեայ վեհազն պատանւոյն , որ միշտ լիցի ինձ սիրելի : Պատրաստ իսկ էր նա հրաժարել 'ի սիրուհւոյն , եթէ չէր իմ ազդեալ նմա զփոխադարձ սիրելութիւն իւր Մնաստասիայ , և զանհամբոյր անսիրելութիւն արքայորդւոյն առ 'ի նմանէ :

Եւ յաջողակի նաւարկութեամբ հասեալք 'ի Սիկիլիա , է որ զինուր և է որ ուխտիւ դաշանց՝

նուաճեցի զՎատանա , զՍիրակուսա , զՎանորմն
 և այլ քաղաքս բազումն : Ս աղ ընդ փոյթ զի
 մեալ ապա յՎատալիա , կալայ զՎէպալոլիս . և անտի
 դէմ՝ եդեալ 'ի Հուովմ՝ մտի անդր առանց ու
 բուք ինձ ընդդէմ դառնալոյ . և զփականս քաղա
 քին յղեցի առ ինքնակալն՝ : Յամենայն պատե
 ռազմունս յայտոսիկ արքայազունքն երկոքին պա
 տանիք պայծառացան քաջութեամբ . մին ան
 խուով սրտին և արագամտութեամբ լեալ նշա
 նաւոր , իսկ միւսն անվեհեր եռանդեամբ : Յուս
 տինոսի այնպէս զայրագինս նահատակեալ , զի
 ատելութեան թուէր խրախուսել զնա անդա
 դար և զրգուել 'ի վրէժխնդրութիւն անձին . իսկ
 Տիբեր հանդարտ 'ի վտանգս , և մարդասեր 'ի
 նախճիրս արեանց , թուէր ոչ յայլ ինչ ուշ ու
 նել՝ բայց ինայելոյ 'ի կեանս զօրակամին , և խը
 նամունելոյ ամեհի բարեկամին՝ զոր երկիրցս փըր
 կեաց 'ի մահուանէ : Օ ինուորական հանճարոյ
 'ի ծնէ հանդիպեալ , սիրտ նորա յօժար 'ի բա
 րերարել ոչ այլ ինչ դէպս բարեպատեհս համա
 րէր 'ի մարտի՝ բայց ուր կարէրն խափանել զկո
 րուստ բազմութեան մարդկան . անայլայլակ 'ի
 պատերազմի է վստահութիւն նորա , այլ յետ
 յաղթութեան տեսեալ է իմ զնա յաճախ խոռ
 վեալ յօգուոց հանելով ընդ համար անկելոցն :

Բցդ եղև մեզ անդ 'ի Հուովմ, զի ապաշնորհն
 և վատչուէր Բրտուածատուր երկնառաք պատու

1 Ըստ պատմագրաց :

հասիւ սպանեալ էր յապստամբաց , և զի սպա
 նօղնորին Ս խտիգէս բռնակալեալ զաթոռն Վո
 թաց՝ դիմէր գայր զօրօք պաշարել զմեզ 'ի Հը
 ուովմ՝ : Ել ընդդէմ նորա , հարի զնա , և կա
 լաք զյաղթութիւն . Ս խտիգէս փախստական եր
 թեալ ամրացաւ 'ի Հաուեննա . հասի զհետ , և
 զբռամբ ածեալ զքաղաքն՝ ձերբակալ արարի
 զՍ խտիգէս՝ : Յապուշ եղեն Վոթք ընդ այն
 չափ յաղթութիւնս . և անտէրունչք մնացեալ
 մատուցին ինձ հանդիսիւ զթագ արքայութեան
 իւրեանց : Պառք և եթ սիրելի եղեն ինձ միշտ ,
 և ոչ երբէք զարքայութեան թեկն ածի , ոչ այլ
 ինչ համարեալ զայն՝ բայց շքեղ ծառայութիւն .
 սակայն քաղցր թուեցաւ ինձ՝ յետ այնչափ անի
 ռաւութեանց կրելոյ , հանդէս առնել հաւատար
 մութեանս իմոյ հրաժարմամբ 'ի թագաւորելոյ՝ :
 Վատերազմն այս քաջայաղթ տւեաց զամ մի . և
 դարձ արարաք մեք 'ի Վոստանդնուպօլիս , ուր խըն
 դամիտ յանդիման ինքնակալին կացուցի միւսան
 գամ զթագաւոր խոնարհեալ յաթոռոյ առաջի
 զինուցս իմոց :

Պատուէր տուեալ էր իմ , գիտելով իսկ զայն
 Յուստինեայ , ոչ ևս երևել դատերն իմոյ յար
 քունիս՝ չև արքայորդոցն հարսնածեալ զՍո
 փիա . և գտի 'ի մայրաքաղաքին զկին իմ զԴն
 տոնիա , իսկ դուստր իմ Բնաստասիա կացեալ

1 Ըստ պատմագրաց : 5 Ըստ պատմագրաց :

մնացեալ էր յամարաստանի անդ դաստիարակաւն իւրով: Ընդ ժամանել մեր անդր, Յուստինոս այն ինչ այց արարեալ ինքնակալին՝ փութացաւ դաղտագնաց 'ի ինդիր Ընաստասիայ . և բռնաբարեալ զդրունս ամարանոցին, եմուտ մինչև 'ի բնակարան դստերն իմոյ, արհաւիրս անհնարինս արկ 'ի նա յայտնելով զկաթողին տարփանս իւր, և ոչ պատասխանոյ 'ինմանէ մնացեալ, անդրէն 'ի ձի աշտանակեալ՝ երազամէտ սանձարձակ դարձաւ 'ի մայրաքաղաքն: Օ համբաւի հարան իրքն. զիր 'ի դստերէ իմնէ ընկալայ մանրապատում, և ածի զայն առ ինքնակալն՝ յայտ առնելով նմա, զի ոչ միայն չյանդգնէի 'ի փառասիրութիւն վեհափառ ինամութեանն՝ այլ և զի անլուծանելի երգմամբ այլում զդուստր իմ՝ խոստացեալ էր: Առեաց ինքնակալն զՏիբեր, և հրամայեաց նմա երթալ առ քոյր իւր՝ որ հեռի յարքունեաց անտի դաստիարակէր առանձինն, և ածել զնա 'ի Աոստանդնուպոլիս, քանզի կամէր իսկ և իսկ հարսնացուցանել զնա Յուստինեայ: Պատասխանի ետ Տիբեր, զի օրիորդին Սոփիայ անյեղլի բնաւորութեան չէր հնար տալ աջ հաւանութեան այնմ՝ որ ստիպեալ 'ի հրամանէ հրաւիրէր զնա 'ի հարսնութիւն: Եւ 'ի ծանրացասումն լինել ինքնակալին ընդ այնպիսի բանն, յաւել Տիբերիոս . Աչ անդիտանամ, տէր արքայ, քանի փառք իցենք բռն իմում և ինձ հարսանիքդ գերապանծ . եթէ տեսանէիր զսիրտ իմ, 'ի միտ առնուիր զի բա-

րեբախտութիւն ինձ զայն համարիմ. այլ չկարեմ զսհել զքոյր իմ, և ոչ խաբել զնա: Այրիստ է օրիորդն, և արհամարհանաց արքայորդոյն ոչ կարէ ժուժկալել, անձանութեանմա աշխարհ և արքունիք, և դաստիարակեալ 'ի խոր միայնութեան՝ չգիտէ նա կեղծաւորել . երկնչում ածել զնա այսր, զի անսիրելաբար ընկալցի զնա արքայորդին: Յայնժամ ինքնակալն ասէ . Քաջ է, երթ ապա խօսել ընդ նմա, զի չէն ինձ կամք բռնադատելոյ . այլ գուն գործեալիւր ածել զնա, և համոզել ողբքով 'ի հարսանիսն՝ որ ցանկալի է մեզ:

Մեկնեցաւ զնաց Տիբեր, և դարձաւ միայնակ, եբեր զքոյց ինքնակալին 'ի Սոփիայ, զի գիտացեալ նորա զցրտութիւն արքայորդոյն 'ի սէր իւր՝ պաղատէր 'ի ձեռն եղբօր իւրոյ առ ինքնակալն՝ թողուլ զնա 'ի միայնութեանն: Ընդ այսպիսի հաստատութիւն մտաց օրիորդին վշտացաւ ինքնակալն . իսկ արքայորդոյն հըրձուեալ ընդ այն, յայտնեաց յայնժամ Տիբերի զսէր իւր: Արում պատասխանի ետ Տիբեր, և ասէ . Չկարեմ հաւանել ընդ որ ոչն հաճի հայրքո և թագաւոր և բարերար . այլ զՍոփիայ լեր անկասկած . զի թէ և քո փոխեսցին միտք, այլ ոչ իւրք յորդորեսցի նա տալ քեզ աջ հաւանութեան: Վժպհի թուեցան Յուստինեայ այս բանք, և ասէ . Եւ որպէս, ապա ուրեմն ատեսայ զիս: Տիբեր ասէ . Քաւ լիցի, զի չճանաչէ իսկ

զբեզ . այլ հռչակ համբաւոյ քո ահ արկանէ 'ի նա : Յուստինոս ասէ . Մշուշտ քո իսկ ազգեալ իցէ 'ի նա զայդ մերժումն : Տիբեր ասէ . Ստաս լեր զի ոչ ումեք բաց 'ի քէն ազգեմ զոր խորհիմն զքէն չար : Յուստինոս ասէ . Եթէ չէր սիրտ իմ 'ի տարփանաց աստի գրաւեալ , ցանկալի էր ինձ հարսնածել զբոյր քոյին . լեմ զի գեղանի իսկ է : Տիբեր ասէ . Արդարեւ չքնաղազեղ է Սուփիա և սեգ առանց գոռոզութեան . զիտէ որ ինչ պարտք են կնոջ ժրագլխի՝ յօժար 'ի ինու զայնս , և առ 'ի կարելոյ առանց ճգանց կալ միշտ հարսն հպատակ՝ երգուեալ է լինել առն , որ առաւել իցէ իւր մեծարոյ , և ընտրեալ իսկ է զայն : Յուստինոս ասէ . Եւ զո՞ : Տիբեր ասէ . Օարմանք թուեսցին քեզ . կամի նա հարսնանալ առն միում ծերունոյ , մերումն իմաստուն՝ վարժապետի , առաքինւոյն՝ Արբալայ : Յուստինոս ասէ . Արբալայ առն վաթսնամենի : Տիբեր ասէ . Վիտես իսկ զի՝ Արբալ յերկուց ամաց հետէ մեկուսացեալ կայ 'ի միայնութեան մերձ 'ի բնակութիւն քեռն իմոյ . գութ սիրոյ նորա ընդ իս՝ փութով ողբխառնեաց զնոսս , և ամենայն խնամով հրահանգեաց նա զմիտս Սուփիայ . վարկ և երախտագիտութիւն ոչ ինչ ընդհատ 'ի սիրոյ ունին զօրութիւն : Յուստինոս ասէ . Քանի ամք են տիոյ Սուփիայ : Տիբեր ասէ . Եթեմն տասն : Յուստինոս ասէ . Եւ նախամեծար քան զիս առնէ զայր ծերունի՞ . Օն և Օն , եթէ ոչ Ա .

նաստասիա զսիրտ իմ գերեր , չհանդուրժէի ընդ անպատկանաւոր հարսանին : Տիբեր ասէ . Այլ ինձ , չիք հարսանիք անպատկանաւոր՝ բայց ուր մոլութիւն ընդ առաքինութեան ձախողակի կցորդեալ :

Ի բանից աստի ուշ 'ի կուրծս անկեալ Տիբերի , զի թերևս զրդեալ արքայորդւոյն 'ի սնափառութենէ՝ յեղափոխէր յանկարծ , և ցանկայր տեսանել զօրիորդն և հաճոյ լինէր նմա , և զի գիտէր քաջ զանողբելի խորշումն քեռ իւրոյ 'ի հարսանեաց անտի , փոխանակեաց վասն նորա աներկմիտ զյաջողութիւն սիրոյ իւրոյ , և փութացաւ խնդրել հրաման յինքնակալէն տալայ՝ Արբալայ զօրիորդն 'ի հարսնութիւն : Այլեցաւ ինքնակալն ընդ ինդիր նորա . և յերկարեալ զամիս քանի մի , ապա ուրեմն զիջաւ՝ բայց միայն զի զերկեամ մի տարագնաց ուղևորեցի Տիբեր ընդ Յուստինեայ . քանզի յուսայր բժշկել արքայորդւոյն ընդ երկար բացակայութեամբն 'ի տարփանաց անտի : Յուստինոս սխալագոյնս ընդդէմ եկաց այսմ ուղևորութեան , և ինդրէր խոստումն յինքնակալէն ընդունելոյ 'ի դառնալն իւրում զաջ Մնաստասիայ : Խոստացաւ այնուհետև ինքնակալն չհակառակել այնմ 'ի հաւանել իմում . և մեկնեցան իշխանազունքն երկուքն , 'ի մտի եղեալ Տիբերի ծածկել ցայնվայր 'ի Յուստինեայ զսէր իւր և զակնկալութիւն , զի և նա ինքն յուսայր մոռանալոյ արքայորդւոյն զՄնաստասիա :

Ոչ նորանշան ինչ էր Յուստինեայ տարիալ դատերն իմում, զի և յողունց յինքնակալաց խնամութիւն ընդ հպատակս իւրեանց արարեալ էր. զըոյցք իսկ 'ի ժողովրդեան լինէին, արդար փոխարէնս համարելով զայս գերապանծ վաստակոց՝ զորս վաստակեալ էր իմ յօգուտ աշխարհին: Աերսէս, որ առաւել ևս յայնժամ 'ի չնորհս ինքնակալին էր, ածէր նմա զըոյցս՝ զի և ժողովրդեան հաճոյ և ցանկալի էին հարսանիքն այն. այլ գիտէր քաջ զի ինքնակալն դժկամակ և նախանձընդդէմ էր սիրելութեանս իմում առաջի ժողովրդեան, և չկամէր երբէք յաւելուլ տալ ինձ զբարձր պատիւն: Անազի և անկասկած իսկ էր զելից իրացն, զիտելով զի իմ այլում զօրիորդն խոստացեալ էր. և խորհէր ստիպել զիս 'ի յայտ առնել զայն նմին իսկ արքայորդոյն, եթէ նա 'ի դարձին իւրում յամառէր 'ի ինդրել զգուստր իմ:

Ոչ ինչ կարևոր յաւուրս ուղևորութեան արքայազանցն պատահեաց, և դարձան նոքա 'ի պայմանեալ ժամանակին, Յուստինեայ զնոյն կաթողին տարիանսն բերելով յանձին 'ի սէր Անատասիայ: Յայնժամ լու 'ի լու ինքնակալին ասեմանիւհէր ցարքայորդին, զի մինչև ծանուցեալ զիղձս նորա՝ երդմամբ խոստացեալ էր իմ այլում զօրիորդն 'ի հարսնութիւն: Ի բարկութիւն բրդեցաւ նա ընդ բանս իմ, իսկ ես յաւելի. Օմէ բարկանաս, տէր իմ. ոչ ապաքէն

զնոյն և 'ի յայտնել բում ինձ զսէր քոյին՝ ասացի քեզ: Այո, ասէ, և այդպէս անկ էր քեզ խօսել ցորչափ ինքնակալն չհաւանէր. այլ արդ զի հաճոյ եղև նմա տալ հրամանս, ամենայն խօզ և խուժ պարտին տեղի տալ մեծարանաց և երախտագիտութեան: Արկնեալ անդրէն ասեմ. Ապաքէն ինքնակալն կարող է ամենայնի, տէր իմ. այլ կարողութիւնս նորա հզօր և սուրբ է, զի կամք նորա միաբան են միշտ ընդ արդարութեան. և մանաւանդ ինայե նա 'ի պատիւ իւրոց հպատակաց, զի պատիւ նոցա յաճախէ զիտոս իւր. և ո՞վ որ պանծացի իշխել անարգ որերոյ: Արձեաց զբանս իմ արքայորդին դառն հեզնութեամբ, և ասէ. Այլէ ապա, զ՞ յարուցանես դու ինձ ոտիս. թերևս զոք 'ի թագաւորաց 'ի քէն պարտելոց: Ոչ, ասեմ. արքայք այնոքիկ բռնաւորք են, անփառունակք յաչս իմ. ոչ տաց երբէք զգուստր իմ թագաւորի, որոյ օրէնք՝ կամք իւր են և կիրք: Ատրազգաց լեալ Յուստինոս երգիծական իմաստից բանիցս, և զայրաղին ցասմամբ խոժոռ ակնարկեաց յիս: Յայնժամ և ինքնակալին ոչ զմտաւ ածեալ զի ես 'ի վերայ կամաց իւրոց արիաբար մարտնչէի, սրամտեալ ընդ յանդգնութիւն իմ՝ արձակէր զիս խտիւ 'ի բաց. բայց արքայորդին ինդրեալ 'ի նմանէ հրամանս, յաւել խօսել ընդ իս և ասէ. Ապա ուրեմն զոք 'ի հպատակաց ինքնակալին մեծարես բան զիս: Ասեմ. Արաւ լիցի, տէր, ոչ

զմեծարանաց ինչ բանք են աստանօր, այլ ըզխոստմանէ՝ ոչ արդարև օտարի ումեք տուեալ: Ըջէ. Ա ստահ եմ զի ՚ի գիտել նորա զիղծս իմ, ոչ երկմտեցէ ազատ զքեզ ՚ի խոստմանէդ կացուցանել: Ըյեմ. Սակայն ՚ի վատութիւն խոնարհեցի, եթէ արդարև սիրելի իցէ օրիորդին: Յայնժամ գոչեաց զայրագին. Ազնուկ սիրեցելու մն ՚ի նմանէ. և յաւել. Ըյլ ես նմին ինքեան և եթէ կարեմ հաւատալ, կամ իմ լսել ՚ի նմանէ:

Ալ աղաչեաց զինքնակալն, առաքել խնդրել վաղվազակի զօրիորդն: Ալ արանէր ինքնակալն. այլ ես հաւանեցուցի զնա ասելով, զի ոչ այլազգ ինչ բանս ՚ի դստերէ իմնէ մնայր լսել նմա:

Այն եկաց ընաստասիա. և անդ զառաջինն տեսանելով զնա արքայորդուոյն յետ երկեամժա մանակի ՚ի գեղածաղիկ տիս ՚ի լիութիւն գեղեցկութեան, կարկեալ եկաց առ վայր մի ՚ի զմայլմանէն. և ապա անդէն իսկ յանդիման ինքնակալին՝ անկեալ առ ոտս նորա, կողկողագին բանիւք աղերսէր, տնօրէն զնա բախտին իւրոյ կուչելով, և խնդրելով ՚ի նմանէ յայտնել զսիրտ իւր համարձակ: Իսկ օրիորդն ամօթխած խոնարհ և դողդօջուն ձայնիւ, այլ անյողգողգ առ լիութեամբ, բառնալով ՚ի նմանէ զամենայն յոյս՝ ասէ. Արովհետև հրամայես ինձ, տէր, խօսել անկեղծաբար, խոստովան եղէց քեզ որ ինչ ոչ ումեք ցարդ յայտնեալ է բաց ՚ի հօրէ իմնէ: Աչ ևս տնօրինել զսիրտ իմ կարեմ. այլում նուր

րեալ է զայն: Ալ մինչդեռ տակաւին բանքն ՚ի բերանի կային, ՚ի վեր վաղեաց պատանին. և ինքնին իսկ ՚ի յանկարծաշարժ կրիցն բռնութեանէ երկուցեալ, սրացաւ ՚ի բաց և եղև աներելոյթ:

Ի յուսահատ տրտմութեան անդ կարօտէր արքայորդին մտերմին իւրում. գիմեաց ՚ի խնդիր նորա, և պատմեաց նմա որ ինչ անցք ահա անցեալ էին ընդ իւր: Արի յոյժ խանդաղատեցաւ Տիբեր ՚ի լուր բանիցն. գիտէր նա յինէն զի սիրելի էր օրիորդին, այլ ոչ երբէք համարձակեալ էր ընաստասիա ասել նմա որ ինչ յայտնեացն նախանձորդի նորին՝ հրաժեշտ ՚ի գահոյից իսկ տալով այնու արիական համարձակութեամբ: Գրաւեալ ուշ և ուրուշ Տիբերի յօրիորդն, լուռ և եթէ կայր. իսկ արքայորդին զամենայն դառնութիւն աղետիցն ՚ի դուրս զեղեալ, յաւել ապա զայրագինս սպառնալ անծանօթի ոտխին՝ որ քիչ նուն իւրոյ նպատակն էր: Յայնժամ Տիբերի ուշաբերեալ անդրէն՝ ասէ. Չէ և չէ իսկ իրաւացի ցասումն քոյին, զի ոտխն այն մինչև քո ծանուցեալ զընաստասիա՝ սիրելի էր նմին: Արքայորդին ասէ. Աչ այդպէս, մի անցցէ ընդունայն հեծութիւն իմ առ ոտս աղջկան միոյ՝ մերժեալ ՚ի նմանէ, և ՚ի հօրէ նորա ոտնհարութեամբ արհամարհեալ խնդրեցից զլրեժժ, սատակեցից զոտխ իմ, բարձից ՚ի նմանէ զընաստասիա: Տիբեր ասէ. Ի վատութիւն ոտխն այն

գտցի խոնարհեալ, եթէ դեռ ևս թագուցանէ զանձն յետ այսպիսի սպառնալեաց: . . . Արքայորդիդ դու, բաց զաչս քո, ծանիր ուրեմն . . . Յայնժամ Յուստինոս հեղձամղձուկ ձայնիւ արգել զնա, և ասէ. Այց մնա, լուռ լեր, թող զիս վայրիկ մի ևս ՚ի վարանս: Այլ զայս ասացեալ, անկառ ՚ի թիկնաթռոն: Արկնեալ անդրէն Տիբերի, ասէ. Ոչ լուեցից, լուեցի ցարդ, և պարտ էր ինձ լուել, զի ոչ իմ միայնոյ էին գաղտնիք. այլ զի սպառնաս . . . Յայնժամ Յուստինոս դոչեաց մտնեցին. Անդու թանողորմ, ել ՚ի բաց: Տիբեր ասէ. Չառնում յանձն զփախուստ ամթապարտ, կացից մնացից: Յայնժամ արքայորդին անզգայեալ՝ ձգեաց զուսեր, և ասէ. Պաշտպանեա անձին քում, նենգաւոր դաւաճան: Իսկ Տիբեր ասէ անխուով. Դու սպանանել և եթ կարես զիս, այլ ոչ ստիպել ՚ի դիմամարտ: Արքայորդին ասէ. Ըջէ պաշտպանեա քեզ, վատ արանց: Տիբեր ասէ. Հար զիս եթէ իշխես, ապա ոում և յետսամիտ: Արքայորդին ասէ. Արծիցեն վեր ՚ի վերոյ առաքինութեամբդ ահ արկանել յիս, բարեկամ հաւատադուժ: Տիբեր ասէ. Իսկ դու բարեկամ հէք և թշուառ, այլ հաւատարիմ, լուր զոր երկրորդեմն. սիրէի և սիրելի էի մինչև քո լեալ ինձ նախանձորդ, և չէ ումեք օրէն հրաժարել ՚ի փոխադարձ սիրոյ, զի ամենայն ոք իւրականին և եթ բախտի է տնօրէն, այլ զի կամէր ինքնակալն տալ քեզ զքոյր իմ

՚ի հարսնութիւն, փութացայ ամուսնաւ որել զնա, թէպէտ և անտի իմուսն սիրոյ հասանէր վտանգ: Յայնժամ Յուստինոս յաւել զայրազին, և ասէ. Այլ ճանաչէս զիս, դիտէս զի չիք ինձ այլ առաքինութիւն, չիք այլ ինչ սանձ, բաց ՚ի բարեկամութենէ. և եթէ սա խղեսցի, ամենայնի գտայց ձեռնհաս. ծն և ծն յերիկէ և այսր ընկ՝ ճեալ կամ ընդ լծով բռնաւորին: Տիբեր ասէ. Ոչ ոչ, դու զուժ նորին ոչ թօթափեսցես. յա կամայ իսկ քո իշխեցից ես միշտ սրտի քում, որ ոչ այլ ումեք զիտէ հպատակել: Գիտեմ զանուն աճելի բարս քո և զվայրենի բնաւորութիւն՝ որ բազում անգամ ՚ի մանկութենէ հետէ մահ ինձ սպառնայ. ոչ ինչ զանխուլ է յինէն մինչև յոր եղեռն կատաղութիւն քոյին և զգայազիրի գոռոզութիւն կարէ զառածանել. ես միայն ամենայն չարամասնութեանց քոյ գտանիմ տեղեակ, բայց տակաւին սիրելի ես ինձ. տեսանեմ զքեզ որպիսի ետդ, սակայն սիրեմ զքեզ, և դու իսկ գիտես զայն, և չկարացես երբէք թողուլ զիս: Յուստինոս ասէ. Այլ իցէ իսկ մարթ սիրել զնախանձորդ բարեբաստիկ: Տիբեր ասէ. Այո ամենևն. զի տարփանք քոյին ցնորք իմն և արբեցութիւն է, իսկ բնիկ սրտի քո զգացումն՝ բարեկամութիւն քոյին ընդ իս: Յուստինոս ասէ. Այլ դու ոչ կարես փոխադարձել ինձ զայն, զի ես յաչո քո իբրև զմի յանզգամաց եմ և խուժադուժ անկարեկիր: Տիբեր ասէ. Այլ ՚ի իւր

րատուց աստի իմոց զգծնացին . հասանէ քեզ
 Թագաւորել, և յուսամ զի չթողից քեզ բռնա-
 ւորել: Սովորեալ իսկ եմ հսկել զնացից քոց և
 սանձակոծել զամեհոլթիւն նախայարձակ կրից
 քոց . ոչ ընդհատ ինչ 'ի հայրենի գորովոյ՝ գութ-
 է ինձ ընդ քեզ . եթէ չէին այսքան թերութիւնք
 'ի քեզ, նուազագոյն արդեօք սիրէի զքեզ: Յուս-
 տինոս ասէ . Բայց Լնաստասիայ մի լինի այլում
 ումեք հարմանալ: Տիբեր ասէ . Խնայեալ 'ի
 տկարութիւն քոյին՝ յամեցուցից զհարսանիս նո-
 ըին, այլ ոչ 'ի սպառ հրաժարեալ յայնմանէ:
 Յայնժամ Յուստինոս ասէ . հարկ է ինձ խըն-
 դրել ինչ ուստեք վրէժ, չկարեմ թողուլ ան-
 պատուհաս զայնքան յանդգնութիւն և արհա-
 մարհանս:

Եւ արդարև չկարացեալ արքայորդւոյն ատել
 զՏիբեր, դարձոց զամենայն զայրուցս իւր յիս,
 երգուեալ յայնմհետէ թափել 'ի գրուխ իմ զա-
 հագին վրէժինդրութիւն իւր: Եւ առ 'ի յա-
 ջողել 'ի նոյն՝ սկսաւ կեղծաւորել . և թէպէտ
 անհմուտ արուեստին՝ գիտաց ծածկել խորա-
 մանկ խաբէութեամբ, եթէ ոչ զոխութիւն իւր,
 սակայն զխորհուրդս չարութեան:

Ետ ընդերկար խաղաղութեան ընդ Պարսս,
 Թագաւորեալ նոցա Խոսրով առաջին՝ յարոյց ան-
 դրէն պատերազմ . և քանզի իմ իսկ լռեցուցեալ
 էր զվերջին պատերազմն, ինձ յանձն եղև զորա-
 վարել յարշաւանին՝ յորում արքայազունքն էր

կորին զինուորել կամեցան: Խոսրով 'ի պարտու-
 թիւն մատնեալ, դառնայր 'ի փախուստ . հասի
 զհետ նորա, և միւսանդամ տուեալ ճակատա-
 մարտ, փլուզի և խորտակեցի 'ի սպառ զբանակ
 նորա: Եւ ինչ զբաւ լեալ մարտին, և ահա ե-
 հաս ինձ պատուէր՝ դիմել յԽտալիա, ուր Եր-
 սէս բազմութեամբ զօրաց հանդերձեալ էր գալ
 գումարել ընդ իս:

Հուշակաւորն Տոտիլաս Թագաւորեալ Ղոթաց
 յետ մեռանելոյ Աւարիկեայ, տիրեաց ընդ հա-
 րաւակողմն Խտալիոյ առ հասարակ, և ընդ կղզիս
 Կորսիկայ, Սիկիլիոյ և Սարդինիոյ . և աշխարհաւ
 կալութիւն նորա եղև քնասակար յոյժ, որչափ
 զի քաղաքավարութիւն նորա սակաւ ուրեք էր
 խժդժական: Հմուտ էր նա հաւասարապէս և ի
 րաց պատերազմի, և յինքն յանկուցանելոյ զազգս .
 կալաւ զԵթապոլիս, և սիրելի եղև յոյժ անդ բա-
 րերարութեամբն իւրով և վեհանձն մարդասի-
 րութեամբ: Եւ մինչդեռ նա զպայծառագոյն
 յաղթութիւնսն տանէր, առաքեցայ ես ընդդէմ
 մեծի զօրավարին: Եւ ինչ մտեալ էր նորա 'ի
 հռովմ, և իբրև լուաւ զի դիմէի անդր մշտայաղթ
 բանակաւս, երկեաւ կալ մնալ 'ի քաղաքին . և
 առ զայրոյթ բռնադատութեանն 'ի թողուլ զաշ-
 խարհակալութիւնս իւր, զառաժաւ յազգայինն
 իւր բնիկ խժդժութիւն . և ոչ խնայեալ 'ի հէք

1 Ըստ պատմագրաց: 3 Ըստ պատմագրաց:
 2 Ըստ պատմագրաց:

քաղաքացիս, կողոպտեաց զնոսա անօրինաբար
 յամենայն ստացուածոց: Այլ մոլեզին կատաղու
 թեամբ խորտակեալ զբազումս 'ի վաղեմի արձա
 նաց, մինչ դեռ պատրաստէր բնաջինջ առնել ըզ
 բնաւս առ հասարակ, ընկալաւ յինէն զիր՝ յո
 բում երդուեալ 'ի փառս իւր, աղերսէի ակն ա
 ծել 'ի պանծալի յիշատակաց անտի՝ յորս պարա
 դայց զարուց խնայեալ էր: Յաղերսանաց աստի
 շարժեալ, եթող անեղձ զնշխարս հռովմէական
 նախնի մեծութեան: Այլ խուսեաց նա 'ի Հը
 ուովմայ. և 'ի նահանջէն իւրում հասի 'ի վե
 րայ, և 'ի սպառ 'ի պարտութիւն մատնեալ՝ դար
 ձաւ նա 'ի փախուստ, և մտի ես 'ի Հռովմ՝ փա
 ռաւորեալ 'ի բնակչաց անտի իբր ազատարար¹:
 Սիրտ իմ գելանէր և գութ իմ յուզէին 'ի տե
 սիլ ամայութեան քաղաքին, երբեմն զշխոյի
 տիեզերաց, զոր ահա փրկէի 'ի սպառսպուռ ա
 ւերմանէ: Յայնժամ բերկրանօք 'ի գործ արկի
 զցանկալին քան զամենայն իշխանութիւնս՝ զոր
 մատուցանէ յազթութիւն, 'ի նորոգել զահա
 գին աւերածս և 'ի սփոյթել զթշուառս: Օ հոյա
 կապ աւերակնս պահելով՝ փառակից աւագ ա
 ռանցն գտանէի, զորոյ բերեն այնքիկ զյիշա
 տակս. և խնդացի յուսով զի յապագայ գարս
 ճարտարք և սիրողք գեղարուեստից ոչ առանց
 յիշելոյ զՄելիսար գայցեն անգր զարմացմամբ
 'ի զնին հրաշակերտից նախնեաց:

1 Ըստ պատմագրաց:

2 Ըստ պատմագրաց:

Ըծի զարքայորդին 'ի պալատն՝ որ պատրաս
 տեալ էր նմա. ուր խորհրդակցութեամբ Տիբե
 ըի ազգ արարեալ նստէր յատենի զօրն զայն ցե
 րեկ ընդունել զաւագանին և զամենայն ազատա
 տոհմիկս՝ որոց էր ինչ աղերս. և ես ինքն առնն
 թեր նմին սահմանեցայ կալ յընդունելութեան
 անդ: Եւսմբ կրկին 'ի վերայ անցին, և ահա
 հասեալ գայր հիացման արժանի տեսիլ. բազ
 մութիւն արանց զգեցեալ ցնցոտիս, և զհետ նո
 ցա կանայք իբր քառասուն ըստ այլ և այլ տիոց,
 խարազն և պատառատուն զրդլեկօք. և էին նոքա
 աւագանին և տիկնայք նոցա և զստերք և ազ
 դականք: Վնացք նոցա և ազնուականութիւն
 շարժուածոց և զիմաց ընդ յետին թշուառու
 թեան նոցա յանդիման առնէին տեսիլ նորա
 նշան և աղիողորմ: զի անգթութեամբն Տոտիլա
 սայ յայն աղէտս անկեալ էին: Պարագլուխ
 տիկնայցն էր երեւելոյն այնքիկ Տիբին Քովե
 տեայ այրին², առաքինասէրն հռոստիկիանէ,
 յորում բռնաւորութեան և անգթութեան չէր
 գտեալ ինչ առ 'ի կապտել, զի ընդ վախճանել
 առն իւրոյ՝ բաշխեալ էր նորա զամենայն ինչս իւր
 աղքատաց³: Յուստինոս խօսեցաւ ընդ նոսա ազ

1 Ըստ պատմագրաց:

2 Որ մեռան 'ի բանտի, թողեալ յուր կերասիրութիւնս
 գրաւորականս ընտիրս, ընդ որս և զգիրն մահաբերեալ «Մը
 խիթարութիւն իմաստասիրութեան», զոր 'ի բանտի անդ
 գրեաց:

3 Ըստ պատմագրաց:

նուական և մարդասէր բանիւք . և ետու ես յայն ժամ դարձուցանել 'ի նոսա որ ինչ 'ի գոյից նոցա մնային անկորուստ . և նորոգութիւնս բազումս շինուածոց արարի 'ի Հռովմ' , քաւելով նորօք զայնչափ աշխարհաւեր արշաւանս՝ որ յաճախեցին ինձ փառս ծանրաբեռնեալ զխիղճ մտաց ի մոց , և զայնքան անիրաւութիւնս և զչարիս անհրաժեշտս յերկարատեւ ընթացս զինուորական կենաց :

Մինչդեռ բողոքովին 'ի բերկրալի վաստակս յայտոսիկ զբաղեալ կայի , եկն եհաս Մերսէս 'ի Հռովմ' իբր թէ սահմանել ընդ իս միաբան որ ինչ մնայր մեզ գործել : Պարտ էր արգելուլ զելս Տոտիլասայ յատալիոյ . զի մարթ էր նմա գնալ 'ի կղզիս՝ որ տակաւին ընդ ձեռամբ նորա էին , և զօրացուցեալ զտկարութիւն բանակին իւրոյ եւ ապատիկ բազմութեամբ զօրաց՝ դառնալ հզօրագոյն քան զմեզ : Մինչև մեկնեալ նորա յատալիոյ՝ պարտ էր նմա գուն գործել խափանել զգումարումն զօրացն՝ Մերսիսի ընդ իմոցս , կամ պատեհ առեալ զդիւրամարտութիւն վայրացն՝ յորս նա առ հարկի անհրաժեշտ արշաւանաց ամբացեալն էր , տալ ճակատամարտ ընդ բանակի նորին մինչև ընդ իմումս գումարեալ : Ըստ այսոցիկ և ըստ բազում այլ ևս մտածութեանց , և ծանօթութեամբ վայրացն՝ որոց հմուտ էի և տեղեակ , կազմեալ յօրինեալ էր իմ զկարգ պա-

1 Ըստ պատմագրաց :

տերազմին՝ զոր աննախանձ յայտնեցի՝ Մերսիսի . և նորա հաւանեալ ընդ այն , ձեռն 'ի գործ արարաք՝ մեկնեալ յիրերաց : Պոհ և հաւան գըտայ ընդ նա , և վկայութիւն բարի գրեցի զմանսն առ ինքնակալն . և ինդութիւնս յոյժ եղև ինձ 'ի յաղթութեանս իմում , յետ նկունս առնելոյ զմի 'ի գերահամբաւ զօրավարաց ժամանակին , գովութիւնս մեծամեծս մատուցանել այնմ՝ որ 'ի բազմաց հետէ ոսոխ իմ էր , յայտ արարեալ զի նախանձու չգտանէր յիս տեղի : Առտակեալ ստուարացուցի որ ինչ զնմանէ խորհէի բարիս . մեծարէի զհանձար նորա , այլ յաւելի հրաշալի իմն ցուցանել զայն : Ար միանգամ վերջացեալք 'ի վեհանձնութենէ գտանին , անտեղի է առ նոսա առատաձեռնութիւն այսպիսի . վասն որոյ ինքնակալն փոխանակ առնելոյ ընդ իս իրաւունս ըստ աննախանձ բարուցս , գեր 'ի վերոյ քան զիս համարեցաւ զՄերսէս աներկբայելի վասն գովութեանցն յինէն խոստովանելոց : Եւ մինչդեռ ես այսպէս գնայի , Մերսիսի սեփականեալ իւր զպարծանս յօրինուածոյ մարտին՝ զոր չէր իմ ծածկեալ 'ի նմանէ , ցուցանէր ինքնակալին յիւրմէ թելադրեալ զքնաւ իսկ գողցես կարգս յօրինուածոյն : Յսպուշ եղէ յորժամ , 'ի լուումն երկամեայ աւուրց 'ի կէս ասպարիզի գործոց պատերազմին , եհաս առ իս հրովարտակ ինքնակալէն՝ դառնալ 'ի Աոստանդնուպոլիս՝

1 Ըստ պատմագրաց :

Թողեալ յարքայորդին զհրամանատարութիւն
 Հռովմայ և զբանակին : յանեայ անդէն զգաւ
 Վերսիսի , և զհամախոհութիւն նորա ընդ ար-
 քայորդոցն . խելամուտ եղէ զի կամէին յափըշ-
 տակել յինէն զփառս լրման մեծի պատերազ-
 մին , որում սկիզբն արարեալ էր իմ փառօք : Սի-
 րելի էի 'ի Հռովմ և ընդ ամենայն խաղիա , և
 ամենազօր 'ի բանակին . և 'ի կամս իմ էր կալ
 ինքնիշխան , և լինել վերամարտիկ անձին , զօր
 թելադրէր իսկ ինձ զօրագլուխ զօրացն իմոց Փա-
 րաս . Սէր , ասէ , անձին վրէժխնդիր , երաշխա-
 ւորեմ քեզ վասն բանակիրդ . 'ի հրամանս և եթ
 քոյին զիմեացեն ընդ զրօշակօք բովք զօրք Վեր-
 սիսի առ հասարակ և յարիցեն օգնել քեզ ա-
 մենայն ազգք խաղիոյ : Մտա , և 'ի վայրիեան
 ժամանակի արգելցի արքայորդին յիւրում պա-
 լատան՝ լինել մեզ պատանդ : Սորուցուք զՏոտի-
 լաս , և միւսանդամ հրաւիրեսցեն զքեզ Վոթք
 թագաւորել 'ի վերայ իւրեանց . նստիցիս յաթու-
 և արասցես քեզ պարծանս ածելոյ 'ի քաղաքա-
 կանութիւն զազգն խուժադուժ . հուչակ և եթ
 համբաւոյ քո բաւեսցէ ընդարձակել զսահմանս
 ինքնակալութեան քո , և սասանեցուցես զինք-
 նակալն ապաշնորհ , որ բարեբախտութիւն իւր
 համարեսցի ընդունել 'ի քէն աջ խաղաղութեան՝
 թէ հաճեսցիս տալ նմա : Սորհեաց զի վատա-
 սիրտ է նա և երկնչի 'ի քէն , և զի Վերսէս և
 Յուստինոս միաբանեալ են ընդդէմ քո . խոր-

հեաց զի մնայ քեզ ինքնակալել , և կամ անկա-
 նել զոհ թշնամեաց քոյ : Մտ որ ետու պատաս-
 խանի . Վեղեցիկ է , ով Փարաս , ժառանգել
 զթագաւորութիւն . այլ քեր 'ի վերոյ քան զթա-
 գաւորել՝ գոյ հաւատարիմ հպատակ ապաշնորհ
 և անիրաւ թագաւորի , յորմէ վտարանջել աներ-
 կեան յաջողութեամբ առաջի կայցէ : Օայս
 այսպէս խորհեցայ յերեսնամենի . և արդ զկըրկ-
 նապատիկ անցեալ տիովք՝ ոչ 'ի դէպ է ինձ խոր-
 հել այլազգ :

Հնապա հնազանդեցայ հրամանին անտրտունջ .
 զի որ տրտնջանօք հնազանդութիւնն է , ծա-
 ուայական է . այլ տժգոհութիւն հռովմայեցւոց
 և զօրաց բանակին յարոյց աղմուկ մեծ , և շեղե-
 ինձ հնար այլազգ հանդարտել զօգիս՝ բայց հա-
 ւանեցուցանելով նոցա զի ոչ անդարձ հասանէր
 ինձ կոչ , այլ առ ժամանակ մի : Ս յանցանս զբե-
 ցան ինձ յետոյ այս հնարք , որով միայն յաջողէր
 խաղաղութիւն , և այլազգ չթողուին ինձ մեկնել :
 Բայց աղմուկս այս յամեցոյց զիս 'ի Հռովմաւե-
 լի քան զամնօրեայ ժամանակ . և յայնժամ հռով-
 մայեցիք հատին գրոշմածս ինձ 'ի պատիւ , աստի
 բերելով զպատկեր իմ , և անտի արձանագրեալ
 “ Վելիսար փառք հռովմայեցւոց ” . որ 'ի ժա-
 մանակի անդ թշուառութեան իմոյ գորովեցոյց
 յոյժ զսիրտ իմ :

1 Ըստ պատմագրաց . Belisarius gloria Romanorum. Գառ-
 նին ցարդ իսկ 'ի գրոշմածոց աստի 'ի թանգարանս ուրեք հը-
 նութեանց :

Չու արարի, հասի 'ի Աոստանդնուպօլիս, և մտի անդր զԻշերայն, որպէս զի մի աղմուկ ինչ լինիցի 'ի ժողովրդեան: Ոչ սիրով ընկալաւ զիս ինքնակալն, պատճառանօք յամեւոյ իմոյ 'ի դարձ. և իբրև ասացի վասն խռովութեան զօրացն յա մեալ, ասէ. հաւատարմութիւն ճշմարիտ այն է՝ զառաջս առնուլ խռովութեան. և այս յաջողե միշտ, ուր անկեղծ կամք իցեն: Ասու պատաս խանի. Տէր արքայ, թէպէտ և հարկ իցէ ինձ հաւատալ՝ թէ զոյ իսկ ապերախտութիւն, սակայն գիտեմ ևս հաւատտեալ՝ զի երախտագիտու թիւն ժողովրդեանն և զօրականին չեն ցնորք ինչ մտացածին, և ոչ այլազգ գրգռեալ՝ բայց 'ի յաղ թութեանցս իմոց: Յայնժամ ինքնակալն խո ժող ինձ թիկունս դարձուցեալ ել 'ի բայ:

Իւր դարձին իմոյ հնչեաց 'ի մայրաքաղաքին. և յեւանէն իմում 'ի պալատանէն, և ահա ամբաւ բազմութիւն ժողովրդոց համախմբեալ ընդ փողոցս՝ խուժեցին ընդ առաջ իմ, շուրջ եղեն զինև, և ածին զիս մինչև յապարանս իմ, 'ի ձայն աղաղակի ցնծութեան զօղս հնչեցուցանելով: Ըն անիրաւ բանս ինքնակալին չէր մարթ առնել պատասխանի զլծեցուցիչ քան զայս. այլ այսոքիկ ժողովրդեանն որ առ իս սիրոյ աներկ բայելի առհաւատչեայք՝ ահ այնուհետև արկանէին ինքնակալին, զարհամարհանս նորա փոխեալ յատելութիւն անողբելի:

Յայնժամ ժամանակի հասեալ Աերսէս յԱտա-

լիս 'ի վերայ Տոտիլայ, առ ստորոտով Լպենեանց խմբեցաւ պատերազմ. 'ի պարտութիւն մասնեցան Գոթք, և սպանաւ անդ Տոտիլաս: Իւր մեծի աւետեացն հրաման ետ ինքնակալն առնել մեծահանդէս տօն ուրախութեան. թուէր նմա տարեալ յաղթութիւն 'ի վերայ իմ: Գարձաւ Աերսէս ընդ Յուստինեայ և ընդ Տիբերի, և յայտ արար ինքնակալին զի յաղթութիւնն այն առաւելապէս արգասիք էին քաջութեան արքայ որդւոյն: Յայնժամ ած թափեաց Տիբեր. Իսկ Բաբիլոնացի, այն որ յառաջնումն ձակատու յաղթեաց, և յօրինուածով կարգի պատերազմին պատրաստեաց մեզ զայս յաղթութիւն: Բայց ինքնակալն ցասուցեալ ընդ յանդգնութիւն Տիբերի, լուեցոյց զնա, և գովեաց մեծապէս զԱերսէս:

Միև ևս դէպք 'ի վարանս արկին զարքունիս առ հասարակ: Բանդի հոնք յեղակարծում 'ի բազում գաւառս ինքնակալութեանն ահեղազօրք քան յայլ ամենայն նուագս ասպատակեալ, արկին դարձեալ 'ի Աոստանդնուպօլիս պակուցանողական արհաւիրս՝ զորս միշտն գործէին անդ առ նակնկալ արշաւանք: Խորհէր Յուստինիանոս յղել զԱերսէս ընդդէմ բարբարոսացն. այլ նորա երկուցեալ ձախողակի ելիւք մարտին ստուերածս ածելարդի ստացեալ փառացն՝ ծանրանայր յանձն առնուլ զառաջնորդութիւն բանակին,

1 Ըստ պատմագրաց:

քանդի և վտառհ իսկ էր, զի միւս ևս յաղթու-
թիւն լրումն առնէր կորստեան անձին իմոյ: Խօ-
սեցաւ ընդ ինքնակալին, և ասէ. Ղարտարու-
թեամբ մտաց և անյողգողդ արիութեամբ և եթ-
յաջողեաց ինձ բեկանել զՎոթս. զի զօրքն առ-
հասարակ, սիրով Բելիսարայ վառեալ, դժկա-
մակէին պատերազմել ընդ ինև, և չորիր մասն
'ի նոցանէ չէառ իսկ զէն: Բարոզք համարեցայ
անտես առնել զխռովարար հետութիւնն. այլ
արդ եթէ ոչ զօրավարեսցէ Բելիսար, չիք երկ-
բայել զի չառցեն յանձն խաղալ զօրքն 'ի չու:
Հայսմ ամենայնի ճշմարիտ այն և եթ էր, դրժ-
գոհութիւն զօրականին. բայց առաւելութեամբ
բանից զարհուրեցուցեալ նորա զինքնակալն, զօր-
հասական հարուածն պատրաստեաց ինձ: Խօ-
տալուտ 'ի վերայ հասեալ կայր վտանդ, և հարկ
էր ձեպել 'ի դործ. կացուցին զիս զօրավար ա-
ռանց օգնականի, և յայնմ հետէ վճարեալ էր
վասն իմ: Չու արարի, և զէնք իմ մշտայաղթք
ոչ վրիպեցին. յարձակեցայ, վանեցի զխուժա-
դուժսն, և յետ կանգնելոյ զյաղթութիւն՝ ա-
սեմ ցՓարաս. Յաղթեցի ահա թչնամեաց աչ-
խարհիս, զիմնս միանգամայն զգեանեալ: Իսկ
Փարասայ շարժեալ զգլուխ իւր ասէ. Քաջ է-
այլ թէ ես էի, խուսէի արդ 'ի տար աշխարհ.
Եթէ դաւնաս դու 'ի Կոստանդնուպոլիս, 'ի ինչ
զիր կորստեան քո գնաս: Ըսեմ. Եւ ընդէր:
Ըսէ. Օր ոչ ևս մնաց ուստեք արքունեաց կաս-
կած երկիրդ:

Ընալ, զի չեղէ ես յայնժամ խելամուտ խո-
րիմաց բանից նորա: Ղարձայ յաղթող բանա-
կաւս, և ընդ ամենայն չու ճանապարհին էր հան-
դէս յաղթանակի. զիւզք և քաղաքք համօրէն
գային մեզ ընդ առաջ, սիրուէին ծաղկունս զճա-
նապարհայն, և ոստս արմաւենեաց տային 'ի
ձեռս զօրականին, մատուցանէին նոցա ճաշ, ար-
կանէին պսակս սարդենիս առ ոստ իմ, և կամարս
յաղթականս ափ յափոյ կանգնէին 'ի մուտս բա-
նակին: Օնոյն հանդէսս տօնից և զնոյն ցնծու-
թիւն յամենայն գաւառս, ընդ որ անցանէաքն,
էր տեսանել. և Մերսէս զամենայն ինչ մի ըստ
միովէ արդ առնէր ինքնակալին:

Ինչ հասանել իմում 'ի մայրաքաղաքն՝ հրա-
ման եղև արձակելոյ զմեծ մասն զօրաց բանա-
կին, և զմնացորդս ցան և ցրիւ կացուցանել: Ոչ
ինչ զարմացայ ընդ հնարսն, զօրոց յառաջագոյն
իսկ զփորձ առեալ էր իմ. զի իշխանք անկարողք
'ի պատերազմ՝ զանգիտեն 'ի համախմբութենէ
զօրաց: Տիբեր հրեշտակութեամբ առաքեցաւ
վաղ ընդ փոյթ հեռի 'ի մայրաքաղաքէն հինգ
հարիւր փարսախաւ. փոխեցան պահակապանք,
կրկնապատիկ 'ի տեղի առաջնոցն յաջորդեալ,
ամենեքեան ձեռակերտք Մերսիսի: Ի նմին ժա-
մանակի տարագրեցաւ և Փարաս յաքսոր 'ի խորս
Թրակիոյ, և ամենայն բարեկամք իմ ընկեցան
յիշխանութենէ: Եւ 'ի կատարել այսր ամենայ-
նի, բարձաւ ապա յինէն սլատիւ պատրկու-

Թեան, և գունդ Թիկնապահաց 'ի բաց արձա-
կեցաւ : Ընդ որք երկու 'ի վերայ անցին, և մինչ
կայի ես միայնակ ընդ երեկս 'ի սենեկի իմում,
յեղակարծումն անակնկալ եմուտ արքայորդին
տխուր և վարանամիտ 'ի բնակարան իմ : Յոսն
կացի 'ի տեսանենն զնա . իսկ նա նստոյց զիս, և
վայրիկ մի լուռ և եթ կացեալ, ապա ասէ ցիս .
Ոչ ինչ զանխուլ է 'ի քէն սրտմուծիւն իմ,
Բեկիսար . ոչ ծածկեցի զայն 'ի քէն . այլ ահա
գամ խոտանալ քեզ խաղաղութիւն : Պատաս-
խանի ետու, և ասեմ . Եւ զիտէ արքայորդիդ,
զի պատշաճ պայմանօք և եթ ընդունելի է ինձ
այն : Ընդ . Եւ կարի իսկ պատշաճք 'ի քէն պա-
հանջին, լուր ինձ : Ըմենայն ինչ պատրաստ է 'ի
կորուստ քո . չիք քո աստ բարեկամ որ օգնեսցէ
քեզ, և ոչ ոք 'ի պաշտպանել . ինձ միայն մարթ-
է փրկել զքեզ . և միանգամ տուեալ քեզ խոս-
տումն, զամենայն ինչ այնուհետև յաչս եղից
առ 'ի կացուցանել զխոստումն իմ . այլ հարկ է
քեզ տալ ինձ առհաւատչեայ զսիրոյ քո զօղիւ-
սրբութեան, որ երաշխաւորեսցէ բարեկամու-
թեանս իմում . խոստացիր ինձ զաջ Ընաստա-
սիայ : Ընդ . Կարծիցէս արքայորդիդ, զի եր-
կիւզ զօրեսցէ տալ ինձ գործել անուղղայս : Ը-
սէ . Բաջ խորհեաց . եթէ ոչ լինիս աներ, լի-
ցիս ինձ եղեռնագործ : Ընդ . Եղէց իսկ զոհ,
այլ ոչ երբէք եղեռնաւոր : Ընդ . Սօտալուտ և

1 Ըստ պատմադրաց :

ահագին սպանայ քեզ վտանդ, դատակնիք ան-
խուսելի : Ընդ . Եւ որ այն ինչ իցէ վասն իմ
դատակնիքեալ : Ընդ . Ընդ որ 'ի բերդն եօթնաշ-
տարակեայ . գունդ կալանաւորաց հասեալ զան
շուրջ պատել զապարանս քո : Ընդ . Ընդ գունդ
վատասիրտ ձեռակերտացն Երեսիսի, և ոչ քա-
ջաց պատերազմողաց . զի ո՞ 'ի զինուորաց իշխես-
ցէ բառնալ 'ի Բեկիսարայ զսուսեր, և ո՞ զձեռս
նորա 'ի շղթայս արկանել : Ընդ . Ս'ի զվերջին
աւուրս կենաց քոց տար յանարգութիւն : Ընդ .
Ընդիրաւութեամբ և եթ անարգին կեանք . ա-
ւանդ ողբալի ծերութեան ինքնակալին . ալիքս
այսօքիկ, ո՞ արքայորդիդ, փրկեցին զինքնակալու-
թիւն նորա . նահատակութիւնք երիտասարդու-
թեան իմոյ ևս քաջայաղթք՝ չէն ինչ պայծառա-
գոյնք քան զայս : Փրկութիւն ինքնակալին, և
քո իսկ փրկութիւն, ո՞ արքայորդիդ, յաւերժ
անկորուստ պատրաստեն փառս աւուրցս իմոյ
այսօքիկ վերջնոց : Չիք զօրութիւն ընդ արե-
գակամբ՝ որ նսեմացուցանել այսուհետև զնրշ-
խարեալ կեանս իմ կարիցէ, յետ զանս երեսուն
և հինգ անպարտելի արութեամբք պայծառանա-
լոյ մշտայաղթ : Յայնժամ արքայորդին ասէ . Ըն-
ընկճելի յամսուութիւն, այլ կացից մնացից ան-
ողորելի : Եւ ընկրկեալ վայրիկ մի, դարձաւ առ
իս և յաւել . Սակայն ինայեմ 'ի քեզ, զի մի
զլիսպարտ կորիցես . փութա, հրոյ տուր ձա-
րակ, եթէ իցէ քո թղթեան փնասակար : Եւ

զայս ասացեալ, փութանակի ել 'ի բաց. և ահա յետ կիսաժամու հասին մտին սպառազէնք յապարանս իմ: Ընտանիա հանդերձ դստերքն զարհուրեալ կողկողազին դիմեցին 'ի վերայ իմ. և զօրապետք գնդին հասեալ առ իս, խնդրէին ըզբանալիս իմ և զսուսեր: Ըսեմ. Ըհաւասիկ ձեզ բանալիք իմ, այլ զսուսերս զայս ազատարար աշխարհիս ոչ տաց 'ի ձեռս թշնամոյ: Եւ 'ի սալայատակ անդր զծայր սուսերին յեցուցեալ, բեկի զայն ընդ մէջ: Յագեցաւ քաջութեամբս այսուիկ գոռողութիւն իմ և սրտմտութիւն. և նոյն այն զշիջումն պատերազմական հողոյ քաջութեան ազգին թուէր ինձ գուժել, և յանդուգն խորհէի 'ի միտս՝ զբեկումն սուսերին Բելիսարայ գոլ չարագուշակ շիջելափառ զինուց ինքնակալութեանն: Հաւատա ինձ, իմաստախոհ՝ Ըրկազիէ, զի որ չեցէ որ կրօնասէր երկիւղածութեամբ դեր 'ի վերոյ քան զբնութիւն իւր ամբարձեալ, սպառի ուրեք արիութիւն նորա: Եւ ինչ անիրաւութիւն տարապայման, որ ամայի 'ի համբերութենէ զանիրաւեալն կացուցանէ, և չթողու 'ի սրտի նորա այլ ինչ՝ բայց սրտմտութիւն սաստիկ և իղձ վրէժինդրութեան:

Ըծայ 'ի բերդն եօթնաշտարակեայ, և թէպէտ զիշերայն՝ սակայն ընդ գողուղի առաջնորդեալ: Յիշեցի յայնժամ զվերջին խրատ Փարասայ, և սարձացայ զի ստունդանեցի նմա, այլ անագան: Եւ այս անդ զի դատէին զգատաստան իմ, որ տե-

ւեաց զամիսս բազումն. և ապա ծանուցին ինձ զփուրսիչ ամբաստանութեանցն, որ յայսուիկ բովանդակէին: Օ՛ր առանց փրկանաց արձակեցի զԸբդալայ արքային Բուլղարաց զմանուկ արքայորդին: Եւ այս ազնուական քաղաքավարութիւն պատրաստեաց աշխարհին խաղաղութիւն, որ տեւէր իսկ ցայն ժամ: Օ՛ր արքայօրէն ճոխացայ յԽտալիա, և ընկալայ յաղթանակս՝ որ արքայորդոց և եթ պահեալ էին: Եւ զի դարձեալ դաւակիցս ինձ արարի առ 'ի յափշտակել զաթու, ինքնակալ 'ի ժողովրդենէ և 'ի զօրաց կարգացեալ:

Եւ յոցիկ առհասարակ՝ որ զինէն լեալ ամբաստանութիւնք, յաղթանակաւ ետու պատասխանի. այլ չէր ինձ հնար արդարացուցանել զյանգրգնութիւնս բարեկամաց իմոց: Հաւաստիս ինձ 'ի դէմն ածէին զաղմկայոյզ բանս նոցին, և զՔարասայ՝ զի ատենաբանեալ և զհետ ձգեալ էր նորա զժողովուրդն 'ի դառնալ իմում յԱփրիկեայ, և զի սփռեալ ծաւալեալ էր նորա 'ի ժողովրդեան դրամս հատեալս յանուն իմ յԽտալիա: Օ՛նմանէ դարձեալ և զամենայն բարեկամաց իմոց ամբաստանէին բազում այլ ինչ իրաւացի սողտանս, և զիս այնոցիկ մեղապարտ կացուցանէին՝ յինէն համարելով նիւթեալ զայն ամենայն: Եւ թէ օրէն իսկ էր Յուստինիանոսի և Յուստինեայ հաւատալ այսմ ամենայնի, և եթ էէին իսկ նոցա առայս վեր 'ի վերոյ ինչ հաւատիք, սակայն վաս-

տակը իմ գերապանծք և այնպիսի և այնքան արգասիք հաւատարմութեան յաղթել յաղթէին ամենայն հակառակ ցուցակութեանց, յորս չէր և ոչ մի ինչ յանձնէ իմմէ գործեալ անիրաւութիւն :

Յաւուր միում ընդ երեկս մինչդեռ 'ի բանտի անդ էի, լուայ զաղմուկ ժողովրդեան՝ որ 'ի խընդիր ազատութեան իմոյ 'ի ստորոտս աշտարակացն խոնեալ կային զայրագին. և ուշ եղեալ ունկնդիր լեալ, լսէի զբողոք զայրացելոյ ամբօխին : Այսու վեցայ յաղաղակէ անտի, և աղգեցութիւն իմն չարագոյժ արկ 'ի խորս սրտի իմոյ դաղտնածածուկ արհաւիրս : Յաճախ իսկ նկատեալ էր իմ մերձ առ իս զմահ, այլ աջակից միշտ նմին և զփառս. ոչ երբէք երևէր նա ինձ ահարկու և սպանալից, հասեալ առ իս յաղթական արմաւենեօք պայծառ և մեծաշուք՝ զհետ իւր առեալ բերելով զհամբաւ : Աչ միայն նշմարանք իսկ յայնժամ ոչ երևէին 'ի նմա ապականութեան, այլ և զլուսափայլ անմահութեան բերէր յինքեան զտիպ վսեմ. զի 'ի գիրկս յաղթութեան 'ի ճակատամարտի ոչ կարճէ նա զասպարիսախաղաց ընթացս վեհ բախտին, այլ 'ի նպատակ անդր հասուցեալ փառօք և պսակէ : Այլ կորնչել 'ի սայր չարաշուք սուսերի մխելոյ յարիւն ապիրատից վատաց, անկանել թաւալգլոր 'ի շիրիմ՝ մղեալ յապերախտութենէ և 'ի զրպարտանաց, թողուլ յիշատակ եթէ ոչ նսեմ՝ գէթ արատաւ

ւոր, և անուն կեղակարծ, ահ, խոստովանիմ զի ընկճէին միտք իմ 'ի վշտագին խորհրդոց աստի, մինչդեռ տակաւին չգուշակէի իսկ բնաւ զարհաւիրս բախտին՝ զոր պատրաստէր ինձ խժդժագոյն ամպարշտութիւն :

Յանկարծ մտին 'ի բանտն խումբ աւագակաց, շուրջ եղեն զինև, կալան զիս անխլորտելի, անցուցին ընդ բիբս իմ շամբուր շանթացեալ, խաւարեցան աչք իմ աննշոյլ, և էի անզգայեալ : Յայնժամ ածին ձգեցին զիս արտաքս 'ի բանտէն ընդ յետկոյս դրունսն, և իջուցին զիս 'ի նաւ. և անձին զգացեալ հարցանէի զգահիճս իմ, ինդրէի 'ի նոցանէ մահ, և ոչ տային ինձ պատասխանի : Օ անխուլ իսկ է յինէն սրջափ նաւարկութիւնս մեր տեւեաց. խորասուզեալ 'ի խաւար մշտագիշեր, ոչ և ս կարէի չափել զժամանակ՝ բայց վշտօք իմովք : Արեցաք մըրիկ սաստիկ. մերթ ըրձանայի կորնչել անդնդասոյզ ընդ անադորուն դահիճս իմ, և մերթ մաղթէի յերկնից 'ի ծովափն ուրեք անկանել՝ ուր ձայն իմ լսելի լինէր առ 'ի յայտնելոյ զոճիրն : Այլ աւանդ, ածէին զիս յանապատ ամայի : Այն ինչ հասեալ անդր, և ահա արկին զինև զշղթայս՝ զորս ձեռնքո բարերար խորտակեաց, և ուժգնապիրկ կաշկանդեցին զիս 'ի ժայռիս : Այլ իբր բացատրել կարիցեմ զկիրս, զոր յայնժամ կրէի : Աստի զայն 'ի միտ առցես. սոսկալի բաժանումն իմ յայնժամ 'ի համագոյից այնպիսի արհաւրօք լցոյց

զիս , զի հառաչէի ընդ Թողուլ լքանել զիս ար-
բանեկաց բռնաւորին , և ընդ մեկնել սրանալ 'ի
բաց . հեռանալ յինէն դահճացն իմոց Թուէր
ինձ վիշտ ամայութեան :

Բողոք բարձեալ գոչէի յայնժամ . Ուր իցեմ
ես , ո՛վ բախտ անհետեթ և զարհուրողին . և
մնասցէ՛ վայրն իսկ անծանօթ՝ որ զընթացս աս-
պարիզի կենաց իմոց կատարեմ՝ զոր ես իսկ 'ի
կորնչելն իմում անգիտանամ : Մշտն , յանասա-
տի ուրեմն անշուշտ արկ զիս տարագիր հեռ քի-
նախնդիր , ուր չիք ինձ բնաւին յոյս վրէժխըն-
դրութեան , ուր բողոք իմ 'ի նանիր և հեծու-
թիւնք իմ գազանաց և եթ վայրենեաց լիցին լը-
սելի , որոց թերևս պատրաստիմ ճարակ : Աթէ
զերկինս կարդացից ընդդէմ խժդժագունին 'ի
բռնաւորս , սակայն միթէ ո՞չ ամենակալ զօրու-
թիւն նորա՝ զոր ցարգ 'ի բոլոր սրտէ խոստովա-
նեցայ , և վերնախնամ տեսչութիւնն այն՝ որ
հրամանացն եղէ միշտ երկրպագու , ինքն Թողա-
ցոյց զսոսկալի հարստահարութիւնս զայս : Յուս-
տինիանոս ինքնակալէ , և ոճիր իւր կացցէ մնաս-
ցէ անյայտ . առասպելք իմն յօդեալք 'ի նմանէ
փրկեսցեն զպատիւ անուանորա՝ յանարգութիւն
զիմն մատնեալ , և պատրանս յետնոց նիւթեսցեն
վէպք : Ասն փառաց կեցի ցարգ . և մինչ ես
զտաղնապ դժնդակագոյն մահու կրեալ կողկողիմ ,
յաղթանակէ ոսոխն իմ սպառազինեալ 'ի չարա-
համբաւել և զրպարտել զիս . և յաջողի իշխա-

նութեամբն՝ զոր բազուկ իմ և նահատակու-
թիւնք զօրացուցեալ առ 'ի կորուստ անձին իմոց
հաստատեցին : Ո՛վ իմն Մատնիա , ո՛վ զսորիկ
իմ Մնաստասիա , որոց պարտ էր զյեթին հե-
ծութիւն իմ լսել , և որոց յառաջ քան զաւուրս
սակաւս պանծալի էր անուն իմ , զի՛ արդեօք եղև
ձեզ արգ . աւանդ , ողբացէք զմահ իմ և զփառս
միանգամայն :

Մինչդեռ զայսոսիկ հեծեծելով հառաչէի ,
ձեռն քո ազատարար խորտակեաց զկապանս իմ ,
և պահեաց ինձ զկեանս զայս աւաղելի՛ զորոյ էր
զուեալ է իմ նուիրել վրէժխնդրութեան զտը-
խուր մնացուած , եթէ միայն կարել կարիցեմ :

Գ Լ Ո Ւ Մ Ե .

Եւ դադարեաց Բելիսար 'ի խօսելոյ . լուցին
վայրիկ մի երկաքանչիւր , և ապա խօսել կալաւ
Արկադիոս և ասէ . Չարաբաստիկ արգարե , և
կարի իսկ չարաբաստիկ հասեալ քեզ արկածք .
'ի զայրոյթ անհնարին սիրտ քո անշուշտ յուզի-
ցի . այլ ես տակաւին յամառեալ սնդիմ հզօրա-
գոյն քան զքոյսդ ունել պատճառս վրէժխնդրու-
թեան , և արկածից իմոց զլել զքոյսդ՝ դառնա-
գոյնք ելով և նորանշանք յուրվագոյնք և երկա-
րատեք : Այստացայ զքեզ ինքնին կացուցանել
զատաւոր , և կացից 'ի խոստման իմում . վաղիւ

լուիցես դու զարկածս իմ: Յայնժամ դռնեաց Բե-
լիսար . Բաբէ , և յետ լեւոյ զիմս՝ համարիցին
դեռ ևս թշուառագոյն քան զիս գոլ: Ըրկադիտս
ասէ . Ըյո ամենեկին , և դու թերևս առ վաղիւ
հաւանեսցիս ընդ այն: Բելիսար ասէ . Չէ և չէ
իսկ հնարաւոր:

Եւ ՚ի վաղիւ անդր ընդ արեւածայրս մինչդեռ
տակաւին հանգչէր Բելիսար , նուազք գաշնա-
կաւորք ընդոստուցին զնա ՚ի խոր քնոյ: Օ ար-
թեաւ և լսէր յապուշ լեալ անձառելի զմայլ-
մամբ . և ծանեաւ հրճուանօք զքաղցրաձայն քնա-
րին դաշնակ: Իսկ ՚ի լսել ևս զնուազ Պելիմե-
րայ , թուէր առ ոտամբ Պասուկայ լերին , և ՚ի
բարեբաստագոյն աւուրս կենաց իւրոց փոխեալ:
Այր անշարժ ՚ի հիացման . և ձայն իմն տխուր
և խորխտ խառն ընդ քնարին յեղանակէր զերգս
զայս անջինջ դրոշմեալ յայնքանեաց ամաց ՚ի
միտս նորին .

Քարայր անշէն , ժայռք ամայիք ,
Քանի սփոփումն է ինձ զիտել
Բզձեզ յաղէտս իմ յայտուիկ .
Յաղթականին իմոյ ընդդէմ,
Օ երծ աստ յանարգ գերութենէ ,
Քաջայանդուզըն խիզախեմ:
Յեց ՚ի դրդեակս յայս անառիկ ,
Ըստ յանջարդի լերանցս ՚ի ծագ՝
Օ որս ըստահակ կոծեն մըրրիկք ,

Օ քի ահաւոր հայիմ պատկեր ,
Օ արքունիս հարց իմոց ՚ի բաց
Բոցաձարակ այրեացաւեր:
Սինչև տեսեալ նոր արշալոյս ,
Բնդ պարըսպացս աւերակօք
Տեսից ծածկեալ զիմ ըզգահոյս .
Ըւանդ փառացս անցաւորի ,
Օ քի հոյակապ նոցին նըշխարք
Բնդ երեկոյս մնասցեն յերկրի .
Հող և աճիւն անդ ընկեցիկ ,
Ըստ արքունի ցուպ ջաղջախեալ
Եւ թագաւոր տարաշխարհիկ:
Քարայր անշէն , ժայռք ամայիք ,
Քանի սփոփումն է ինձ զիտել
Բզձեզ յաղէտս իմ յայտուիկ .
Յաղթականին իմոյ ընդդէմ,
Օ երծ աստ յանարգ գերութենէ ,
Քաջայանդուզըն խիզախեմ:
Սըժեհեհակիցք իմ դուք արդ , օն ,
Ըյն որ երբեմըն փառակիցք ,
Ոյց իշխէի արդարակրօն ,
Ի մոռացօնս արկէք ՚ի խոր
Բզբարեբաստ աւուրց մերոց
Եւ զարութեանց խորհուրդ տըխուր:
Ըստ յանմարդի հասեալք ՚ի վայր ,
Յաղթահարեալ և ապագէն ,
Ըմենեքին գովք հաւասար .

Օուրկը 'ի բարեաց աստ 'ի բնաւից ,
 Սընայ միայն ո՛ր բարեկամք
 Մզատուծիւն մեզ աջակից .
 ()ն , 'ի պահել զայն մինչ 'ի սպառ ,
 Տանուրց ժուժկալ լիցուք չարեաց
 Ղիմագրաւեալ արիաբար :
 Ի զրժընդակ աղէտըս մեր
 Եւ մըրցանակ ճըզանց մերոց ,
 Եւ միայն փառք և քաջալեր :
 Քարայր անշէն , ժայռք ամայիք ,
 Քանի սիրտուճն է ինձ դիտել
 Բզձեզ յաղէտս իմ յայտոսիկ .
 Յաղթականին իմոյ ընդդէմ ,
 Օերժ աստ յանարգ գերուծենէ ,
 Քաջայանդուզըն խիզախեմ :

Յայնժամ գոչեաց յաղթականն հէք . Ո՛ւր իւր
 ցեմ էս , բա՛բէ , ո՛ւր գտանիցիմ : Իսկ միայնա-
 կեացն ողջագուրեալ զնա , ասէ . Ի գիրկս Ղե-
 լիմերի գտանիս : Բեւիսար ասէ . Ղեպք նորա-
 հրաշ , ոչ դու ինքն իցես Մըկաղիոս : Միայնա-
 կեացն ասէ . Ես ինքն եմ չարաբաստիկ արքայն
 Սանդալաց : Յայնժամ Բեւիսար հեղձամղձուկ
 հեկեկանօք . Եղբւկ ինձ , ասէ . Ղեւիմեր իմ
 աղատարար , այն՝ զորոյ էս զապարանսն յաճիւն
 դարձուցի , այն՝ զորոյ էս զբանակն փլուզի , զա-
 թու նորա կործանեցի , զաղգ նորա ցրուեցի , և
 արդ նա ինքն ինձ ասանջական . Բաբէ , ձեռքն

այնուրիկ արքունականք՝ որ շղթայակապ 'ի յաղ-
 թական կառս իմ կաշկանդեցան , նոյնք անյիշա-
 չար զշղթայս իմ խորտակեցին : Լսո ամենւին ,
 կրկնեաց Ղեւիմեր . էս ինքն եմ չարաբաստիկն
 այն թագաւոր , խաղալիկ բախտին աւաղելի , որ
 կորուսի զաթու իմ և զհայրենիս և զհամբաւ
 և զկին և զորդիս . բարձեր դու յինէն զփառս ,
 զբարեկենդանուծիւն , զյոյս և զընաւ ամենայն
 ինչ . սակայն պատրաստ եմ յօգնել քեզ և յա-
 ռաջնորդել . հրամայեա ինձ , և աւասիկ կամ
 'ի սպասաւորել քեզ : Բեւիսար ասէ . Ո՛վ վե-
 հանձնուծիւն , որ ամօթապարտ կացուցանէ
 զիս : Ղեւիմեր ասէ . Սի ինձ համարիր , ե-
 թէ իննամս ինչ յինէն ընկալցիս . գոհացիր ըզ-
 տեառնէ , որ զայդ ինձ հրամայէ : Յայնժամ
 սքանչացեալ Բեւիսարայ , և այլ յայլմէ լեալ ,
 գոչեաց բաղկատարած առ Ղեւիմեր . Լ՛ծ զիս ,
 օն , առ ոտս խաչեցելոյն պատկերի : Ղեւիմեր
 ասէ . Լքաջի նորին կաս : Եւ վաղվաղակի ան-
 կեալ Բեւիսարայ յերկիր , ասէ . Ո՛վ որ շնոր-
 հեսդ ինձ 'ի մխիթար և 'ի միակ օգնական 'ի վե-
 րայ երկրի զայն՝ զոր կապուտ կողոպուտ յամե-
 նայնէ կացուցի , դու ոչ վայրապար առաջի առ-
 նես ինձ զգերաշխարհիկս զայս ապայոյց զօրու-
 թեան կրօնից . առ ոտս քո արկանեմ աստ զա-
 մենայն իղձս իմ և զխորհուրդս վըժժինդրու-
 թեան : Եւ կարացե՛ իսկ Բեւիսար ընդ հովա-
 նեաւ և ընդ առաջնորդուծեամբն Ղեւիմերայ

մթերեալ պահել ոխ 'ի սրտի անհաշտ . ընդ տեսչու թեամբ աստուածարեալ առաջնորդի ոչ ևս կարացից գործել ինչ, առանց յիշելոյ զողորմութիւն : Ս՛վ որ միայնդ էս դատաւոր գործոց մարդկան արդարակորով, քեզ միայնոյ է պատուհասել զնոսա . և արարածոց քոց տկարաց ոչ այլ ինչ ուխտս և պաղատանս պարտ է առ քեզ վերառաքել, բայց առ 'ի մաղթել 'ի քէն զողորմութիւն : Սերեմ թնամեաց իմոց . զարմանք և շնորհակալիք բնաջինջ առնեն 'ի սրտէ իմէ զտխակալութիւն : Մ.յո' 'ի հիւրընկալ քարայրիս երդնում սէր յաւերժական առ նախնի բարերարն իմ և թագաւոր : Տէր բարերար, տուր ինձ մինչև վճարեալ 'ի կենաց՝ ցուցանել առ նա զհաւատարմութիւն իմ, շնորհեա ինձ զխառս վերստին ծառայելոյ նմա :

Ի լուր աղիողորմ պաղատանայն խանդաղատեալ Գեղիմեր, զիրկս արկ Մեղիսարայ, և աւսէ . Ս՛վ մատնեալդ 'ի զոհ մախանաց և անխաւութեան վեհափառ պատարադ, յաղթանակդ այդ՝ զոր կանգնես 'ի վերայ անձին՝ չքնաղազոյն յոյժ է քան զամենայն յաղթութիւնս, որովք պայծառացան ցարդ կեննք քո : Ս'ի ևս այսուհետեւ զթշուառութենէ բանք . որ տիրէ ոք անձին և վեհանձն արիութեամբ ճոխացեալ գտանի, չէ նա թշուառ . աղէտք մեր լիցին մեզ 'ի հանդէս բարեբաստութեան, առանց այնոցիկ չէր մեզ մարթ գիտել զգորութիւն մեր և զօճան

բարեաց : Ս'ի շատ համարեսցուք անխուով տանել ձախողակաց, այլ և սիրեսցուք զնոսին . զի նորա պայծառացուցանեն զվսեմառաքինութիւն : Թողցուք զտրտունջ և զաղոք 'ի գերիս բախտին 'ի վատասիրտս . մի տեղի և եթ տացուք անհրաժեշտ հարկին, այլ և յարգեսցուք զփրկաւետ խստութիւն ճակատագրին, և զոհասցուք զաստուածախնամ տեսչութենէն՝ որ բաւականս ըզմեզ կայուցանէ 'ի բարձունն ծանու բեռինն : Ոչ է բաւական զուս 'ի ներքոյ արկանել . զի հլութիւն ոչ աւելի ինչ է քան զընկճումն ընդ հարուածովք բախտին, այլ պնդակազմ ժուժկալութեամբ յաղթել թշուառութեան անյողողոք և անվեհեր, այն իսկ է արիութիւն մեզ վայելչական :

Գ Լ Ո Ւ Խ Զ .

Գեղիմեր թէպէտ և աստուածարեալ կրօնիւք՝ սակայն բերէր դեռ ևս յանձին զխորխոր բարս, սանձահարեալ 'ի քրիստոնէական խոնարհութենէ՝ այլ ոչ 'ի սպառնուածեալ : Երկիւղածութիւն՝ որ 'ի վեր ամբառնայ զմիտս, աղբէ 'ի նա միանգամայն անվստահութիւն և արհամարհանս անձին . բայց Գեղիմեր խմաստասիրութեամբ և եթ սովորեալ ընդերկար առաքինա

նալ, դեռ ևս 'ի խրոխտ բարբառ նորին խօսէր .
 Հանդերձ սրբակրօն վարուքն նշմարէր յանձին
 նորա և յիշխանական խօսս և յազատական կեր-
 պարանս գոռող իմն և վայրագ, որ զբրտութիւն
 ազգին, զուք արքայազարմ տոհմին, և զխրոխ-
 տումն մարդկեղէն իմաստութեան յիշեցուցանէր :
 յանոյց Բելիսարայ զխորհուրդն՝ զոր երկնէր
 վասն նորա, և ասէ . Սայրբ՝ յոր երբեմն թա-
 գաւորէի՝ այնպէս աւար հարեալ, զի աւերակք
 և եթ և հիւղք ոմնք գտանին արդ 'ի նոսա : Ի
 միում ուրէք 'ի գեղջեից անտի հիւղից բնակէ մի
 ոմն 'ի հաւատարմագոյն իմոց երբեմն պաշտօ-
 նէից, Վալէբ ազատազգի . ոչ յաւազագունից
 անտի արքունեացս, այլ 'ի ստորայնոց . բայց զՄգ
 ընդ թշուառութեան իմում յաւելեալ 'ի տիրա-
 սէր հաւատարմութիւն : Ըք նա ինքն խորհիմ՝
 ածել զքեզ . և ապա երթալ 'ի Վոստանդնու-
 պօլիս ուր ընդ մեռեալս զիս համարին : Ի հնգե-
 տասան ամաց հետէ կամ 'ի բացեայ, և կեր-
 պարանափոխ ամենեւին լեալ, անծանօթ ամենե-
 ցուն գտայց : Տեղեկացայց զողջունէ հարսին քո և
 զստեր . եթէ անգթացեալ 'ի նոսա, և կողոպ-
 տեալ իցեն յընչից, և չիցէ հնար դառնալ քեզ
 'ի հայրենիս քո, տարայց զնոսա յՄիլիկէ, և
 անդ գտանիցէք զմիմեանս յերկիր ամայի՝ նուա-
 ճեալ երբեմն 'ի բազկէ քումնէ : Սշակեսցուք
 զկողմն մի խողանացեալ երկրին, և 'ի դաշտս,
 ընդ որ զյաղթական բանակս քո ածեր, և որ

տեսարան փառաց քոց կացին, լիցի ապուէն ա-
 լեաց քոց հալածականաց : Եւ իբրև բնակեցու-
 ցից զքեզ յակաստանի, ապա դարձայց այսրէն
 յանապատ 'ի միայնարան իմ :

Ընդուականի հոգւոյն Բելիսարայ և գողտր
 սրտին յաւելան զարմանք . և յափշտակեալ 'ի սէր
 վեհանձն բարերարին, անգտին խկ ոչ սակաւ
 սփոփեալ 'ի թշուառութենէն գտանէր : Սահ-
 մանեցաւ ուղևորել յետ երկուց աւուրց . բայց
 Բելիսար ազաչէր զնա, մինչև ուղւոյ լեալ ման-
 րապատում առնել զարկածս իւր՝ զորս անգիտա-
 նայր : Յանձն էառ Վելիմեր հաճել զնա, և
 սկսաւ այսպէս :

Գ Լ Ո Ւ Խ Է

Վ Ե Պ Ք Գ Ե Լ Ի Մ Ե Ր Ի

Թէպէտ և որբ 'ի մանկու թենէ մնացեալ, սա-
 կայն խնամովք դաստիարակեցայ : Իմաստունն Ը-
 րատոր գերահազակ լիգուրացին նախակրթեաց
 զիս 'ի գիտութիւնս՝ . նա էարկ 'ի միտս իմ՝ զա-
 ռաջին սերմանս քրիստոնէական անապակ կրօնից :
 Եւ քանզի խորշեցուցանէր նա զիս յարիտական
 մուրրութեանց՝ 'ի յայտնել իրացն տարագրե-

1 Չայսու ժամանակու կեայր Արատորս այս, որ ընդ բա-
 զում աշխարհս յածեալ և բազումս գրեաց :

2 Արիտականք էին յայնժամ Գոթք :

ցաւ : Արիւնց հնգից ամաց էի ես յայնժամ, և անջինջ 'ի միտս իմ կային փրկաւէտ տպաւորութիւնքն . բայց ստիպեալ 'ի հաւատս՝ որում հասու լեալ էի մոլորութեանն , ոչ ևս այնուհետև կրօնք ուղղէին զվարս իմ : Սակայն վաղ իսկ խելա մտաւ եղէ զի կարևոր էր մարդոյ սանձ իմն առ 'ի նուաճել զկիրս նորա , և կամ նպատակ՝ յոր ուղղէր զնոսա : Աւագոյն քան զամենայն առաջ նորդս թուեցաւ ինձ փառասիրութիւն , զի նա 'ի հրաշակերտս և յարիական գործս ածէ զմարդ , և զազնուականացոյն նուէրս դիւրաձեռնարկելի նմա պատրաստէ : Այլ յայլ ինչ այնուհետև խորհէի , բայց 'ի ստանալ անուն բազմահոգի . ինչորէի պարապ նահատակելոյ 'ի քաջութիւնս , և ցանկայի հանդիսանալ . ոչ քաղցրանային ինձ զբոսանք սնտոիք մանկականի տիոցս , այլ ուսում նասէր ջանից պարապէի անդու . խորհէի 'ի սինլըբոր իրաց , և որ ինչ ոչն էր մեծահամբաւ՝ թուէր յաչս իմ սինլըբոր : Հետազօտէի հեռաւոր և անմարդի վայրս 'ի ճեմ , և ընկղմէի անդ յերկարաւոր ցնորս . ընթանայի մտօք ընդ ամս ապագայս , և կազմակերպէի անդ զիմ՝ ճակատագիր . իբր ոչ եթէ խոստանալով ինձ յաջողութիւն անյողգողք , այլ յանձնապատան գոռողութեամբ նկատէի զարկածս՝ տեսանելով 'ի նոսա զհնարս կանգնելոյ անուն քաջութեան , և իշխէի ձայնատուր լինել բախտին : Այսպէս 'ի սրտապնդել իմում իմացական զօրութեամբ անդրդուելի ընդ-

դէմ յեղափոխութեանց բախտին , նոր իմն խորհուրդ անկաւ 'ի սիրտ իմ՝ 'ի լուսն ցնորից մտացս : Աղբերիկ խօթամիտ արքայն անձնատուր 'ի հոմանիս իւր և 'ի սիրելիս , արդէլեալ փակեալ կայր յարքունիս իբր 'ի կանանոցի . և ոչ այլազգ լսելի լինէր ժողովրդոց անուն նորա , բայց միայն 'ի ձեռն հրովարտակաց՝ որ երբէք երբէք ելանէին 'ի ծանրաբեռնել զնոսա նորանոր հարկօք : Թեպէտև երիտասարդ դեռ ևս էր , սակայն խորհէր մերժէր 'ի հարսանեաց , ոչ կամելով յազատօրէն կենացն հրաժարել : Այլ քանզի ինձ հասանէր յաջորդել նմա 'ի մեռանել նորա անորդի , ամենեցուն յիս պշուցեալ կային աչք . և խստակրօն կեանք ընդ առոյգ մանկութեան կցորդեալ , մեծարոյ ամենեցուն առնէին զիս՝ յաճախելով զարհամարհանս թագաւորին : Օայնու ժամանակաւ վառէր հուր մարտին Պարսից ընդ ինքնակալին . և ըստ ուխտին նիզակակցութեան պարտ էր Աղբերիկեայ գումարել ընդ քումդ զբանակ իւր , որում զիս ինքն կացոյց զօրավար մինչ դեռ ևս էի եօթնևտասն ամաց : Ապա տերազմին յայնմիկ գտայ բարեբախտիկ ձգելով յիս զաչս Բելխասարայ , քանզի այսպէս յաջողէր ինձ մտանել շքով յասպարէզ փառացայլ մարթէր բախտին լինել ինձ հաւատարիմ , ուր պարտն էր ինձ անցանել ընդ քեզ 'ի կուր : Հարկեցուցեր զՎաբադէս խոնարհել 'ի հաշտութիւն , քեզէն զպայմանսն սահմանեալ . և ոչ

անտես արարեր զօգուտ նիղակակցին քօ Վլդերիկեայ, յոր մանաւանդ օրէնք քաղաքավարութեան տային քեզ խորհել: Ոչ ինչ անիրաւիմ' ՚ի կարծել, որ քանդի ես ինքն էի ժառանգ թաւաւորութեանն, լաւ համարեցար հաստատել ՚ի գլուխ ապիկարին Վլդերիկեայ զթագն՝ որ գայթ ՚ի գայթի կայր, քան թողուլ անկանելոյ իշխանութեանն ՚ի ձեռս իմ: Ինչ դաշինս խաղաղութեան պահանջեցեր ՚ի Վաբադեայ խոստումն տալոյ զգուտար իւր ՚ի հարսնութիւնն արքային Սանդալաց, որոյ չէր իսկ փոյթ առնելոյ կին, այլ ոչ իշխեաց մերժել զայն ինամութիւն: Ինձ յանձն եղև զնալ հրաւիրակ օրիորդին Տրուխիսիմեայ, ածել զնա ՚ի Վարբեդոն: Հարսանիքս այս, որով բառնայր յինէն յոյս ժառանգելոյ յաւուր միում զաթոռն, հարին կարեվեր ըզփառասիրութիւն իմ, մանաւանդ զի և ժողովուրդն ցուցանէր ցնծութիւն ընդ հարսանիքն՝ որով աներկբայելի թուէր մերժումն յարքունեաց անտի հոմանեացն ատելեաց նմին: Եւ ՚ի տեսիլ արքայազն օրիորդին այլ յայլմէ եղէ, և սէր ինքնին արծարծեցոյց յիս առաւել քան զառաւել զփառասիրութիւն: Տրուխիսիմէ խոստացեալ էր արքային Սանդալաց, և երդուայ ես ամբառնալ յաթոռն. ոչ ՚ի մտի եղեալ ընկենուլ անտի զթագաւորն, այլ աթոռակից բազմել նմին. զի ոչ ինչ երկբայէի դահակցութեամբն այնուիկ միահեծան թագաւորել, զանուն և եթ թարմաւ

տար թողեալ ՚ի նա: Եւսիրեւբար ընկաւաւ թագաւորն զՏրուխիսիմէ, և բնակեցոյց մեկուսի ուրոյն ՚ի պալատան. կացոյց նմա պահապանս և ստրուկս, և ետ նմա լիուլի ազատութիւն, թէպէտ չև ևս էին նմա ամբ աւելի քան զհնգետասան. այլ ոչ ինչ տայր պատրաստել ՚ի հարսանիս, որով գրգռեաց անդրէն զպայրոյթ ժողովուրդեան: Տրուխիսիմէ ըստ օրինաց իւրոյ աշխարհին, և ըստ մերումն իսկ, ոչ զոք յարանց ընդունէր յայց. այլ գիտէի զի հանապազօր ելանէր նա կառօք ընդ առաւօտն ՚ի ձեւ յանբնակ վայրս, յորս ստէպ գնայի և ես: Եւ միում աւուրց ազդեղև ինձ զի գնայր նա ընդ երեկս ՚ի ստորոտ Պասուկայ լերին՝ ուր յաճախագոյն սովոր էի ելանել ՚ի ձեւ, և զի կամէր նա ընդ զառ ՚ի վեր լերինն գնալ ընդ դժուարակիս ավափայս: Վանխեցի անդր, և ՚ի զբօսանս զօրն զայն անցուցեալ մընայի Տրուխիսիմեայ, վստահ ՚ի տեսանել զնա և ՚ի խօսել ընդ նմա: Եւ ահա եկն եհաս էջ ՚ի կառաց, և թողեալ ՚ի դաշտի անդ զկառոն՝ ել ՚ի կատար լերինն առաջնորդութեամբ հովուի ուրումն, ընդ երկուս ոմանս ՚ի ստրկացն: Բայց օրն տարաժամէր, և երևէր լուսին. իղձ եղև օրիորդին տեսանել զքարայրն, և ելոյց հովուն ջահս. այլ իբրև ՚ի մուտս անդ ետես զայն լուսափայլ զարդարեալ, լի ծաղկամբք և մրգօք, ազգի ազգի պատրաստեալ համադամօք, և լուսադրոշմն տառիւք զնշանագիրս անուան իւրոյ

շուրջ գծագրեալ, հիացեալ եկաց : Յայնժամ յանկարծակի յանդիման լեալ նմա, ածի զնա 'ի խորս քարայրին, և բազմեցուցեալ զնա 'ի դաւարագեղ բազմոցի, նստայ առ ոտս նորա և աւեմ : Սուղ են մեզ վայրկեանքս, խօսեաց օրիորդ արքայազն, կամիցին զհարսանիսդ ըստ քաղաքավարական հարկի պայմանեալ : Ի լուր բանիցս զաչա 'ի վայր արկեալ օրիորդին, վտակս կրկին ընդ ծնօտան իջուցանէր : Արկնեալ անդրէն աւեմ : Հիմ լաս, զի դառնանան քեզ հարսանիքդ : Պատասխանի ետ անկեղծ և խանդաղատելի • Վիտես դու զայն : Յայնժամ անկեալ առ ոտս օրիորդին, և բուռն հարեալ զաջոյ նորա, աւեմ : Ինկալ զուխտ անդրժեղի : Բքէ • ԲյՂ հայր իմ զինչ . . : Բքեմ : Հայր քո խոստացաւ արքային Անդալաց, և արքայն Անդալաց լիցի քեզ փեսայ : Բքէ • Սի լիցի երբէք : Բքեմ : Բմթաւ պարտ թագաւորութեանն Նլգերիկեայ ընդ հուպեղիցի վախճան : Բքէ • Բրդարադատ երկինք : Բքեմ : Բհա սակաւ աւուրք, և լիցի ինձ բախտ պսակելոյ զոր սիրեաց անձն իմ : Բքէ • Բռնակալ ուրեմն լիցի Վեղիմեր : Բքեմ : Բռնակալ սիրապէս նա ինքն է թագաւոր վատ, որ անգործ և անփոյթ բազմի յաթոռ : Բքէ • Բհ էս ոչ փառասիրեմ : սիրտ քո, Վեղիմեր, և քաւայրս միայն շատ են ըղձիցս իմոց :

Ոչ ինչ երկբայիմ զի զայս այսպէս երկնային իմն ազդեցութեամբ խօսէր նա, հանդերձելոյ

տխուր արկածիցն մերոց նախատես լեալ 'ի մասնէ : Հարկ էր հրաժարել յայրէ անտի, յոր յոյս և սէր կախարդէին աղապատանօք զողիս : Ըն մեկնեալ յինէն օրիորդն եկաց 'ի ծագ լեղինն, և զաչա 'ի վեր ամբարձեալ յօգուոց եհան, տեսանելով զլուսին 'ի գոյն արեան շուրջ բակ առեալ 'ի մուշլ ամպոց, և ասէ • Բբազ, լոյս չաւրագուշակ, ո՞ւր վճիտն այն և ակնապարար ճաւանչ • իցի ոչ այսպէս նսեմասցին աւուրք մանկութեանս մերոյ : Վարեվեր հարին զիս բանքս այսօրիկ • տխրութիւն օրիորդին կամ մանաւանդ սգալի նախազդեցութիւն թափանցեալ 'ի սիրտ իմ, խռովեցոյց զիս : Սինչև ցայնվայր յօխորտ արհամարհանօք ակնարկէի յարկածս • այլ յայնժամ կիրք իմն հզօրագոյն քան զամենայն կիրս փառասիրութեան խելամուտ արարին զիս, զի զիւրագոյն որ խրախուսէ 'ի համբերել 'ի սպառուր միայնակ և եթ առաջի կայցէ վշտակրել :

Հրաժարեցաք 'ի միմեանց • և ընդ երեկս հասին 'ի Պարսից զրոյցք անակնկալք : Օի Աբբա դեայ օրինաւոր կամեցեալ առնել զցանկասէր կեանս իւր, բարձեալ էր հրովարտակաւ զսուրբ օրէնս հարսանեաց ' և աւագանւոյն և ուամկին վտարանջեալ, և ընկեցեալ զնա յաթոռոյ, յաշտարակի ուրեք արդեւեալ փակեալ էր : Բնդ հա

1 Ըստ պատմագրաց հրովարտակս այս առնէր հասարակաց զկանայս :
 2 Ըստ պատմագրաց :

տանել իրացն յունկն Նլղերիկեայ, եղծ հրապարակաւ զգաշն ամուսնու թեան իւրոյ ընդ դատեր արքային Պարսից . և 'ի վաղիւ անդր յլեաց զիս 'ի խնդիր օրիորդին, դարձուցանել զնա անյապաղ 'ի Պարսս : Ընանց և ոչ մի ինչ բանից պատասխանուոյ ելի յարքունեաց անտի, պատճառաւ ուր կազմելոյ զգունդ թիկնապահաց յուղեկցու թիւն արքայադատերն . և գումարեցի 'ի միում 'ի հրապարակաց քաղաքին զէգէոնն ողջոյն ընդ ինև զինուորեալ 'ի պատերազմին : Ս'ի 'ի զօրագլխաց իմոց ընթերցաւ բարձրաձայն զհրաման արքային, ընդ որք թմնջէին ամենեքեան : Յայն ժամ անցի ես 'ի մէջ հրապարակին հեծեալ, ուղեկցելով կառացն՝ յորում էր իշխանուհին . գեղեցիկութիւն նորա և մանկութիւն և աղէտք ընտանեացն 'ի գորով շարժէին զսիրտս բոլորեցունց : Այստեղ կալայ առ զօրականն և առ ամբաւ բազմութիւն ժողովրդոց՝ որ խոնեալ էին 'ի հրապարակի անդ, և ասեմ . Ըրքայազին օրիորդիս 'ի սրբութիւն անլուծանելի դաշանց վստահացեալ, եթող զհայրենիս իւր 'ի բարգաւաճանս անդ, գալ հայրենակից մեզ լինել : Ըրկածք հօրն առաւելադոյն և ս կարեկցութեան արժանի զսա կացուցանէն . այլ որ երգուաւն լինել սորա պաշտպան և փեսայ, արձակէ զսա ուր ընտանիք սորա կան տարագիր, և ուր անդարձ գերութիւն մնայ սմա, թերևս և մահ աղետաւոր : Յայն ժամ զինուորքն առհասարակ և ամբոխ բազմու

թեանն աղաղակեցին . Ս'ի երբէք, մի . այլ կեցցէ նա, այլ կացցէ մնասցէ առ մեզ, կեցցէ իշխանուհին Պարսից : Իսկ օրիորդն 'ի ձայն աղաղակին սրտառուչ ձեռս յերկինս ամբարձեալ, յարտասուս հարկանէր : Յուղեցան գութաւ մենեցուն, և զօրքն ձգեալ զնիզակս իւրեանց՝ կուեցին ուխտ սիրայորդոր 'ի պաշտպանել զնա : Պոչեցի և ասեմ . Բարեկամք ազնուագութեք, կայցէ մնասցէ օրիորդն, ես ինքն եղէց ախոյեանս 'ի պաշտպանութիւն նորա, փութամ առ ոտս սեղանոյ յուխտ կցորդութեան ընդ նմա 'ի զօր անլուծանելի : Այլք զհետ իմ, պահել զգրուես տաճարին՝ ուր հանդերձիմ տալ զերգումն : Բարբառք ցնծութեան և ծափաձայն դրուատիք ըստէպ հնչէին . և հրաման ետու կառացն յառաջ խաղալ : Օ հետ խուժեցին զօրքն և ամբոխ . և զկայ առեալ անուոցն առ եկեղեցեաւ յեւ հրապարակին, ճակատեցան կացին գունդք շուրջանակի՝ պահ ունել մտիցն : Ըստեալ նուաղեալ կայր օրիորդն . առեալ զձեռանէ իջուցի զնա 'ի կառաց, և 'ի հնչիւն սրնդաց փողոց և թմբկաց, և 'ի ձայն աղաղակի ամբոխին ածի զնա 'ի տաճարն, և անդէն փակեցան դրուանքն : Ս'նային մեզ անդ երիցունք, որոց յառաջագոյն ազգեալ և 'ի բանի արարեալ էր իմ զնոսա . և ելին մեզ ընդ առաջ զգեստաւորեալ քահանայական զարդուք : Ս առէին լուսաձաձանչ լապտերք տաճարին առհասարակ և ձգեալ ածի զօրիորդն 'ի բեմ

աւազ սեղանոյն : Ընդ սէր զօրացոյց զնա, և ծունր եղեալ մատոյց առ իս զաջ իւր զողջօնուն . և տեսի անդ զմեռելատիպ տփգոյն գէմն նորա փոխեալ 'ի վարդագեղ կարմրութիւն : Ի վերջկոյս հանդիսին յորժամ պատրաստէր օրիորդն տալ զերգուննն օրինաւոր, լսելի եղև շունդն ահազին . և ոչ ինչ գժուարին էր գուշակել, զի զօրք հասեալ յարքայէն յարձակէին 'ի մերսն : Յայնժամ ասէ օրիորդն . Եթէ մեռանել առաջի կայ, գէթ հարմնացեալ քեզ մեռայց : Եւ զայս ասացեալ, 'ի վերայ էած անյողղողդ ձայնիւ զերգուննն : Ըստպէս ահա պսակեալք, յարեայ աւապարէի ընթանալ 'ի դրունս տաճարին, յանձնելով երիցանց զհարսն իմ 'ի պահ : Ըստնա աղաղակէր, չառնոյր յանձն կալ, կամէր գալ ընդ իս և բաժանակից լինել վտանդին : Օրը ջանայի կացուցանել զնա 'ի բաց . բացան դրունքն, և ահա գունդք ընդ գունդս խառնեալ էին 'ի կոիւ : Ընդ հռիփսիմէ առ սեամս դրանցն բացելոց 'ի ծունր իջեալ ձեռնամաճ, և զաչս յերկինս ամբարձեալ կայր . և երիցունքն քահանայական սպասուք շուրջ կային յետ կուսէ կիսաբոլոր : Ստեայ 'ի դուրս, և գոչելով ասեմ . Օրնուորակիցք իմ, դադարեցէք վայրիկ մի, և լուարուք ինձ : Եւ առժամայն դադարեցին հարուածք, և կարկեցան կացին զօրքն անշարժ : Խօսեցայ առ նոսա, ցուցի նոցա ակներև զվատութիւն և զանգժութիւն Եղբերիկեայ, որ յետ օրինաւոր երգ-

մանն հարմնացուցանելոյ իւր զիշխանութիւն՝ արձակէր զնա 'ի հայրենիսն պառակտեալս յառանին պատերազմաց, մատուցանելով զնա զոհ մոլեղնութեան ապստամբացն : Եւ ապա յաւելի . Քաղաքակիցք իմ և զօրականք, ընտրեցէք արդ ընդ թագաւոր վատասիրտ և հաւատադրուժ, և ընդ արքայազն թագաժառանգ՝ զորոյ գովէք ըզգնացս և զբարս, և որ միայն առաջնորդեաց ձեզ 'ի փառս ընդ թագաւորութեամբ Եղբերիկեայ : Յուշ լիցի ձեզ, զի ոչ նա է որ թագաւորէն, այլ անարգ հոմանիք իւր և վատ դրանիկք : Յայտնագոյնս ասացից . ոչ ընկենուլ ինչ յաթոց խնդրեմ զարքայն ապիկար 'ի թագաւորել, այլ գահակից նմին կալ և իշխանակից :

Վարձատեցան բանք իմ 'ի միահամուռ գոչիւն աղաղակի երկաքանչիւր զօրացն, որք թագաւոր Սանդալաց զիս քարողէին . և վաղվաղակի ջուկատ մի զօրականին հասեալ առ իս, բարձին զիս 'ի վահանս իւրեանց . և զարքայուհին ամբարձեալ 'ի կառս իւր, գոչէին . Եկցէք արքայ, կեցցէ զիշխոյն Սանդալաց : Եւ պար առեալ զմեօք անթիւ բազմութիւն ժողովրդեան, և գունդք երկաքանչիւր զօրաց 'ի մի գումարելոց յորս եկեալ յաւելուին յամենայն կողմանց քաղաքին և այլ զօրք, ածին զմեզ յաղթանակաւ յարքունիս : Պահապանք գրեթէ առ հասարակ ցան և ցիր լեալ, ոչ ինչ ընդդէմ դարձան . մտաք մեք 'ի ներքս համարձակ, և հազիւ գտաք զապիկար

և զվատ արքայն 'ի Թագստի: Սեծարանօք յայտ արարի նմա, զի կայր և մնայր նա յիշխանութեան իւրում և 'ի փառս, բայց միայն զի 'ի յանձանձանս իրաց աշխարհին բաժանակից նմա լինէի: Թուէր առ ժամն հպատակել հարկին. այլ յետ ամսոց ինչ օձան առեալ զազատութիւնն՝ զոր խորհրդով ետու նմա, և զնաց փախստական, խուսել կարծելով յերեսաց իմոց՝ որ ամենայնիւ ջանացեալն էի օգնել փախստեան նորա:

Եւ յայէս միաբան հաւանութեամբ ամենայն ազգին կացի ես Թագաւոր. և ընդ բազում ժամանակս փախստեայ և Թափառական ծածկեր լիզերիկ 'ի սահմանս աշխարհին, մինչև ոչ կարացեալ առնել իւր կուսակիցս՝ անց 'ի տար աշխարհ: Եւ այս յերկրորդում ամի յետ վտարանջութեանն ինդրեաց 'ի Յուստինիանոսէ օգնականութիւն: Հասին առ իս հրեշտակք, և յերկարաձգեցան պատգամաւորութիւնք, մինչև յետ զերեամ Թագաւորութեան իմոյ հասեր զու յ'փրիկէ: Սիրելի էի ժողովրդեան իմոյ, Թագաւոր բարեբաստիկ և բարեբաստազոյն քան զամենայն արս և զհարս. սիրով սիրէի զհարսն իմ և զորդեակ երկամեայ՝ որ միամօր էր ինձ: Բայց երազք արագաթոխէք են կեանք մեր. հազիւ վայրկեան ինչ սուղ զխաբուսիկ քաղցրութեանց նորա առի զձաշակ. և քանի՜ ահագին և երկարատե տագնապ մահոս պատրաստէր վաղանցիկ բարօրութեանս իմում յաջորդել:

Յետ պարտութեան ճակատամարտին 'ի Տրեկամերոն, հարիւրովք ոմամբք ընտրելովք հատեալ անցեալ ընդ բանակ քո՝ ապաւինեցայ 'ի կատար լերինն Պասուկայ: Կարծիցես Թերեւս աստ զվէպս իմ սպառեալ. գիտես իսկ որ ինչ արկածք դժնդակք ինձ անդ 'ի վերայ հասին. այլ ո՞ զմտաւ ածել կարիցէ որ ինչ կրեցի ես անդ յաւազելի բախտին: Աչ ինչ երկբայիմ զի մանրապատում իրացն զրոյցք 'ի գորով զսիրտ քո խանդազատեսցեն:

Իբրև հասաք մեք ընդ քաջ որեարն իմ՝ 'ի լեառն անդր, ուրախ լինէի ընդ ամուր ապաստանին անմատոյց 'ի Թնամեաց. ոչ միայն աննկուցք յարհարաց պարտութեան, այլ և Թուէր մեզ յաղթանակեալ 'ի վերայ յաղթող բանակին 'ի խուսափել մեր յերեսաց նորա: Հիանայի յակնարկել 'ի գունդն փոքրիկ, զերծեալ սքանչեալպէս 'ի կորանաց գերութեան. և 'ի նոյն խորխտ կոկողանս օրինակաւ իմով զնա խրախուսէի: Երբ ոմանք 'ի նոցանէ ելին կանգնեցին 'ի հերձս ժայռին 'ի սպառուած լերինն զգրօշակս իւրեանց, ասելով. Ե՛հա հովանոց գահոյից արքային մերոյ: Բազմեցայ 'ի գեղջուկ գահաւորակին, և զինուորացն պար առեալ կիսաբոլոր առաջի իմ, և տեգ ընդ տէգս խառնեալ զգլխով իմով, երդուան ինձ հաւատարմութիւն մինչև ցմահ, մեռանել 'ի քարաժայռի անդ քան լինել անձնատուր: Աչ իսկ է հնար յանդիման առնել բանիւք զայնր ժա

մոռ աւիւն մոլեգնութեանս մերոյ . այլ միտք այսու օրինակաւ գեր 'ի վերոյ արկածից չարաց ամբարձեալ, զօրութեամբ և եթ գոռողութեան և ցնորից մտաց չկարեն կալ և մնալ 'ի գերաբուն բարձրութեան անդ : Որ ինչ ոչն է հաստատեալ 'ի բանն գերակայ, արբեցութիւն իմն է վաղանցիկ . վեհանձնութիւն ոչ 'ի թռիչս ինչ մտաց արիականս սահմանի . ոչ ապաքէն յաճախ և ախտաժետք 'ի ձգտելոյ ջղաց առնուն յանկարծ կորով զարմանահրաշ : Արծնք և եթ տան մտաց մերոց հաստատութիւն, և անյողղող կազմեն զհոգի : Ահ չիք և չիք երկբայութիւն, զի զօրութիւն գերաշխարհիկ, նպատակ վեհ, և յոյս վըսեմ, սորա և եթ սնդակաղմ զտկարութիւն մեր յարգարեն :

Անց վայրկեան արբեցութեանս իմոյ, և 'ի մահացու անձկութեանց գտայ ես ընկձեալ և կեղեքեալ : Ոչ գիտէի ինչ զողջունէ հարսինս իմոյ և որդեկիս . հարկ էր ինձ ծածկել յայլոց զգժնդակ տագնապ վարանման սրտիս . հարկ էր ցուցանել արիութիւն անասան այնոցիկ, յորոյ պահանջէի նուէր այնպիսի արիական : Աորհուրդ իմն անդոհական անկեալ 'ի միտս իմ ընդ երեկս, յաւել յաճախել զտառապանս իմ 'ի սպառ : Օ ամենայն ինչ յաչս եղեալ էր իմ, բաց 'ի կենաց հարսինս և որդեկիս, առ 'ի ժուժկալել 'ի լերինն և վաստակաբեկ առնել զտոկ թշնամեաց . այլ ածի յանկարծ զմտաւ, զի եթ է հռիփսիմէ

'ի ձեռս թշնամեաց անկեալ կայր, և հարկ էր անձնատուր լինել առ 'ի փրկանս ազատութեան նորա և կենաց և կամ թերևս առ 'ի գրաւթափ առնել զպատիւ իսկ նորին, չէր ինձ ազատութիւն փոխանակելոյ զանձն իմ 'ի վերայ նորա, զի ոչ յանձն առնուին զայն զօրք իմ : Աելամուտ եղէ յայնժամ ընդունայնութեան ճորհաց, որոց ոչ օգնէ զօրութիւն . 'ի միտ առի զի իշխան յանապատի ուրեք ընտրեալ, որոյ չիք զօրութիւն զդէմունելոյ և զհրամանս իւր կացուցանելոյ, ոչ ինչ ընդհատ է քան զստրուկ՝ մեծարանաց անուամբ պերճացեալ, անուն թարմատար և վրասակար :

Առ 'ի ծածկել զանձն յաչաց զինուորակցացն իմոց, մեկնեցայ 'ի քարայրն 'ի ինդիր լուութեան և խաւարի . այլ 'ի մուտս անդ գութք դառնակսկիծք յուզեցան 'ի սիրտ իմ, քանզի անդ հըռիփսիմեայ յայտնեալ էր ինձ զսէր իւր նախընծայ, և ես բաժանեալ կայի յայնժամ 'ի նմանէ՝ անկեալ 'ի փառաց կապուտ կողոպուտ յամենայնէ : Օ գիշեր 'ի զլուի հանէի 'ի յոյզս տըխուր խորհրդոցս, որ վայրկեան 'ի վայրկեան յաճախէին ինձ զարհաւիրսն : Այլ ընդ այգն նախ քան զճագել արեգական լուայ շոինդն աղաղակի . և յարուցեալ ընթացայ յելս այրին, տեսի փայլումն մեծ . զի վեցեակ մի 'ի զինուորաց ոստս սոճեոյ բոցավառս բերէին : Ստեայ 'ի դուրս, և դիմէին առ իս . և տարածեալ զբազուկս իմ,

գիրկս արկի հարսին իմում և որդեկի : Ընձան
 ցնծութիւն , յետին նշխար գերաշխարհիկ բա-
 րեբաստութեան , մրցանակ ամենայն վշտակրու-
 թեանց իմոց , դու ինձ մոռացոնս արարեր որ ինչ
 ցայնվայր կորուսեալն էի . այլ աւանդ , առաջի կայր
 ինձ կրել վիշտս , յամենայն մարդկային մխիթա-
 րութենէ անսիրտիւն :

Հռիփսիմէ յետ խեղախելոյ յայնչափ վտանգս
 առ ՚ի հասանել առ իս , ցնծայր յայրի անդ՝ ուր
 ամենայն ինչ յուշ ածէր նմա զբերկրանս նախըն-
 ծայ սիրոյս մերոյ ընդ իրեարս : Իսկ ես ասեմ
 ցնա . Ընձան իմն Հռիփսիմէ , աստանօր՝ ուր ար-
 քայութիւն քեզ խոստացայ , չունիմ այլ ինչ
 ընծայել քեզ՝ բայց անապատ և վտանգ և տա-
 ռապանս դժոխքմբեր : Եւ նա ասէ . Ընձ , ապա-
 շնորհ գտանիցիս եթէ զիս աւաղես . ուր դու ինձ
 մերձ կաս որդեկաւս , զինչ այլ կայցէ ինձ ցան-
 կալի : Օայս անկեղծութեամբ ասէր աղնուա-
 գութն և արիասիրտ Հռիփսիմէ . զի ՚ի սկզբան
 անդ այլ ինչ ոչ զգայաք երկաքանչիւր , բայց ըզ-
 բերկրանս կալոյ ՚ի միասին : Ընձ ՚ի վաղիւ անդր
 ՚ի տեսանել զվիշտ նորա և զորդեկիս առ կարօ-
 տութեան ամենայն պիտոյից , մորմօքէր սիրտ
 իմ : Ընձ բազումք ականակիտք բղիւկին ՚ի
 ժայռից անտի լերինն . այլ ոչ գոյր մեզ ՚ի կերա-
 կուր այլ ինչ , բայց միւրգ վայրենի , արմախք և
 բանջար , թռչունք և երէ վայրի նետահարք : Ար-
 ընդ իմն էին արք , զընտիրս յորսոց իւրեանց փու-

թային զառաջինն ածել մեզ ՚ի նուէր . այլ ընդ
 հուպ դադարեցին ՚ի սպասահարկութենէն առ
 քաղցի , և մնայր ինձ հայթայթել միայնակ կե-
 րակրիկ իմոցս ոգեպահիկ : Եւ յորժամ բախ-
 տաւորագոյն իսկ քան զայս գտանէի ՚ի զիւտ
 պարենից և որսոց , յաճախէին ՚ի վերայ իմ՝ նա
 իսանձ և տրտունջ . և հարկ լինէր ինձ յաճախ
 խորել ՚ի կերակրոյն իմնէ և տալ անյագ զօրակա-
 նին : Երթայր և նուազէր ակնածութիւն նոցա
 յինէն , տակաւ համարձակութիւն իմն անհե-
 թեթ ՚ի ներքս մտանէր ՚ի գնացս նոցա և ՚ի խօսս
 ընդ իս . զոր սաստիւ մեծաւ սանձահարէի , ան-
 այլալակ պահեալ զցոյց վստահութեան ՚ի հա-
 լատարմութիւն նոցա և զիշխանական բարբառ :

Յայնպիսումահազին վտանգի խելամուտ լի-
 նէր ամենայնի Հռիփսիմէ . և թէպէտ ծածկէի
 ես ՚ի նմանէ զիրաւացի երկիւղ կասկածանաց ի
 մոց , ինքնին գուշակէր նա զպատրաստեալ ՚ի վե-
 րայ մեր աղէտս : Ըմենայն հոգք նորա էին վասն
 մանկանն , և ամենայն վիշտք նորա ՚ի նոյն յան-
 կէին . սակայն և բան մի տրտունջ ոչ ելանէր ՚ի
 բերանոյ նորա : Իսկ մանուկն հանդերձ ամենայն
 մայրենի խնամօքն նեղէր , և տմոյնք զիմաց նորա
 և նիհարութիւն էին նշանակք տկարութեան նո-
 րա և խօթութեան : Հայեր ՚ի նա Հռիփսիմէ ,
 և այնպիսի կողկողանօք կայր ՚ի նա ակնկառոյց ,
 զի զսիրտ իմ կեղեքէր . և իբրև զգայր զի զի-
 տէի ես զկիրս իւր , բունն առնէր անձին ՚ի ժրպ-

տեղ . և ոչ իսկ է մարթ յանդիման առնել բա-
նիւ զժպիտան զայն բռնազբօս 'ի գունատեալ շքը-
թունս նորին գեղեցիկս երևեալ ընդ աղիողորմ
հայեացս՝ որ զբառնուածիւն ցաւոց նորա 'ի դէմն
ածէին : Լւանդ , քանի աղեկէզ , քանի չարագոյժ
էր տխուրն այն ժպիտ հիբին այնորիկ , որոյ չէր
ինչ երբէք ծածկեալ յինէն բաց 'ի տառապա-
նացն : Թուէր նա մի յանմարմնոցն առէից նրժ-
դէհ 'ի յերկրի , ժպտելով ընդ Թշուառուածիւն
և ընդ մահ :

Ղեպք իմն տրտմական յետ ամսօրեայ ժա-
մանակի կալոյ մեր 'ի լերին անդ պատահեալ , ար-
հաւիրս արկ յամենեսին 'ի մեզ : Հանգոյն յու-
լովից 'ի զինուորակցաց իմոց , ընկալեալ էր և իմ
վէրս 'ի պատերազմի անդ . և թէպէտ պակասեր
մեզ դեզ և դարման , դէպք 'ի բարի յաջողեցին
մեզ ողջանալ 'ի վիրաց անտի : Լսյապա երէք
կամ չորք 'ի զինուորաց , որոց չէր առեալ վէրս ,
անկան յախտ մահու , և մի 'ի նոցանէ մեռանէր :
Լսյա մահ 'ի վերայ այլոց աղետիցս մերոց հա-
սեալ , լքոյց զմեզ և ապշեցոյց որպէս արկածք նու-
րանշան և անախակալ : Թուէր իմն ազդ առնել
մեզ , զի մարթէր 'ի լերին անդ զբաւել մեզ 'ի կե-
նաց : Յայնմ հետէ սկսաւ քրթմնջիւն 'ի զօրա-
կանին . այլ ես չսելոյն առնէի զայն , գուն գոր-
ծեալ սթափեցուցանել զգօրս 'ի յոյս փառաց՝
զոր յիշատակի վախճանելոյն մատուցանէի , հան-
գուցեալ զնա ընդ հովանեաւ սարդէնեաց : Ե-

տու բառնալ բերել զդիակն նորին 'ի դագաղս
կազմեալս յոսոց . և մեք պսակեալք նոճիւք ,
գլխիվայր զնիզակս մեր բերէաք : Վատարեցի ես
անդ զսպաս քահանայական ընդ պաշտօն զօրա-
վարի . փայտակերտ ափ յափոյ գործեալ անդ
անյարդար զնշան խաչին՝ բարձեալ բերէի , եր-
գելով օրհնութիւնս և սաղմոսելով , որում կցոր-
դէին զօրքն պարակցեալ : Ոչ ինչ հեռի 'ի դրից
հանդատեանն անկանէր 'ի ժայռից սեպացելոց
վտակ սահանակարկաջ . լցի զսաղաւարտ իմ յա-
լեաց անտի , և 'ի ծունր իջեալ՝ կարդացի առ տէր .
Տէր զօրութեանց , օրհնեա զջուրս ականակիտ :
Եւ զայս ասացեալ , ածի զայն զդիակամբն . և
եդեալ զնա 'ի գերեզմանի , արկի զգէն և զաս-
պար նորա զնովաւ : Եւ ապա 'ի բարձրաւանդա-
կումն կալով 'ի ժայռի՝ առ 'ի լսելի առնել զբար-
բառ իմ , յօրինեցի նմա ներբող , այսպէս վախ-
ճան արարեալ դամբանական անփառունակ հան-
դիսին՝ որ 'ի գութ և 'ի գորով շարժեաց զսիրտս
ամենեցուն :

Եւ յետ գալստեան զօրագլխին քո Փարասայ ,
և չառնոյց իմոյ դարձեալ յանձն խոնարհել 'ի
պարտութիւն , յաճախեաց տրտունջ զօրակա-
նին վտանգաւոր յոյժ . և Վալբե , որ միշտն ե-
կաց ընդ իս հաւատարիմ , պատմէր ինձ զամե-
նայն սպառնալիս նոցա : Պատուէր ետու նմա թե-
լադրել նոցա իբրև յիւրմէ , զի 'ի քուն լինել ի
մում՝ Թողեալ զիս խոյս տացեն 'ի բաց : Պատաս-

խանի ետուն , զի յետ այնչափ վշտակրութեան
չառնուին յանձն լինել դասայլիք . և զի որովհետև
չէր նոցա յինէն վարձուց ակնկալել , 'ի թնա-
մեաց կամէին ունել մրցանակ՝ մատնելով զիս 'ի
ձեռս նոցա . իսկ եթէ չառնուի յանձն գնալ ընդ
իւրեանս , սպառնային խողխողել զկին և զոր-
դեակն իմ : Յետ այսքան սոսկալի սպառնալեաց
տակաւին ոչ իշխեին խօսել առ իս , խորհուրդս
և եթ առեալ ընդ վայր . վտահալութիւն իմ , թէ
պետ և վեր 'ի վերոյ , լքուցանէր գնոսա . տայի
նոցա հրամանս նովին իշխանութեամբ 'ի հանա-
պազօր սահմանեալ մարզս արդնրնկէց և տէգրն-
կէց հրահանգաց , և սաստիւք յաճախ յանդի-
մանէի գնոսա : Եւ յսու օրինակաւ կալայ գնոսա
ընդ երկար 'ի հնազանդութեան . ուր եթէ խօսն
ինչ ցուցեալ էր իմ՝ երկիւղ , իսկ և իսկ համար-
ձակէին ապստամբել : Եւ յառուր միում եկն
առ իս Վալէք ընդ առաւօտն , և պատմեաց զի
խորհուրդ կալեալ էր նոցա , ընդ նիրհել իմում
յառաջիկայ գիշերի՝ կապեալ ձեռօք մատնել զիս
'ի ձեռս թշնամեաց . և արդարև 'ի տեսանելն ի-
մում գնոսա , 'ի տիսուր և 'ի դաժան դիմացն ըզ-
խորհուրդ սրտից նոցա գուշակէի : Արչեցի զզօ-
րականն . և իբրև գումարեցան , ընտրեցի երիս
ումանս 'ի նոցանէ՝ գնալ հրեշտակութեամբ առ
թշնամիս : Եւ 'ի յանդգնել զօրականին 'ի
քրթմնջիւն , սաստեցի ցասմամբ . և լռեցուցեալ
գնոսա , ասեմ ցերիս պատգամաւորսն . Փութա-

ցարուք երթայք ասացէք յինէն ց՛եղիսար , զի
եթէ յանձն առնու խառնել զձեզ ընդ զօրս իւր և
տալ ձեզ աստիճան , յայսմ իսկ երեկոյի եղէց նը-
մա անձնատուր : Չգոյր ինձ այլ հնար , զի վարձս
վաստակոցն ինդրէր զօրականն . և եթէ չէր իմ
պահանջեալ վասն նոցա զայն պայման , չթողուին
ինձ անձնատուր լինել : Եւ յապէս հարկ եղև ինձ փո-
խանակել զշահ անձին 'ի վերայ նենգաւոր ապրս-
տամբաց , որք 'ի բազմաց հետև մտաբերէին 'ի
կորուստ իմ : Եւ եղէն նոքա ինդութեամբ , մին
չև բազմաց 'ի նոցանէ անկանել յոտս իմ . այլ
այն նոցա ցոյցք շնորհակալեաց 'ի սրտմտութիւն
և 'ի թշնամանս դրդէին զիս : Եւ եկնեցայ 'ի նո-
ցանէ խոժոս , և մտի անդրէն 'ի քարայրն , մնա-
լով դարձի պատգամաւորացն . և զայրանայի 'ի
սրտի իմում , գիտելով քաջ զի նաւատորմն թըշ-
նամեաց պատրաստէր առագաստել յետ աւուրց ,
և փոքր միւս ևս սրտապնդեալ՝ զերծանէաք 'ի
վտանգէն : Պատի անդ զհօրիս իմն 'ի կողմն այ-
րին՝ ուր կայաք 'ի տունջեան , զի ծաղեր անդր
լոյս ընդ երգ լայնբաց : Եւ ձկայի մերկանալ
զսիրտ իմ , այլ և այս սիրտումն ոչ շնորհէր ինձ .
զի հօրիս իմն փոխանակ զայրանալոյ և վշտակից
լինելոյ ընդ իս՝ ուրախանայր ընդ իջանել 'ի լեռ-
նէ անտի , ոչ այլ ինչ հողացեալ բաց 'ի մանկա-
նէն՝ զոր 'ի վերայ ծնագաց իւրոց բարձեալ կրէր
միշտ : Եւ երկրեցաւ 'ի տեսանելն զիս , քանզի
տաղնապէր 'ի կալն իմում 'ի բացեայ 'ի խուան

զօրականին, թէպէտ և անգիտանայր 'ի սպառ զահագին սպառնալիս նոցա ազգեալս ինձ 'ի կալեբայ. ասացի և եթ ջնա, թէ վատութիւն և նենգ զօրականին հարկ առնէր ինձ անձնատուր լինելոյ: Օայն իբրև լուա հռիփսիմէ, ողջագուրեալ զմանուկն փայփայէր 'ի գրկի իւրում. ընդ որ զչարեալ ասեմ: Սանուկ դու հէք, սորըկի այսուհետև իցես որդի: Հառաչեաց հռիփսիմէ, և ասէ. Սակայն այն ինչ խնայցի նա զխօսս իմ և լուիցէ զվէսս քո, պանծացի 'ի հայր իւր Վելիմեր: Լուեցի յայնժամ. և մերկացեալ զկապարձս իմ, գրոշմեցի յայրին սլաքիւնետի զայս արձանագիր. Վելիմեր յայրի աստ ըզպաշտպանութիւն անձին, զաղատութիւն, զփառս և զբարեբախտութիւն իւր աւանդէ. Վելիմեր ոչ և ս է: Եւ կախեցի զմիջէ 'ի ժայռից զայն տխուր նուէր արգադիր: Յընթեռնու զայն հռիփսիմեայ, լցան աչք նորա արտասուօք, և ասէ. Սողոս ուրեմն աստ զբարեբախտութիւն քո, հրաժարես ուրեմն 'ի սիրոյ ուր նախ զառաջինն երդուաք զայն առ միմեանս: Հեղձամիճուկ արարի զգորով իմ, և չետու պատասխանի. և ոչ այլազգ սփոփել կարացեալ զսիրտ իմ, բայց արհամարհանօք բախտին՝ որ մատնէրն զիս, առի զքնար իմ, և խրախուսական ձայնիւ զաղէտս իմ նուագէի:

Պարձան պատգամաւորքն, և Փարաս ընդ նոսա, բերելով զրոյց՝ զի ընդունելի լեալ էին Բե-

լիսարայ պայմանքն: Յայնժամ 'ի մի վայր ժողովեալ զզօրս, հրաման ետու առնուլ զզէն և զասպարս իւրեանց և զալ զհետ իմ: և յաւելի. Սկ ինձ, որ կորուսանեմս 'ի սպառ զաղատութիւն առ 'ի ստանալ ձեզ զայն, ոչ ինչ այսուհետև պէտք են զինուց, թողում լքանեմ աստ զիմն: Ետ իցէ ինձ քնարս, և տէգս և եթ այս՝ զոր 'ի ձեռս Բելիսարայ կամիմ աւանդել: Եւ լուր բանիցս յուզեցան գութք զօրականին, մինչև բազմաց 'ի նոցանէ արտասուել. և յետ առ վայր մի լուութեան, գոչեցին առ հասարակ: Ոչ թողցուք զարքայն մեր, կացցուք մնացուք 'ի լերին աստ: Բայց ոչ և ս կարէի ես վստահել 'ի հաւատարմութիւն նոցա. գութն այն վաղանցիկ՝ տկարութեան նոցա էր նշանակ. պատասխանի ետու և ասեմ: Ս'ի և ս այլ յետ տալոյ իմոյ զխոստումն, այլ հնազանդեցարուք ինձ զայս վերջին նուագ, և իջէք ընդ իս 'ի լեռնէս: Եւ յասել իմում զայս՝ յառաջ խաղայի, 'ի միում ձեռին տէգ և 'ի միւսում ըզքնար բարձեալ բերելով յաջմէ առեալ զհռիփսիմէ հանդերձ մանկամբն, և յահեկէ զՓարաս: Եւ յանցանել մերում առ շիրմաւ զօրականին վախճանելոյ զկայ առեալ, ասեմ բարձրաձայն. Յիշատակ քո օրհնութեամբ, զօրականդ քաջ և հաւատարիմ, որ յասպարիզի անդ փառաց անկար 'ի տեղով, ուր երդուեալ էր քո մեռանել քան լինել անձնատուր. շիրիմ քոյին կացցէ աստ յաւերժ, արձան վեհ յապալեր և յամայի վայրս

կանգնեալ : Այլ յառաջ խաղացեալ, նախ քան
զմեկնեւ յամրոցէ անտի ազատութեանս մերոյ՝
դարձայ արկի վերջին և տխուր հայեցուած 'ի
ժայռս անդր 'ի սպառնալիցս, 'ի քարայրն ցանկա
լն, 'ի վայրն երջանիկ անմատոյց 'ի թշնամեաց, և
հարկ եղև ինձ զարթուցանել 'ի սրտի իմում զա
մենայն խրախոյս, արիութիւն և զխրոխտումն
առ 'ի նուաճել զարտասուս :

Իբրև իջաք մեք 'ի հովիտն, յապուշ հարայ
ես անդրէն . զի աշխարհաւեր ձեռն թշնամոյ
յոյժ առաւել արագածախ և սպառիչ քան զժա
մանակին՝ աւերած այնպիսի յեռամնեայ աւուրս
գործեալ էր շուրջանակի, զոր դարու միոյ գոր
ծել չէր հնարաւոր : Այլ ևս կարէի առաջնորդել
գնդին իմոյ, անծանօթ էր ինձ ուղին, և անհետ
լեալ շաւիղք . յաջմէ խնդրէի գիւղ և անտաւ,
և դաշտ անբեր գտանէի . և 'ի ձախմէ ոչ ևս գոյր
կամորջ : Ս'ինչև հասեալ 'ի վրանս քո, լուծի
զկամար իմ՝ որ լի էր ոսկուղք, և բաշխեցի զայնս
զօրականին . և զակնակուռ զարդս, զորս հը
ռիփսիմեայ ածեալ էր ընդ իւր 'ի խուսէն յար
քունեաց, ետու լիւրբայ : Ս'նայր առ իս ադա
մանդն և եթ անգիւտ, զոր յարքունի դաւազա
նէն իմնէ կորզեալ պահէի զգուշութեամբ 'ի լե
րին անդ . այլ և զայն, ոչ կարացեալ ամբարհա
ւաճութեանս իմում յաղթել, ետու սարկին՝ որ
մատոյց մեզ կերակուր . թուէր ինձ ոչ ըստ ար
ժան բաւականին կարել վարձատրել զայրն, որ

այնպիսի սփոփանս ետ հռիփսիմեայ՝ զայնքանոյ
արբայի կերակրեալ զորդեակն սովալլուկ :

Յետ սակաւ աւուրց հասանելոյ մերոյ 'ի Սու
տանդնուպոլիս՝ Յուստիանոս խոստացաւ ինձ ըզ
մեծարանաց անուն պատրկի և կալուածս բա
զումն, եթէ միայն յանձն առնուի հրաժարել
հրապարակաւ յարիտական աղանդոյ . այլ մեր
ժեցի համարձակ և առանց ընդ բանս ինչ ածելոյ
զառաջարկութիւն նորա : Բայց թէպէտև յօ
ժարէի 'ի սրտէ նզովել զայն՝ ուսեալ 'ի մանկու
թեանէ զմոլորութիւնս նորին, սակայն դժկամա
կէի յածել զմտաւ՝ իբր թէ զխիղճ մտաց իմոց
վաճառէի . զի 'ի բնաւից կենցաղական բարեաց
մնայր ինձ պատիւն և եթ այն, զոր սուրբ և անա
բատ ցանկայի պահէի : Բարբոտեցաք 'ի Պաղա
տիա, այլ տուան մեզ անդ կալուածք և ամենայն
ինչ առ 'ի պատշաճական կեանս պիտանացուք :
հռիփսիմէ գօհ և հաւան ընդ բնակութիւն մեր,
ասէ ցիս . Բանի ցանկալի է մեզ անապատս,
Պեղիմեր . աստ 'ի մոռացօնս արկեալ զտխուր
յիշատակս, կարասցուք դեռ ևս կեալ բարեբաւ
տիկ : Այլ մարթէր իսկ այն, այլ պատրաստէր ինձ
օրն աղիտագոյն և քան զամենայն աւուրս կենաց
իմոց վշտալից : Որդեակն իմ ոչ հաստատէր յա
ռողջութիւն, և ծանեայ ընդ հուպ զի ոչ ևս գոյր
յոյս կենաց նորա : Ս'այր նորա տառապեալ, որ
ողուլ չափ սիրէրն զնա, հնարէր սնտոի յուսով

զանձն սփոփել. բայց հիւծեալ 'ի ցաւոց' ծնգէր ծիւրէր ընդ նմա, և տեսանէի առկայծեալ ըզկեանս նորա ընդ մանկանն: Սինչև ցայնժամ իմաստասիրութիւն և եթ բաւական լեալ էր ինձ ընդդէմ արկածից անդրդուելի հաստատութեամբ ժուժկալ լինելոյ, և ընկալեալ իսկ էր իմ զմրցանակ արիութեանս. զարմանային ընդ այն Յուստինիանոս և Րեղիսար, և Հռիփսիմէականատես էր նմին: Եւ յերեսաց աղետիցն՝ որ 'ի վերայ իմ հասանէր՝ մռնչէի հեծեծելով, և ամենայն քաջալերք յանդգնութեան տեղի տային ունայնացեալ: Յայն վայր չէր իմ երբէք ձգեալ յանձն զանփառունակ կարեկցութիւն. յարկածս ծանունս մարթ է խուսել 'ի գթութեանէ այլոց՝ հիացումն գործելով և նուաճելով զարմանս. այլ 'ի վիշտս սրտի եթէ խիզախէ ևս մնափառութիւն, իբր կարիցէ գտանել իւր սփոփանս, ո՞ գովեսցէ զանխառն անզգայութիւն ընդ կորուստ սիրեցելոյն: Եւ պարէն հնարաւոր է կցորդել զարիութիւն սրտի ընդ գողտր զգայութեան. այլ ո՞ յընտրութիւն նորին կացցէ դատաւոր, բայց որ քննէն զսիրտս, որ և կարողն է զօրացուցանել զարիութիւն 'ի յոյս գերադոյին հաճութեան: Ի յոյս մահահրաւէր անձկութեանց՝ այս խորհուրդք յածէին 'ի միտս իմ: Ուղղութիւն սրտի իմոյ, որում գիտակիցն էի, էր ինձ առհաւատչեայ՝ զի սրտագէտն Եստուած, վեհագոյն և անաչառ դատաւոր գործոց իմոց և խոր-

հըրդոց, հատուցէ ինձ հարիւրապատիկ փոխանակ մտտի դրուատեաց մարդկան: Յայնմ հետէ յաստուածախնամ տեսչութիւն զանձն ապսպարեալ ընդարձակեցաւ սիրտ իմ, և արիութիւն իմ հաստատեցաւ. խոնարհեցայ առաջի գերաբուն աղբերն կատարելութեան և գերազօր զօրութեան, որ այնպէս գեր 'ի վերոյ քան զընութիւն զիս ամբառնայր. մոռացայ 'ի սպառ զաշխարհ, և ոչ ևս զյիշատակ նորա համարէի ինչ: Սկսայ այնուհետև պարապել յընթերցումն աստուածեղէն տառից և հրաշալի գրոց մեծի Ոսկեբերան հայրապետին՝. խելամուտ եղէ ճշմարտութեան, տեսի ապաւէն իմն յանտինս պատրաստեալ, և յոյժ մխիթարեցայ զի և Հռիփսիմէ համաձայնէր ընդ իս 'ի կարևոր մասինս յայսմիկ ուղղափառ դաւանութեամբ:

Բայց մանուկն մերձեալ յօրհաս ծիւրական ակտին՝ որ զոգիս նորա սպառէր, կայր 'ի շունչ վախճանին. և մայր նորա տառապեալ զհետ նորա պատրաստէր 'ի գերեզման: Ի միում աւուրց տեսի զնա տժգոյն և տկար քան զօրէն հանապազօր՝ բազմեալ առ մնարս որդեկին, որ ընկղմեալ կայր 'ի մահահանգոյն թմրութիւն. և նուաղեալ աչօքն պշուցեալ 'ի նա ընդ երկար, ապա աւսէ. Ո՞վ քուն ահաւոր, իսկապէս պատկեր մահու, եկ ցանկալիդ իմ, արի՛ եկ զբաւ առնել վըշ-

1 Սուրբն Յովհան Ոսկեբերան եկաջ յառաջ քան զայն դար, և 'ի գիրս իւր հերքեաց եղծ զարիտական մոլորութիւնս:

տացս իմոց, կամ գէթ վայրիկ մի սփոփել զիս յայնցանէ: Որդեակ իմ, իցէ թէ զարթիցես դու դարձեալ. իցէ թէ լուայց դարձեալ զքաղցր բարբառ նուաղելոյ շնչոյդ՝ մինչև մեռեալ իցեմ. իցէ թէ տեսցեն դարձեալ աչք իմ տխրագին ըզհայեցուած աչաց քոց: Պաղեցաւ արիւն յերակունս իմ՝ ՚ի լսել զբանս զայսոսիկ, որպիսիս չեր երբէք խօսեցեալ նորա զկենաց որդեկին, և զի զիւրն ևս գուժէր հաւաստեալ զմօտալուտ մահ հետ ընդ հետ որդեկին: Պոչէցի յայնժամ. Մահ հռիփսիմէ: Օգաց նա զկեղերջական հառաչանս իմ, և ՚ի վեր առեալ զճանրացեալ անկեալ զլուխ իւր, և առ խորհուրդս իմ պատասխանելով ասէ. Վերեա ինձ, ներեա. զկենաց երկուցունց սիրելեաց իմոց կախեալ կային կեանք իմ, և ոչ առաւել ինչ ընդ կորուստ քոյին կարէի տուկալ քան ընդ որդեկիս: Եւ մինչդեռ զայս ասէր, լուաւ զնուաղ հեծութիւն մանկանս. և խոնարհեալ շրթամբք ՚ի ցրտացեալ դէմն նորա, եբարձ գոյժ ահաւոր ողբումն մայրենի՝ որ հնչեաց մինչև ՚ի խորս սրտի իմոյ, ճիչ աղիողորմ մօր յուսահատի, զի աւանդէր մանկիկն հէք զըռնչ իւր վերջին: Եւ իբրև անկեալ կայր մայրն անզգայ ՚ի վերայ որդեկին, զիմեցի առ նա, և ընկալեալ զնա ՚ի վերայ բազկաց իմոց ածի յայլ սենեակ. և օժանդակութեամբ առձեռն պատրաստ դեղոց անձին զգացեալ, եբաց զաչս իւր՝ կարդալով զանուն որդեկին: Վկարեալ էր ՚ի դէմն նո-

րա և ՚ի հայեցուած աչացն մահ, և ասէ. Ողբ մարտիւ ուրեմն մանկիկն ոչ ևս կեայ: Ընտասուօք և եթ ետու նմա պատասխանի: Իսկ նա ձեռնամած աղերսանօք ասէ ցիս հեղձամիճուկ ձայնիւ. Վերեա ինձ, ահ, թող ինձ: Եւ զայս իբրև ասաց, փակեցան անդրէն աչք նորա, և խօնարհեցոյց զգլուխ իւր շնչասպառ ՚ի ծոց իմ: Սիրտ իմ մորմնքեալ՝ թուէր փեռեկել առ ընդունելոյ զըռնչ իւր յետին. զգաց նա անշուշտ յաւանդել զողին զսրտի իմոյ զուժգին բաբախիւն: Եւ գիրկս արկեալ յանուանէ զնա կոչէի ՚ի զուր. ոչ ևս էր նա:

Ըյսպէս ՚ի միասին զհարսն ընդ մանկան կորուսի. այսպէս ՚ի միում վայրկենի լուծան կապանք, որ ընդ կենցաղոյս զիս կցորդէին: Ի մի դազազս ամբոփեցի որ ինչ յերկրի աստ սիրելի էին ինձ. անցեալ ընդ բոլոր վիշտս կենցաղոյս, սակայն թուէր ինձ միակ կրեալ վիշտ: Չև ըզհայր հռիփսիմէ ածեալ ՚ի թաղումն, նկատէի զնա ՚ի դազազս անդ՝ ուր ըստ սովորութեան աշխարհին կայր բացաւ դիմօք վարդապսակ: Ի միում ձեռին կրէր զտերունեան խաչին նշան, և ՚ի միւսումն թուէր կրել զմանկիկն ՚ի գիրկս իւր հանգուցեալ: Եւ ձայն բարձեալ ասեմ. Ով հռիփսիմէ, զոհ ողորմագին մայրենի սիրոյ, դու առ ՚ի սիրել և եթ կեցեր և առ ՚ի վշտակրել, ՚ի դէմն քոյին ծածկեալս ստուերաւ մահու նշմարեմ տակաւին զտիպ անխոռլ խաղաղութեան. չիք ՚ի

զման նշանակ ցաւոց , ոչ ևս կեղեքեսցես դու ըզ-
սիրտ իմ 'ի բռնազբօս ժպիտս քո և 'ի խորազնին
հայեցուածս տրտմաւորս : Սիրով սիրէի զքեզ , և
արդ մոռացայց զիս առ 'ի նկատել զքեզ խնդա-
միտ . զի դու ոչ ևս վշտակրես , ամենայն ինչ 'ի
քեզ ցուցանէ զանդորր անմեղութեան : Օ ման-
կիկդ՝ զոր թուխ բերել 'ի գրկի , զմանկիկդ զայդ՝
զոր ոչ կարէիր ընդգրկել առանց հառաչանաց ,
դու արդ տեսանես զդա , գտեր զդա անկորուստ
'ի տիպ երկնահարաշ . ընկալաւ դա զհրեշտակա-
կերպ հոգի քո , և մատոյց յաթու բարձրելոյն :
Ողջոյն ընդ քեզ անուշակ և բարեգութ հոգի-
սիմէ . ողջոյն ընդ ձեզ քաղցր պատրանք սիրոյ և
բարեկամութեան . բարեաւ մնա յոյս երջանկու-
թեան վաղանցիկ կենցաղոյս . զփառասիրութիւն
իմ , զյօժարութիւնս իմ , զուխտս սրտի իմոյ և
զբաղձանս առհասարակ ամփոփեալ թողում 'ի
դադազս յայս :

Վացի այլ ևս ամիսս իբր վեց 'ի Վաղատիա , խոր-
հել զգերեզմանաւն հոխիսիմեայ զխորհուրդ
փախստեան իմոյ յանապատս (Թեբայիդայ) : Վա-
լեբ միշտ պատրաստական 'ի պէտս իմ , ընդ իս էր
յայնժամ , օժանդակել 'ի յաջողութիւն խոր-
հըրդոյն՝ զոր ցանկայի փութալ ճեպել ածել 'ի
կատարումն : Բայց ինքն ճոխացեալ 'ի պարզևաց
իմոց , չկամէր հրաժարել 'ի հայրենեացն . յայ-
րեացաւեր աշխարհին , զոր բռնակալք առ 'ի չգոյէ
արծաթոյ և որերոյ և հնարից մշակութեան՝ թու

ղեալ էին անարօր , անդ Վալեբայ արարեալ էր
իւր բնակութիւն մերձ 'ի Վարբեդոն , և անդ ըն-
տանեօքն կեայր 'ի խաղաղութեան , մշակելով եր-
կիր ընդարձակ . այլ յաւուրս պանդխտութեան
իմոյ 'ի Վաղատիա , ամի ամի գայր անդր . և զը-
տաւ առ իս 'ի մեռանել հարսին իմոյ և որդեկի :
Հաստատեցաք խոյս տալ ընդ նմա , և համբա-
ւել զիս մեռեալ , փոխել ինձ զանուն իմ , և զը-
նալ յանապատ : (Թուէր իմն ինձ այնպէս , զի 'ի
գալ հասանել իմում այսր յանապատ անբաւ՝
մնայր ինձ գէթ 'ի սկզբան անդ կրել դառն ապ-
շուութիւն , արհաւիրս իմն բնաւորականս և ազ-
դեցութիւն տխրութեան . այլ փառամոլութիւն ,
սէր , և որ այլ ևս իղձք յայն թշուառութիւն հա-
սուցեալ էին զիս , և այնչափ վիշտս ինձ յաճա-
խեալ , զի անդէն և անդ զգացի բերկրանս ընդ
հրաժեշտ իմ յաշխարհէ և 'ի մարդկանէ . թուէր
ինձ հոգի իմ զերծեալ յամենայն մարդկային
կրից , և լուծեալ յերկրաւոր կապանաց և գեր-
աշխարհիկ լեալ . և օգբ անապական , զոր աստ
չնչէի , հիւթ կենարար յերակս իմ՝ խաղացու-
ցանէին . վերածնեալ 'ի սրտի իմում զգայի զխա-
ղաղութիւն : Վ զնին հրաշագեղ վայրացս , հոյա-
կապ քարաժայռից , ականակիտ աղբերաց , և
վիթխարի ծառոց՝ որ ընդ աշխարհի թուէին հա-
սակակիցք , համարէի աստուածախնամ գթու-
թեանն ածեալ զիս յանձեռագործ դրախտն փափ-
կութեան՝ ուստի նախածնողքն մեր անկան 'ի

բայ, և ձայն բարձեալ ասէի . Սիճակակից ուրեմն անմարմնոցն գտանիմ աստ, մի ևս ինչ ՚ի կորստականաց լիցի ինձ սիրելի : Եւ ոչ ժամանակն աղօտացոյց յիս զայս փրկաւէտ ազդեցութիւն . գտի յայրի իմում զբարին անտես ՚ի մարդկանէ . այլ առաւել քան զամենայն ինչ ցանկալի, զխաղաղութիւն սրտի . և ոչ այլ իմիք ցանկամ, զի ՚ի յերկարաձիգ մտածութիւնս իմ եղև ինձ պարսպ բոլորից էիցս որչափ ինչ արժեն հասու լինելոյ :

Գ Լ Ո Ւ Խ Ը .

Ի լուր վիպացս վեր ՚ի վայր վրդովեցան գութք Ռեչիսարայ . և իբրև արքայն Սանդալաց դարեաց ՚ի խօսելոյ, յայտնեաց նա սաստկապէս բանիւք զյոյզս կրից իւրոց : Եւ ապա Ղաւիմեր բանս ՚ի մէջ էառ զուղեորութենէ իւրեանց ՚ի Կարբեդոն, և սահմանեցաւ ուղւոյ լինել ՚ի վաղիւ անդր : Եւ մինչդեռ վեհազունքն երկրքին պատրաստէին ՚ի չու, անցք յեղակարծք անցին ՚ի Աոստանդնուպօլիս : Զուստինիանոս և Զուստինոս չէին այնչափ մեղապարտք, որչափ Ռեչիսարայ օրէն էր կարծել : Ի վերջին աւուրս բնտարգելութեան քաջի առնս Զուստինիանոս ընկ ճեալ ՚ի վաստակոց և յամաց՝ անկեալ կայր ՚ի մահիճն, այլ առանց ինչ վտանգի մահու : Երեսն

սիւրբիմ թշնամի Ռեչիսարայ զհիւանդութիւն ինքնակալին պատեհ առեալ, ջանացաւ կորուսանել ՚ի սպառ զայրն մեծ՝ ընդ որ մախայրն, այլ ՚ի դերև ելին ջանք նորա . զի արքայորդին Զուստինոս, որ ցայն վայր օժանդակէրն հնարից Երեսնի ընդդէմ Ռեչիսարայ, ոչ ևս բերէր զնոյն կիրս . մանաւանդ զի սորջացեալ իմն էր ՚ի լուր պատասխանատրութեանցն Ռեչիսարայ . մերձ ՚ի վախճան հարցափորձին : Դարձեալ և Տիբեր յետ երկար տարակայութեան դարձ առնէր զայր ՚ի մայրաքաղաքն . և Զուստինոս թէպէտև սաստիկ բընաւորութեամբ, թէ և զայրացեալ ՚ի թշուառ սիրոյն իւրոց ընդ Լուստասիա և մանաւանդ ՚ի կարեվէր ամբարտաւանութենէն, սակայն չկարէր ատել զոսոյս իւր, և ոչ աներկիւզ լինել ՚ի ցասմանէ և ՚ի կշտամբանաց նորա : Մեծարանք Տիբերի կարևորագոյնք էին նմա քան զվրէժմունքութիւն նորա քան զյաջողութիւն սիրոյ իւրոց : Երեսն ոչ բովանդակ ՚ի վերայ կայր կրիցն Զուստինեայ . տեսանէր զնա ծանրացասումն ընդ Ռեչիսարայ, այլ չկարէր հասու լինել մեծանձնութեան նորա և ազնուականութեան սրտի, որ յաչս իւր թուէին կեղծիք . զի ապիրատութիւն սրտի և նուաստախօսութիւն ամիսիեն զկորովամտից իսկ և զնրբախօհից ՚ի մարդկանէ զխելամուտութիւն : Ե իսկ ուրեք, զի զիւրահաւան գտանի առաքինութիւն . այլ յաճախագոյն ըն-

ծայէ լոյս մտաց, զոր առանց այնր չէ մարթ ունել: Արարծէր՝ Աերսէս զի Յուստինոս առ ահի ատելութեան սիրուհւոյն իւրոյ և ժողովրդեան իշխէր՝ ի մահ մատնել զՌելիսար, վասն որոյ և համարէր հնարիւք կորստեանն Ռելիսարայ հաճոյ լինել նմա, և ունել շնորհս ի սպառ առաջի Յուստինիանոսի: Սա ինքն ի հիւանդութեան կայր, սակայն անվտանգ՝ որպէս ասացաքս: Յուստինոս հանդերձէր արշաւել յորս, հեռի ի մայրաքաղաքէն կալով զաւուրս բազումն: Օայն ժամ պատեհ կալաւ Աերսէս առ ի կատարելան յապաղ զապիրատ խորհուրդս իւր: Աշառա կուրծ արար ի սինլբոր խուժանէն արս իբր հարիւր՝ խոնել զբանտինն Ռելիսարայ, աղաղակել և խռովայոյզ բանս բարբառել: Յաւելան ի նոսա և այլք ինքնայորդոր, և վազվաղակի աճեաց ամբոխն և բազմացաւ յոյժ յոյժ. և փութացեալ յայնժամ՝ Աերսէսի առ ինքնակայն, նկարագրեաց նմա զաղմուկն զայն իբր ահագին և բազմավտանգ: Ըագանին որ մերձ կայր ինքնակալին, նախանձորդ Ռելիսարայ, պատսպարան եղև խորհրդոցն Աերսէսի. և սա կարևոր եցոյց փութալ վաղագոյն զառաջս առնուլ չարեացն, որ ոչ միայն նախաճիրս արեան՝ այլ և արհաւիրս ապրտամբութեան սպառնայր ինքնակալութեանն: Այլ յաւել երաշխաւորել վասն ամենայնի, եթէ միայն տացի նմա իշխանութիւն հանել զՌելիսար ի բանտէ, և արտորել ընդ ծով ի տար աշ

խարհ: Օ ի եթէ ժողովուրդն զիտացէ, ասէ, եթէ ոչ ևս է Ռելիսար ի մայրաքաղաքիս, ի բաց զիցէ զամենայն յանդգնութիւն, և ապա յիս յանձն՝ ածել զնոսա ի զգաստութիւն: Ռայց լուեաց Աերսէս զխուժադուժ անգթութիւնն, զոր պատրաստէր հիշին Ռելիսարայ: Ինքնակալն զարհուրեալ, ոչ զիտելով զանգթութիւն և զհեռ Աերսիսի, և տեսանելով զնա միշտ անյոյզ ի կրից, զիջաւ դիւրայորդոր յաղաչանս նորա, և հրովարտակաւ ետ նմա զամենայն իշխանութիւն ի գործել և ի հրամայել ի մայրաքաղաքին, ի կամս նորա ապաստան արարեալ զբախտ Ռելիսարայ՝ համարելով զաքսորանաց և եթ նորին տալ վճիռ. քանզի յաւել իսկ բացատրել՝ եթէ տարագիր ի բաց վարեացի ըստ պահանջել առաջիկայ վտանգին, խնայելով ի կեանս նորա որ ինչ դէպ և տացէ:

Ի նողորմն Աերսէս առեալ զայս հրաման, ետ հանել ի բանտէ զՌելիսար, խաւարեցուցեալ զայս նորա մի ևս տեսանել զտիւ: Այլ ապա բացեալ զդրունս բանտին, ետ հրատարակել ժողովրդեան զպատուհաս և զչու Ռելիսարայ: Ահաս անդր և ինքն ուոյն հետայն հանդերձ սպառազէն հզոր գնդաւ. յորմէ զահի հարեալ սատանեցաւ ամբոխն: Այս գործ անգթութեան, որ ի վերին երեսս եթուէր ճարտար քաղաքավարութիւն, ազդեաց յոյժ ի նա. քանզի ի պակուցանել որով և է իւրիք զամիկն, դիւրին է նուաճել զնա.

երկիւղ և զարմանք անդէն և անդ շիջուցանեն 'ի նմա և զկարի իսկ արդարացի ցասումն, և պատրաստ է նա 'ի մեծարել յորմէ երկնչին, և զարմանալ ընդ որ պակուցանէն զնա :

Յաւեաց յոյժ ինքնակալին ընդ գործն անգր թու թեան . և այնպէս վշտացեալ 'ի սրտէ, մինչև զայրանալ ախտին հիւանդութեան : Իսկ զՅուստինեայ ոչ է մարթ պատմել զցասումն, յորժամ իրազեկ եղև նա ամենայնի 'ի դառնալ իւրում : Արդմնեցոյց նա զինքնակալն 'ի փառս իւր, սաստկապէս պատուհասել զՎերսէս . բայց ինքնակալն ոչ կամերով կորուսանել զգորավարն՝ որ միայն մնայր նմա, շատ համարեցաւ արտրել զՎերսէս . զի 'ի պատուհասել անդ խորհէր և հեռացուցանել զնա յերեսաց նախկին յարձակմանց ցասմանն : Յուստինեայ : Գիմեաց գնաց՝ Վերսէս փութանակի յամարանոց իւր 'ի տեղի արտրանացն, քաջայոյս 'ի վաղ ընդ փոյթ հրաւիրանս դարձին, և կեղծիս իմն համարելով զզայրոյթ Յուստինեայ առ 'ի ցուցանել ժողովրդեան՝ զի չէր ձեռն նորս ընդ թշնամիս քաջի առնն սիրելոյ ազգին : Բայց արքայորդին տեղեկացեալ զողջունէ կնոջն և գտեր Բելիսարայ, խորհեցաւ գնալ խոստանալ նոցա ինդրելոյ վրէժ 'ի Վերսիսէ . այլ զիտաց զի նոքա ընդ առնուլ զոյժ աղետիցն՝ մեկնեալ էին 'ի մայրաքաղաքէն : Փութացաւ յամարաստան անդր նոցին, այլ եհաս նմա վիշտ անհնարին . զի էին անդ սպասաւորք և եթ նոցին

սգաւորք, որք չէին իսկ տեղեակ ուր տիկնայք իւրեանց տառապեալք երթեալ էին ծածկել զսուգ դառնութեան իւրեանց : Յուստինոս անմխիթար մնացեալ՝ այնչափ խոյզ և խնդիր արար, մինչև զիտել զի երկզքին նոքա մայր և դուստր չարաբաստիկ ապաւինեալ էին առ տիկինն Սոփիա քոյր Տիբերի, հարսն իմաստնոյն՝ Նարբալայ դաստիարակի իւրոյ և Տիբերի : Այլ նոյնժամայն առեալ ընդ իւր զսպարակիրն, շտապ տագնապաւ փութայր առ բամբէլն՝ յորմէ հրաժարեալն էր առնուլ իւր կնու թեան, և որոյ խորխտագոյնս կանխեալ էր զհարսանիսն՝ զի մի գուցէ առ հարկի քաղաքավարութեան ստիպեսցի տալ նմա զաջ իւր :

Հասեալ 'ի խաղիւսմեայ դուռն ամարանոցի բամբէլանն, յառաջ մատեաւ վահանակիր արքայորդւոյն և ազգ արար զգալուստ նորս : Բայցաւ դուռնն, և զզրդին մեծ լսելի լինէր 'ի տան անդ . անց արքայորդին յարկաց 'ի յարկս, և նրկատէր 'ի գէմն ամենեցուն արհաւիրս և ծանրաթախիժ տրտմութիւն, և զարմանայր տեսանելով զամենեսեան 'ի թուխս համակեալ : Խուզվեալ ապշեալ չիտէր բարբառել . բայց ետես անդ և ծանեաւ զմի 'ի վահանակրաց Տիբերի, որ միայն չունէր հանդերձ սգոյ . և կոչեցեալ զնա առ ինքն, եհարց . Ո՞ւր է տէրքս : Իսկ նա պատասխանի ետ . Արդ իսկ եհաս այսր : Այլ ոչ ինչ այլ յաւելեալ խոյս ետ 'ի բաց : Յայնժամ

ի կասկած անկեալ արքայորդոյն՝ թէ գուցէ ՚ի ներքս անդ ընդ Մնաստասիայ էր Տիբեր, խռովութիւն նորա ՚ի սրտմտութիւն փոխեցաւ . և ճեպեալ ՚ի գնացս, իշխանական սաստիւ հրամայեաց առաջնորդին՝ ածել զինքն փութանակի ՚ի բնակութիւն Մնաստասիայ: Պատասխանի ետ առաջնորդն . հրաման է ինձ աղաչել զարբունական փառս քո՝ մնալ վայրիկ մի ՚ի դահլիճի աստ: Արքայորդին ասէ . Ո՛ր է՛ Նարբալ: Այս առաջնորդն պատասխանի . Այս լիցի ընդ երեկս աստ: Այս զայս ասացեալ, մեկնեցաւ ՚ի բաց: Յայնժամ արքայորդին զչարեալ և զզրգուեալ, փոխանակ զկայ առնլոյ անդ ՚ի դահլիճին՝ մղեաց եբաց զմի ՚ի դրանց անտի, և անց արշաւակի ընդ կրկին սրահս . և ՚ի յառաջագէմն փութալ՝ ահա տիկին մի անձանօթ, ՚ի հանդերձս սգոյ զստորոտն քարշելով, ելնմա ընդ առաջ: Ի տեսիլ հրաշալի և մեծավայելուչ զեղոյ նորա արձանացեալ եկաց Յուստինոս, և տիկինն ասէ . Այց մնա արքայորդիդ, մի լիցի քեզ յառաջ ևս մատչել, խընայեա ՚ի թշուառութիւն և ակն ած օրինաց ասպընձականութեան . չարաբաստութիւն աստ ընդ հովանեաւ իմով եգիտ իւր ապաւէն, և պահեցից զվերջին ապաստան նորին: Արքայորդին ասէ . Վու ինքն իցես տիրուհի ամարանոցիս: Տիկինն ասէ . Այո, տէր, ես ինքն եմ առաքինւոյն Նարբալայ հարսն: Արքայորդին ասէ . Վու ինքն իցես ապա տիկինն Սոփիա . այսպէս ուրեմն

հետ քոյին ընդ իս պաշտպանէ սիրոյ՝ որ ՚ի թըշնամանս է ինձ . կամիմ տեսանել զՄնաստասիա, կամիմ խօսել ընդ նմա: Տիկինն ասէ . Ոչ, տէր, մի լիցի քեզ տեսանել զնա: Արքայորդին ասէ . Խորհեաց, տիկին, ընդ ում խօսիսդ: Տիկինն ասէ . Ոչ այլ ինչ պարտ է ինձ խորհել՝ բայց զօրիորդն հէք, յիս ևեթ ապաստան: Արքայորդին ասէ . Այստեղն ուրեմն յերեսաց իմոց: Տիկինն ասէ . Այո ամենւեքն, յաճախե վիշտ նորա ՚ի տեսիլ քոյին: Արքայորդին ասէ . Հազորդ ուրեմն համարի նա զիս անգթութեան գործոյն . պարտ է ինձ և կամիմ զվրիպակ կարծիան հէրքել: Այս զայս ասացեալ՝ յառաջ մատչէր . բայց տիկինն արձանացեալ առ դրանն բազկատարած, ասէ . Վաքքէն ընդ գունդ սպառազէն հատեալ անցանիցես . այլ վստահ եմ, տէր, զի բազուկք տկար կանացիք բաւեսցեն կալ քեզ ընդդէմ: Յայնժամ ընկրկեալ արքայորդին, և պընցեալ ՚ի նա սրտառուչ հառաչանօք ասէ . Այս օրպէս, իցէ թէ աղնուական այդմ առաքինութեան մնայցես յինէն, որ այնպիսեօք քեզ զըժնեայ երանգօք նկարեալ: Տիկինն ասէ . Այս կարի իսկ քաջ, զի ըստ բանից և ըստ ակնկալութեան եղբօր իմոյ բերեմ զքէն կարծիս, և ոչ ըստ գործոց քոց: Արքայորդին ասէ . Վարձեալ վերստին յաւելում, ոչ ելից աստի մինչև տեսեալ զՄնաստասիա: Յայնմ վայրի մտեալ Տիբերի ՚ի սրահ անդր ասէ . ()ն Էկ ապա, մուտ

ի ներքս արքայորդիդ տեսանել զքաջութիւնքս,
 եկ զՏեա իմ: Եւ զայս ասացեալ՝ անց յառաջ
 հանդերձ քերքն իւրով, և արքայորդին զՏեա նո-
 ցա գնայր սրտաթունդ սրտատրոփ: Ընցին ա-
 րագընթաց ընդ սրահն, և յեւ սրահին՝ ի բանալ
 դրանցն՝ գտաւ արքայորդին՝ ի սենեակ մի նսե-
 մաստուեր համակեալ ՚ի թուխս. և յողոց ե-
 հան՝ տեսանելով անդ զՆաստասիա հերարձակ
 արտասուածոր ՚ի ծունկս անկեալ առ դադաղս
 շուրջ բոլորեալ ՚ի ջահից: Յայնժամ ասէ ցնա
 Տիբեր. Ընդութ անողորմ, ահա դիտին հիբի
 տիկնաջ մեծին Ռելիսարայ: Հատաւ գոյն երե-
 սաց արքայորդոյն, և զզողանի հարեալ՝ եկաց
 վայրիկ մի ՚ի լուծեան. և ապա դառնակսկիծ
 ակնարկեալ ՚ի Տիբեր, ասէ. Եւ համարիցին զիս
 եղեւանն Սերսիսի գործակից: Տիբերիոս ասէ.
 Բաւ լիցի. այլ պարտ էր քեզ պաշտպանել ըզ-
 վեհազնն հարստահարեալ, և պատսպարան լի-
 նել նմա: Յայնժամ արքայորդոյն երդուեալ ՚ի
 ինդրել զվրէժ նորա, ոստեաւ ել ՚ի բաց ՚ի բազ-
 մատխուր տեղւոջէ անտի, ՚ի մտի եղեալ հարա-
 ծական վարել զՍերսէս մինչև ՚ի ծագս երկրի:
 Եւ իբրև զարձաւ ՚ի Կոստանդնուպօլիս, ազդ
 եղև նմա զի Ռուլլարք՝ որք յետ դաշանցն կուե-
 լց ընդ Ռելիսարայ ՚ի խաղաղութեան կային՝ զէն
 առեալ յայնժամ, դիմեալ ՚ի դաւառս ինքնակա-
 լութեանն, և զվրէժ մեծի առնն ինդրեալ էին
 առաջնորդութեամբ Ըբգալայ արքային իւրեանց

և արքայորդոյ: Եւ զրոյցք ահա հասեալ պա-
 կուցին զամենեսեան. զի Ռուլլարք ընդ հասա-
 նել ՚ի դաւառս անդր՝ յարձակեալ յամարանոց
 Սերսիսի, և տիրեալ անդ՝ սպանեալ իսկ էին
 զնա յեղակարծումն անպատսպար զնա գտեալ:
 Ըբգալայր անողորմ և քինախնդիր, ՚ի հատա-
 նել իւրովի զգլուխ զօրավարին, ասացեալ էր նը-
 մա զայս բան սոսկալի. Յուշ լիցին քեզ անդը-
 թութիւնքն՝ զոր արարեր ընդ զօրս իմ գերեալս.
 յիշեա և զպատուհասն՝ զոր ետուր կրել մեծին
 Ռելիսարայ, և ընկալ արդ զհատուցումն ապի-
 րատութեանց քոց: Եւ յսպէս զրկեցաւ ինքնակա-
 լութիւնն ՚ի զօրավարէն մեծէ՝ որ կարողն էր
 յայնմ վտանգաւոր ժամանակի լինել նմա զօրա-
 վիզն. բայց սակայն ոչ ումէք ցաւեաց ընդ մահ
 նորա: Են եւ ակտք և կիրք, որ նսեմացուցա-
 նեն առ հասարակ զիսոս քաջայաղթ արու-
 թեանց և զգերապանծ հանձարոյ:

Յուստինոս և Տիբեր կացին զօրավարք. և
 բաժանեցին Ռուլլարք զօրս իւրեանց ՚ի բա-
 ցումառաջս. և ՚ի վանել զնոսա երկոցունց ար-
 քայազանցն աստի, նորա անտի յառաջ խա-
 զային: Ի միում ուրեք ձակատու յարձակեցաւ
 Յուստինոս ընդ երեկս ՚ի վերայ որդոյն Ըբգա-
 լայ, այնմ զոր երբեմն գերի կալեալ Ռելիսարայ
 և մեծախոհութեամբ առ հայր իւր զնա զար-
 ձուցեալ էր: Յուստինոս արկ զնա տիգահարեալ
 ՚ի մէջ դիականց ՚ի ձակատուն տեղւոջ, ուստի

խոյս ետուն թնամիք, և ոչ գտաւ յայնժամ
 դիակն նորա : Այլ յետ այսր յաղթութեան դար-
 ձան արքայազունքն 'ի Սոստանդնուպօլիս . բայց
 Ռուլլարք ընդ մեկնելնոցա 'ի բաց՝ դումարեցան
 դարձեալ 'ի պատերազմ, և մերթ աստի մերթ
 անտի եղեն յաղթութիւնք : Յաւելան միւս ևս
 աղէտք . զի Փարաս հինաւորց զօրագլուխ Ռե-
 լիսարայ դարձ արարեալ յաքսորանացն , վտա-
 րանջեցոյց զմի 'ի գաւառաց իբր 'ի վրէժինդրու-
 թիւն Ռելիսարայ : Արկոբին արքայազունքն ,
 բարեկամք և նախանձորդք իրերաց 'ի փառս և 'ի
 սէր , արիութեամբ քան յաջողութեամբ վերա-
 մարտիկ լինէին պառակտեալ ինքնակալութեանն՝
 որ մերձ էր 'ի կործանումն : Այլ թողեալ զն-
 սա աստ , դարձցուք 'ի վեհազնն՝ որ միայն կարող
 եղև հանձարովն իւրով և համբաւով և հմտու-
 թեամբ պատերազմի և խորհրդականութեամբ
 խափանել զահագին չարիսն , և կամ դէժ զլը-
 ժընդակ հետեւանաց նոցին առնուլ զառաջս :

Գ Լ Ո Ւ Խ Թ .

Բելիսար առաջնորդեալ յարքայէն Սանդա-
 լաց , յաջողակի ուղևորութեամբ եհաս յերկիրն
 կարբեդոնի : Անդ յանկարծ զդողանի հարեալ
 Վելիմեր , զկայ էառ և ասէ . Ահա 'ի դաշտն
 Տրեկամերոնի կամք , իմն Բելիսար . կարիցես

դու անխիղճ ընդ երկիրդ ընթանալ , ուր այնչափ
 բազմութիւն մարդկան ընդ հարուածովք քովք
 և ընդ իմովքս տապաստ անկան : Այս քան ըզ-
 ձակատամարտն հրաւիրեցեր դու զիս 'ի խաղա-
 զութիւն , այլ էս մերժեցի զհրաւերն : Այլ խո-
 նարհեալ յերկիր , յաւել . Տէր և արարիչք բո-
 լորից , դու ինքն համարս յինէն պահանջես
 զարեանցն՝ որոց գնացին ձապաղիք ընդ դաշտքս
 աւերեալս : Ամենայն ինչ աստ յառնեն ընդդէմ
 ինձ սոսիք . երկիրս ապականեալ պահանջն յի-
 նէն զառատութիւն հնձոյն . կամուրջքս կործա-
 նեալք , քարինք և փլատակք բողոք բարձեալ զա-
 ւերանացն՝ դատախաղէն զիսու ամբարտաւանու-
 թենէ իմմէ : Աստանօր թագաւորեցի . աստ զօրա-
 վարեալ սպառազէն բանակի մեծի , միայնակ արդ-
 տեսանեմ զարև յետ այնքան բազմութենէ զօ-
 րաց զինուորելոց ընդ ինև , զորոց կոխեն արդ ըզ-
 գերեզմանս ոտք իմ : Ղատաւոր երկնաւոր , զոր
 պատասխանի ունիցիմ տալ 'ի յանդիմանել քո
 ինձ զայսչափ ոճիրս իմ : Յայնժամ Բելիսար 'ի
 լուր հառաչանաց նորա մորմօքեալ , ձգեաց զձեռն
 իւր 'ի նա և ասէ . Օ այս դու , ի՞վ Վելիմեր , առ
 բազումնորմն Աստուած տացես պատասխանի ,
 զի անյիշաչար դտար առ Բելիսար , և եղեր նմա
 առաջնորդ և զօրավիգն :

Յառաջ անցեալ հասին երկոբին քաջազունքն
 'ի ստորոտ լերինն Պատուկայ . անդ Վելիմեր
 ցօղեաց արտասուս 'ի յիշատակ սիրելոյ հարսին

իւրոյ հիւրին հռիփսիմեայ : Եւ յառաջ ևս անցեալ՝ զտեղի հառ առ պարիսպս Սարքեդոնի կործանեալս , ուր երբեմն Սարիոս տարագիր լեալ՝ բազմէր յաւերակս համբաւատենչն քաղաքի , որ օտիւնէրն ընդ հռովմայ 'ի փառսն իւրում : Բայց արքայն Սանդալաց ընկեցեալ յաթոռոյ , առաջ նորդելով յաղթականին իւրում՝ զաչացուի և փախրստեի , ընծայէր անդ բազմահիւացիկ ևս տեսիլ կենցաղականացս յեղափոխութեան :

Սիւս ևս անգամ զկայ հառ Վելլմեր 'ի տեղւոջ՝ ուր երբեմն արքայիցն Սուղրեաց ապարանք վաղեմիք կառուցեալ էին , և ուր յայնժամ ոչ այլ ինչ էր տեսանել՝ բայց մացառախիտս և քարեկիր այրեացաւեր նշխարս հոյակապ շինուածոցն : Վելլմեր 'ի մացառուտս անդ հատեալ ուղի , կառեաւ առնթեր միոյ 'ի սեանց տապալելոց , և նստաւ ընդ Բելիսարայ 'ի վերայ նորա : Եւ հայեցեալ շուրջ զիւրե , ասէ . Ոչ անծանօթ են ինձ սիւնքս և կոթողք . աստ էր ինձ տեղի այգորելի , և անդ գահոյք արքունականք : Եւ յո՞ր իցեն արդ թիկնապահք և օստանիկք՝ որ շուրջ կային զնովաւ , ուր ստրուկքն պատրաստք 'ի լուր հրամանաց իմոց , ուր փառքն և պատիւ՝ որոց եղէ հետամուտ : Հնչէին որմքս առ իս 'ի ձայն դրուատեաց . որ նախանձընդէմք իրերաց պանծացուցանէին զքաջութիւնս իմ և զփառս , կորեան առհասարակ անիծանելով զփառասիրութիւն իմ : Եւ ա՛յլ , լուս արդ ամայի և անբնակ

վայրս այս՝ ուր հրապոյրք նուագաց և յուշկապարկաց դայլայլիկք երբեմն զիս մնորեցուցանէին . ոչ ևս այլ ինչ լինի աստ լեւի , բայց դիւշերայնոյ ողբերգակ հաւուն ճիչ բազմատխուր : Սայրքս այսոքիկ ոչ ինչ այլ ընծայեն արդ աչաց իմոց , բայց զահարկու պատկեր պատիր ընթացից , փշալից շաւղաց , և չարաթոյն սողնոց դարանելոց ընդ ծաղկամբք : ()Ն ապա ելցուք աստի , մի յառաջ ևս ընթացուք ընդ աւերակս՝ ուր սրսկապանքն էին ինձ հարսանեկանք . մի ևս ընդ վայրն ծածկեալ ընդ արօտիւս , ուր յառազատ հարսին իմոյ էր և որրանք որդեկիս : Եւ ճիւս ևեթ երկուս աստանօր տնկեցից , զրոշմեալ 'ի կեղևս նոցա : “ Սարդիկեղենիս փառաց բարեբաստութիւն խաբուսիկ , ” :

Գ Լ Ո Ւ Խ Ժ .

Հասին երկորին քաջազունքն 'ի վայր բնակութեան Սալեբայ : Ընդ էր տեսանել ամենայն ուրեք զցանկալի առատութիւն ընդ համեստութեան կցորդեալ , արդասիք վաստակոց և անեղծութեան կենաց : Վեղեցկութիւն դաշտացն և մշակութիւն 'ի մէջ անարօր և խոսպան երկրին՝ վկայէր զանխոնջ ինձամս տանուտեառնս , տարածութիւն ոչ յոյժ ընդարձակ ցանկապատի նորա՝ նշանակ էր չափոյիցն , և որ 'ի ներքս ապա-

րանիցն պատշաճ վայելչութիւն՝ ցուցանէր զբարեկարգութիւն ընտանեացն և զժրութիւն : Վեւիմեր եղիտ անդ ընդունելութիւն ոչ որպէս փախտտական որ կողպտեալ յամենայնէ, այլ իբր թագաւոր հզօր բաշխող մեծութեանց, և իբր տէր սիրելի : Սի յորդուոց Վալեբայ այն ինչ դարձեալ էր ՚ի Արտանդնուպօլսոյ, և մանրապատում արար Ռելիսարայ որ ինչ ՚ի վեր անդր աւագաքն, և սիրիեցաւ Ռելիսար ՚ի լսելն՝ զի ոչ ՚ի հրամանէ Յուսիսիանոսի և Յուսիսեայ կըրեալ էր զպատուհան, և զի Մնաստասիա կայր ընդ իննամօք տիկնոջն Սոսիայ և առաքինասիրին Տիբերի : այլ ընդ մահ կնոջ իւրոյ Մնասիայ ՚ի խոր խոցեցաւ, մանաւանդ զի ՚ի վշտաց անտի լեալ էր վաղամեռիկ : Սակայն քաջալերեցաւ ուգի նորա վհատեալ ՚ի լսել զվտանգն՝ յորում կայր ինքնակալութիւնն յետ մահուն՝ Վերսիսի, և զի Փարաս տիրէր ՚ի գաւառի ուրեք վտարան ջեղ, և զի միաբանեալ ընդ նմա թուէին Ռուէ զարք և ուխտ իսկ եղեալ ընդ նմա լուրեայն : Ռայց վանն անհաւատարմութեանն Փարասայ յոգուոց հանեալ, ասէ . Մահ, և համարի նա այսպէս զվրէժ իմ ինդրել . օն անդր, չկամիմ լինել պատրուակ փառասիրութեան տիրադրութենդաւորի : Չու արասցուք, ելցուք ՚ի նաւ, երթիցուք առ ապստամբան, ածցուք զնոսա ՚ի զգունութիւն : Հաճոյ թուեցաւ Վեւիմերայ խորհուրդն այն, և հաստատեցան ուղւոյ լինել՝ դարեալ անդ զաւուրս քանի մի :

Եւ յեւանելն ՚ի նաւ անդր Ռելիսար ընդ Վեւիմերի՝ սկսաւ գոհանալ զնմանէ միւսանդամ, բայց Վեւիմեր կարճեաց զխօսս նորա ասելով . Որ ինչ ինձ կրօնք հրամայէին, արարի ընդ քեզ ՚ի սկզբան . այլ որ ինչ արդ յետ բարեկամութեանս մերոյ դործեալ՝ չիցեն իսկ թերևս արժանի վարձուց առաջի տեառն : Մյլ էս ոչ դարձայ յանապատ մինչև լեալ քեզ պիտանի . եւ կից այսուհետև զհետքո ուր և երթիցես, պահ կալայց քեզ, և եթէ պէտք իցեն՝ պատերազմեցայց իսկ վանն քո . ո՞տայր ինձ զէն առնուլ վերբստին, և արկանել զայն փառօք ՚ի կիր ՚ի պաշտպանութիւն հարստահարելոյ առաքինութեան : Արկնեալ անդրէն Ռելիսարայ, ասէ . Մահ բախտիս՝ զոր այնչափն մեծարէի . բարեկամս նա ինձ սուտս յաճախեաց, որոց անխոհեմութիւն փառասիրութիւն և սնապարծութիւն մասնեցին զիս ՚ի կորուստ . իսկ չարաբախտութիւն եբեր մատոյց ինձ բարեկամ վեհ, որոյ սէր գերաշխարհիկ ազնուացուցանէ զկեանս իմ, և խրախուսէ զքաջութիւն : Եւ արդարև կաթողին սիրով յարեցաւ Ռելիսար ՚ի վեհազնն մեծախոհ ՚ի բնէ, և որ ՚ի թևս կրօնից ամբառնայր ՚ի վեր քան ըզբնութիւն :

Եւ նաւարկեալ անայլէկոծ 'ի մրրկաց, հասին յաջողութեամբ 'ի նաւահանգիստն : Յիշեցին յայնժամ երկօրին քաջազունքն, զի յառաջ քան զամս քսան քանի այլազգ յափանց անտի մեկնեալ էին : Բելիսար յաղթօղ, և Վալիմեր գերի, ձգելով նորա յաղթանակաւ զհետ իւր զայն՝ որ արդ առաջնորդէրն նմա, և որ 'ի վերնախնամ տեսչութենէ ազատարար իւր կացեալ էր : Բելիսար վազ ընդ փոյթ դիմեաց 'ի գաւառն վտարանջեալ, ուր իշխէրն Փարաս . և սնց անխափան հանդերձ առաջնորդաւն ընդ ամենայն ուրեք ծերունին կոյր, որպէս մեքացիկ որ : Չև հասեալ առ ապստամբս՝ երեկօթեցին 'ի գեղջ ուրեք առ կալուածով մեծաւ . ուր հիւրընկալեալ մարդասիրութեամբ, մտին 'ի սրահ ուրեք անսխառունակ, ուր կայր զօրական ոմն ամաց իբր երեսուն և հնգից, տանուտէր տանն, մայր նորա և կին, եղբայր մինորա կրտսեր, և մանկունք երկու կամ երեք : Շուրջ եղէն գերդաստանիկքն առհասարակ զերկօրմբք ուղեորքն, որ լծուէին վաստակաբեկք յուղոյ . իսկ զինուորն բազմեալ առ սեղանով, ձեռն 'ի ծնօտի 'ի յարմուկն յեց, կայր անշարժ խորասուզեալ մտայոյզ 'ի վարանս : Օքոյք անկան, և եհարց Վալիմեր զՌուլարաց՝ թէ իշխէին տակաւին սահմանաց, որոց տիրեալն էին : Պատասխանի ետ պառան . Ո՛հ, իշխեն տակաւին, և ո՞ գիտէ թէ յաջողեսցի արդ վանել զնոսա . չիք մեր Բելիսար, որ զդէմ կարաս

ցէ ունել նոցա . զինուորեն զամենայն մանկունս մեր, ահա և կրտսերագոյն որդեակն իմ մեկնեսցի յաւուրս յայտոսիկ յինէն : Պատասխանի ետ Բելիսար, և ասէ . Ըսյ աղէ, զինչ կարևորագոյն կայցէ ձեզ քան զդէմ ունել ամենայն զօրութեամբ արշաւանաց խուժազուժ աղղին : Յայնժամ գոչեաց զայրագին զօրականն . Եւ ո՞ առաջ նորդեսցէ մեզ . դադարէ հայրենասիրութիւն, ուր չիք հնար պաշտպանելոյ հայրենեաց : Բելիսար ասէ . Օ՛հնչ խօսիս, աղէտք չկարեն երբէք խզել զքօդ սրբազան . այլ մանաւանդ . . . Կարձեաց զինուորն զբանս նորա, և ասէ . հատալոյս մեր, մեռաւ Բելիսար . գաղանք մարդադէմք խաւարեցուցեալ զաչս նորա, և սպանին զնա : Բելիսար ասէ . Ռուի ինձ թէ զինուորեալ իցէ քո ընդ Բելիսարաւ : Օ՛հնուորն ասէ . Ըսյ, եղէ ես 'ի պատերազմին՝ որ յՎիրիկէ, զինուորեալ կամակար 'ի հնգետասանամենի . ընդ ձեռամբ նորա անշուշտ էր յաղթութիւն, և ամենայն որ վստահ չտեսանել կենդանեաւ իւրով այլ ինչ բաց 'ի յաղթանակէ, և այս բաւական էր 'ի քաջալերել զկարի իսկ վատասիրտս, և անվեհեր զզօրականն առ հասարակ կացուցանէր : Եղէ ես ապա և յերկօսին պատերազմունսն ընդդէմ Պարսից . այլ իբրև գիտացի զի փրկիչ ինքնակալութեանն ձգեալ էր 'ի բանտ, թողի զլինուորութիւն : Բայց քաջն Փարաս զօրագլուխ նորա տակաւին կենդանի է : Բելիսար ասէ . Փա

րաս տիրադրութիւն : Օխնուորն ասէ . Ոչ տիրա-
դրութ , այլ վրէժխնդիր Ռեչխարայ . այլ ես
հաստատեալ եմ 'ի մտի որ ինչ պարտ է ինձ առ-
նել . լեր իսկ զինէն ամբաստան , եթէ այսպէս
հաճայ իցէ քեզ . զնամ զինուորել ընդ զորոշակաւ
զորագլխի սպարապետին իմոյ : Այլ զայս ասա-
ցեալ՝ յարեաւ խոժոռ , և փութայր ելանել 'ի
բաց . բայց Ռեչխարայ զգացեալ զտանաձայն նո-
րա , ասէ . Ապց մնա : Օխնուորն ասէ . Օխնու-
որնս յինէն : Ռեչխար ասէ . Պառնալ զինու-
որել ընդ զորս արքայորդոցն : Օխնուորն ասէ .
Վաւ լիցի , զինա թշնամի էր Ռեչխարայ : Ռե-
չխար ասէ . Աերսէս ամենայն չարեացն գտաւ
պարտական , և ոչ այլ որ : Օխնուորն ասէ . Ոչ-
ջամբ մնա : Արկնեալ անդրէն Ռեչխարայ , և իշ-
խանօրէն սաստիւ ասէ . Ապց մնա , խոստացիր
ինձ զնալ գումարել ընդ զորս ինքնակալին , պա-
տուիրեմ քեզ զայդ : Ա սաստէ անտի յապուշ
հարեալ , զկայ էառ զինուորն . զննէր նկատէր
բազմայոյց մտօք զժերունին՝ յոր ցայն վայր հա-
զիւ ակնարկեալ էր . և որչափ տիպք կերպարա-
նաց նորին 'ի միտս իւր զարթնուին , այնչափ յա-
ճախէին զարմանք և ամբօխումն սրտի նորա . ըզ-
զողանի հարեալ , այլ յայլմէ լեալ , սակայն տա-
կաւին երկմտէր : Առեցին վայրիկ մի երկաքան-
չիւր , և ապա կրկնեալ անդրէն Ռեչխարայ ասէ .
Օջրականդ քաջ , եկ լուր դարձեալ զորավարին
քում , զորոյ ողբաս դու զմահ . եկ տուր նմա եր-

զումն հաւատարմութեան առ թագաւորն քո ,
նա ինքն Ռեչխար է որ ընդունի զերդումն քոյին :
Յայնժամ զինուորն յիմարեալ առ ինդին գո-
չեաց . Պէպք սքանչելի , կենդանի ուրեմն է դեռ
ևս Ռեչխար . երանի մեզ , փրկութիւն է ինքնա-
կալութեանս : Այլուր բանիցս յարեան հրճուա-
նօք յոտն կացին մայր նորա և կին և կրտսեր
եղբայր , մեծարանս իմն բնաւորապէս բերելով
վեհազինն՝ որ չտեսանէր ինչ , և ակնկառոյցք 'ի
նա կարկեալ կային անշարժ : Այլ յաւել զորա-
կանն . Պո՛ւ ինքն ապա , զորավարդ իմ , զրկեալ
'ի լուսոյ նժդեհ անապաւէն 'ի ձև մուրացիկ շըր-
ջելով , դու ինքն հրամայես ինձ զինուորել թա-
գաւորի՝ որ մատնեացն զքեզ 'ի զայրոյթ թշնա-
մեաց քոց : Պատասխանի ետ Ռեչխար , և ասէ .
Այո , այսպէս վայել է սիրել զհայրենիս . եր-
կիւզ և ցանկութիւն ստրկաց են յորդորիչք . չէ
և չէ իսկ զինուոր , այլ անարգ վարձկան , որ վա-
ճառէն զարիւն իւր և լքանէ զըրօշակ պարտեալ
և վատաբախտիկ : Այլ ազատ և արի կայ ան-
դրդուելի 'ի դատու իւրում , գիտելով քաջ զի
ոչ իւրիք հաղորդ գտանի յաղթանակի մարտին՝
բայց անդրժեղ երդմամբն 'ի ժուժկալել պնդա-
կազմ ընդդէմ արկածից , և 'ի գուն գործել ելի
աղազս գտանելոյ : Արիութիւն նորա յաճախէ
'ի ձախողակս , և առաքինութիւն նորա ամբառ-
նայ և զօրանայ 'ի կրել զանիրաւութիւնս : Այլ ,
արժան իցէ ինչ դրժել պարտուց անձին և հրա-

ժարել 'ի փառաց՝ այնու զի նիւթեն չարք զկու-
րուսա մեր , և զի թագաւոր զեղծեալ իշխանու-
թեամբ իւրով՝ բռնանայ ընդ մեզ : Պարտ իցէ
ինչ զանարգանս , զոր ցանկան և հնարին նա-
խանծորդք հասուցանել մեզ և չկարեն , մեզէն
զայն ածել զմեօք : Եւր ինձ սիրեցեալդ իմ ,
տժգոհ իցես դու և զայրացեալ , ահա քեզ սփո-
փանք ճշմարիտ . լեր մեծանձն , յաղթեա անձին ,
ընթա արիաբար ընդ գեղեցկանսեհն արահետ
պարտուց և առաքինութեան . մի թուլանար 'ի
վեհինաճեմ ասպարիզիդ , վայրկեան մի դու և
դադար լքուցէ զքեզ . և ոչ այլազգ որ անդ
խրախուսէ , բայց որ արշաւասոյրն և անդու ըն-
թանայ : Յայնժամ ձայն եբարձ զօրականն . Լ-
ւասիկ կամ , զօրավարդ իմ . ահա երգնում գնալ
յարել 'ի զօրս ինքնակալին , ածել անդր և զեղ-
բայրն իմ կրտսեր : Եւ Ռեւիսար յաւել . Խնա
մեացեն երկինք զընտանիս քո մինչև դարձցիս .
պաշտպանէ տէր՝ քաջ և հաւատարիմ հպատա-
կաց : Իսկ նա 'ի ծունր իջեալ առաջի Ռեւիսա-
րայ , և եզեալ զաջ իւր 'ի ձեռին նորա , երդուաւ
անդրէն երդումն հաւատարմութեան անլուծա-
նելի : Եւ Ռեւիսար զիրկս արկեալ նմա , ասէ .
Եւ ոչ 'ի բարեբաստիկ աւուրս յաղթութեանց
իմոց և փառաց զօրավարական իշխանութիւն մա-
տոյց ինձ երբէք այսպիսի հրձուանս և գոհու-
թիւն :

Գ Լ Ո Ի Խ Ժ Բ .

Եւ երեկօթեաց անդ Ռեւիսար 'ի գերդաստա-
նին . և 'ի մեկնել նորա անտի՝ մատոյց առ նա զօ-
րականն զորդեակ իւր եռամեաց , օրհնել զնա :
Եւ ապա յուղարկ երթեալ ընդ զօրավարին իւ-
րում մինչև յերս սահմանաց գեղջն , բաժանե-
ցաւ 'ի նմանէ առ 'ի գնալ յարել անյապաղ 'ի
զօրս ինքնակալին : Իսկ Ռեւիսար անց անխափան
յերկիր ապստամբայն . և հասեալ 'ի մայրաքա-
ղաք երկրին՝ ուր հրամայէրն Փարասս , արգելաւ 'ի
բարապանաց : Յայնժամ ասէ . Եւ ինքն եմ Ռե-
ւիսար , ածէք զիս 'ի հրապարակ քաղաքիդ , և
ազդ արարէք Փարասայ : Ինչպատում եղև ցըն-
ծութիւն , բացան դրունք , կարգեցան կացին
զօրքն երկուստեք՝ տեղի տալով նախնոյ զօրավա-
րին իւրեանց անցանել ընդ մէջ . 'ի լուր աղա-
ղակի ցնծութեան նոցա դիմեաց անդր ժողո-
վուրդն յամենայն կողմանց , և յական թօթա-
փել հնչեաց ընդ քաղաքն ամենայն անուն Ռե-
ւիսարայ փառօք : Տեսիլ նորանշան բաղամբօխ
ժողովրդեանն եկաց այրն մեծ , և յաղէտս անդ՝
յոր հալածիչք նորա հասուցեալ էին զնա՝ թուեր
վերկենցաղեալ սքանչելապէս , և եկեալ 'ի հայ-
ցել վրէժխնդրութիւն , զոր խոտանային նմա
բարձրաբարբառ : Յասումն անհնարին կցորդեալ

ի սիրտս ամենեցուն ընդ աղիողորմ զԹու թեան
 և ընդ արդի յիշատակ նահատակութեանց քա-
 ջազինն , այնպիսի իմն արբեցութիւն խառն ընդ
 սիրոյ և ընդ կատաղութեան արկ 'ի նոսա , մինչև
 Ռեչիսարայ չկարել 'ի սկզբան անդ սանձահարել
 զայն : Օ քնուորք երկոտասան առեալ զնա 'ի ձե-
 ոաց 'Ռեչիսերայ' բազմեցուցին 'ի վերայ նիգա-
 կայ իւրեանց ընդ իրեարս աղնաղխելոց , և տա-
 րան զնա յաղթանակաւ 'ի Տրապարակ քաղաքին :
 Աւ էր 'ի Տրապարակի անդ պատուանդան մեծ ,
 ուստի զպատկեր ինքնակալին կործանեալ և խոր-
 տակեալ էր ապստամբացն . 'ի նմա եղին զՌեչի-
 սար : Անդր 'ի վերայ եհաս Փարաս , շուրջ պա-
 տեալ 'ի բազմութենէ թիկնապահաց . անխա-
 զաղատէրս այս և փառատենչիկ այր , որոյ բազում
 անգամ Տրապուրեալ էր յապստամբութիւն ըզ-
 Ռեչիսար , դժկամակէր ընդ դալուստ նորա , այլ
 հարկ էր նմա ցուցանել զամենայն ուրախութիւն
 և հրճուանս . զի ոչ այլադդ յաջողեալ էր նմա
 ապստամբեցուցանել զժողովուրդն և զզօրս , բայց
 ցուցանելով զուժ և կարեկցութիւն ընդ սիրելին
 նոցա , և նախանձ խնդրելոյ զվրէժ առնն մեծի :
 Աւ դարձեալ զի թէպէտ խիթայր յուղղութե-
 նէ և 'ի լուութենէ նորա , այլ կարծէր 'ի հարբա-
 տահարութեանցն կրելոց շրջեալ արդեօք զմիտս
 նորա , և ախն ունէր խոնարհեցուցանել զնա 'ի
 յոյս վրէժխնդրութեան և մեռանելոյ 'ի դահոյս :
 Սմին իրի Փարաս , կրտսերագոյն յոյժ քան զՌե-

չիսար , յանձն էառ թողուլ 'ի վեհազն ծերունին
 զկէս իշխանութեան իւրոյ՝ յաներկեւան յաջողու-
 թիւն ամենայն խորհրդոց իւրոց : Կացեալ առ
 պատուանդանան , խօսեցաւ առ ժողովուրդն և
 ասէ . Մհա վեհազնն Ռեչիսար , սիրելիք իմ , ա-
 հա որ բազում անգամ փրկեացն զայս ինքնակա-
 լութիւն : Յիրաւի սրտմտեալ էք դուք ամենե-
 քին ընդ փոխարէնան , զոր սա ընդ այնքան բա-
 րերարութեանց և ընդ մեծաց վաստակոյն ըն-
 կալաւ . և ոչ վայրապար կացուցիք դուք զսա 'ի
 պատուանդանիս փոխանակ պատկերին խորտա-
 կելոյ : Արդ կամիք զի իմաստութիւն և առաքի-
 նութիւն թաղաւորեալ , քաւեսցէ զչարիս անի-
 րաւութեան վատութեան և ապերախտութեան .
 կամիք զի Ռեչիսար յաջողեացէ բռնաւորին :
 Աղաղակեցին ամենեքեան . Այո այո , կամիմք
 զայդ . սատակեսցի բռնաւորն , կեցցէ Ռեչիսար ,
 կեցցէ Փարաս : Յայն ամբոխ շփոթի Ռեչիսար
 անշարժ արձանացեալ , չետ և ոչ մի ինչ ցոյց գո-
 հութեան կամ դժկամակութեան . վասն որոյ
 կարծէր Փարաս հաւանել նմա 'ի սրտէ ընդ ե-
 շեալն ամենայն :

Աւ իբրև սակաւիկ մի ամբոխ աղաղակին զի-
 ջաւ , շարժեաց Ռեչիսար զձեռն առ 'ի խօսել . և
 լեալ անդէն լուութիւն մեծ , ասէ . Օ քնուորա-
 կիցք իմ և ամենեքին դուք բնակիչք քաղաքիս ,
 զորս զերծուցի 'ի վերջին պատերազմունս իմ յա-
 մենայն արհաւրաց մարտի , ընդունիմ գոհու-

Թեամբ զնուէրս շնորհակալեաց ձերոց, և մտադիւր յանձն առնում հրամայել ձեզ. այլ խընդրեմ 'ի ձէնջ անշուշտ առհաւատչեաց զհնազանդութեանդ ձերոյ, երդումն անլուծանելի: Եւ զազակեցին ամենեքեան և խնդրէին 'ի նմանէ զօրէնս երդմանն: Յայնժամ կոչեաց Ռեւիսար ըզՂեւիմեր ուղեկից իւր, որ ընդ իւր միշտ ածէր զաւետարանն սուրբ, և ասէ. Եւ ինձ այսր սուրբ զմատեանդ, ոչ յանարժան: Ինչ պէտս արկից զայդ 'ի կիր: Եւ ընկալեալ զայն ամբարձ 'ի վեր, և ասէ. Երկիւղածք տեսան, ահա սուրբ աւետարանս. 'ի վերայ սորա տացէ Փարաս երդումն յանուն ժողովրդեանդ և զօրականին և յանուն իւր, 'ի վերայ մատենիս կենաց և ճշմարտութեան խոստացի հնազանդել ինձ յամենայնի և անյապաղ: Եւ ձայն բարձեալ ամենեցուն, հրաւիրէին զՓարաս տալ զխոստումն սուրբ. սահմանեցին և ևս վեց այր 'ի ժողովրդեանէ և վեց 'ի զօրաց, երդնուլ 'ի միասին ընդ Փարասայ: Եւ նոյնժամայն Փարաս ընդ երկոտասան արսն յառաջ մատեաւ առ Ռեւիսար. և ծունր եղեալ առաջի նորա, ձեռն արկին 'ի սուրբ աւետարանն՝ զոր առաջի արար նոցա Ռեւիսար. և ետ նոցա 'ի ձայն բարձր առնել երդումն հզօր և ահաւոր, և ապա ամենայն բազմութիւնն գոչեաց և ասէ. Օնոյն և մեք առհասարակ խոստանամք և ուխտեմք: Յայնժամ Ռեւիսար ասէ. Եւ արուբ ինձ արդ. ամենայն իշխանութեամբս՝ զոր ինձ

շնորհեցեք, քաղաքացիք և զօրականք, հրամայեմ ձեզ դառնալ 'ի հնազանդութիւն, դիմել 'ի գթութիւն ինքնակալին մերոյ. և ես խոստանամ ձեզ հաշտութիւն առ 'ի նմանէ: Եւ լուր բանիցս հատու գոյն երեսացն Փարասայ, և մունչէր 'ի սրտմտութենէ. իսկ ամբոխն յապուշ հարեալ կարկեալ ընդարմացեալ կայր. և յաւել Ռեւիսար, զի սուրհանդակք կրկին երթիցեն փութանակի 'ի բանակ երկոցունց արքայազանցն, աղաչել զնոսա 'ի դիմաց իւրոց՝ լինել միջնորդս հաշտութեան ընդ ապստամբսն հէքս և ընդ ինքնակալն. և ապա եհարց՝ եթէ կացցեն յերդմանն, հնազանդել բանիցն: Եւ ազունք ոմանք աղօտաձայն ետուն պատասխանի. և իբրև սկսանէր Փարաս խօսել, կարճեաց զբանս նորա Ռեւիսար, և դարձեալ առ ժողովուրդն գոչեաց ուժգին. Բացէք զաչս ձեր, զի 'ի խաբս ըմբռնեալ կայք. զվրէժ իմ՝ կարծէիք խնդրել, այլ ոչ որ եհարց և տեղեկացաւ զողջունէ իմմէ, և ոչ հէք ընտանեացն իմոց ձեռն տալ հոգացաւ որ. զինէն էր խնդիր, և ես լքեալ կայի. որ զվրէժ իմ՝ խընդրէր, անարգէր զանուն իմ՝ գործի եղեւանց առնելով զայն. որ սիրելն զձեզ թուէր, տիրազրուծս զձեզ կացուցանէր. և որ ընդդէմ համազգեաց զինուորէրն զձեզ, վաճառէր զձեզ

1 Եւ յս երդումն ոչ ըստ պատմաբանաց է, այլ ստեղծական յիմոցս մտաց, և արդի ողբերգութեանն Ռեւիսարայ քերթող յետու զայս 'ի քերթուածին:

Թնամեաց : Լսյալէս հնարին ձգել զհետ զազգ, զոր իաբանօք և եթ մարթ է հրապուրել : Ո՛հ, որ յորդորենն զձեզ յապստամբութիւն և յընտանի պատերազմն, մի ինչ երկբայէք՝ զի զոհեն զձեզ ժանտաժուտ փառամոլութեան իւրեանց : Յուշ լիցին ձեզ բարերարութիւնք ինքնակալին . որ գեր 'ի վերոյ քան զթերութիւնս նորա էն, և թերութիւնք նորա ոչ ինչ աւելի քան զվրիպանս : Սիանդամայն ասացեալ, Սերսէս միայն եկաց ինձ դատաւոր և դահիճ . ինքնակալն 'ի վրտանգ մահու, և արքայորդին 'ի բացեայ չկարէին գոհ հաղորդք անգթութեանց նորա : Բելիսար լիցի նոցա հաւատարիմ՝ մինչ 'ի շունչ վերջին : Օջրականք քաջք, որոց երբեմն հրամայէի պարծանօք, պայծառացուցէք զալիս և զաղէտս նախնոց զօրավարին ձերոյ . թէպէտև ստուեր նորին իցէ արդ, թէպէտ անկեալ յիշխանութենէ և 'ի զօրութենէ և աղքատաձև առաջի ձեր կայ, լերուք պղնուախօհք և անարգամեծարք՝ հնազանդել բանից նորա : Օէրծուցին զիս երկինք սքանչելապէս 'ի շիրմէ առ 'ի լելի առնել ձեզ զբարբառ իմ, մի լինիք անլսողք սմին . խառնեցէք զուխտս ձեր ընդ իմ՝ մաղթել վասն կենաց ինքնակալին մերոյ, և փրկութեան աշխարհիս՝ յորում նա ինքնակալէ : Ըղաղակեցին միաբարբառ զօրականն և ժողովուրդ . Վեցցէ ինքնակալն, կեցցէ Յուստինիանոս : Եւ իբրև գոչիւն աղաղակին ոչ դադարէր զքառորդ ժամու, Վելիմեր ասէ

ցԲելիսար . Նանաչէի զքեզ, արդ ծանեայ և ըզժողովուրդդ : Ըւա՛ղ, եթէ չէր իմ զեղծեալ իշխանութեամբս իմով ձգել զնա յապստամբութիւն, կէին ցարդ կին և որդի իմ, և խաղաղութեամբ հանգչէի այսօր 'ի գահոյս, զի ոչ ևս կեայ Իլլերիկ : Պատասխանի ետ Բելիսար և ասէ . խորհեաց զայն ևս, բարեկամքաջ, զի գերաշխարհիկ առաքինութիւն քոյին ներգործէ 'ի յիս . եթէ չէիր դու, քինախնդիր լինէր Բելիսար . և չէ մարթ խնդրել վրէժ 'ի Թագաւորէ, առանց մատն լինելոյ հայրենեաց : Հաւատարմութիւն իմ, փառք ալեացս, և վեհապոյն յաղթանակ կենաց իմոց 'ի քէն էն :

Բայց Փարաս մունչէր առ զայրոյթ սրտին . սակայն գիտաց զի եթէ ոչ թագուցանէր կեղծեօք զկիրս սրտին, անշուշտ հասանէր նմա կորուստ : Յանհնարին վարանսն պատրաստեալ իւր անդրէն վաղ ընդ փոյթ համախոհս, առանց ընդ բանս ինչ ածելոյ զիմեաց զիրկս էարկ Բելիսարայ սիրալիւր բանիւք, դրուատիս գովութեան յամենեցունց ընկալեալ : Բելիսար այր մեծախոհ ոչ ինչ կասկածեալ զգաւոյն, ընկալաւ խանդաղատանօք զՓարաս . յիշեաց զառաջին սեր իւր ընդ նմա, և բերկրէր ընդ ածել իւր զնա յառաքինութիւն : Իսկ նա լռեցոյց զամբօրին առ 'ի տալ անդրէն բարձրաձայն զերդումն հաւատարմութեան, զոր յառաջ տուեալն էր յանպատրաստից . և հնչէին անդրէն ծափահար զը

բուստիք : Ըպա աղաչեաց Փարաս զԲելիսար գընալ հանդէլ առ իւր . և նա յանձն էառ , յայտ ևեթ արարեալ զի յետ ժամու կամէր մեկնել : Ուղեկից եղեն նմա զօրքն և քաղաքացիք մինչև 'ի տուն անդր Փարասայ , որ առաջնորդէր . իսկ Գելիմեր չեմուտ անդր , այլ եկաց արտաքոյ խառն ընդ բազմահոյլ ամբոխին : Բելիսար խօսեցաւ յերկար ընդ Փարասայ , և 'ի սերտ սրտէ գովեալ զազնուականութիւն մտաց՝ զոր ցուցանէր նենգաւորն , զիրկս էարկ նմա տալով ողջոյն հրաժարական : Եւ մատոյց նմա Փարաս կառս և թիկնապահս , ածել զնա մինչև յամարանոց տիկնոջն Սոխիայ մտերմին և ինամակալուի Ընաստասիայ . և աղաչէր ընդունել զնուէրն : Բնկալաւ զայն Բելիսար . և կօչեցեալ զուղեկից իւր , զոր 'ի լուր այլոց անուանէր միշտ Ըրկադէոս , ել ընդ նմա անկասկած 'ի կառս անդր : Հարկ եղև նմա շրջան առնուլ ընդ քաղաքն ողջոյն նախ քան զելսն 'ի բաց , 'ի բարբառ ցնծութեան բնակչացն ամենեցուն . գորգս ընդ արահետս փութային սփռել , և բազմութիւն 'ի պատուհանս խոնեալ տեղային ծաղկունս և պսակս զկառօքն . և զօրք 'ի ուղմն դասակարգեալ , խաղային զնային հնչմամբ փողոյ առաջի կառացն : Բելիսար յայսքան փառս իւր ժպտելով ասէ ց' Գելիմեր . « Ունայնութիւն ունայնութեանց » , զոր Գելիմերի երբեմն սրբամտութեամբ ասացեալն էր նմա յորժամ կապեալ զհետ յաղթական կառաց նորա գնայր :

Ըյլ աստ Գելիմեր պատասխանի ետ Բելիսարայ և ասէ . Ոչ այդպէս , զի որ յառաքինութենէ ստացեալ փառք տնօրէնք բարեաց՝ իսկապէս են փառք , և օրէն իսկ է մարդոյ անձկալ այնպիսով բարերար փառաց՝ զոր օրհնեն զուարթունք երկնից , որպիսի են փառք՝ յոր դու արդ վայելես : Ըս գրունս քաղաքին Բելիսար արձակեաց ըլթիկնապահս զօրսն 'ի բաց՝ որք ինքնամատոյց ընենին ուղեկցել ընդ նմա . և առեալ ընդ իւր հեծեալս ևեթ երկուս յառաջնորդութիւն , զորս Փարասայ տուեալ էր նմա , մեկնեցաւ 'ի քաղաքէն :

Գ Լ Ո Ւ Խ Ժ Գ .

Ժամս տասն նսեմաւ ուղևորքն երկոքին յառաջ խաղացեալ , հարցին ցառաջնորդս՝ թէ որչափ տակաւին առաջի կայր նոցա ճանապարհ : Երբա ետուն պատասխանի՝ ընդ հուպ հասանել : Բաբայիւր սիրտն հայրենի 'ի գորովոյ և 'ի հըրձունաց յածել զմտաւ , զի ահա զիրկս արկանելոց էր սիրեցելոյ դատերն՝ զոր ոչ ևս կարէր տեսանել , այլ զանուշակ ձայն նորա ևեթ լսել . իսկ յիշատակ հարսին իւրոյ դժնեայ դառնութիւն ընդ քաղցրութիւն բերկրանացն խառնէր : Եւ 'ի ճեպել նորա զընթացս կառացն՝ որ յամբլ յոյժ նմա թուէին , ետես Գելիմեր զի մի յառաջնոր

զացն մեկնէր 'ի նոցանէ . եհարց զվասն էրն , և պատ 'ի պատ ընկալեալ պատասխանի՝ անկաւ 'ի պէսպէս կասկածանս : Յայնմ վայրի ետես 'ի բացեայ ճրագունս բազումն , և ազգ արար Բելիսարայ . իսկ նա գոչէր 'ի խնդուածենէն . Տասաք արդեօք տիկնոջն Սոփիայ . ուլ դստրիկ իմ սիրեցեալ Մնաստասիա , քանի հիացումն և գորով 'ի սիրտ քո անկցին : Եւ մինչ դեռ բանքն 'ի բերան նորա կային , լսելի եղև դրնդին երիվարաց ահեղ . կասեցին կառքն , և միւս առաջնորդն փող եհար : Տարցանէր Բելիսար՝ թէ զինչ իցէ այն , այլ ոչ որ տայր նմա պատասխանի . և ահա յանկարծ շուրջ եղէն զկառօքն հեծեալք սպառաղէնք : Օրագլուխ հեծելագնդին մերձեալ 'ի Բելիսար , ասէ . Ըրգոյ ծերունիդ մատնեցար 'ի ձեռս մեր , այլ մի ինչ երկնչիր , ապահովագոյն առ մեզ կացցէ քան առ իւրսն մեծն Բելիսար : Յայնժամ գոչեաց Բելիսար . Սատ և դրուժան Փարաս : Ըպա յաւել . Եւ ուր տանիք զիս : Ըսեն . Յամարանոց Սերսիսի ոսոխին քո : Ըսէ . Ի ձեռս Բուլղարաց կամ ապա : Ըսեն . Ընո , ամրացեալ կամք 'ի տեղւոյն յայսմիկ , աստ բընակէ արքայն մեր Ըբդալ , և ընկալցի զքեզ փառօք՝ որ երբեմն դարձուցերդ 'ի նա ազատօրէն զորդի իւր : Եւ վարեցին զկառան յառաջ :

Եւ յետ սակաւ միոյ հասին կացին կառքն 'ի գաւիթ ամարանոցին . և ածաւ Բելիսար ընդ իւրումն առաջնորդի 'ի սրահ մի , ուր մնայր նմա արքայն Բուլղարաց : Որ 'ի տեսանէն զնա՝ 'ի գուժ շարժեցաւ , և ասէ . Ըզգ քո խուժադուժս զմեզ կոչէ , և այսպէս ահա վարձատրէ ինքն զառաքինութիւն և զբարերարս իւր . եկ արդ առ մեզ , զի արդարակորովք և շնորհակալօք եմք մեք : Ընդուականութեանդ քում երախտապարտ գտանէի վասն ազատութեան որդեկիս . և արդ կորուսի զնա միակ որդի իմ , տապաստ անկեալ ընդ հարուածովք վայրենւոյն Յուստինեայ : Բայց աղէտք չետուն ինձ 'ի մոռացօնս արկանել զբարերարութիւն քո . ոչ շատացայ մեծարել զալիս քո և զթշուառութիւն , այլ կամիմ խնդրել զվրէժ քոյին . վաղ իսկ կարճեցի 'ի կենաց զանիծապարտն Սերսէս . պահեմ քեզ վրէժխնդրութիւն իմն պայծառագոյն և արժանի փառաց քոց : Եւ յարուցեալ թագաւորն յառաջ մատեաւ 'ի դուռն մի , եբաց զայն , և եմոյժ ընդ իւր 'ի ներքս զԲելիսար և զԲելիմեր 'ի կամարակապ սենեակ մի մթին՝ ուր լապտեր երկաթի կայր 'ի վառ , և 'ի խորս անդ պատանի շղթայակապ յորմն , և յանդիմանն նորա խարոյկ մեծ բոցաձաւալ 'ի

կրակարան պղնձի : Սատեաւ Լբդալ զայրազին
առ պատանին հէք, և ասէ . Սարսիր հրէշտ մար-
դադէմ, տես զԲելիսար, որ երբեմն զոճ լեալ
քեզ, և արդ տեր քոյին : Եւ եհարց Բելիսար
Թէ ո՞ այն էր՝ ընդ որում խօսէրն, և Լբդալ
ետ պատասխանի . Ընդ Յուստինեայ Թնամեոյ
քո և սպանողի որդւոյս, զոր բախտ զինուց մատ-
նեաց երէկ՝ ի ձեռս իմ : Եւ ոչ ևս տեղի տուեալ
պատասխանուոյ, ձգեաց ՚ի կրակարանէ անտի եր-
կաթ շանթացեալ, և ասէ ցԲելիսար . Լն ըզ-
շամիրուքս զայս հրաշէկ, և հատո դմին զպատու-
հասն՝ զոր ետ քեզ կրել . ես ինքն օգնեցից բազ-
կի քում : Սոսկացաւ Բելիսար, և յետս ընկըր-
կեալ ասէ . Երբէս ետ ինձ զպատուհասն : Լբ-
դալ ասէ . Սակայն և դա Թնամի քո էր : Եւ
Յուստինոս անվեհեր և արհամարհոտ դիմօք ա-
սէ . Լն յո, և ոչ ահ արկանեն յիս ռխակալուծիւն
դորա և կատաղուծիւն քոյին : Յայնժամ Բե-
լիսար կարճեաց զխօսս նորա, և ասէ ցարքայն .
Ո՛հ տէր, զինչ կամիս առնել . զենուլ զանկեան
՚ի գերուծիւն, դրժե՛լ օրինաց պատերազմի, ըս-
տուերոմծս ամենայն պայծառ քաջուծեանց քոց
ածել : Յուստինոս ասէ . Լռեա Բելիսար, դա-
դարեա ՚ի տարապարտ պարծանաց անյիշաչարու-
ծեան . զիտես իսկ զի անօգուտ է բարբառդ այդ
առ խուժադուժս : Գոչեաց Լբդալ զայրազին .
Լն յո ամենևին, խուժագուժ եղէց քեզ, ես ինք-
նին պատուհասեցից զքեզ : Եւ զայս ասացեալ՝

դիմեաց ՚ի Յուստինոս : Ղիջ ցաւագին եբարձ
Բելիսար, և Գելիմերի աճապարեալ յանդուզն
զանձն ՚ի մէջ էարկ ընդ արքայն և ընդ Յուստի-
նոս, և ասէ . Ոչներեմքեզ յայդ անարդուծիւն
զարքունական փառս քո իջուցանել : Յապուշ
հարաւ Լբդալ ընդ համարձակուծիւն առնն ան-
ծանօծի . բայց վաղ սթափեալ յասլուծենէն,
և յաւելեալ և ևս յանդգնուծեամբն նորա ՚ի
զայրոյթ, ասէ . Եպիրհ դու, ՚ի բաց թող զան-
մտուծիւն : Գելիմեր ասէ . Պարտ է արանց
մեծախոհաց, ո՞ Լբդալ, արագ իմանալ զիրեարս .
հայեաց յիս ուշիւ, և ծանկցես զիս հաւասարա-
կից քեզ, եթէ ոչ բախտիւ, սակայն ազգաւ և
աստիճանաւ և արիուծեամբ : Լբդալ ասէ .
Գն հաւասարակից իմ : Գելիմեր ասէ . Լբքայն
Սանդալաց հէք, նա է որ խօսի ընդ քեզ : Յայն-
ժամ Լբդալ և Յուստինոս գոչեցին միաբար-
բառ . Գելիմեր ես դու : Իսկ նա ասէ . Լն յո,
ես ինքն եմ Գելիմեր . մոռացօնս ինդրեցի յա-
նապատի անցելոց մեծուծեանցս իմոց . անդ ըն-
կալայ զԲելիսար լքեալ թողեալ յամենեցունց,
և եղէ նմա բարեկամ և առաջնորդ : Եւ Բելի-
սար ՚ի վերայ ածեալ, ասէ . Գելիմեր՝ զոր ընկե-
ցի յաթոռոյ, նա ինքն է արդ միակ ապաւէն իմ .
նա կեցոյց զիս, նա ինամարկեաց զկեանս՝ զոր
յաւել ինձ . և ո՞ առաջի նորա կարացէ կալ ա-
նողքելի : Արկնեալ անդրէն Լբդալայ, ասէ .
Հիացումն սքանչելի, արքայն Սանդալաց առաջ-

նորդ և պատսպարան Բելիսարայ . պանծացիր ,
 Վելիմեր , զի դու առաջին 'ի մահկանացուաց
 հիացուցեր զիս մեծախոհութեամբ քով . չկա
 րեմ' հասու լինել առաքինութեան քո , այլ զար
 մանամ ընդ այն : Վելիմեր ասէ . Եկ , լաւ ևս
 ինչ քան զգարմանս արա , նմանող լեր ինձ : Ըբ
 դալ ասէ . Չկարեմ զայդ : Բելիսար ասէ . Ո՛հ
 տէր , վեհանձնութիւն քո ոչ կարացէ ընդդէմ
 դառնալ վեհ օրինակիդ . զմտաւ ած զի ես հա
 սուցի նմա զամենայն չարիսն , և նա նուիրեաց
 ինձ զանձն իւր . յիս տէր , միակ առհաւատչեաց
 շնորհապարտ գոհութեան առ երախտիս ազա
 տութեան որդւոյդ 'ի քէն պահանջեմ , որ փա
 ռաւորեցէ զանուն քո յազգաց յազգս մինչ 'ի
 սպառ : Ըգատեցո զարքայորդին , պահանջեալ
 փրկանս որ ինչ և կամիս : Ըբդալ ասէ . Ոչ այդ
 պէս , դանձս ինձ մեծամեծս խոստացաւ իշխանն
 Տիբեր , և դալ ինքնին արկանել զանձն 'ի շող
 թայս փոխանակ սիրելոյն , այլ չառի նմա զայն
 յանձն . չկամիմ այլ ինչ փրկանս , բայց զվարկ
 Բելիսարայ և արքային Սանդալաց : Եւ ասէ
 ցՅուստինոս . Ըգատեալ ես արքայորդիդ , երթ
 վաղվաղակի . արձակեմ զքեզ 'ի բանակ քո ա
 ռանց և ոչ մի ինչ պայմանի : Չկարէին Բելիսար
 և Վելիմեր յայտնել բանիւ զցնծութիւն և ըզ
 գոհութիւն իւրեանց . լուծան կապանք Յուս
 տինեայ . իսկ նա խորխտ և անխուով , և ոչ շնոր
 հակալիս առ թագաւորն Բուրղարաց և առ ա

զատարարս իւր մատուցեալ , մեկնեցաւ 'ի բաց
 թիկնապահօքն հանդերձ' որ տուան նմա :

Ք Լ Ո Ւ Ւ Ք Ե

Քիշեր դեռևս խորին էր . և յետ ժամու միոյ
 կասկած 'ի միտս անկաւ Յուստինեայ , թէ գու
 ցէ գուցէ թիկնապահացն փոխանակ ածելոյ զինքն
 'ի բանակ իւր դարան գործէին նմա , եղ 'ի մտի
 խուսել 'ի ձեռաց նոցա : Վնայր նա հեծեալ յա
 ռաջոյ . և յանկարծ մտրակ 'ի կուշտ արարեալ
 երիվարին ընդ անտառախիտն կոյս' սանձարձակ
 երազամէտ ծածկեցաւ յաչաց : Եւ թիկնապա
 հացն խուովեալ անյոյսք 'ի նսեմնստուեր գիշերին
 'ի թաւամուր անտառին հետազօտել զնա , դար
 ձան յետս յամարաստան անդր : Բայց Յուստի
 նոս հարուստ մի ժամ թափառեալ գտանել ըզ
 հետս ելից և հասանել 'ի բանակ իւր , առաւել
 ևս մտորէր : Եբրե արևն զծայրս հարկանէր , գը
 տաւ նա յեզերս անտառին մերձ յարահետն .
 փութացաւ անդր , և ձիավարեալ ընդ այն աւ
 պարէզս երկու կամ երիս , չետես զօր ուրեք . և
 խելամուտ եղև զի անմարդի լեալ էր երկիրն 'ի
 պատերազմէն , և հիւղք թողեալ անբնակք՝ թէ
 պէտեւ անաւերք . տխուր լուծիւն տիրէր ընդ
 վայրն , ուր երբեմն երգք դստերաց գեղջից և
 սրինգք հովուաց հնչէին : Վաշտորայք չև ևս

խոսպանացեալք, այլ հունձք 'ի նոսա անտես լեալ, ընծայէին աչաց ողորմ տեսարան . դժնիկ ընդ ուրայս ամբառնայր, և ցորեան ատորք ցամաքեալ անհունձ և սիրուեալ ընդ երկիր՝ ոչ առ այլ ինչ էր պիտանացու, բայց 'ի ճարակ հաւուց: Ամենայն ուրեք կոխան ոտից լեալ արգասիք երկայն և տաժանաւոր վաստակոց, յայտ առնէին զի մարդոյ 'ի բաց վարեալ 'ի պետութենէ իւրմէ առ 'ի գնալ 'ի խնդիր մահու՝ հրաժարեալ էր յամենայնէ որ զկեանս տնօրինեն: Ուր էր մանկտին, ուր կանայք և ծերունիք: Ասէր յայնժամ ընդ միտս իւր՝ Յուստինոս . Ազնուկ, և ընդէր աղէտք անմարդի կացուցին զվայրս զայս աւաղելն, ուր բռնութիւն սիրուէ զգանձս իւր 'ի պէտս ում: Տկարութիւն և անմեղութիւն, որոց պարտ էր պաշտպանել զկորով, ընդէր և նորա մատչին զոհք պատերազմի: Յայսպիսի խորհուրդս յուզէր Յուստինեայ սիրան ազնուագութ, թէպէտև խրոխտ . կարեկցութիւն նորա չէր գորովական, այլ արիական և խորագրաց:

Ասաղայր գնայր նա ընդ ուղին անծանօթ հանդարտաբայլ, քանզի երիվար նորա պարտասեալ հազիւ կարէր կալ յոտին: Այլ մտեալ յանտառ ուրեք՝ յորոյ դալարազեղ կանաչութիւն թուէր խնայեալ աշնայնոյ, զկայ էառ յանկարծակի հիացմամբ մեծաւ 'ի լուր քաղցրաձայն մանկտոյ: Աիմեաց 'ի ձայն երգոցն, և ետես 'ի ծայր անտառին շինուած մեծ նորակերտեալ:

Այլ 'ի ձիոյն, կապեաց զնա 'ի մի 'ի ծառոց, և մատեաւ 'ի շինուած անդր միայնաւոր . բացան դրունք նորա, և եմուտ 'ի բուրաստան մի մեծ ծաղկալից՝ որ ձգէր տարածանէր առաջի ընդարձակ ճակատու դաստակերտին: Այս քան զևս յաճախեցին զարմանք նորա ընդ տեսարանն՝ որ անդ նմա յանդիման լինէր: Ասէրք և պառաւունք գրեթէ առհասարակ ութսնամեայք նստեալ կային անդ 'ի բազմոցս առ դաստակերտին, ունելով 'ի ձեռին փունջս ստուարս ծաղկանց կապեալս գունագոյն նարօտիւք: Այլ զբուրաստանաւն էր ծառաստան մատաղատունկ, և 'ի վերայ միոյ միոյ 'ի ծառոց անտի մանուկ իբր եօթնամեայ բոլորիւք ծաղկանց պճնեալ և յեցեալ 'ի կողով ծաղկալից տերեւազարդ: Աս բնովք ծառոցն կային մատաղ օրիորդք պայծառազգեացք ծաղկապսակք՝ ուղէչս ծաղկաւէտս 'ի ձեռին բերելով: Օրարթ ցնծութիւն 'ի դէմն բոլորից փայլէր: Յայնժամ ասէ ընդ միտս իւր Յուստինոս . Բաբէ, ո՞ր աւետաւոր զուարթուն ած այսր 'ի մի վայր յանծանօթ տեղուցս զալիս և զարբունս, զծերունի անզաւակեալ, և զմանկտի որ բացեալ . քանի՞ գանձ անտես վերնախնամ տեսչութեանն ծածկեալ յանապատի աստ, քանի՞ աղէտք բուժեալ, քանի՞ սիրոխանք թշուառութեան հայթայթեալ:

Ազգ եղև նոցա զի հիւր հասեալ էր, և մի 'ի պառաւանց՝ որ հանդիսադիր տօնիցն թուէր՝ մա

տեաւ առ արքայորդին , Տրաւիրել զնա 'ի տուն
անդր՝ Տանգչել և առնուլ կերակուր : Իսկ նորա
ոչ ինչ տուեալ ծանօթս , եհարց և ասէ . Ո՞ր է
բնակարան դաստակերտդ այդ : Պառաւն ասէ .
Ըրաստան որբոց և աղքատ կանանոց , ծերոց և
տկարաց անզաւակելոց 'ի մարտի : Յայնկոյս ան-
տառիս է գիւղ ամայի , որոյ բնակիչք պատանիք
և արք կարողք 'ի վաստակ՝ երթեալ առ հասա-
րակ 'ի զինուորուծիւն , հաւք նոցա և տառա-
պեալ հանք այսր գան ապաստանել : Իսկ այրեաց
մատաղամարց և ստնդեայ մանկանց նոցա այլուր
է ապաւէն : Ը ինուածքս այսպիկ յաւուրց միւ-
սոյ պատերազմին սկսեալ , և նախ քան զվերջնսս
զայս կատարեցան : Ը արքայորդին ասէ . Եւ ո՞ր
ձեռն բարերար կառոյց զդոսա : Պառաւն ասէ .
Տիկինն Սոփիա : Ը արքայորդին ասէ . Սոփիա քոյր
Տիբերի : Պառաւն ասէ . Ը յո ամենեւին : Ը ար-
քայորդին ասէ . Ը պա ուրեմն 'ի սահմանս բամբ-
շանն Սոփիայ կամք , և մերձ է այսր ամարանոց
նորա : Պառաւն ասէ . Ը ստի և անդր քառեակ
ասպարէզք են , և տօն է նորա այսօր , արդ իսկ
գայցէ նա այսր : Ը մինչ դեռ բանքն 'ի բերան
նորա կային , հնչեաց շառաչիւն կառաց , և մանկ-
տին և ծերակոյտ առհասարակ գոչեցին ցնծու-
թեամբ . Ը հա հասեալ գայ , ահա հասեալ գայ :
Յայնժամ պառաւն վերատեսուչ նոցին ձայնեաց
առ նոսա պինդ կալ յիւրաքանչիւր կայս , ըն-
ծայել տիկնոջն տեսիլ հաճոյական . և մանկուոյն

հրաման ետ սփռել 'ի բարձանց ծառոց ծաղկունս
առ ոսոս նորա , և օրիորդաց նուիրել նմա զփունջս
ծաղկանց , նուագելով ամենեցուն 'ի միասին ըզ-
պարերգութիւնն զոր ուսուցեալ էր նոցա : Ը այց
մանկտին ոչ ինչ միտ գնէր բանիցն , ունինդիր
լեալ 'ի շառաչիւն մտից կառացն 'ի դաւիթ ան-
դր . իղձ տեսութեան տիկնոջն մոռացումն առ-
նէր լսելութեան . մեկնեցան օրիորդք 'ի կայից
իւրեանց , և մանկունք իջին ընդոստ 'ի ծառոց .
և 'ի բաց արկեալ զքօրօս ծաղկանց և զսակա-
ռիս , դիմեցին ընդ առաջ տիկնոջն՝ ստունգանեալ
սաստից և վշտազին սպառնալեաց վարժապետու-
հւոյն և ծերունեացն առ հասարակ : Ը յլտրբա-
մեցան յոյժ ամենեքին 'ի տեսանել փոխանակ
տիկնոջն զանպաճոյձ օրիորդն Ը զեալ զմի 'ի սի-
րելի նաժշտաց նորին : Ը ուովեցաւ այլայլեցաւ
Յուստինոս , և մատեաւ առ օրիորդն ընդ խառնն՝
որ շուրջ պատեալ զնովաւ հարցանէին զողջունէ
տիկնոջն . և մանաւանդ պառաւն վերատեսուչ
հարցուածս բազումն մատուցանէր : Պատասխա-
նի ետ նաժիշան և ասէ . Տիկինն չկարէ գալ առ
վշտին : Պառաւն ասէ . Ը յա՛ղ , և առիմէ վշտա-
ցեալ : Ը աժիշան ասէ . Պարձաւ սուրհանդակն
յղեալ 'ի նմանէ 'ի բանակն , և գոյժ եբեր նմա :
Պառաւն ասէ . Ս 'ի գուցէ իշխանն Տիբեր վի-
րաւորեալ : Ը աժիշան ասէ . Ոչ , այլ արքայորդին
գերի անկեալ : Պառաւն ասէ . Ը որհնեալ է աս-
տուած՝ որ ոչ թողացոյց դժնդակագոյն ինչ պա .

տաճար . ժանտաժուտ ոմն ասի արքայորդին այն
 դու, ոչ որ կարեկից լիցի նմա : Մաժիշան ասէ .
 Բայց իշխանն Տիբեր սիրէ զնա իբրև զեղբայր :
 Պառաւն ասէ . Օ խորդ մարթի այդմ լինել, զի
 Տիբեր բարելաւ ոմն է : Մաժիշան ասէ . Տիկինն
 իսկ սիրէ զնա, և չկամի լսել ինչ չար զնմա-
 նէ : Պառաւն ասէ . Ըն խոհեմութեան առնիցէ
 զայդ, զի գուցէ ըստ արկածից բախաին հասցէ
 նմա յաւուր միում ինքնակալել 'ի վերայ մեր :
 Մաժիշան ասէ . Սակայն կարի յոյժ վշտացեալ
 է տիկինն, և 'ի մեկնեւն իմում տեսի զի արտա-
 սուէր : Պատուիրէ նա մանկուոյն միաբան աղօ-
 թել վասն ազատութեան արքայորդւոյն, զի վը-
 տանդ մահու 'ի վերայ կայ նմա յանողորմ բրու-
 նաւորէն : Յայնժամ պառտուն ասէ . ()ն եկայք
 ապա պաղատեսցուք առ տէր վասն ազատութեան
 նորա և զգաստութեան :

Օ այս ամենայն բանս ուշ եղեալ լուաւ Յուս-
 տինոս, և ել զայրագին 'ի պարտիզէ անտի' ե-
 մուտ յանտառն, 'ի ձի աշտանակեաց, և ընդ շա-
 ռաչիւն չուոյ կառացն անկեալ և ինքն յուղի,
 զնայր 'ի բացուստ զհետ նորին . և վայրիկ մի յե-
 տոյ եհաս յամարաստան անդր :

Գ Լ Ո Ւ Խ Ժ Զ .

Իբրև ազգ եղև գալուստ արքայորդւոյն, բացան
 դրունք առ հասարակ . էանց փութանակի մինչև
 լուր լեալ առ Սոփիա, եհաս մինչև 'ի բնակարան
 անդր նորին, և բացեալ զդուռնն վերջին՝ եմուտ
 'ի սենեակ անդր յանդիման նորա : Եւ էր անդ
 Սոփիա միայնակ, նուաղեալ անկեալ 'ի բազ-
 մոցի, ունելով տուփ անփակ 'ի ձեռին՝ յորում
 էր կենդանագիր պատկեր . ձորձք նորա անզարգք,
 վարսքն անյարգար, և կերպարան նորա առ հասա-
 րակ յայտ առնէր զծանրաթախիծ վիշտ սրտին :
 Օ կայ էառ արքայորդին 'ի զնին արտասուացն, որ
 իջանէին յաչաց նորա . աղիողորմ և զեղեցիկ էր
 նմա տեսիլն : Օ գաց Սոփիա զբացումն դրանն .
 այլ կարծելով զոր 'ի նաժշտացն մտեալ, ոչ դար-
 ձոյց զգլուխ իւր և ոչ զաչս 'ի հայել . այլ կայր
 նա ակնկսուոյց 'ի կենդանագիր անդր, ասելով
 աղօտաձայն հեկեկանօք . Եղուկ իմն Յուստի-
 նէ . և զթաշկինակն զգիմօք ածէր : Յուզեցան
 դուրթ արքայորդւոյն, և գիտացեալ զի կենդա-
 նագիր իւր էր այն, մերձ 'ի տիկինն մատեալ . և
 Սոփիայ դարձեալ յայս կոյս և տեսեալ զար-
 քայորդին, այլ յայլմէ եղև . և կամեցեալ յառ-
 նել՝ անկաւ անդրէն նուաղեալ, և կողկողելով ա-
 սէ . Տէր բարերար, և իցէ՞ իսկ հնարաւոր, նա

ինքն է, կենդանի և ազատ : Յայնժամ արքայորդին անկեալ առ ոտս նորա, ասէ . Ըյժժամ խելամուտ լինիմքանի պատուական են ինձ կեանքս . այլ աւանդ, առ հարսն Վարբաղայ ժպրհիմասել զայս : Իսկ Սոփիա ուղխօրէն հեղեալ արտասուս ասէ . Օտանեար տէր զգաունաղէտ գաղտնիս իմ, հիացումն և ինդուծիւն մատնեցին զիս : Ըբքայորդին ասէ . Եւ զինչ, զի սիրե՞ս դու զիս : Սոփիա ասէ . Ի զուր է ծածկել այսուհետև, գիտես զամենայն զվիշտս իմ . սիրեմ զքեզ անզրատին 'ի մանկութենէ, յորում աւուր ծածկեալ յետոյս վանդակապատ բեմի յեկեղեցւոջ սրբուհւոյն Սոփիայ, տեսի զքեզ յորդեգրութիւն յինքնակալէն ընկալեալ առաջի ժողովրդեան, յորժամ 'ի հոգևոր հանդիսին բազմեցոյց նա զքեզ 'ի վերայ պատուանդանի գահոյիցն : Երբ սէր ձարակեալ արծարծանէր յիս լռելեայն, և եղբօրն իմոյ գութ ընդ քեզ ևս քան զևս բոր բոքեցոյց զայն : Սակայն չիշխեցի յայնժամ յայտնել նման զգաղտնիս իմ . այլ յետոյ ապա իբրև խորհէի բանալ նման զսիրտ իմ, ծանեայ զի յայլ մէ ումեքէ զբաւեալ էր քոյդ, և ինքնակալն ամենայն սաստիւ իշխանութեան իւրոյ բռնադատէր զքեզ ընդ իս 'ի հարսանիս : Այ ևս յուսացեալ յարդարել զբարեկենդանութիւն քո, խորհեցայ գեթ չլինել խափան նմին . և պատճառեցայ զայրոյթ գոռոզութեան առ 'ի փոխանակել զանձն 'ի վերայ քո . յայտ արարի Վարբաղայ

լինել կնութեան՝ առ 'ի զերծուցանել զքեզ 'ի դժնդակ հալածանացն : Յայնժամ գոչեաց արքայորդին . Օ ինչ է զոր լռեմն, աւանդ զի անագան տեսի զքեզ . և իբր յետ այսր դառն ծանսութութեան կարացից տեսանել զարևս . ոչ զիտէիր զի շատ էր երևել քո ինձ առ 'ի գրաւել զսիրտ իմ և զիղձս . ոչ, ոչ, այլ կամէիր դու զոհել զիս . կասկածեալ 'ի բնաւորութենէ իմմէ ծածկելի, առ 'ի դողանալոյ զքեզ 'ի տեսութենէ և 'ի սիրոյ իմմէ . ոչ, ոչ, չէք քո սիրեալ բնաւ զիս : Եւ զոյդ ընդ բանիցս հոսէր արքայորդին ուղխարտասուաց, հեղձամղձուկ լինելի առ գոռոզութեան, և յարուցեալ մեկնէր 'ի տիկնոջն՝ խոժոռ 'ի նմանէ զերեսս 'ի բաց դարձուցեալ, և զաղմուկ սրտին գնայր թաղուցանել առ միով 'ի պատուհանաց : Եպա դարձեալ անդրէն հրացայտ աչօք և յուսահատ, ասէ . Սաստակեալ եմ յանսպառ կրից սրտիս բաղձանաց . զտարփանաց՝ որով սիրեմն զքեզ չէր իմ երբէք զիրօձ առեալ . կարացի հրաժարել 'ի դստերէն Բելիսարայ, այլ չէք ինչ որ կարասցէ բաժանել զիս 'ի քէն : Սոփիա ասէ . Եւ զինչ յուսաս : Ըբքայորդին ասէ . Ընել ապահարզան դժպատեհ հարսանեաց : Սոփիա ասէ . Հրապուրես ուրեմն զիս թողուլ զայր իմ : Ըյլ այնու սաստիւ և խրոխտամբ ասաց զայս, մինչև արքայորդւոյն կարկեալ կալ և չիշխեալ տալոյ պատասխանի : Եւ ապշեալ և տրխրեալ ընդ այնքան երկիւղ իւր 'ի բանից և եթ

կնոջ, սրտապնդեաց զանձն, և կրկնեալ անդրէն ասէ . Եւ կարի իսկ քաջ, մնայ քեզ ակն ունել ամենայնի ցորչափ վրիպեալ կամ յամենայն յուսոյ և չեմ տէր անձին : Բարք սաստիկ 'ի բնէ և ևս սաստկացան յիս 'ի թշուառութենէ . բարեբախտութեան և եթ մարթ իցէ ամբել զայն : Ոչ ևս կարեմ և ոչ իսկ կամիմ մուսնալ զքեզ . վստահ 'ի սէր քո, անխափան յամենայնէ՝ խի զխիտեցից յամենայն ինչ, եղէց դիմադրաւ ամենայնի, ևս և ցասման քո, առ 'ի տեսանել զքեզ, առ 'ի փոխանակել զանձն իմ 'ի վերայ քո : Պատասխանի ետ Սոփիա և ասէ . Ստուգել կամեցայ որ ինչ ասի զքէն և որ ինչ 'ի քեզ տեսանի, զի նախաշարժ բերմունք քո պարսաւելի են միշտ, զի են միշտ բուռն և անխորհուրդ . սակայն սիրտ քո է ազնուական, և ազդէ 'ի քեզ առաքինութիւնս քեզ արժանիս՝ եթէ միայն լուիցես խորհուրդ 'ի նմանէ : Եւ յս է որ սիրելի առնէ ինձ զքեզ . եթէ զայս կարծիս 'ի դերև առնիցես, յուռութիւնս և եթ տեսից 'ի քեզ պարսաւելիս՝ առանց կարելոյ անբասիր առնել : Եւ քայորդին ասէ . Ըտիցես ուրեմն զիս յայնժամ : Սոփիա ասէ . Ս'ի բնաւ . այլ փոխանակ ամենայն կարեկցութեան իմոյ ընդ քեզ յաջորդեսցեն յիս արհամարհանք անկարեկիր : Եւ քայորդին ասէ . Երհամարհանք : Սոփիա ասէ . Եւ յո ամենևին, զամենայն ճիղն մտաց արկից 'ի գործ առ 'ի յաղթել չարաբաստ կրից, և յաղթեցից . այլ կարօտ եղէց սփոփա-

նաց, և չկարացից կեալ այնուհետև առանց զարմանալոյ ընդ քեզ հիացմամբ : Եւ քարացո զիս առաքինութեամբ քով, որպէս զի գոնեա կարացից բերել յայտնապէս օրինաւոր մեծարանս առ քեզ : Սպագաւորեսցես դու ընդ հուպ, և օրէն է սիրել զթագաւոր՝ որ յարգարէ զբարեկենդանութիւն ժողովրդեան իւրոյ . փառք քո յայնժամ լիցին ինձ 'ի սփոփանս : Եւ քայորդին ասէ . Եւ որպէս վստահ եղէց ընդ մեծարանս քո, զոր ըստ հասարակաց կարծեաց բերիցես . դժպէհի եմ ես ժողովրդեան, գիտեմ զայն : Սոփիա ասէ . Երկնչի նա 'ի սաստկութենէ կրից քոց, այլ ոչ արասցէ նա զքէն դատաստան մինչ չև ամբարձեալ քո յաթոռ : Եւ իս տէր, լեր կարեկցութեան իմում արժանի, և մի տրտմեցուցաներ զիս՝ բունի 'ի բաց բառնալով 'ի սրտէ իմ մէ զբարեգութս գորով : Եւ իսեմ իսկ երաչխաւորել, զի սիրտ քոյին յառաքինութիւն է հաստեալ . հաստատեսջիր արիաբար մի ևս կեալ այնուհետև, բայց յառաքինութիւն . պանծացի սէր քոյին՝ պատկառ կացուցեալ զքեզ առաքինութեան, և յառանձնութեան՝ ուր կատարեցից զկեանս իմ՝ լիցի ինձ ասել . խրատք իմ և գութ զվեհ բնաւորութիւն նորա ածին յերևան . համբաւ նորա ցուցանէ ինձ զսիրտ նորա . և զի հաւատարիմ է նա 'ի լուռ զպարտս իւր, ոչ մուռասցի զիս . օգնեցի նմա 'ի փառս, և 'ի բարեբախտութիւն մեծի ինքնակալութեանն : Եւ

քայորդին ասէ . Եւ զինչ պատուիրես ինձ : Սոփիա ասէ . Տրաժարել յինէն մինչ 'ի սպառ , և խոստանալ ինձ լսել խրատուց իմոց : Ըրքայորդին ասէ . Տրաժարել 'ի քէն մինչ 'ի սպառ , եւ զնկ զինև . և իբր սփոփեցայց : Սոփիա ասէ . Խաղաղութեամբ խղճի մտաց , սիրով ժողովըրդեան , մտերիմ բարեկամութեամբ Տիբերի , և զարմացմամբն Սոփիայ : Ըրքայորդին ասէ . Ոչ ինչ խոստանամ , զի զառաքինութեանց այդպիսեաց արդեամբք պարտ է տալ զփորձ , և ոչ բանիւք մնտեօք : Ողջամբ մնա տիկին : Եւ զայս ասացեալ , առանց յօգւոց հանելոյ հառաչանս մի , և առանց ակնարկելոյ 'ի Սոփիա , ճեպ 'ի ճեպոյ մեկնեալ անտի ել 'ի բաց . և խնդրեաց ձիան և առաջնորդս , գնալ անյապաղ 'ի բանակն :

Գ Լ Ո Ւ Խ Ժ Է .

Բայց Ղեղիսար կրէր ընդ ձեռամբ արքային Ռուզարաց այլազգի իմն հալածանս : Կամէր Մեղալ գտանել 'ի նմա զփրկանս արքայորդւոյն , զի յոսով ստանալոյ զՂեղիսար հրաժարեալ էր յօխակալ վրէժխնդրութեանէն քան 'ի սէր առաքինութեանցն Ղեղիմերայ : Խոստանայր առնն մեծի

1 Վարի խիտ է սկիզբն տեսարանիս . և բերէ դարձեալ միւս ևս մեծագոյն թերութիւն , զոր 'ի տեղոջ իւրում ծանուցուք :

իշխանակից իւր զնա կացուցանել , եթէ միայն օժանդակէր խորհրդոց իւրոց , և ցուցանէր զօրինակ մարտին : Սերժեաց զայն Ղեղիսար , սուկացեալ 'ի հրապուրանացն . ընդ որ սրտմտեալ Մեղալայ՝ դարձաւ 'ի վայրենութիւն ազգին և բնաւորութեան իւրոյ , և ձեռն էարկ 'ի սպառնալիս : Իսկ Ղեղիսար ասէ . Կարծիցես , տէր արքայ , զի երկնչիցիմ՝ զմահ յանձն առնուլ վասն հաւատարմութեան 'ի վերայ հայրենեացս . այդ և եթ փառաւոր արասցէ զմահ իմ : Մեղալ ասէ . Եղձատեալ ալևոր , յուսայցես թէ արձակեցից զքեզ առ ընտանիս քո՝ ածել առ թշնամիս իմ՝ զհանձար և զխորհուրդս քո և զհամբաւ . խորհեաց քաջ , ահա աւուրք հինգ շնորհեալ քեզ 'ի զգաստութիւն . եթէ նախ քան զայդ յարձակեսցին յիս թշնամիք և յաղթեսցեն , մահուամբ քով ինդրեսցի վրէժ պարտութեանս : Եթ խաբիր , ոչ փրկանս և ոչ զայլ որ փոխանակ քո ընկալայց . և զիտեա քաջ , զի խափանեալ կացցէ ցաւուրս հինգ ամենայն կցորդութիւն ընդ թշնամիս . ոչ որ 'ի նոցանէ կարասցէ մտանել 'ի բանակ այսր , և ոչ առաջարկութիւն խաղաղութեան լիցի ինձ լսելի մինչև քո յայտ արարեալ զխորհուրդս մտաց քոց : Իսկ արքայն Սանդալաց արասցէ որպէս հաճոյ է նմա , կալ աստ կամ մեկնել 'ի բաց :

Ղեղիմերի պատեհ առեալ զայս հրաման , կասկածելով թէ գուցէ այլ հրաման 'ի վերայ

այնր տացէ , փութացաւ մեկնեցաւ 'ի Ռելիսարայ՝ առ 'ի հնարել օգնել նմա : Եւ եհաս ճեպով 'ի բանակ ինքնակալին՝ խորհել անդ ընդ Յուստինեայ և ընդ Տիբերի թէ որպէս փրկեսցեն զՌելիսար : Յուստինոս ոչ ինչ ընդհատ քան զբարեկամ իւր տրտմեցաւ ընդ վտանգ առնն մեծի : Փորձեցան 'ի սկզբան անդ առնել առաջարկութիւնս արքային Ռուլարաց , այլ որպէս սպառնացեալ իսկ էր , եղեն անընդունելի . զի առ զգուշութեան կարգեալ էր առաջապահս յայլազգի զինուորաց , որ ոչ ճանաչէին զբարբառ Ռուլարաց և ոչ զհելլէն . և ընդ տեսանել նոցա զպատգամաւորս , ազդ արարին նոցա նշանացի 'ի բաց կալ , ապա թէ ոչ հարկանէին զնոսա :

Չէր մարթ ուժգին 'ի վերայ յարձակել , առանց զհետ ձգելոյ զկորուստ Ռելիսարայ : Չեղև հնար 'ի խորհրդեան անդ ելի աղաքս գտանել 'ի փրկութիւն նորին . Յուստինոս , Տիբեր և Ղերիմեր կային 'ի խոր տրտմութեան , զի և ոչ Ղերիմեր այնուհետև յամարանոց անդր՝ Երեսիսի կարէր դառնալ՝ արգելեալ 'ի մտից : Ի նուին աւուրք հինգ շնորհեալք Ռելիսարայ 'ի զգաստութիւն . արհաւիրք տիրէին ընդ բանակն ողջոյն , զի ամենայն որ գիտէր զվտանգն մտալուտ Ռելիսարայ , և զազնուական առաքինութիւնն՝ որ կացուցանէրն զնա 'ի վտանգն ահազին :

Ի վաղիւ անդր առաւօտուն մի 'ի գերեաց անտի Ռուլարաց խնդրեաց խօսել վայրիկ մի ընդ

իշխանս , և լսելի եղև . և մտեալ 'ի ժողով անդր որ 'ի չորից աւուրց հետէ գումարեալ կայր , և գահերէց 'ի նմա բազմեր Ղերիմեր 'ի մէջ երկուց արքայորդւոցն , յառաջ մատեաւ այնու վեհ և խորիտ կերպարանալ՝ որ զամենեցուն աչս յինքն ձգեաց , և ասէ . Կամիմ փրկել զՌելիսար , և կարացից իսկ , եթէ լիցի հնար առաջարկել զիս փրկանակ նմին : Յուստինոս ասէ . Եւ ո՞ ես դու : Ղերին ասէ . Ըրքայորդին Ռուլարաց եմ ես : Յապուշ եղև ատեսանն . իսկ արքայորդին պատմեաց համառօտ՝ թէ որպէս տիգահար 'ի Յուստինեայ անկեալ զնէր անծանօթ 'ի ճակատուն տեղուջ , և խռան մարտին այլուր մղեալ զՅուստինոս՝ ինքն անդգայ կողոպտեալ գտաւ ընդ երեկս 'ի զօրաց թշնամեաց՝ որ ոչ ծանեան զնա , և յետ սակաւ միոյ բարձաւ յայլոց՝ որ գիտացին զի չև էր մեռեալ : Եւ զի գերի ածեալ՝ թաղոյց զանուն իւր , առեալ այլ անուն որպէս զմի 'ի հասարակ սպայից՝ առ 'ի խնայել զհայր իւր 'ի ծանր փրկանաց : Եւ զի այսմ զգուշութեան պարտ էր յայնժամ տեղի տալ ըղծից փրկելոյ զվեհազնն , որոյ այնպիսի ազնուականութիւն երբեմն ընդ նմա արարեալն էր :

Ըյս դէպք բաւական էին 'ի ցնծութիւն մեծ ամենայն բանակին , եթէ չէր 'ի միջի նոյն դրժուարութիւն՝ լուր առ թագաւորն Ռուլարաց հասուցանելոյ : Յաւելոյր մարմնք սրտի 'ի խորհելն զի գոյր հնար անվրէպ փրկելոյ զՌելիսար ,

և արգել զգուշութեան թշնամոյն 'ի դերև առ ներ զայն : Փորձ փորձեցին ձգել պիտակս 'ի բանակետղ թշնամեաց հաստատեալ 'ի ծայրս նետից . այլ թշնամիք նոյնպէս նետաձգութեամբ յետս դարձուցանէին զայն անբաց : Սինչև Վեւիմեր և երկոքին արքայորդիքն խորհեցան գնալ միայնակ յանդիման լինել առ առաջապահս , որ պէս զի մի աղմկեալ ստիպեցին թշնամիք 'ի մարտ , այլ սուսեր 'ի ձեռին հատանել ուղի , հասանել յերկրորդ պահս՝ անցեալ զառաջապահ զօրօքն , և անդ զհամբաւի հարկանել զկենդանութիւն արքայորդոյն : Սերկացաւ Վեւիմեր զխոնարհ ձեն միակեցական , և հրձուէր 'ի սրբտէ զի առ այնպիսի ազնուական գործ արկանէր զանձամբ զրահս և առնոյր դարձեալ զէնս : Յիշէր զանցանել գնալ իւր երբեմն սպառազէն ընդ բանակ մի ողջոյն . և զտէր զօրութեանց կարգաւ լով յօգնութիւն՝ վստահացեալ 'ի նա , ցնծայր անդստին ընդ յաջողութիւն իրացն : Արեքին սպառազէնքն վառեալք եռանդեամբ , լի յուսով , յընտրելագոյն երիվարս բանակին աշտանակեալ մեկնեցան , թողեալ 'ի բանակի անդ զարքայորդին Ռուղարաց 'ի պատանդ : Հասին յառաջին պահն հանդարտաքայլ . տուաւ նոցա նշան 'ի բաց կալ . նոքա 'ի ձև աղերսաւորի մեղմագոյնս յառաջ գնային : Սպառնային պահապանքն . իսկ նոքա ոչ զկայ առեալ , սուր շողացուցեալ , յարձակեալ սրացան փայլակնաձև ընդ մէջ զինուո-

րաց : Որոց ապշեալ ընդ քաջայանդուզն արիութիւն նոցա , չիշխէին զղէմ ունել : Արքա տապալեալ զամենայն խոչ ընդդիմարգել , հասանեն 'ի պահն երկրորդ՝ ձայն բարձեալ թէ արքայորդին Ռուղարաց կենդանի էր , և ողջացեալ 'ի վերացն կայր 'ի բանակին Յունաց . և թէ աւետաւորք գային հարեալ անցեալ ընդ պահս : Ոչ ևս գոյր տեղի հրամանաց արքային , 'ի լուր աւետեացն հաստատեցաւ խորհուրդ՝ ածել յամալանոց անդր զերեսին իշխանան , և հաւանեցան նոքա : Անպատում ցնծութեամբ լի եղև թագաւորն իբրև զիտաց զի որդին իւր տակաւին կենդանի էր : Խորհուրդ կալան յղել արս 'ի բանակն Յունաց , ստուգել զիրան , և ապա փոխանակել ընդ արքայորդոյն զերեսին իշխանան և զՌեւիսար : Եւ մինչև ցերթեակ հրեշտակացն հանաւ Ռեւիսար 'ի բանտէն , յոր արկեալ էր զնա Մեղալեայ : Եւ զիրկս արկեալ նախ Տիբերի , և ապա յողջագուրէն զՎեւիմեր՝ զգաց զի վիրաւորեալ էր նա տիգախոց 'ի բազուկն , և հանդերձք նորա արիւնաթաթաւ , թէպէտև վերք նորա չէին ինչ վտանգաւոր , և գոչեաց . Ս' տէր , արիւնն՝ զոր հեղուլ կամեցայ , արիւնն այն աւրիական հեղուլ արդ վասն իմ : Իսկ Վեւիմեր աւտէ . Ազնուկ այնմիկ՝ որ վասն փառասիրութեան և եթ և վրէժխնդրութեան վատնէ զարիւն իւր . չձանաչէ նա զազնուականագոյն և զանաղօտ փառս փոխանակելոյ զանձն 'ի վերայ բարեկամութեան :

Մինչդեռ ամենեքեան փութային պատել ըզվէրս նորա, Յուստինոս լուռ և եթ կայր մեկուսի. և թէպէտ դիմազրաւեալ էր նորա՝ ի վտանգ կենաց վասն Ռեչիսարայ, այլ չև ևս իշխէր մատչել առ վեհադնն՝ որ վեհագոյն ևս յետ աղետիցն էր երևեալ: Յայնժամ Ղաեղմերի ակնարկեալ ՚ի Յուստինոս ազգեաց Ռեչիսարայ, զի և նա ինքն արքայորդին մի յազատարարաց նորա էր. և յուզեցան գութք երկաբանչիւրոցն յանյիշաչար հաշուութիւն ընդ իրեարս:

Ղարձան հրեշտակքն ականատեսք արքայորդոյն Ռուղարաց, և Ղաբդալ առ յոյժ խնդութեանն կամէր փութանակի առնել զփոխանակութիւնն. բայց Ռեչիսար հակառակ կացեալ ասէ. Ռարեբաստիկ յաջողութեանս արժան է պսակել խաղաղութեամբ ՚ի փառս երկաբանչիւր պետութեանց: Ղաիւրին իսկ է սահմանել զպայմանս նորին. և արքայորդին Յուստինոս լիով իշխանութեամբ եկեալ ՚ի դիմաց ինքնակալին զօրէ ՚ի ձեռնարկ նախաշաւիղ հաստատութեան ուխտին: Յայնժամ գոչեաց արքայն Ռուղարաց. հաճեալ եմ, եթէ միայն Ռեչիսար լիցի երաշխաւոր. գիտէ իսկ նա, զի զուխտն խաղաղութեան՝ զոր եղ ընդ իս՝ պահեցի հաւատարմութեամբ, և ոչ լուծի զայն՝ բայց առ ՚ի խընդրել զվրէժ իւր: Եւ Ղաեղմեր յաւել ցՌեչիսար. Յանկայիր մինչչև մեռեալ պիտանի լինել հայրենեաց, գոհացիր արդ զի լուան երկինք ազնուական ըղձից քոց:

Հաստատեցաւ նախաշաւիղ ուխտին խաղաղութեան, սահմանեալ ՚ի նախկին պայման դարձուցանել առ Ղաբդալ զգաւառն՝ զոր նենգաւորին Փարասայ յախշտակեալ և մատնեալ էր թշնամեաց: Բայց Ռեչիսար բարեխօս եկաց վասն նորա և հաւանեցոյց զթագաւորն՝ շնորհել նմա զկեանսն, վարեալ զնա յարսոր անդարձ: Եւ ապա Ռեչիսար և իշխանքն երեքին հրաժարեցին ՚ի թագաւորէն, կատարել փութանակի զփոխանակութիւնն: Ղարձաւ արքայորդին Ռուղարաց առ հայր իւր. իսկ իշխանացն կամեցեալ ածել զՌեչիսար ՚ի բանակն, խորհեցաւ նա զի վիշտ մեծ էր երևել իւր անդ քաջի զօրականին՝ որում երբեմն զօրավարեալ էր, և խնդրեաց զընալ անդէն առ տիկինն Սոփիա՝ հիւրընկալ զբոտերն իւրոյ: Յոգւոց եհան Յուստինոս ՚ի յիշատակ Սոփիայ, և դարձեալ ՚ի Տիբեր ասէ. Ղաբդ վախճան է պատերազմիս, ոչ ևս հարկ է կալ քեզ աստանօր. կացից ես աստ մինչև ՚ի հաստատութիւն խաղաղութեան՝ որ ընդ հուպ վճարեսցի: Յանձն առ, իմն Տիբեր, գնալ ընդ Ռեչիսարայ և ածել զնա ՚ի գիրկս դստերն իւրոյ: Բերկրեցաւ Տիբեր ընդ բանս նորա, որ յայտ առնէին հրաժարեալ զնա ՚ի սպառ ՚ի տարփանացն Ղնաստասիայ. և գորովազին սիրով կալաւ զաջց ձեռանէ նորա: Իսկ Յուստինեայ ձրգեալ զնա մեկուսի, ասէ ՚ի ծածուկ. Ղաբինագոյն քան զոր եմն համարիս դու զիս, սակայն

ոչ ևս նախանձորդ եմքոյն . ոչ երբէք առաւել
քան զարդիս եղև բախտն իմ ինձ կեղակարծ ,
և ոչ սիրտ իմ առաւել յուզեալ . եկեսցէ ժամա
նակ , զի խելամուտ լիցիս դու ամենայնի :

Գ Լ Ո Ւ Խ Ժ Ը .

Գեղիմերի ոչ ևս խիթալով ընդ բախտ Բե
լիսարայ , կամէր դառնալ ՚ի միայնարան իւր . բայց
Բելիսար և Տիբեր հաւանեցուցին զնա հանգչել
զաւուրս քանի մի յամարանոցի տիկնոջն Սոփիայ :
Հասին անդր յառաջնումն պահու գիշերոյն . և
սուրհանդակ աւետաբեր յառաջ քան զժամն
ինչ աւետեալ էր Մնաստասիայ զվեհազին հօր
նորա զգալուստ բարեգորով սրտի նորա ՚ի ցնծու
թիւն անպատում : Գիմեաց ընդ առաջ . և թէ
պէտ ոչ անգիտանայր զաղէտս նորա , սակայն ձայն
եբարձ աղիողով ՚ի տեսանէն զնա . և այլադու
նեալ և զգողանի հարեալ արտասուելից անկաւ
ի գիրկս նորա հեկեկելով . Եղունկ ինձ , բարե
բախտիկ դու ա մայր իմ , ոչ ևս արժան է ինձ
լալ զմահ նորա : Իսկ Բելիսար ասէ . Սոռայցօնք
եղեն ինձ , դուստր իմ , ամենայն վշտայ իմնց առ
քե : Եւ Գեղիմեր յաւել . Ի էր դու , տիկին ,
այդպիսոյ հօր դուստր արժանի . ահա գայ նա
առ քեզ փառաւորեալ քան յամենայն կեանս

իւր , հանգերձ յաղթական բանակաւ : Մնաս
տասիա ասէ . Ս՛հ թողէք ինձ ողբալ . թող հօ
գի նորա մեծախոհ գեր ՚ի վերոյ վրէժխնդրու
թեան և աղէտից կացցէ , պարծեցայց ընդ անլի
շաչարու թիւն նորա . այլ ինձ լիցին անմոռաց ա
նիրաւու թիւնքն՝ որոց ներեաց նա , և չարիքն՝
զորս կրեաց : Ս՛ հայր իմ , փառք և համբաւ ոչ
կարացին փրկել զքեզ ՚ի սոսկալի չարեացդ , և
իբր կարացեն նոքա զփոխարէնան հատուցանել :
Ինձ և եթ դստեր քում անկ է զքեզ մխիթարել .
յիմում և եթ սրտի գացես գուժ և շնորհակա
լու թիւն անյեզլի : Ս՛ի ևս ումեք զսրբազան խը
նամս բարեկենդանութեան . քո վստահանար բայ
յինէն : Օ այսօտիկ գորովական բանս լսելով Բե
լիսարայ խանդազատեցաւ սիրտ նորա . և ոչ ինչ
տուեալ պատասխանի , ողջագուրեաց զնա ՚ի գիրկս
իւր . և ապա առեալ զձեռանէ նորա և զՏիբե
րի՝ ած յիրեարս և ասէ . Ս՛ տայր ինձ կցորդել
զգոսա յաւուր միում առ սուրբ սեղանով :

Ի վաղիւ անդր եհաս սուրհանդակ առ Տիբեր
յարբայորդոյն Յուստինեայ , ազդ առնել՝ զի
ինքնակալն մերձ էր ՚ի մեռանել , և ցանկայր
մինչև մեռեալ տեսանել զԲելիսար և զԳեղի
մեր : Երբն ինքն և առ տիկինն Սոփիա ածէր գիր
ի Յուստինեայ , և այս պատճէն էր գրոյն .

“ Ըզաչեմ զքեզ փութալ գալ այսր ՚ի Սո
տանդնուպօլիս , զի կարևոր էս ինձ ՚ի քաջալե
րութիւն և ՚ի խորհրդակցութիւն : Յանկամ տե

սանել զքեզ միւսանգամ, և զիտեա զի հրաժեշտ քոյն արկցէ զիս 'ի յուսահատութիւն , , :

Գ Լ Ո Ւ Խ ԺԹ .

Սփիայ չէր երբէք մեկնեալ յամարանոցէ անտի , զոր եղբօրն իւրոյ տուեալ էր նմա : Եւ և Կարբաղայ մերձ 'ի տեղի անդր ամարաստան՝ յորում բնակէր , և զայր ստէպ յայց տիկնոջն . այլ չէր անդ յայնժամ : Ընաքեաց կռեաց զնա Սփիա , և եհարց 'ի նմանէ որ ինչ պարտն էր առնել . և խորհուրդ կալան մեկնել զնալ 'ի միա սին 'ի Աոստանդնուպօլիս : Բնդ նոսա մեկնեցան և Տիբեր և Բելիսար և Գելիմեր :

Եւ 'ի հասանել նոցա 'ի Աոստանդնուպօլիս , Բելիսար առաջնորդեալ 'ի Գելիմերայ չորաւ յարբունիս ինքնակալին : Գալարեցան աղիք նորա 'ի մտանելն 'ի սենեակ անդր ինքնակալին՝ որ մերձ էր 'ի մահ . յուշ եղէն նմա անդ բարեմաս նութիւնքն և եթ մեծամեծք տեառն իւրոյ , առաջին մտերմութիւն իւր ընդ նմա , բարերարութիւնք նորա առ ինքն և տիրասիրութիւն իւր : Յուստինիանոս կայր 'ի մահիճս իւր , և ոչ զք էր առ նմա բաց յարբեպիսկոպոսէ մայրաքաղաքին և 'ի Յուստինոսէ արքայորդոյն : Հայեցեալ ինքնակալին 'ի Բելիսար՝ հառաչեաց . և վայրիկ

մի լուռ և եթ կացեալ , խօսել կալաւ ապա նուաղ ձայնիւ , և ասէ . Սատիր առ իս Բելիսար : Ընծաւ առ նա Բելիսար մերձ 'ի մահիճս , և ծունր եղ . և ինքնակալին կալեալ զաջոյ վեհաղինն երկրումք ձեռամք , և ողջագուրեալ զայն՝ ասէ . Ո՛հ , հաւատա ինձ զի տեսիլ և եթ քոյն բաւական է 'ի քաւել զանիրաւութիւն իմ : Պատասխանի ետ Բելիսար . Երեսն անիրաւեցաւ , Երեսն անգթացաւ : Արկնեալ անդրէն ինքնակալին ասէ . Ոչ ոչ , այլ իշխանք պարտաւորք են ամենայն չարեաց՝ զորս ոչ խախանեն . զուր ջանաս անբասիր առնել զիս անյիշաչարութեամբ : Ընալ կայ ինձ յանդիման լինել ատենին Եստուծոյ ընդ հուպ , առ 'ի տալ համար զամենայն վշտացդ՝ զորս կրեցեր : Բարբառ ամենադատաւորին յունկն իմ հնչէ . Օ ինչ արարեր ընդ ծառայդ հաւատարիմ՝ զոր ետու քեզ . զինչ հատուցեր փոխարէն ազատարարին քում , քաջաղինն՝ որ հալածեաց յերկրէ քումմէ զխուժագուժս , որ զպստամբս նուաճեաց , որ յաւել քեզ թագաւորութիւնս , և որ ապրեցոյց զարքայորդին ժառանգ թագաւորութեան քո : Օ պսոսիկ ահագին և տաղնապեցուցիչ համարս պահանջեցայց ընդ հուպ , 'ի շանթից աստի կշտամբանաց հարայց մօտալուտ :

Եստանօր ինքնակալն հէք ընկճեալ յարհաւրաց՝ լռեաց վայրիկ մի . և ապա դարձեալ յարքայորդին՝ ասէ . Որդեակ իմ , ահա վախճան իմ

հասեալ կայ, և չիք ինձ ժամանակ զփոխարէնս
 փնասուց հատուցանելոյ . քեզ թողում ընդ թա-
 զաւորութեանս իմում զսրբազան պարտս զայս :
 Արարցից ասել յահեղ ատենին, զի զեղջ իմ
 չեղև անարգասաւոր, բարեգործէ նա յերկրի .
 հայրասէր բարեպաշտութիւն հպատակեալ վեր-
 ջին կամաց իմոց, փոխարինէ չարեաց՝ որ սխալա-
 նօքս իմովք ներգործեալ : Այո, որդեակ իմ,
 մեծարեա սփոփեա զայլս Բելիսարայ . հարց և
 լիւր խրատուց նորա . տուր արքային Անդալաց
 արժանի նմին բարեկենդանութիւն . լեր մեծ-
 անձն առատապարզ և շնորհակալու : Արդեակ
 իմ, հաւատա բարեկամի քում . եթէ բարեկա-
 մութիւն անուն իսկ էր անէակ, պարտ էր փա-
 րել զնովաւ առ ՚ի սփոփել զվիշտս դարանակալս
 դահու և մեծութեան : Ասակածելի լիցի քեզ
 չարախօսութիւն զարանց հանճարեղաց, որչափ
 և չափաւորութեամբ մատուցեալ : Բազում այն
 է զի բառ մի և եթ իբր անմեղութեամբ և վայ-
 րապար ասացեալ, մարթի գոլ փնասակար . որ ե-
 թէ թողցէ ՚ի քեզ ազգեցութիւն դժպշի, պարտ
 է քեզ կասկածել ՚ի խորամանկ ատելութենէ .
 իսկ ՚ի կրկնելն, լիցի քեզ այն աներկբայելի :
 Օգոյշ լեր մի անարգել զայնոսիկ՝ որոց միան-
 դամբարձ և աւագութիւն շնորհեալ է քո . զի որ
 ոչն պատուէ զընտրեալն յիւրմէ, անարգէ զպա-
 տիւ իւր : Այլ ապա յաւել տկար ձայնիւ առ Բե-
 լիսար . Անա խաղաղութեամբ, տուր ինձ զա-

ռաջին իրաւունս իմ ՚ի վերայ սրտի քո . բարե-
 կամութիւն հաւատարիմ և ազնուական և ևս
 արծարծանի և սրբի առ ափն շիրմի, և եղերա-
 կան մահուն քողոյ պարտ է ծածկել զամենայն
 սխալանս կենաց : Յայնժամ գոչեաց Բելիսար .
 Տէր արքայ, չկարեմ յիշատակել ինչ բայ ՚ի բա-
 րերարութեանց քոց և ՚ի գործոց՝ որ անմահացու-
 ցին զթագաւորութիւն քո : Այս կամէր ինքնա-
 կալն պատասխանել, այլ կասեցին բանք յերթութա-
 ցեալ շրթունս նորա : Այլ եկն անկաւ ՚ի ծունր
 Յուստինոս առ սնարս մահճաց նորա . և ինքնա-
 կալն ձգեալ զգողոյ ղ իւր ՚ի վերայ զլիցոյ նո-
 րա, հազիւ զօրացաւ օրհնել զնա : Այլ ապա ակն-
 արկեալ իջուցանել զանձն ՚ի վերայ մոխրոյ, ուր
 ըստ այնր ժամանակի սովորութեան կամէր մեռա-
 նել, էջ ՚ի գահայիցն արքունի՝ յոր ոչ ևս բազմե-
 լոց էր, և ՚ի բաց արար ՚ի խղճէ մտաց զամենայն
 աղմուկ՝ հրաժարեալ կամակար յամենայն մե-
 ծութենէ, որ խուսէին ՚ի նմանէ անդարձ : Այլ եր
 վաղանցիկ, այլ յաչս մարդկան այնպիսի՝ որ գմեր-
 ձակայից առհասարակ զսիրտս շարժեաց : Բացան
 դրունք, մտին ՚ի ներքս ամենայն աւագանին և
 դրանիկք . տեսին զոր պաշտէինն, որում այնչափ
 մարդահաճութիւն և շողմն մեղանչականս յա-
 ճախեալ էին, և որ արդ մերկացեալ յամենայ-
 նէ յետ այնքան աշխարհածուփ զբօսանաց և
 փառասիրութեան՝ չունէր այլ ինչ բայց քուրձ
 և պատտառ : Տեսին զնա, այլ անդէն դարձուցին

զաչս իւրեանց 'ի ժառանգ նորին : Արքեպիսկոպոսն մատոյց ինքնակալին զփրկական խաչին նշան . և նորա առեալ զայն 'ի ձեռս , և 'ի գիրկս իւր ողջագուրեալ , աւանդեաց զողին :

Գ Լ Ո Ւ Խ Ի .

Յուստինոս վշտացեալ 'ի սրտէ ընդ մահ ինքնակալին , պարապէր զբազում աւուրս 'ի հոգ վերջին սպասուց հայրագրին իւրոյ . և ապա սահմանեաց զօր թագադրութեան իւրոյ յեկեղեցւոջ սրբուհւոյն Սոփիայ : Եւ 'ի ծագել աւուրն ժողովեաց զամենայն աւագանին ինքնակալութեան իւրոյ 'ի դահլիճն այգորելի , ուր և զարքայն Վանդալաց և զՏիբեր և զԲելիսար և զՆարբաղ հրաւիրեաց : Երկուստեք դահլիճին 'ի սրահս խոնեալ էր ժողովուրդն , և 'ի խորս անդ 'ի վանդակապատ բեմի հրաման տուեալ էր կալ տիկնոջն Սոփիայ և Մնաստասիայ : Եկն թագաժառանգն 'ի հանդերձս սգոյ պճղնաւորս , և ել զայն առաջին նուագ բազմեցաւ 'ի գահ : Ատեանն առհասարակ զարմացեալ կային ընդ մեծավայելուչ գեղ զիմաց նորա . այլ բովանդակ անձն նորա և կերպարան յայտ առնէր զծանրաթախիծ տրտմութիւն սրտին : Սերձ 'ի գահոյս իւր բազմեցոյց զերկուսին ազատարարս իւր զարքայն Վանդալաց և զԲելիսար . իսկ Տիբեր առ նմա կայր յոտին :

Յետ երկար լուութեան՝ խօսել կալաւ և ասէ . Առ 'ի կատարել զպատուէր հօրն իմոյ և զիղձս իմ , աստէն 'ի սկզբան թագաւորութեան իմոյ կամիմ ընուլ զպարտ շնորհակալեաց : Դարձուցանեմ 'ի Բելիսար զամենայն առաջին պատիւս աւագութեան իւրոյ , և խնդրեմ 'ի նմանէ մատուցանել Տիբերի զաջ Մնաստասիայ : Արքայն Վանդալաց հրաժարեաց 'ի հրաւիրանաց իմոց , այլ դարձեալ վերստին հրաւիրեմ զնա 'ի նոյն : Ստուցանեմ դաստիարակին իմում՝ Նարբաղայ զառաջին բարձ ինքնակալութեանս . կոչեցի նա պատրիկ , և ժառանգեցէ երկիր նոր , փոխանակ զի եղև նա վարժապետ առաքինութեան մանկականի տիոցս , և զի հարսին արքայազին է փեսայ : Եւ յառեւ զայս՝ այնպէս խուովեալ յօգի իւր , մինչև հարկ լինել նմա լուել վայրիկ մի , և բնաւորապէս դարձուցանել զաչս 'ի բեմն վանդակապատ , թէպէտ և չէր հնար տեսանել զօր անդ . այլ գուշակէր զնոյն աղմուկ սրտի և անդ ներգործեալ :

Եւ ապա ոգի առեալ անդրէն և յառաջ մատուցեալ զբանսն , ասէ . Ահա և դողութեամբ բազմիմ 'ի գահս յայս , զոր երկոքին յիշատակաց արժանի նախորդք իմ փառաւորեցին . բայց Յուստինոս Ա , և Յուստինիանոս՝ որ ընկալաւ զիս յորդեգիրս , այնպիսի օգտակարս գործեցին , և մատեան օրինացն անմահ յանուն մեծին Յուստինիանոսի յորջորջեալ է գանձ այնպիսի պա-

տուական, զի քաջաբերիմ իշխել արժանապէս՝
զՏեա երթեալ շաւղաց զոր թողին ինքնակալքն
երկոքին վեհք: Աոցա վեմամսոս մտաց և հան
ճարոյ պէտք էին առ ՚ի բարեկարգել. իսկ ինձ
բաւական են հասարակաց միտք առ ՚ի հաստա-
տուն ունել զիմաստուն կարգս նոցա: Սակայն
կարօտիմ վստահութեան ազգին. և ո՞ ՚ի թա-
զաւորաց առանց այնորիկ իշխել կարացէ: Աոս-
տովանիմ զի զառանցանք և եռանդն մանկու-
թեան տացեն տեղի կասկածանաց. այլ փարա-
տեսցին այնոքիկ ՚ի սպառ ՚ի տալ իմում անշուշտ
առհաւատչեայ զուղիղ գիտաւորութեանս իմոյ:
Ա ինձ բարեկամ երաշխաւոր՝ որ ոչ ներեսցէ
մարդահաճութեան մնորեցուցանել զիս, զի և ոչ
այլազգ տիրապետեաց նա սրտի իմում և մտաց՝
բայց ազգելով ինձ զխիտ ճշմարտութիւն: Բա-
րեկամ անաչառ միշտ և անձնանուէր, որ ընդդէմ
ցասման իմոյ խիզախէ առ ՚ի զգաստացուցանել
զիս, որ զգերութիւն և զմահ յաչս դնէ առ ՚ի
փրկել զիս: Բարեկամ միշտ պատրաստ ՚ի պաշտ-
պանել զգնացս իմ առաջի այլոց, ՚ի պատրուակել
զօխալանս իմ, և ՚ի յանդիմանել զայնս ինձ ա-
ռանձին. որ յայսմ իսկ առաւօտու խրատերն
զիս. « Ս ՚ի համարել զանձն քան զայլս խոհե-
մագոյն, կարողագոյն քան զնոսա գորով »: Աչ
անձանօթ է ձեզ այրն այն, այլ մեծարոյ ամե-
նեցուն ձեզ, զարմանայք դուք ընդ աղնուական

1 Նորին իսկ Տիբերի են բանքս:

բնաւորութիւն նորա, ընդ իմաստութիւն գեր ՚ի
վերոյ հասակին, և ճանաչէք իսկ ՚ի նկարագրէս՝
զի Տիբեր է այն: Բք ՚ի վստահութիւն ձեր ընդ
գործս իմ և ընդ ինքնակալութիւն, զահակից
զերագոյն իշխանութեանս իմոյ առնեմ զնա, առ
՚ի վարել զայն անվրէպ ՚ի բարեկենդանութիւն
և եթ հասարակաց՝:

Այս բանք ինքնակալին ՚ի հիացումն ածին
զամենեւին. և Տիբեր պատանի հանձարեզ և
զգայուն սրտիւ, ոչ ինչ կեղծաւորեալ համես-
տօրէն հրաժեշտ՝ ընկալաւ զառաջարկութիւնն
աղնուական և անկեղծ. զի օգուտ հասարակաց
և օգուտ մտերմին իւրոյ ոչ ներէին նմա ընդ բանս
ինչ ածել. համարձակեալ եցոյց նա հիացումն,
ինդութիւն և շնորհակալիս միանգամայն: Աւ-
՚ի տարածանել Յուստինեայ զչիրկս իւր, զի-
մեաց անդր Տիբեր գրկախառնել. և համբուրե-
ցան զահակիցք երկոքին, և ՚ի հրձուանս հաս-
րակաց բազմեցան երկաքանչիւր ՚ի մի գահ:

1 Արդարեւ Յուստինոս գահակից իւր արար զՏիբեր:

Չողան ինքնակալքն երկոքին յեկեղեցի սըր-
բուհւոյն Սոփիայ , ուր կատարեցաւ կարգ թա-
գաղրութեան 'ի վերայ նոցա , և ապա դարձան
յարբուհիս՝ ուր մնային Յուստինեայ տիկինն Սո-
փիա և Վարբաղ , Բեղխար և Ղնաստասիա և
Գեղիմեր : Յուստինեայ իսկապէս կապեալ էր
ողին ընդ Սոփիայ , և գալարէին աղիք նորա 'ի
գնալն տեսանել զնա զայն վերջին նուազ : Սփո-
փէր միայն 'ի խորհելն՝ զի դէժ արժանի գտաւ
մեծարանաց նորա և շնորհապարտ իւր զնա կա-
ցոյց բարերարութեամբն իւրով առ եղբայր նորա
և առ այր . այլ յայնմ հետէ ոչ ակն ունէր սփո-
փանաց ինչ , բայց 'ի մտերմութենէն Տիբերի՝ որ
սիրելի ևս լեալ էր իւր յետ ոգեխառնութեանն
ընդ քեռ նորա Սոփիայ :

Իբրև եմուտ 'ի սենեակն՝ ուր ժողովեալ էին
հրաւիրեալքն առհասարակ , դարձոյց զաչս իւր 'ի
Սոփիա , և խռովեալ այլագունեցաւ : Յայնժամ
մատեաւ առ նա Վարբաղ և ասէ . Տէր արքայ ,
բարերարութիւնք քո և իմաստք վեհազնականք
հատուցին զամենայն ինսամս իմ . շքեղ է ինձ
մրցանակս , և չներէ ինձ այլում իմիք 'ի խնդիր
լինել մրցանակի : Վուիրելումս այսուհետև յա-
ռանձնութիւն՝ չիցեն պիտանի բարձ և պատիւ

զոր շնորհես . զեղեցկագոյն մեծարանաց անուն
զշիրմաւ իմով դրոշմեալ 'ի զարդ՝ լիցի դաստիա-
րակութեանս իմոյ քեզ : Բնդունել ընկալայ ըզ-
փոխարէնս . այլ ո՞ երբէք հաւատալ կարիցէ ,
տէր արքայ , զի և ինձ յաջողէ զիշու փոխարինին
հատուցանել : Բնդ այս բան խռովեալ Յուստի-
նեայ , այլ յայլմէ լեալ , և ընդմիջեալ սաստկա-
պէս զբանս նորա , ասէ . Եւ զի՞նչ ակնարկիցեն
բանքդ : Իսկ Վարբաղ յաւել . Եւ կարի իսկ
քաջ . մատիւր այս օրիորդ արքայազն , և ներեա
ինձ յայտնել զգաղանիս՝ զոր խոհեմութիւն և
զգուշութիւն ետուն քեզ ծածկել ցարդ յեղբո-
րէ իսկ քումմէ սիրելոյ : Տէր արքայ , պահա-
պան և եթ և բարեկամ եղէ ես ցարդ արքայա-
զինս օրիորդի , չէ նա հարսն իմ : Յայնժամ
դուեաց Յուստինոս . Դէպք սքանչելի . Սոփիա
անհարսնացեալ : Եւ Սոփիա ասէ . Տէր արքայ ,
մարթէր ինձ յայտնել քեզ զսէր իմ , եթէ էի
ես հարսնացեալ . պատճառեցայ զհարսանիս առ
'ի զերծուցանել զքեզ 'ի բռնադատութենէ
ինքնակալին . ես ինքն հնարեցայ զայս կեղծիս ,
որում Վարբաղ առ բարեկամութեան իւրում
ընդ իս հաւանեցաւ և եթ չհանել զայն 'ի
վեր՝ : Զյայտնեցի զայն եղբօր իմում , զի մի

1 « ՉՍոփիա և զՎարբաղ 'ի ներքս ամեմ զերկաքանչիւր կա-
տարեալ առաքինութեամբ , և երկոքին ևս ստեն . քանզի Սո-
փիա անձահաս անբասիր աննէ զՎարբաղ՝ յասելն , թէ նա առ
բարեկամութեան իւրում ընդ իս հաւանեցաւ և եթ չհանել
զկեղծիսն զայն 'ի վեր : Գործակից լինել ըտեթեամբ այնպի-

կրեսցի վիշտ և տազնապ'ի սրտորել լուռ թեամբն
 իսկ իւրով զտէր իւր և զբարեկամ: Եւ ապա իբ-
 րև ծանեայ զիղձս քո, տէր արքայ, ոչ փորձել
 զայն կամեցայ, քան լիցի, այլ հանդէս առնել
 մեծանձնութեան քո: Կրկնեալ անդրէն Յուստի-
 նեայ խանդակաթ հիացմամբ ասէ. Մզատ ու-
 րեմն ես. անհ, եղբայր իմ Տիբեր, նոր ինձ այս
 առհաւատչեայ բարօրութեան աշխարհիս: Ի
 մէջ երկոցունցդ բազմեալ 'ի գահոյս, մարթ իցէ
 ինձ զինել առաքինի և իմաստուն որպէս իցեմս
 բարեբաստիկ:

սում՝ ծանր ստութեան՝ հաւատար է ընդ ստեղծ. այն զի ան-
 հնար իսկ է առանց ստելլ 'ի բիւր դէպս ձեանալ փեսայ օ-
 բիորդի՝ որ չէ իւր հարսն: Պարտ էր Նարբաղայ, քանզի մե-
 ծարոյ էր յաչս օբիորդին, իրատել զնա յայնմ՝ 'ի դգաստու-
 թիւն, ցուցանել նմա զէր օրինաւոր կեղծիքն այն, և զի
 պարտաւելի էր մատնել այնպէս զճշմարտութիւն՝ խաբելով
 զտէր իւր և զեղբայր և զամենեկն, և զի գարձեալ 'ի կեղ-
 ծեղն փեսայ իւր զՆարբաղ հարկ էր յապարսնս անդ տալ նմա
 առ արտաքս զամենայն իրաւունս առն, որ անմարթ իսկ էր
 առանց դործելլ ընդդէմ պարկեշտութեան, թէպէտ և Նար-
 բաղ անցեալ էր հասակաւ: Եւ թող զայս, պարտ էր Նարբա-
 ղայ զմտաւ ածել զի 'ի յայտնել խաբէութեանն պատուհա-
 սեր զնոսա ինքնակալն յաքսոր կամ յայլ ինչ պատուհաս:
 Եւ նոյն ինքն, զոր այնչափ վրէժիկնդիր իշխանութեանն իւրոյ
 համարիմ 'ի վէպս յայս, ոչ դժկամակի բնաւ ընդ ինքնա-
 հրաման հարսնիսն, որ չէ ճշմարտատիպ և ոչ հնարաւոր:
 Յաւելում և զայս, զի թէ չկարէր իսկ Նարբաղ զգուշացուցա-
 նել զօբիորդն 'ի խօրական խորհրդոյն, չէր պարտ նմա զայն-
 պիսի անտեղի և պարտաւելի կեղծիան յանձն առնուլ: Ստացի
 'ի վերջոյս թ՛Ձ զվերջ վեպաստութեանս զսկիւրքն տեսարա-
 նին գու ինձառ. բայց յաւելում զի Մոփիա անդ յանցանէ և
 ընդդէմ զգաստութեան, սրտացուցանելով ընդ իւր զՅուստի-
 նոս՝ առանց յայտնելլ նմա զի չէ հարսնացեալ Նարբաղայ):

Յնծութեան ինքնակալին հրձուակից եղէն 'ի
 սրտէ ամենեքեան՝ որ անդն կային. և այս դէպք
 լուռն ետուն ըղձից Տիբերի, և աներկեան ա-
 րարին զՄեղիսար զերջանկութեան դստերն և
 զփեսային՝ զոր սիրէրն իբրև զօրդի: Խայտայր
 Նարբաղ ընդ բարեբաստութիւն և ընդ փառս
 սանիցն իւրոց. և ոչ Վեղիմեր կարէր կալ անկա-
 րեկիր ընդ տեսարանն խանդաղատելի վեհազին
 իւրումն մտերմի: Յետ սակաւ աւուրց եղէն հար-
 սանիք երկոցունց ինքնակալացն մեծաշուք և մե-
 ծահանդէս. և ժողովուրդն ցնծութեամբ լի օրհ-
 ներ զերկաքանչիւրոցն պսակ սիրով և գոհու-
 թեամբ: Յայնժամ Վեղիմեր անցեղլի 'ի խոր-
 հրդոցն իւրոց՝ հրաժեշտ խնդրեաց 'ի Մեղիսարայ
 զառնալ յանապատ իւր 'ի թիւբայիդ, անտես
 արարեալ զամենայն պարգևս ինքնակալին, և ա-
 ռեալ ընդ իւր զաւետարանն և եթ և զքնար:
 Իսկ Մեղիսար յընդունել զողջոյնն հրաժարա-
 կան՝ գրկախառնեալ ընդ նմա սիրալիւ խանդա-
 ղատանօք՝ ասէ. Եթ խաղաղութեամբ վեհազն
 առաքինի յաղէտս և 'ի սուրբ բարեկամութեան.
 աւճցեն զիս ավելք ընդ հուպ 'ի շիրիմ, այլ բերկ-
 րեսցի միշտ հոգի իմ անմահ 'ի շնորհակալիս.
 սաւառնեսցի նա յանապատի անդ զհերբամեծար
 այրիւդ քոյով, ուր գտի անդրէն զկենանս իմ և
 զյոյս, և կցորդեսցէ աղօթիցդ քոյ: Մ՛վ բարե-
 կամդ իմ, մի մոռանար զիս, յիշեսցես ինև զվսե-
 մազոյն մասն կենաց քոյ: Զև մեկնեալ յինէն

տեսեր զարգասիս երախտեացդ քոց • տալով ինձ
 ատել զվրէժինդրութիւն , փրկեցեր և զիս և
 զհայրենիս իմ 'ի կորստենէ • օրհնեալ լիցիս
 դու , պարտապան եմ յոյժ վեհ օրինակիդ և
 խրատուցդ քոց : Մուրք իմ յետինք անցցեն եր-
 ջանիկք 'ի խաղաղութեան , զի դուստր իմ դշխոյ
 բազմի 'ի դահոյս : Տացեն մեզ երկինք զի վեպք
 քո և իմ առ թողունս մեր աւանդեալ 'ի մէնջ
 ուսուցէ նոցա զընդհանուր օգուտ առաքինու-
 թեան , և տացէ նոցա լինել խելամուտ զի միշտ
 իսկ և ցանկ վարձատրեն երկինք արդարակորով
 զվսեմական բարերարութիւն և զանյիշաչար նը-
 լէրս սրտի՝ որ տնօրինեն զհասարակաց մեր բա-
 րօրութիւն :

21 MAY 2013

1
3

17971

17971

ՀՀ Ազգային գրադարան



NL0465068

